





10.

unter





*Quero*

III

CANONES,

# ET DECRETA

## SACROSANCTI

OECUMENICI ET GENERALIS  
CONCILII TRIDENTINI

SVB PAVLO III, IVLIO III, PIO IIII.

*Ad. Sem. et* PONTIFICIBVS MAX. *Victorij.*

*Puero*

*notum.*

CVM PRIVILEGIO.



MEDIOLANI

Apud Antonium Antonianum. 1564.

*Quero*  
*Ad. Sem. et*  
*Puero*  
*notum.*  
*Victorij.*  
*notum.*  
*Quero*  
*Ad. Sem. et*  
*Puero*  
*notum.*  
*Victorij.*  
*notum.*

1890

THE UNIVERSITY OF CHICAGO

LIBRARY

THE UNIVERSITY OF CHICAGO  
LIBRARY



RECEIVED  
JAN 10 1890





Q T V proprio &c. Cum nuper ad huius almae urbis ornamen-  
tum, & publicam studiosorum omnium utilitatem nostro iussu  
instituta in hac urbe fuerit officina librorum pulcherrimis cha-  
racteribus, & summa cum diligentia imprimendorum, praesertim  
sacrorum, ecclesiasticorumq. scriptorum, accersito Venetijs, &  
huic negotio praeposito dilecto filio Paulo Manutio, cum erudi-  
tissimo uiro, tum paternae in hac arte laudis, & industriae imitatore, providere,  
sicut equum est, uolentes, ne eius labor, & industria, quae fructum alijs allatura  
est, ipsi uni detrimentum afferat; quod euenturum esset, si libros eius diligentia,  
& cura non sine magnis sumptibus emendatos, & impressos, atque editos alii  
postea imprimerent, atque ederent, minore forsitan etiam adhibita diligentia, Vni  
uersis & singulis librorum impressoribus, & bibliopolis tam extra, quam intra  
Italiam, sub excommunicationis latae sententiae poena, nostrae uero, & sanctae Ro-  
manae Ecclesiae temporali ditioni immediate, mediateue subiectis, etiam sub poena  
quingentorum ducatorum auri fisco nostro applicandorum, & amissionis librorum  
ipso facto, etiam sine declaratione cuiusquam Iudicis incurrendis, inhibemus, &  
interdicimus, ne quis ullum ex libris aut ecclesiasticorum scriptorum, aut cuius-  
cumque generis, qui aut numquam ante editi fuerint, aut quos ipse Paulus pri-  
mus, sublatis mendis, correxerit, declararitue, seu corrigendos, declarandosue  
curarit, siue illi Graeci, Latini, linguae Italicae communi, siue e Graeco sermone  
in Latinum Italicumue conuersi, imprimere, uel ab alijs impressum uendere, aut  
uenalem proponere, & habere audeat per annos quinque, ab eo tempore, quo Pau-  
lus eum ediderit, computandos: Mandantes dilectis filiis nostris Camerario, &  
Vicario Urbis, necnon Gubernatori, Senatori, Camerae Apostolicae caussarum  
Auditori, & alijs Urbis ordinarijs Iudicibus, Legatisq. Vicelegatis, Gubernato-  
ribus, & Potestatibus terrarum sanctae Romanae Ecclesiae, Baricellisq., & exe-  
cutoribus earundem, ac uenerabilibus fratribus singularum extra terras prae-  
dictas ciuitatum Archiepiscopis, & Episcopis, eorumq. Vicarijs, ut quoties ipsius  
Pauli nomine requisiti fuerint, ei efficaciae defensionis praesidio assistentes praemi-  
ssa omnia, & singula contra inobedientes, & contraueniens ad executionem cen-  
surarum, & poenarum praedictarum, omni, & quacumque appellatione remota,  
procedant, & quilibet eorum procedat, innocato etiam, si opus fuerit, auxilio  
brachii secularis. Quia uero difficile esset hanc nostram cedulam originalem ad  
singula loca deferri: Volumus quod de eius tenore, quod ad prohibitionem no-  
stram huiusmodi attinet, credi debeat exemplis in ipsis libris imprimendis, seu  
etiam non inserto tenore narratis; ita quod sola narratio, seu enuntiatio in ipsis  
libris, ut moris est, facienda, ad effectum, ut contra inobedientes, ut praefertur,  
procedi possit, sufficiat, Et maioris efficaciae causa uolumus, ut originalis ipsa ce-

dula per Cursores nostros hic in Vrbe in locis consuetis, ut moris est, affigatur, & publicetur: ne quisquam ignorantiam eius ualeat allegare, Decernentes irritum & inane quidquid secus fieri contigerit: Non obstantibus constitutionibus, & ordinationibus Apostolicis, priuilegijs quoque, & indultis quibuscunque alijs super imprimendorum librorum facultate forsan concessis, & innouatis, cæterisque. in contrarium facientibus quibuscunque.

Placet motu proprio.

**A**NDREAS RUBERTUS. I. V. Doctor, Illustriss. et Reueren. D. D. Caroli præbyteri Car. Borromæi nuncupati, sanctæ Mediolanensis Ecclesiæ perpetui administratoris Vicarius generalis. Cum in formulis Sessionum œcumenici concilij, & Canonum Triden. impressis Romæ per egregium Paulum Manutium D. Aldi filium uideatur inhiberi quibuscunque impressoribus ne id uolunt inprimant sub pœnis in diplomate edito superinde contentis; Nihilominus ut dicta formula omnibus transire possint ad notitiam, et ex eis Christiani præcepta seruare; mandasset Reuerendissimus & Illustriss. D. D. Carolus Borromæus superinde deputatus, ut Mediolani per aliquem egregium impressorem imprimerentur, nobisque in litteris inscriptis Magnifico Iurisperito D. Iulio Albonesio eius commissario demandetur ut licentiam imprimendi concedamus, iccirco in uerbo ueritatis attestamur ipsas litteras dicti Reuerendiss. D. uidisse, et ad executionem earum mandasse egregio D. Antonio Antoniano ut eas imprimere faciat & uenundare, in quorum testimonium presentes fieri iussimus, quas nostra manu subscripsimus. Dat. Mediolani in Pallatio Archiepiscopali die lune. 24. mensis Aprilis. 1564.

And. Rubertus Vic.

Bart. Parpalionus.





V I de catholica fide recte sentiunt, fatentur omnes utilissimum fuisse humano generi, atque adeo salutare Concilium Tridentinum, quod eximia summi Dei erga nos clementia Pij IIII. Pont. Max. sapientia singulari, mirifica Legatorum Cardinalium, qui praesuerunt, uigilantia, maximo etiam Imperatoris, Regum, Rerumpublicarum, Principum, & Patrum, qui interfuere, consensu, ita confectum absolutumque uidemus, ut exitiosam illam animorum pestem, quae quotidie serpebat latius, nunc quidem aliqua iam ex parte compressam esse, breui autem, ope diuina, cunctis populis & nationibus ad communem salutem consentientibus, prorsus tolli posse omnes confidant. quo merito gratiae sunt habendae primum immortalis Deo maximae, unde bona manant omnia, deinde Pio IIII, qui hoc spectauit unum, & in hoc potissimum ab illo primum die, quo summam inter omnes homines potestatem, delatam diuinitus, accepit, fixit curas, & cogitationes omnes, ut communibus malis generali Concilio mederetur: quo saepe remedio Christiana Resp. erumpentibus uitijis occurrit, & impendentes ex dissensione, atque discordia calamitates euitauit. Hoc beneficium disseminari quamprimum, ac distribui per orbem terrarum, ad propagandam ueritatem, & diuulgandam Ecclesiae Catholicae sententiam, necesse est. itaque nunc eduntur puri canones, & ipsa Decreta, cum appendice nulla, tantum ut ea cognoscantur quae primum sacrosancta Synodus in spiritu sancto legitime congregata, deinde Pontifex ipse confirmando seruari pariter ab omnibus in perpetuum iussit. nam reliqua Concilii acta, diligentissime per scribas publicos in ipso Concilio excepta, & litteris mandata, mox ita emittentur, ut quaecunque res in controuersiam uenerit, quaecunque uel sententia dicta, uel oratio habita sit, omnia denique agitata, quae sita, deliberata, suo quidque loco distincte, & abundanter exponantur. Interim accipe summam rei lector optime, quae ad salutem uehementer pertinet, uniuersam uero Tridentini Concilii, trium pontificum distinctam temporibus, historiam, eodem, cuius ad gloriam haec omnia diriguntur, iuuante Deo prope diem expecta. nullam enim tanti negotii partem ignorare, non modo iucundum est, uerum ad multa etiam utile, & accommodatum, quod aliorum Conciliorum lectio declarat. Romae. M. D. LXIV.





## INDICTIONIS SACRI

OECUMENICI ET GENERALIS

CONCILII TRIDENTINI.

SVB PAVLO III. PONT. MAX.



PAVLVS Episcopus seruus seruorum Dei, ad futuram rei memoriam. Initio nostri huius Pontificatus, quem non ob merita nostra, sed propter suam magnam bonitatem Dei omnipotentis prouidentia nobis commisit, cernentes iam tum in quas perturbationes temporum, quotq. incommoda rerum fere omnium nostra Pastoralis sollicitudo & uigilia esset uocata, cupiebamus quidem mederi Christianæ Reip. malis, quibus illa iamdudum uexata, & prope modum oppressa est, sed ipsi etiam, ut homines circumdati infirmitate, ad tantum onus tollendum impares uires nostras esse sentiebamus. nam cum pace opus esse intelligeremus ad liberandam, & conseruandam a plurimis impendentibus periculis Remp. omnia inuenimus odijs et dissensionibus plena, dissentionibus præsertim Principibus ijs inter se, quibus summa rerum pene omnis a Deo permessa sit. Cum unum Ouile, & unum Pastorem dominici esse gregis, ad integritatem Christianæ religionis, & ad celestium bonorū spem in nobis confirmandam necessarium duceremus: schismatis, disidijs, hæresibus erat Christiani nominis diuulsa iam pene, & lacerata unitas. Cum tutam, atque munitam ab infidelium armis, atque insidijs Remp. optaremus; nostris erratis, nostraq. cunctorum culpa, Dei uidelicet ira peccatis nostris imminente, Rhodus fuerat amissa, Hungaria uexata, conceptum, & meditatam contra Italiam, contraq. Austriam, & Illyricum, terra mariq. bellum: cum impius & immitis hostis noster Turca nullo tempore requiesceret; nostrorumq. inter se odia, & dissensiones, suam bene gerendæ rei occasionem duceret. Igitur, ut dicebamus, in tanta hæresum, dissensionum, bellorumq. tempestate, tantisq. excitatis fluctibus, cum essemus ad moderandam & gubernandam Petri nauiculam uocati, nec uiribus ipsi nostris satis fideremus, primum coniecimus in Domino cogitatus nostros, ut ipse nos nutrirer, animumq. nostrum firmitate, & robore, mentem consilio, sapientiaq. instrueret. Deinde animo repetentes, maiores nostros, sapientia admirabili, & sanctitate præditos, sæpe in summis Christianæ Reip. periculis remedium optimum, atque opportunissimum, œcumenica Concilia, & Episcoporum generales conuentus adhibuisse ipsi quoque animum ad generale habendum Concilium adiecimus; exquisitisq. Principum sententijs, quorum nobis uidebatur utilis in primis, & opportuna ad hanc rem esse consensus; cū eos tunc

non alienos ab hoc tam sancto opere inuenissemus, æcumenicum Concilium, & generalem eorum Episcoporum, aliorumq. Patrum, ad quos pertineret, conuentum in ciuitate Mantuæ indiximus, anno incarnationis Domini, sicut litteris, & monumentis nostris testatum est, millesimo quingentesimo trigesimo septimo, Pontificatus nostri tertio, ad x Kal. Iun. inchoandum; spem prope certam habentes fore, ut, cum illic in nomine Domini essemus congregati, ipse, sicut promisit, Dominus in medio nostrum affuturus, & bonitate, ac misericordia sua omnes temporum procellas, omniaq. pericula Spiritu oris sui facile depulsurus esset. Sed, ut semper insidiatur pijs actionibus humani generis hostis, primum contra omnem spem, & expectationem nostram denegata fuit nobis Mantuana ciuitas, nisi aliquas condiciones subiremus, ab institutis maiorum nostrorum, & condicione temporum, nostraq. ac huius sanctæ Sedis, ac nominis Ecclesiastici dignitate, libertateq. prorsus alienas, quas in alijs nostris litteris expressimus. Quapropter alium inuenire locum, alienamq. deligere ciuitatem necesse habuimus: quæ cum non statim nobis occurreret idonea, & apta; ad sequentes Kal. Nou. prorogare Concilij celebrationem fuimus coacti. Interim sauius, & perpetuus hostis noster Turca ingenti classe Italiam adortus, aliquot oppida in littoribus Apuliæ cepit, uastauit, diripuit, pradas hominum abegit: nos in maximo timore, & periculo omnium, muniendis littoribus nostris, finitimisq. auxilio iuuandis fuimus occupati: nec tamen interea destitimus consulere, & hortari Christianos Principes, ut, de idoneo ad habendum Concilium loco quid sentirent, nobis exponerent: quorum cum essent incertæ, uariæq. sententiæ, tempusq. diutius, quam erat opus, uideretur extrahi; nos optimo animo, atque, ut arbitramur, etiam consilio Vincentiam elegimus, urbem copiosam, & Venetorum, qui eam nobis concedebant, uirtute, auctoritate, potentia cum aditum patentem, tum stationem omnibus liberam, atque tutam in primis in se habentem. sed cum iam tempus longius progressum esset; nouaq. urbis electionem omnibus significari conueniret; iamq. Kalendæ Nou. appetentes facultatem huius diuulgationis excluderent; hyemsq. esset propinqua; rursus altera prorogatione tempus Concilij differre in proximum sequens uer, Mayq. futuras Kalendas, compulsi fuimus. Quare firmiter constituta, atque decreta, cum & nos ipsos, & cætera omnia ad eum bene agendum, Deo iuuante, celebrandumq. conuentum pararemus, plurimum reputantes interesse cum celebrationis Concilij, tum uniuersæ Christianæ Reip. Christianos Principes pace inter se, & concordia consentire; carissimos in Christo filios nostros, Carolum Romanorum Imperatorem, semper augustum, & Christianissimum Regem Franciscum, duo præcipua Christiani nominis firmamenta, atque subsidia, orare, atque obsecrare institimus, ut ad colloquium inter se, & nobiscum una conuenirent; quorum quidem apud utrumque litteris, Nuncijs, & a latere nostro missis, ex uenerabilium fratrum nostrorum numero Legatis, sæpius egeramus, ut ex similitudine, & disidijs ambo in unum fœdus, et



•  
*piam amicitiam uellent conuenire, labentibusq. succurrere Christianis rebus: quarum seruandarum cum esset illis potestas ab Deo præcipue tributa, si id non agerent, & ad commune Christianorum bonum sua consilia non dirigerent, acris & seueræ ratio eidem Deo ab ipsis reddenda esset. Qui aliquando precibus nostris annuentes, Nicæam se contulere. quo nos quoque longum iter, & senili ætati nostræ uehementer contrarium, Dei & pacis conciliandæ causa suscepimus: neque prætermisimus interea, cum tempus Concilij præstitutum, Kalendæ uidelicet Maiæ appropinquarent, tres Legatos summæ uirtutis, ac auctoritatis, a latere nostro, de numero eorundem fratrum nostrorum, S. R. E. Cardinalium, Vincentiam mittere, qui initium Concilij facerent, Prælatosq. undique uenientes exciperent, & ea, quæ iudicaret esse opus, agerent & tractarent, quoad nos ab itinere, & negotio pacis reuersi, omnia accuratius dirigere possemus. Interim uero in illud sanctum opus, maximeq. necessarium, translationem uidelicet pacis inter Principes, incubuimus, & quidem omni animi studio, omni pietate, ac diligentia. Testis est nobis Deus, cuius freti clementia nosmet ipsos itineris, & uitæ periculo exposuimus. Nostra testis conscientia, quæ nihil habet in hac re quidem, in quo nos arguat aut prætermisissæ, aut non quæsitæ ad pacificandum occasionis. Principes ipsi testes, quos iam sæpe, tamq. uehementer nuncijs, litteris, Legatis, monitis, hortatu, precibusq. omnibus obsecraueramus, ut similtates deponerent, ut societatem coirent, ut Christianæ Reip. in maximum, & propinquum iam adductæ discrimen, communibus studijs, & subsidijs opitularentur. Iam uero testes illæ uigilia atque curæ, illi diurni, nocturniq. animi nostri labores, graues sollicitudines, quas ob hanc rem & causam plurimas iam suscepimus: nec tamen ad optatum exitum nostra consilia, & acta adhuc perducta sunt. ita enim uisum domino Deo est: quem tamen non desperamus aliquando optata nostra benignius respecturum. ipsi quidem, quantum in nobis fuit, nihil, quod esset nostro Pastoralis officio debitum, in hac re omisimus. Quod si qui sunt, qui actiones pacis nostras in aliam interpretentur partem: dolemus quidem; sed tamen in dolore nostro gratias Deo omnipotenti agimus, qui ad exemplum, & doctrinam patientiæ nostræ suos uoluit Apostolos haberi dignos, qui pro nomine Iesu, qui pax nostra est, contumeliam paterentur. Verum in illo congressu, colloquioq. nostro, quod Nicææ habitum est, etsi, peccatis nostris impredientibus, inter duos Principes uera, & perpetua pax non potuit confici, induciæ tamen decennales factæ sunt: quarum opportunitate nos sperantes & sacrum Concilium cōmodius celebratum iri, & deinde ex Concilij auctoritate perfici posse pacem; apud Principes institimus, ut & ipsi uenirent ad Concilium, & Prælatos suos præsentés ducerent, absentesq. accerferent. Qui cū de utroque se excusassent, quod & ipsis redire in regna sua tum necesse esset, & Prælatos, quos secum habuissent, itinere, atque impendijs fessos, atque exhaustos recreari, & refici oporteret, nos hortati sunt, ut aliam quoque prorogationem temporis habendi Con-*

cilij decerneremus. Qua in re concedenda cum essemus aliquantum difficiles, litteras interim a Legatis nostris, qui Vincentiæ erant, accepimus, transactio-  
iam, & longius præterito Concilij ineundi die, unum uix, aut alterum ex exter-  
nis nationibus Prælatus Vincentiam se contulisse. Quo nuncio accepto, cum  
uideremus eo tempore nulla iam ratione haberi Concilium posse, ipsis Principi-  
bus concessimus, ut differretur tempus agendi Concilii usque ad sanctum Pa-  
schæ, diemq. festum future Dominicæ resurrectionis. Cuius nostri præcepti, ex-  
pectationisq. decretæ litteræ Genuæ, anno incarnationis Domini M. D. XXXVIII.  
4. Kal. Iul. factæ publicatæq. sunt. atq. hanc dilationem eo propensius fecimus,  
quod pollicitus est nobis uterque Princeps Legatos suos Romam ad nos se missu-  
rum, ut ea quæ ad perfectionem pacis reliqua essent, neque Nicææ ob breuita-  
tem temporis potuerant omnia confici, Romæ commodius coram nobis ageren-  
tur, & tractarentur. & ob hanc rationem etiam a nobis ambo petierunt, ut hæc  
pacificationis procuratio Concilij celebrationi præponeretur, cum ipsum Con-  
cilium, pace facta, multo deinde utilius, & salutaris Christianæ Reip. futu-  
rum esset. Semper enim hæc pacis spes nobis iniecta Principum nos uoluntatibus  
assentiri hortata est. quam spem uehementer auxit post discessum a Nicæa no-  
strum ipsorum duorum Principum inter se beneuola amicaq. congressio: que ma-  
xima nostra cum lætitia a nobis intellecta, confirmauit nos in bona spe, ut tan-  
dem aliquando nostras preces apud Deum exauditas, & uota pacis accepta esse  
crederemus. Hanc igitur pacis conclusionem cum & expeteremus, & urgere-  
mus; nec solum duobus ante dictis Principibus, uerum etiam carissimo in Chri-  
sto filio nostro, Ferdinando Regi Romanorum uideretur, actionem Concilii,  
nisi pace facta suscipi non oportere; cunctiq. a nobis per litteras suosq. Oratores  
contenderent, ut alias rursus temporis prorogationes faceremus: præcipue au-  
tem instaret Serenissimus Cæsar, promississe se demonstrans iis, qui a catholica  
unitate dissentiant, se operam suam apud nos interpositurum, ut aliqua con-  
cordiæ ratio iniretur; quod ante suam in Germaniam professionem apte non  
posset fieri: Nos eadem semper spe pacis, & tantorum Principum uoluntate  
adducti, cum præsertim cerneremus, ne ad dictum quidem Resurrectionis festum  
alios prælatos Vincentiam conuenisse, prorogationis nomen iam fugientes,  
quod tam sæpe frustra fuerat repetitum, celebrationem generalis Concilii ad no-  
strum & sedis Apostolicæ beneplacitum suspendere maluimus: itaq. fecimus, &  
de suspensione huiusmodi litteras ad singulos supradictorum Principum decima  
die Iun. M. D. XXXIX. dedimus, sicut ex illis perspicue potest intelligi. Ea ita-  
que suspensione necessario per nos facta, dum tempus illud magis idoneum a no-  
bis, pacisq. aliqua conclusio expectatur; quæ & dignitatem postea frequenti-  
amq. Concilio, & Christianæ Reip. præsentio rem salutem erat allatura; Chri-  
stianæ interea res in deterius quotidie prolapsæ sunt Hungaris, Rege ipsorum  
mortuo, Turcam uocantibus; Ferdinando Rege bellum in eos mouente; Bel-



gis ad defectionem a Cesare ex parte quadam incitatis : cuius defectionis comminanda causa per Galliam amicissime, & cum Rege Christianissimo concordissime, magno beneuolæ inter eos uoluntatis indicio, transiens in Belgas Serenissimus Caesar, & illinc deinde in Germaniam profectus, conuentus Germaniæ Principum, & ciuitatum tractandæ eius, quam dixerat, concordiæ causa habere cepit. Sed cum, spe pacis iam deficiente, ille quoque modus curandæ in conuentibus, tractandæq. concordiæ ad maiores potius discordias concitandas aptus esse uideretur; induciti fuimus ad pristinum Concilij generalis remedium, idq. per Legatos nostros, S. R. E. Cardinales ipsi Cesari obtulimus, quod etiã postremo, & præcipue in Ratissponensi conuentu egimus; cum illic dilectus filius noster, Gaspar tit. S. Prædix, Cardinalis Contarenus, summa doctrina, & integritate, Legatum nostrum ageret. nam cum, id quod ne accideret, antea ueriti eramus, ex eius conuentus sententia peteretur a nobis, ut ab Ecclesia dissentientium quosdam articulos, tolerandos declararemus, quoad per æcumenicum Concilium illi excuterentur, & deciderentur; idq. nobis, ut concederemus, neque Christiana & Catholica ueritas, neque nostra, & Sedis Apostolicæ dignitas permetteret; palam potius Concilium, ut quamprimũ fieret, proponi mandauimus. neque uero in alia umquam sententia, & uoluntate fuimus, quam ut primo quoque tempore Concilium æcumenicum, & generale congregaretur. sperabamus enim ex eo & pacem populo Christiano, & Christianæ religionis integritatem posse recuperari: uerumtamen id cum bona gratia, & uoluntate Christianorum Principum habere uolebamus. Quam uoluntatem dum expectamus; dum obseruamus tempus absconditum, tempus beneplaciti tui, o Deus; aliquando tandem decernere compulsi sumus, omne esse tempus beneplacitum Deo, cum de rebus sanctis, & ad Christianam Remp. pertinentibus consilia ineuntur. Quapropter uidentes, maximo quidem animi nostri cum dolore, rem Christianam quotidie in peius ruere, Hungaria a Turcis oppressa, Germanis periclitantibus, cæteris metu, maioreq. afflictis, nullius iam Principis consensum expectare, sed tantum Dei omnipotentis uoluntatem, & Christianæ Reip. utilitatem attendere constituimus. Itaque cum Vincentiam amplius non haberemus, cuperemusk. cum uniuersæ Christianorum saluti, tum Germanicæ nationis incommodis in eligendo per nos noui Concilij habendi loco consulere, aliquotq. locis propositis ipsam Tridentinam ciuitatem ab ipsis desiderari uideremus: nos etsi in citeriore Italia commodius omnia tractari posse iudicabamus, ad eorum tamen postulationes nostram uoluntatem paterna caritate defleximus. itaque Tridentinum ciuitatem elegimus, qua in ciuitate æcumenicum Concilium ad proxime uenturas Kalendas Nou. haberetur, idoneum locum illum statuentes, quo ex Germania quidem, alijsq. Germaniæ finitimis nationibus facillime, ex Gallia, Hispania, cæterisq. prouincijs remotioribus non difficiliter Episcopi, & Prælati conuenire possent. Dies autem Concilij ea a nobis spectata est, quæ spacium in se haberet et publicandi per Chri-

*stianae nationes nostri huius Decreti, & facultatis omnibus Prælati ad uenien-*  
*dum tribuendæ. Quo minus autem annum tempus præfiniremus mutando Con-*  
*cilij loco, sicut quibusdam constitutionibus alias præscriptum est, ea res fuit in*  
*causa, quod longius extrahi spem sanandæ aliqua in parte Christianæ Reip. quæ*  
*tot detrimentis & calamitatibus affecta est, nolimus: & tamen uidemus tem-*  
*pore; agnoscimus difficultates; quid sperari possit ex consilijs nostris, incertum*  
*esse intelligimus. sed quia scriptum est: Reuela Domino uiam tuam, & spera in*  
*eo, & ipse faciet: magis Dei clementiæ, & misericordiæ confidere, quam nostræ*  
*imbecillitati diffidere, constituimus. sæpe enim fit in bonis operibus incipiendis,*  
*ut quod humana consilia non ualent, diuina uirtus efficiat. Huius igitur ipsius Dei*  
*omnipotentis Patris, & filij & spiritus sancti, ac beatorum eius Apostolo-*  
*rum, Petri, & Pauli auctoritate, qua nos quoque in terris fungimur, freti,*  
*atque subnixi, de uenerabilium item fratrum nostrorum. S. R. E. Cardinalium*  
*consilio, & assensu sublata, amotaq. suspensione, de qua supra cõmemoratum*  
*est, quam per præsentem tollimus, & amouemus, sacrum œcumenicum & ge-*  
*nerale Concilium in ciuitate Tridentina, loco commodo, & libero, omnibusq. na-*  
*tionibus opportuno, ad Kalendas proximas Nou. anni præsentis ab incarnatio-*  
*ne Domini M. D. X L I I. incipiendum, prosequendum, & eodem Domino ad-*  
*iuuante, ad ipsius gloriam, atque laudem, & Christiani totius populi salutem*  
*absoluendum, perficiendumq. indicimus, annunciamus, conuocamus, statui-*  
*mus, atque decernimus; omnes omnibus ex locis tam uenerabiles fratres no-*  
*stros Patriarchas, Archiepiscopos, Episcopos, & dilectos filios Abbates, quam*  
*alios quoscumque, quibus iure, aut priuilegio in Concilijs generalibus residen-*  
*di, & sententijs in eis dicendi permissa potestas est, requirentes, hortantes, ad-*  
*monentes, ac nihilominus eis in uiuendi iurandi, quod nobis, & huic sanctæ Sedi*  
*præstiterunt, ac sanctæ uirtute obedientiæ, alijsq. sub pœnis iure aut consuetudi-*  
*ne in celebrationibus Conciliorum aduersus non accedentes ferri, & proponi so-*  
*litis, mandantes, arcteq. præcipientes, ut ipsimet, nisi forte iusto detineantur im-*  
*pedimento, de qua tamen fidem facere compellantur, aut certe per suos legiti-*  
*mos procuratores, & nuncios sacro huic Concilio omnino adesse, & interesse de-*  
*beant. Supra autem dictos, Imperatorem, Regemq. Christianissimum, necnon*  
*ceteros Reges, Duces, Principes, quorum præsentia, si alias umquam, hoc qui-*  
*dem tempore maxime sanctissimæ Christi fidei, et Christianorum omnium futura*  
*est salutaris, rogantes, atque obsecrantes per uiscera misericordiæ Dei, & Domi-*  
*ni nostri Iesu Christi, cuius fidei ueritas, & religio & intus & extra grauiter*  
*iam oppugnatur, ut si saluam uolunt Christianam esse Remp. si se Domino ob-*  
*stricti, & obligatos pro maximis illius erga se beneficijs intelligunt, ne dese-*  
*rant ipsius Dei causam, & negotium; ipsimet ad sacri Concilij celebrationem ue-*  
*niant, in quo ipsorum pietas, atque uirtus communi utilitati, salutiq. suæ, ac cæ-*  
*terorum, & temporali, & æternæ plurimū est profutura, sin autē, id quod nol-*  
*lemus,*



lemus, accedere ipsi non poterunt; at graues saltem uiros legatos cum auctoritate mittant, qui personam Principis sui quisque & cum prudentia, & cum dignitate possint in Concilio referre. In primis uero ut id curent, quod ipsis facillimum est, ut ex suis cuiusque regnis, ac prouinciis Episcopi, & Prælati sine tergiversatione, & mora ad Concilium profisciscantur. quod maxime quidem a Prælati, Principibusq. Germania Deum ipsum, atque nos impetrare æquum est, ut cum eorum præcipue causa, ipsisq. cupientibus Concilium indictum sit, & in ea ciuitate indictum, quæ ab eis est desiderata, non grauentur ipsi sua cunctorum præsentia id celebrare, & ornare; quo melius, atque commodius, quæ ad integritatem, & ueritatem Christianæ religionis, quæ ad bonorum morum reductionem emendationemq. malorum, quæ ad Christianorum inter se, tam Principum, quæ populorum pacem, unitatem, concordiamq. pertineant, & quæ ad repellendos impetus Barbarorum & infidelium, quibus illi uniuersam Christianitatem obruere moliuntur, sint necessaria, Deo nostris consultationibus præeunte, & lumen sapientiæ suæ, ac ueritatis mentibus nostris præferente, agi in dicto sacro æcumenico concilio, & conspirante omnium caritate consuli, tractari, confici, ad optatosq. exitus deduci quamprimum, & quamoptime possint. Atque ut nostræ hæ litteræ, & quæ in eis continentur, ad notitiam cunctorum, quorum oportet, perueniant, ne ne quis illorum ignorantia excusationem prætendat, cum præsertim etiam non ad omnes eos, quibus nominatim illæ essent intimandæ, tutus forsitan pateat accessus, uolumus, & mandamus, ut in Basilica Vaticana Principis Apostolorum, & Ecclesia Lateranensi, cum ibi multitudo populi ad audiendam rem diuinam congregari solita est, palam clara uoce per curiæ nostræ cursores, aut notarios aliquos publicos legantur, lectaq. in ualuis dictarum Ecclesiarum, itemq. Cancellariæ Apostolicæ portis, & Campi Floræ solito loco affigantur, ubi ad lectionem, & notitiam cunctorum aliquandiu expositæ pendeant: cumq. inde amoueantur, earum nihilominus exempla in eisdem locis remaneant affixa. Nos enim per lectionem, publicationem, affixionemq. huiusmodi, omnes, & quoscunque, quos antedictæ nostræ comprehendunt, post spatium duorum mensium a die litterarum publicationis & affixionis, ita uolumus obligatos esse, atque astrictos, ac si ipsismet illæ coram lectæ, & intimatæ essent, transumptis quidem earum, quæ manu publici notarij scripta, aut subscripta, & sigillo personæ alicuius ecclesiasticæ, in dignitate constitutæ, munita fuerint, ut fides certa, & indubitata habeatur, mandamus, atque decernimus. Nulli ergo omnino hominum liceat hanc paginam nostræ indictionis, annunciationis, conuocationis, statuti, decreti, mandati, præcepti, & obsecrationis infringere, uel ei ausu temerario contra ire. Si quis autem hoc attentare præsumpserit, indignationem omnipotentis Dei, ac beatorum, Petri, & Pauli, Apostolorum eius se nouerit incursum. Datum Romæ, apud S. Petrum, Anno incarnationis Dominicæ. M. D. XLII,

II. Kal. Iun. anno. V I I I.

Blosius.

Hier. Dand.

SESSIO PRIMA  
SACROSANCTI OECVMENICI,  
ET GENERALIS CONCILII  
TRIDENTINI,

SVB PAVLO III, PONT. MAX.  
CELEBRATA DIE XIII MENSIS DEC.

ANNO DOMINI. M. D. XLV.

*Decretum de inchoando Concilio.*



Placet ne nobis, ad laudem & gloriam sanctæ & indiuiduæ Trinitatis, Patris, & Filij, & Spiritus sancti, ad incrementum, & exaltationem fidei & religionis Christianæ, ad extirpationem hæresum, ad pacem, & unionem Ecclesiæ, ad reformationem Cleri, & populi Christiani, ad depressionem, & extinctionem hostium Christiani nominis, decernere, & declarare, sacrum Tridentinum & generale Concilium incipere, & inceptum esse?  
Responderunt, Placet.

*Indictio futuræ Sessionis.*



Et cum proxima sit celebritas natiuitatis Domini nostri Iesu Christi, & subsequantur aliæ festiuitates labentis & incipientis anni; placet ne nobis primam futuram Sessionem habendam esse die Iouis post Epiphaniam, quæ erit septima mensis Ian., anno Domini, M. D. XLV.  
Responderunt, Placet.



# SESSIO SECVNDA CELEBRATA DIE VII

MENSIS IANVARIII.

M. D. XLVI.

Decretum de modo uiuendi, & aliis in Concilio seruandis.



ACRO SANCTA Tridentina Synodus, in Spiritu sancto legitime congregata, in ea praesidentibus tribus Apostolicae Sedis legatis, agnoscens cum beato Iacobo Apostolo, quod omne datum optimum, & omne donum perfectum desursum est, descendens a patre luminum, qui ijs, qui postulant a se sapientiam, dat omnibus affluenter, & non impropere eis; & simul sciens, quod initium sapientiae est timor Domini; statuit, & decreuit, omnes, & singulos Christi fideles, in ciuitate Tridentina congregatos, exhortandos esse, prout exhortatur, ut se a malis, & peccatis hactenus commissis emendare ac de cetero in timore Domini ambulare, & desideria carnis non perficere, orationibus instare, sapius confiteri, Eucharistiae sacramentum sumere, ecclesias frequentare, praecepta denique Dominica, quantum quisque poterit, adimplere, necnon quotidie pro pace Principum Christianorum, & unitate Ecclesiae priuatim orare uelint: Episcopos uero, & quoscunque alios in ordine sacerdotali constitutos aecumenicum Concilium in ea ciuitate celebrantes, ut assidue in Dei laudibus incumbere, hostias, laudes, & preces offerre, sacrificium Missae quolibet saltem die Dominico, in quo Deus lucem condidit, & a mortuis resurrexit, ac Spiritum sanctum in discipulos infudit, peragere satagant, facientes sicut idem Spiritus sanctus per Apostolum praecipit, obsecrationes, orationes, postulationes, gratiarum actiones, pro sanctissimo Domino nostro Papa, pro Imperatore, pro Regibus, & ceteris qui in sublimitate constituti sunt, & pro omnibus hominibus: ut quietam, & tranquillam uitam agamus, pace fruamur, & fidei incrementum uideamus. Praeterea hortatur, ut ieiunent saltem singulis sextis feriis in memoriam passionis domini, & eleemosynas pauperibus erogent: in ecclesia autem cathedrali singulis quintis feriis celebretur Missa de Spiritu sancto, cum lataniis, & aliis orationibus ad hoc institutis: in aliis uero ecclesiis eadem die dicantur ad minus latania, & orationes: tempore autem, quo sacra peraguntur, colloquutiones, & confabulationes non fiant, sed ore, & animo, celebranti assistatur. Et quoniam oportet Episcopos esse irreprehensibiles, sobrios, castos, domui suae bene praepositos, hortatur etiam, ut ante omnia quolibet in mensa seruet sobrietatem, moderatio-

nemq. ciborum. Deinde cum in eo loco sæpe otiosi sermones oriri soleant, ut in ipsorum Episcoporum mensis diuinarum scripturarum lectio admisceatur: Familiares uero suos unusquisque instruat, & erudiat, ne sint rixosi, uinosi, impudici, cupidi, elati, blasphemii, & uoluptatum amatores; uitia demum fugiant, & uirtutes amplectantur; & in uestitu, & cultu, & omnibus actibus honestatem præse ferant, sicut decet ministros ministrorum Dei. Adhæc cum huius sacrosancti Concilij præcipua cura, sollicitudo, & intentio sit, ut, propulsatis hæresum tenebris, quæ per tot annos operuerunt terram, Catholicæ ueritatis lux, Iesu Christo, qui uera lux est, annuente, candor puritasq. resulgeat; & ea, quæ reformatione egent, reformentur: ipsa Synodus hortatur omnes Catholicos hic congregatos, & congregandos, atque eos præsertim, qui sacrarum litterarum peritiam habent, ut sedula meditatione diligenter secum ipsi cogitent, quibus potissimum uijs, & modis ipsius Synodi intentio dirigi, & optatum effectum sortiri possit, quo maturius, & consultius damnari damnanda, & probanda probari queant: ut per totum orbem omnes uno ore, & eadem fidei confessione glorificent Deum et patrem domini nostri Iesu Christi.

In sententijs uero dicendis, iuxta Toletani Concilij statutum, in loco benedictionis confidentibus Domini sacerdotibus, nullus debeat aut immodestis uocibus perstrepere, aut tumultibus perturbare; nullis etiam falsis uanisue, aut obstinatis disceptationibus contendere: sed quidquid dicatur, sic mitissima uerborum prolatione temperetur, ut nec audientes offendantur, nec recti iudicii acies perturbato animo inflectatur.

Insuper ipsa sacra Synodus statuit, ac decreuit, quod si forte contigerit aliquos debito in loco non sedere, & sententiam, etiam sub uerbo, Placet proferre, congregationibus interesse, & alios quoscumque actus facere, Concilio durante, nulli propterea præiudicium generetur, nulliq. nouum ius acquiratur.

Deinde indicta fuit futura Sessio ad diem Iouis, quartam mensis Febr. proxime uenturi.



# SESSIO TERTIA CELEBRATA DIE IIII

MENSIS FEBRUARII,

M. D. XLVI.

## DECRETVM DE SYMBOLO FIDEI.



**N**omine sanctæ, & indiuiduæ Trinitatis, Patris, & filij, & spiritus sancti. Hæc sacrosancta æcumenica, & generalis Tridentina Synodus, in spiritu sancto legitime congregata, in ea præsentibus tribus Apostolicæ Sedis Legatis, magnitudinẽ rerum tractandarum considerans, præsertim earum, quæ duobus illis capitibus, de extirpandis hæresibus, & moribus refor-

mandis, continentur, quorum causa præcipue est congregata; agnoscens autem cum Apostolo, non esse sibi colluctationem aduersus carnem, & sanguinem, sed aduersus spirituales nequitias in cælestibus, cum eodem omnes, & singulos in primis hortatur, ut confortentur in Domino, & in potentia uirtutis eius, in omnibus sumentes scutum fidei, in quo possint omnia tela nequissimi ignea extinguere, atque galeam spei salutis accipiant, cum gladio spiritus, quod est uerbum Dei. Itaque ut hæc pia eius sollicitudo principium, & progressum suum per Dei gratiam habeat, ante omnia statuit, & decernit præmittendam esse confessionem fidei, Patrum exempla in hoc secuta, qui sacratioribus Concilijs hoc scutum cõtra omnes hæreses in principio suarum actionum apponere consueuerunt: quo solo aliquando & infideles ad fidem traxerunt, hæreticos expugnarunt, & fideles cõfirmarunt. Quare symbolum fidei, quo sancta Romana Ecclesia utitur, tamquam principium illud, in quo omnes, qui fidem Christi profitentur, necessario conueniunt: ac fundamentum firmum, & unicum, contra quod portæ Inferi numquam præualebunt, totidem uerbis, quibus in omnibus ecclesijs legitur, exprimendum esse censuit. quod quidem eiusmodi est. **C**REDO in unum Deum patrem omnipotentem, factorem cæli, & terræ, uisibilem omnium, & inuisibilem; & in unum dominum Iesum Christum, filium Dei unigenitum, & ex patre natum ante omnia sæcula; Deum de Deo, lumen de lumine, Deum uerum de Deo uero: genitum, non factũ, consubstantialẽ patri, per quem omnia facta sunt; qui propter nos homines, & propter nostram salutem descendit de cælis, & incarnatus est de Spiritu sancto ex Maria uirgine, & homo factus est; crucifixus etiam pro nobis sub Pontio Pilato, passus, & sepultus est; & resurrexit tertia die secundum scripturas; & ascendit in calum, sedet ad dexteram patris; & iterum uenturus est cum gloria iudicare uiuos, & mortuos; cuius re-

gni non erit finis: & in Spiritum sanctum Dominum, & uiuificantem, quæ ex Patre, Filioque procedit; qui cum Patre, & Filio simul adoratur, & conglorificatur; qui locutus est per Prophetas: & unam sanctam Catholicam, & Apostolicam Ecclesiam. Confiteor unum baptisma in remissionem peccatorum: & expecto resurrectionem mortuorum, & uitam uenturi sæculi. Amen.

Indictio futuræ Sessionis.

EADEM sacrosancta æcumenica, & generalis Tridentina Synodus, in Spiritu sancto legitime congregata, in ea præsidentibus eisdem tribus Apostolicæ Sedis legatis, intelligens multos Prælatos ex diuersis partibus accinctos esse itineri, nonnullos etiam in uia esse, quo huc ueniant; cogitansque omnia ab ipsa sacra Synodo decernenda eo maioris apud omnes existimationis, et honoris uideri posse, quo maiori fuerint, & pleniori Patrum consilio, & præsentia sancita, & corroborata; statuit, & decreuit, futuram Sessionem post præsentem celebrandam esse die Iouis, quæ subsequetur Dominicam Latare, proxime futuram: interim tamen non differri discussionem, & examinationem eorum, quæ ipsi Synodo discutienda & examinanda uidebuntur.

## SESSIO QVARTA.

# CELEBRATA DIE VIII

M E N S I S   A P R I L I S,

M. D. XLVI.

Decretum de canonicis scripturis.



ACROSANCTA æcumenica, & generalis Tridentina Synodus in Spiritu sancto legitime congregata, præsidentibus in ea eisdem tribus Apostolicæ Sedis Legatis, hoc sibi perpetuo ante oculos proponens, ut sublatis erroribus, puritas ipsa Euangelii in Ecclesia conseruetur: quod promissum ante per Prophetas in scripturis sanctis, Dominus noster Iesus Christus, Dei filius, proprio ore primum promulgauit; deinde per suos Apostolos, tamquam fontem omnis, & salutaris ueritatis, & morum disciplina omni creature prædicari iussit: perspicuensque hanc ueritatem, & disciplinam contineri in libris scriptis, & sine scripto traditionibus, quæ ipsius Christi ore ab Apostolis acceptæ, aut ab ipsis Apostolis, Spiritu sancto dicente, quasi per manus tradi-



ta, ad nos usque peruenerunt; orthodoxorum Patrum exempla secuta, omnes libros tam ueteris, quam noui Testamenti, cum utriusque unus Deus sit auctor; nec non traditiones ipsas, tu ad fidem tum ad mores pertinentes, tamquam uel ore tenus a Christo, uel a Spiritu sancto dictatas, & continua successione in Ecclesia Catholica conseruatas, pari pietatis affectu, ac reuerentia suscipit, & ueneratur. Sacrorum uero librorum Indicem huic Decreto adscribendum censuit, ne cui dubitatio suboriri possit, quinam sint, qui ab ipsa Synodo suscipiuntur. sunt uero infra scripti. Testamenti ueteris, quinque Moysis idest, Genesis, Exodus, Leuiticus, Numeri, Deuteronomium, Iosue, Iudicum, Ruth, quatuor Regum, duo Paralipomenon, Esdræ primus, & secundus, qui dicitur Nee- mias, Thobias, Iudith, Hester, Iob, Psalterium Dauidicum centum quinquaginta psalmorum, Parabole, Ecclesiastes, Canticum canticorum, Sapientia, Ecclesiasticus, Isaias, Hieremias cum Baruch, Ezechiel, Daniel, duodecim Prophetæ minores, idest, Osea, Ioel, Amos, Abdiās, Ionas, Micheas, Naum, Abacuch, Sophonias, Aggæus, Zacharias, Malachias, duo Machabeorum, primus & secundus. Testamenti noui quattuor Euangelia, secundum Matthæum, Marcum, Lucam, & Ioannem. Actus Apostolorum a Luca Euangelista conscripti. quattuordecim Epistolæ Pauli Apostoli, ad Romanos, duæ ad Corinthios, ad Galatas, ad Ephesios, ad Philipenses, ad Colossenses, duæ ad Thessalonicenses, duæ ad Thimotheum, ad Titum, ad Philemonem, ad Hebræos. Petri Apostoli duæ, Ioannis Apostoli tres, Iacobi Apostoli una, Iudæ Apostoli una, & Apocalypsis Ioannis Apostoli. Si quis autem libros ipsos integros cum omnibus suis partibus, prout in Ecclesia Catholica legi consueuerunt, & in ueteri uulgata latine editione habentur, pro sacris, & canonicis non susceperit; & traditiones prædictas sciens, & prudens tempserit; anathema sit. Omnes itaque intelligant, quo ordine, & uia ipsa Synodus, post iactum fidei confessionis fundamentum, sit progressura, & quibus potissimum testimonijs, ac præiudicijs in confirmandis dogmatibus, & instaurandis in Ecclesia moribus, sit usura.

Decretum de editione, & usu sacrorum librorum.

IN SVPER eadem sacrosancta Synodus considerans non parum utilitatis accedere posse Ecclesiæ Dei, si ex omnibus latinis editionibus, quæ circumferuntur, sacrorum librorum, quamnam pro authentica habenda sit, innotescat; statuit, & declarat, ut hæc ipsa uetus, & uulgata editio, quæ longo sæculorum usu in ipsa Ecclesia probata est, in publicis lectionibus, disputationibus, prædicationibus, & expositionibus pro authentica habeatur; & ut nemo illam reicere quouis prætextu audeat, uel præsumat.

PRÆTEREA, ad coercenda petulantia ingenia, decernit, ut nemo suæ prudentiæ innixus, in rebus fidei, & morum ad ædificatio-

nem doctrinae Christianae pertinentium, sacram scripturam ad suos sensus contorquens, contra eum sensum, quem tenuit, & tenet sancta Mater Ecclesia, cuius est iudicare de uero sensu, & interpretatione scripturarum sanctarum, aut etiam contra unanimum consensum Patrum, ipsam scripturam sacram interpretari audeat, etiam si huiusmodi interpretationes nullo unquam tempore in lucē edendae forent. Qui contra fecerint, per Ordinarios declarentur, & pœnis a iure statutis puniantur.

Sed & impressoribus modum in hac parte, ut par est, imponere uolens, qui iam sine modo, hoc est, putantes sibi licere quidquid libet sine licentia superiorum Ecclesiasticorum, ipsos sacrae scripturae libros, & super illis annotationes, & expositiones quorumlibet indifferenter, saepe tacito, saepe etiam eumentito praelo, & quod grauius est, sine nomine auctoris imprimunt; alibi etiam impressos libros huiusmodi temere uenales habent: decernit, & statuit, ut posthac sacra scriptura, potissimum uero hac ipsa uetus, & uulgata editio, quam emendatissime imprimatur: nulliq. liceat imprimere, uel imprimi facere quosuis libros de rebus sacris sine nomine auctoris: neque illos in futurum uendere, aut etiam apud se retinere, nisi primum examinati, probatiq. fuerint ab Ordinario, sub pœna anathematis, & pecuniae in Canone Concilij nouissimi Lateranensis appositae. Et si regulares fuerint, ultra examinationem, & probationem huiusmodi, licentiam quoque a suis superioribus impetrare teneantur, recognitis per eos libris, iuxta formam suarum ordinationum. Qui autem scripto eos communicant, uel euulgant, nisi antea examinati probatiq. fuerint, eisdem pœnis subiaceant, quibus impressores. Et qui eos habuerint, uel legerint, nisi prodiderint auctorem, pro auctoribus habeantur. Ipsa uero huiusmodi librorum probatio in scriptis datur, atque ideo in fronte libri, uel scripti, uel impressi, authenticè appareat: idq. totum, hoc est, & probatio, & examen gratis fiat, ut probanda probentur, & reprobentur improbanda. Post hac temeritatem illam reprimere uolens, qua ad profana quaeque conuertuntur, & torquentur uerba, & sententiae sacrae scripturae, ad scurrilia scilicet, fabulosa, uana, adulationes, detractiones, superstitiones, impias & diabolicas incantationes, diuinationes, sortes, libellos etiam famosos; mandat, & praecipit ad tollendam huiusmodi irreuerentiam, & contemptum, ne de cetero quisquam quomodolibet uerba scripturae sacrae ad hac, & similia audeat usurpare; ut omnes huius generis homines temeratores, & uiolatores uerbi Dei, iuris, & arbitrij pœnis per Episcopos coerceantur.

#### Indiclio futurae Sessionis.

Item hac sacrosancta Synodus statuit, & decernit, proximam futuram Sessionem tenendam, & celebrandam esse feria quinta, post sacratissimum festum proximum Pentecostes.



SESSIO QUINTA  
CELEBRATA DIE XVII

M E N S I S I V N I I ,

M . D . XLVI.

Decretum de peccato originali:



**T** fides nostra Catholica, sine qua impossibile est placere Deo, purgatis erroribus, in sua sinceritate integra, & illibata permaneat; & ne populus Christianus omni uento doctrina circumferatur; cum serpens ille antiquus, humani generis perpetuus hostis, inter plurima mala, quibus Ecclesia Dei his nostris temporibus perturbatur, etiam de peccato originali, eiusque remedio non solum noua, sed uetera etiam disidia excitauerit: sacrosancta æcumenica, & generalis Tridentina Synodus, in Spiritu sancto legitime congregata, presidentibus in ea eisdem tribus Apostolicæ Sedis legatis, iam ad reuocandos errantes, & nutantes confirmandos accedere uolens, sacrarum scripturarum, & sanctorum Patrum, ac probatissimorum Conciliorum testimonia, & ipsius Ecclesiæ iudicium, & consensum secuta, hæc de ipso peccato originali statuit, fatetur, ac declarat.

Si quis non confitetur, primum hominem Adam cum mandatum Dei in Paradiso fuisset transgressus, statim sanctitatem, & iustitiam, in qua constitutus fuerat, amisisse, incurrisseque per offensam præuaricationis huiusmodi iram, & indignationem Dei, atque ideo mortem, quam antea illi comminatus fuerat Deus, & cum morte captiuitatem sub eius potestate, qui mortis deinde habuit imperium, hoc est Diaboli, totumque. Adam per illam præuaricationis offensam, secundum corpus, & animam in deterius commutatum fuisse; anathema sit.

Si quis Adæ præuaricationem sibi soli, & non eius propagini asserit nocuisse; & acceptam a Deo sanctitatem, & iustitiam, quam perdidit, sibi soli, & non nobis etiam eum perdidisse; aut inquinatum illum per inobedientiæ peccatum, mortem, & pœnas corporis tantum in omne genus humanum transfudisse, non autem & peccatum, quod mors est animæ: anathema sit: cum contradicat Apostolo dicenti: Per unum hominem peccatum intrauit in mundum, & per peccatum mors: & ita in omnes homines mors pertransiit, in quo omnes peccauerunt.

Si quis hoc Adæ peccatum, quod origine unum est, & propagatione, non imitatione transfusum omnibus, inest unicuique proprium, uel per humanæ naturæ uires, uel per aliud remedium asserit tolli, quam per meritum unius mediato-

*Bapt. in r. r.* ris Domini nostri Iesu Christi, qui nos Deo reconciliauit in sanguine suo, factus nobis iustitia, sanctificatio, & redemptio; aut negat ipsum Christi Iesu meritum per baptismi sacramentum in forma Ecclesiae rite collatum, tam adultis quam paruulis applicari: anathema sit: quia non est aliud nomen sub caelo datum hominibus, in quo oporteat nos saluos fieri. unde illa uox: Ecce agnus Dei: Ecce qui tollit peccata mundi. Et illa: Quicumque baptizati estis, Christum induistis.

*Baptismate*  
Si quis paruulos recentes ab uteris matrum baptizandos negat, etiam si fuerint a baptizatis parentibus orti; aut dicit in remissionem quidem peccatorum eos baptizari, sed nihil ex Adam trahere originalis peccati, quod regenerationis lauacro necesse sit expiari ad uitam aeternam consequendam; unde fit consequens, ut in eis forma Baptismatis, in remissionem peccatorum non uera, sed falsa intelligatur: anathema sit: quoniam non aliter intelligendum est id, quod dixit Apostolus: Per unum hominem peccatum intrauit in mundum, & per peccatum mors: & ita in omnes homines mors pertransiit, in quo omnes peccauerunt: nisi quemadmodum Ecclesia Catholica ubique diffusa semper intellexit. propter hanc enim regulam fidei ex traditione Apostolorum etiam paruuli, qui nihil peccatorum in semet ipsis adhuc committere potuerunt, <sup>idcirco</sup> in remissionem peccatorum ueraciter baptizantur, ut in eis regeneratione mundetur, quod generatione contra xerunt. Nisi enim quis renatus fuerit ex aqua, & Spiritu sancto, non potest introire in regnum Dei.

*Baptismat*  
Si quis per Iesu Christi Domini nostri gratiam, quæ in Baptismate confertur, reatum originalis peccati remitti negat; aut etiam asserit non tolli totum id, quod ueram, & propriam peccati rationem habet; sed illud dicit tantum radi, aut non imputari: anathema sit. in renatis enim nihil odit Deus, quia nihil est damnationis ijs, qui uere consepulti sunt cum Christo per baptismum in mortem: qui non secundum carnem ambulant, sed ueterem hominem exuentes & nouum, qui secundum Deum creatus est, induentes, innocentes, immaculati, puri, innoxii, ac Deo dilecti, effecti sunt, hæredes quidem Dei, cohæredes autem Christi, ita ut nihil prorsus eos ab ingressu cæli remoretur. Manere autem in baptizatis concupiscentiam, uel fomitem, hæc sancta Synodus sciatur, & sentit: quæ cum ad agonem relicta sit, nocere non consentientibus, sed uiriliter per Christi Iesu gratiam repugnantibus non ualet: quinimmo qui legitime certauerit, coronabitur. Hanc concupiscentiam, quam aliquando Apostolus peccatum appellat, sancta Synodus declarat Ecclesiâ Catholicam numquam intellexisse peccatum appellari, quod uere, & proprie in renatis peccatū sit, sed quia ex peccato est, & ad peccatum inclinat. si quis autem contrarium senserit; anathema sit.

*Peccatū nō re  
quod apud peccatū  
uiscat*

Declarat tamen hæc ipsa sancta Synodus, non esse suæ intentionis comprehen-  
dere in hoc decreto, ubi de peccato originali, agitur, beatam & immaculatam uir-  
ginem Mariam, Dei genitricem; sed observandas esse constitutiones felicitis recorda-  
tionis Xysti Papæ quarti, sub pœnis in eis cōstitutionibus contētis, quas innouat.



## Decretum de reformatione. Cap. I.

E A D E M sacrosancta Synodus, p̄ys summorum Pontificum, & probatorum Conciliorum constitutionibus inhærens, easq. amplectens, & illis adiiciens; ne celestis ille sacrorum librorum thesaurus, quem Spiritus sanctus summa liberalitate hominibus tradidit, neglectus iaceat; statuit, & decreuit, quod in illis ecclesiis, in quibus præbenda, aut præstimonium, seu aliud quouis nomine nuncupatum stipendium pro lectoribus sacre theologie deputatum reperitur, Episcopi, Archiepiscopi, Primates, & alii locorum Ordinarii eos, qui præbendam, aut præstimonium, seu stipendium huiusmodi obtinent, ad ipsius sacre scripturæ expositionem, & interpretationem per se ipsos, si idonei fuerint, alioquin per idoneum substitutum ab ipsis Episcopis, Archiepiscopis, Primatibus, & aliis locorum Ordinariis eligendum, etiam per subtractionem fructuum, cogant, & compellant. De cetero uero præbenda, præstimonium, aut stipendium huiusmodi non nisi personis idoneis, & quæ per se ipsos id munus explicare possint, conferantur: & aliter facta prouisio nulla sit & inualida. In ecclesiis autem Metropolitanis, uel Cathedralibus, si ciuitas insignis, uel populosa, ac etiam in collegiatis existentibus in aliquo insigni opido, etiam nullius diæcesis, si ibi Clerus numerosus fuerit, ubi nulla præbenda, aut præstimonium, seu stipendium huiusmodi deputatum reperitur, præbenda quomodocunque, præterquam ex causa resignationis, primo uacatura, cui aliud onus incompatible inunctum non sit, ad eum usum ipso facto perpetuo constituta, & deputata intelligatur. Et quatenus in ipsis ecclesiis nulla, uel non sufficiens præbenda foret, Metropolitanus, uel Episcopus ipse per assignationem fructuum alicuius simplicis beneficii, eiusdem tamen debitæ supportatis oneribus, uel per contributionem beneficiariorum sue ciuitatis, & diæcesis, uel alias prout commodius fieri poterit, de Capituli consilio ita prouideat, ut ipsa sacra scripturæ lectio habeatur, ita tamen ut quæcumque aliæ lectiones, uel consuetudine, uel quauis alia ratione institutæ, propter id minime prætermittantur. Ecclesiæ uero, quarum annui proventus tenues fuerint, & ubi tam exigua est Cleri, & populi multitudo, ut theologiæ lectio in eis commode haberi non possit, saltem magistrum habeant ab Episcopo cum consilio Capituli eligendum, qui clericos, aliosq. scholares pauperes grammaticam gratis doceat, ut deinceps ad ipsa sacra scripturæ studia, annuente Deo, transire possint. ideoq. illi magistro grammatices uel alicuius simplicis beneficii fructus, quos tamdiu percipiat, quamdiu in docendo perstiterit, assignentur; dum tamen beneficium ipsum suo debito non fraudetur obsequio: uel ex capitulari, uel episcopali mensa condigna aliqua merces persoluatur: uel alias Episcopus ipse aliquam rationem ineat sue ecclesiæ, & diæcesi accommodam, ne pia hæc, utilis, atque fructuosa prouisio quouis quasito colore negligatur. In monasteriis quoque monachorum, ubi commode fieri queat, etiam lectio sacra scripturæ habeatur. Qua

in re si Abbates negligentes fuerint, Episcopi locorum, in hoc ut Sedis Apostolicæ delegati, eos ad id opportunis remedijs compellant. In conuentibus uero aliorum Regularium, in quibus studia commode uigere possunt, sacræ scripturæ lectio similiter habeatur: quæ lectio a Capitulis generalibus, uel provincialibus assignetur dignioribus magistris. In gymnasijs etiã publicis, ubi tam honorifica, & ceterorum omnium maxime necessaria lectio hætenus instituta non fuerit, religiosissimorum Principum, ac Rerum publicarum pietate, & caritate ad Catholicæ fidei defensionem, & incrementum, sanæq. doctrinæ conseruationem, & propagationem instituatur: & ubi instituta foret, & negligetur, restituitur. Et ne sub specie pietatis impietas disseminetur; statuit eadem sancta Synodus neminem ad huiusmodi lectionis officium tam publice, quam priuatim admittendum esse, qui prius ab Episcopo loci de uita, moribus, & scientia examinatus, & approbatus non fuerit; quod tamen de lectoribus in Claustris monachorum non intelligatur.

## CAPVT II.

DOCENTES uero ipsam sacram scripturam dum publice in scholis doceant, & scholares, qui in ipsis scholis student, priuilegijs omnibus de perceptione fructuum, præbendarum, & beneficiorum suorum in absentia a iure communi concessis, plene gaudeant, & fruantur. Quia uero Christianæ Reipublicæ non minus necessaria est prædicatio Euangelij, quam lectio, & hoc est præcipuum Episcoporum munus; statuit, & decreuit eadem sancta Synodus, omnes Episcopos, Archiepiscopos, Primates, & omnes alios ecclesiarum Prælatos teneri per se ipsos, si legitime impediti non fuerint, ad prædicandum sanctum Iesu Christi Euangelium. Si uero contigerit Episcopos, & alios prædictos legitimo detineri impedimento, iuxta formam generalis Concilij uiros idoneos assumere teneantur ad huiusmodi prædicationis officium salubriter exequendum. Si quis autem hoc adimplere contempserit, districtæ subiaceat ultioni. Archipresbyteri quoque, Plebani, & quicumque parochiales, uel alias curam animarum habentes, ecclesias quocumque modo obtinent, per se, uel alios idoneos, si legitime impediti fuerint, diebus saltem Dominicis, & festis sollennibus, plebes sibi commissas, pro sua, & earum capacitate pascant salutaribus uerbis, docendo ea, quæ scire omnibus necessarium est ad salutem; annuntiandoq. eis cum breuitate, & facilitate sermonis uitia, quæ eos declinare, & uirtutes quas sectari oporteat; ut pœnam æternam euadere, & celestem gloriam consequi ualeant. id uero si quis eorum præstare negligat, etiam si ab Episcopi iurisdictione quauis ratione exemptum se esse prætenderet; etiam si ecclesiæ quouis modo exemptæ dicerentur, aut alicui monasterio, etiam extra diœcesim existenti, forsan annexæ, uel unitæ, modo re ipsa in diœcesi sint, prouida pastoralis Episcoporum sollicitudo non desit, ne illud impleatur: Paruuli petierunt panem, & non erat qui



frangeret eis. Itaque ubi ab Episcopo moniti trium mensium ~~spatio~~ mūneri suo defuerint, per censuras Ecclesiasticas, seu alias ad ipsius Episcopi arbitrium cogantur, ita ut, etiam si ei sic expedire uisum fuerit, ex beneficiorum fructibus alteri, quid præstet, honesta aliqua merces persoluatur, donec principalis ipse respiciens officium suum impleat. Si quæ uero parochiales ecclesiæ reperiuntur subiectæ monasterijs in nulla diœcesi existentibus, si Abbates, & regulares Prælati in prædictis negligentes fuerint, a Metropolitanis, in quorum prouincijs diœceses ipsæ sitæ sunt, tamquam, quo ad hoc, Sedis Apostolicæ delegatis, compellantur. neque huius Decreti executionem consuetudo, uel exemptio, aut appellatio, aut reclamatio sine recursus impedire ualeat, quousque desuper a competenti iudice, qui summarie, & sola facti ueritate inspecta procedat, cognitum, & decusum fuerit. Regulares uero cuiuscumque ordinis, nisi a suis superioribus de uita, moribus, & scientia examinati, & approbati fuerint, ac de eorum licentia, etiam in ecclesijs suorum ordinum, prædicare non possint: cū qua licentia personaliter se coram Episcopis præsentare, & ab eis benedictionem petere teneantur, antequam prædicare incipiant. In ecclesijs uero, quæ suorum ordinum non sunt, ultra licentiam suorum superiorum, etiam Episcopi licentiā habere teneantur; sine qua in ipsis ecclesijs non suorum ordinum nullo modo prædicare possint. ipsam autem licentiam gratis Episcopi concedant.

Si uero, quod absit, prædicator errores, aut scandala disseminauerit in populum, etiam si in monasterio sui, uel alterius ordinis prædicet; Episcopus ei prædicationem interdicat. Quod si hæreses prædicauerit, contra eum secundum iuris dispositionem, aut loci consuetudinem procedat; etiam si prædicator ipse generali, uel speciali priuilegio exemptum se esse prætenderet. quo casu Episcopus auctoritate Apostolica, & tamquam Sedis Apostolicæ delegatus procedat. Curent autem Episcopi, ne quis prædicator, uel ex falsis informationibus, uel alias calumniose uexetur, iustitiae de eis conquerendi occasionem habeat.

Caueant præterea Episcopi, ne aliquem uel eorum, qui cum sint nomine Regulares, extra claustra tamen, & obedientiam religionum suarum uiuunt; uel presbyterorum secularium, nisi ipsis noti sint, & moribus atque doctrina probati, etiam quorumlibet priuilegiorum prætextu, in sua ciuitate, uel diœcesi prædicare permittant, donec ab ipsis Episcopis super ea re sancta Sedes Apostolica consulatur; a qua priuilegia huiusmodi nisi tacita ueritate, & expresso mendacio ab indignis extorqueri uerisimile non est. Quæstores uero elemosynarij, qui etiam quæstuarij uulgo dicuntur, cuiuscumque condieionis existant. nullo modo nec per se, nec per alium prædicare præsumant, & contra facientes ab Episcopis, & Ordinarijs locorum; priuilegijs quibuscumque non obstantibus, opportunis remedijs omnino arceantur.

# S E S S I O

Indictio futura Sessionis.

*Item hac sacrosancta Synodus statuit, & decernit primam futuram Sessionem tenendam, & celebrandam esse die Iouis, feria quinta post festum beati Iacobi Apostoli.*

Prorogata deinde fuit sessio ad diem. XIII. mensis  
Ian. M. D. XLVII.

## S E S S I O S E X T A

# CELEBRATA DIE XIII

M E N S I S I A N V A R I I,

M. D. XLVII.

## DECRETVM DE IVSTIFICATIONE.

### P R O O E M I V M.



*U*n hoc tempore non sine multarum animarum iactura, & graui ecclesiastica unitatis detrimento, erronea quaedam disseminata sit de iustificatione doctrina: ad laudem, & gloriam omnipotentis Dei, Ecclesiae tranquillitatem, & animarum salutem, sacrosancta oecumenica, & generalis Tridentina Synodus, in Spiritu sancto legitime congregata, praesidentibus in ea nomine Sanctissimi in Christo Patris, & Domini nostri, Domini Pauli diuina prouidentia Papae tertij, Reuerendissimis Dominis, Dominis Io. Maria de Monte, Episcopo Praenestino, & Marcello tit. S. Crucis in Hierusalem Presbytero, sanctae Romanae Ecclesiae Cardinalibus, & Apostolicis de latere Legatis; exponere intendit omnibus Christi fidelibus ueram sanamque doctrinam ipsius iustificationis, quam Sol iustitiae Christus Iesus fidei nostrae auctor, & consummator, docuit, Apostoli tradiderunt, & Catholica Ecclesia, Spiritu sancto suggerente, perpetuo retinuit; districtius inhibendo, ne deinceps audeat quisquam aliter credere, predicare, aut docere, quam praesenti Decreto statuitur, ac declaratur.

De naturae, & legis ad iustificandos homines imbecillitate. Cap. I.

*Primum declarat sancta Synodus ad iustificationis doctrinam probe, & sincere intelligendam, oportere, ut unusquisque agnoscat, & fateatur, quod cum omnes homines in praenauigatione Adae innocentiam perdidissent; facti immu-*



di, & , ut *Apostolus inquit* , natura filij iræ, quemadmodum in Decreto de peccato originali exposuit , usque adeo serui erant peccati, & sub potestate Diaboli ac mortis, ut non modo gentes per uim naturæ, sed ne Iudæi quidem per ipsam etiam litteram legis Moyfi, inde liberari, aut surgere possent ; tametsi in eis liberum arbitrium minime extinctum esset, uiribus licet attenuatum, & inclinatum.

De dispensatione, & mysterio aduentus Christi. Cap. II.

Quo factum est, ut caelestis pater, pater misericordiarum, & Deus totius consolationis, Christum Iesum filium suum, & ante legem, & legis tempore multis sanctis patribus declaratum, ac promissum, cum uenit beata illa plenitudo temporis, ad homines miserit, ut & Iudæos, qui sub lege erant, redimeret ; & gentes, quæ non seclabantur iustitiam, iustitiam apprehenderent ; atque omnes adoptionem filiorum reciperent. Hunc proposuit Deus propitiorem per fidem in sanguine ipsius pro peccatis nostris, non solum autem pro nostris, sed etiam pro totius mundi.

Qui per Christum iustificantur. Cap. III.

Verum, etsi ille pro omnibus mortuus est, non omnes tamen mortis eius beneficium recipiunt, sed ij dumtaxat, quibus meritum passionis eius communicatur. nam sicut reuera homines nisi ex semine Adæ propagati nascerentur, non nascerentur iniusti ; cum ea propagatione, per ipsum dum concipiuntur, propriam iniustitiam contrahant : ita nisi in Christo renascerentur, numquam iustificarentur ; cum ea renascentia per meritum passionis eius gratia, qua iusti fiunt, illis tribuatur. Pro hoc beneficio *Apostolus gratias nos semper agere hortatur Patri*, qui dignos nos fecit in partem sortis sanctorum in lumine, & eripuit de potestate tenebrarum, transtulitq. in regnum filij dilectionis suæ : in quo habemus redemptionem, & remissionem peccatorum.

Insinuatur descriptio iustificationis impij, & modus eius in statu gratiæ. Cap. IIII.

Quibus uerbis iustificationis impij descriptio insinuatur, ut sit translatio ab eo statu, in quo homo nascitur filius primi Adæ, in statum gratiæ, & adoptionis filiorum Dei per secundum Adam, Iesum Christum, saluatorem nostrum. quæ quidem translatio post Euangelium promulgatum, sine lauacro regenerationis, aut eius uoto fieri non potest : sicut scriptum est : Nisi quis renatus fuerit ex aqua, & Spiritu sancto, non potest introire in regnum Dei.

De necessitate præparationis ad iustificationem in adultis,  
& unde sit. Cap. V.

Declarat præterea, ipsius iustificationis exordium in adultis à Dei per Christum Iesum præueniente gratia sumendum esse, hoc est, ab eius uocatione, qua nullis eorum existentibus meritis uocantur; ut, qui per peccata a Deo auersi erant, per eius excitantem atque adiuantem gratiam ad conuertendum se ad suam ipsorum iustificationem, eidem gratiæ libere assentiendo, & cooperando, disponantur: ita ut tangente Deo cor hominis per Spiritus sancti illuminationem, neque homo ipse nihil omnino agat, inspirationem illam recipiens, quippe qui illam & abijcere potest: neque tamen sine gratia Dei mouere se ad iustitiam coram illo libera sua uoluntate possit. unde in sacris litteris cum dicitur: Conuertimini ad me, & ego conuertar ad uos: libertatis nostræ admonemur. Cum respondemus: Conuerte nos Domine ad te, & conuertemur: Dei nos gratia præueniri confitemur.

## Modus præparationis. Cap. VI.

Disponuntur autem ad ipsam iustitiam, dum excitati diuina gratia, & adiuti, fidem ex auditu concipientes, libere mouentur in Deum, credentes uera esse; quæ diuinitus reuelata, & promissa sunt, atque illud in primis, a Deo iustificari impiū per gratiā eius, per redemptionem, quæ est in Christo Iesu: & dum peccatores se esse intelligentes, a diuinæ iustitiæ timore, quo utiliter concutiuntur, ad considerandam Dei misericordiam se conuertendo, in spem eriguntur, fidentes Deum sibi propter Christum propitium fore; illumq. tamquam omnis iustitiæ fontem diligere incipiunt: ac propterea mouentur aduersus peccata per odium aliquod, & detestationem; hoc est, per eam penitentiam, quam ante Baptismum agi oportet: denique dum proponunt suscipere Baptismum, inchoare nouam uitā, & seruare diuina mandata. De hac dispositione scriptum est: Accedentem ad Deum oportet credere quia est, & quod inquirentibus se remunerator sit. Et, Confide fili, remittuntur tibi peccata tua. Et, Timor Domini expellit peccatum. Et, Penitentiam agite, & baptizetur unusquisque uestrum, in nomine Iesu Christi in remissionem peccatorum uestrorum, & accipietis donum Spiritus sancti. Et, Euntes ergo docete omnes gentes, baptizantes eos in nomine Patris, & Filij, & Spiritus sancti, docentes eos seruare quaecumque mandauimus uobis. Denique, Præparate corda uestra Domino.

## Quid sit iustificatio impii, &amp; quæ eius causæ. Cap. VII.

Hanc dispositionem seu præparationem iustificatio ipsa consequitur; quæ non est sola peccatorum remissio, sed & sanctificatio, & renouatio interioris hominis per uoluntariam susceptionem gratiæ, & donorum. unde homo ex iniustus fit iustus, & ex inimico amicus, ut sit hæres secundum spem uitæ æternæ. Huius iustifi-



*iustificacionis causſæ ſunt, finalis quidem, gloria Dei, & Chriſti, ac uita æterna: efficiens uero, miſericors Deus, qui gratuito abluit, & ſanctificat, ſignans, & ungens ſpiritu promiſſionis ſancto; qui eſt pignus hæreditatis noſtræ: merito-  
ria autem, dilectiſſimus unigenitus ſuus, Dominus noſter Ieſus Chriſtus: qui cum eſſemus inimici, propter nimiam caritatem, qua dilexit nos, ſua ſanctiſſi-  
ma paſſione in ligno crucis nobis iuſtificationem mēruit, & pro nobis Deo patri ſatisfecit: instrumentalis item, ſacramentum Baptiſmi: quod eſt ſacramentum  
fidei, ſine qua nulli umquam contigit iuſtificatione: demum unica formalis cauſſa eſt iuſtitia Dei; non qua ipſe iuſtus eſt, ſed qua nos iuſtos facit; qua uidelicet ab eo donati, renouamur ſpiritu mentis noſtræ; & non modo reputamur, ſed uere iuſti nominamur, & ſumus, iuſtitiam in nobis recipientes unusquiſque ſuam ſe-  
cundum meſuram, quam ſpiritus ſanctus partitur ſingulis prout uult, & ſecun-  
dum propriam cuiuſque diſpoſitionem, & cooperationem. quamquam enim nemo poſſit eſſe iuſtus, niſi cui merita paſſionis Domini noſtri Ieſu Chriſti communican-  
tur: id tamen in hac impij iuſtificatione fit, dum eiudem ſanctiſſimæ paſſionis merito per ſpiritum ſanctum caritas Dei diſfunditur in cordibus eorum, qui iu-  
ſtificantur, atque ipſis inhaeret. unde in ipſa iuſtificatione cum remiſſione pecca-  
torum hæc omnia ſimul infuſa accipit homo per Ieſum Chriſtum, cui inferitur, fidem, ſpem, & caritatem. nam fides, niſi ad eam ſpem accedat, & caritas, ne-  
que unit perfecte cum Chriſto, neque corporis eiſ uiuum membrum efficit. qua ratione ueriſſime dicitur, Fidem ſine operibus mortuam, & otioſam eſſe. Et, In Chriſto Ieſu neque circumciſionem aliquid ualere, neque præputium; ſed fidem, quæ per caritatem operatur. Hanc fidem ante Baptiſmi ſacramentum ex Apoſto-  
lorum traditione cathæcumeni ab Eccleſia petunt, cum petunt fidem, uitam æternam præſtantiſſimam; quam ſine ſpe, & caritate fides præſtare non poteſt. unde & ſtatim uerbum Chriſti audiunt: Si uis ad uitam ingredi, ſerua mandata. Itaque ueram, & Chriſtianam iuſtitiam accipientes, eam ceu primam ſtolam pro illa, quam Adam ſua inobedientia ſibi, & nobis perdidit, per Chriſtum Ieſum illis donatam, candidam, & immaculatam iubentur ſtatim renati conſeruare, ut eam per-  
ferant ante tribunal Domini noſtri Ieſu Chriſti, & habeant uitam æternam.*

Quomodo intelligatur, impium per fidem, & gratis iuſtificari.

Cap. VIII.

*Cum uero Apoſtolus dicit, iuſtificari hominem per fidem, & gratis; ea uerba in eo ſenſu intelligenda ſunt, quem perpetuus Eccleſiæ Catholicæ conſenſus tenuit, & expreſſit; ut ſcilicet per fidem ideo iuſtificari dicamur, quia fides eſt humanæ ſalutis initium, fundamentum, & radix omnis iuſtificationis: ſine qua impoſſibile eſt placere Deo, & ad filiorum eiſ conſortium peruenire: Gratis autem iuſtificari ideo dicamur, quia nihil eorum, quæ iuſtificationem præcedunt, ſiue fides, ſiue opera, ipſam iuſtificationis gratiam promeretur. ſi enim gra-*

*tia est, iā nō ex operibus: alioquin, ut idē Apostolus inquit, gratia iā nō est gratia.*

Contra inanem hæreticorum fiduciam.

Cap. IX.

Quamuis autem necessarium sit credere, neque remitti, neque remissa unquam fuisse peccata, nisi gratis diuina misericordia propter Christum: nemini tamen, fiduciam, & certitudinem remissionis peccatorum suorum iactanti, & in ea sola quiescenti, peccata dimitti, uel dimissa esse dicendum est; cum apud hæreticos, & schismaticos possit esse, immo nostra tempestate sit, & magna contra Ecclesiā Catholicam contentione prædicetur uana hæc ab omni pietate remota fiducia. Sed neque illud asserendum est, oportere eos, qui uere iustificati sunt, absque ulla omnino dubitatione apud semet ipsos statuere se esse iustificatos, neminemq. a peccatis absolui, ac iustificari, nisi eum, qui certo credat se absolutum, & iustificatum esse; atque hac sola fide absolutionem, & iustificationem perfici; quasi qui hoc non credit, de Dei promissis, deq. mortis, & resurrectionis Christi efficacia dubitet, nam sicut nemo pius de Dei misericordia, de Christi merito, deq. Sacramentorum uirtute, & efficacia dubitare debet: sic quilibet, dum se ipsum, suamq. propriam infirmitatem, & indispositionem respicit, de sua gratia formidare, & timere potest; cum nullus scire ualeat certitudine fidei, cui non potest subesse falsum, se gratiam Dei esse consecutum.

De acceptæ iustificationis incremento.

Cap. X.

Sic ergo iustificati, & amici Dei, ac domestici facti, euntes de uirtute in uirtutem, renouantur, ut Apostolus inquit, de die in diem: hoc est mortificando mēbra carnis suæ, & exhibendo ea arma iustitiæ in sanctificationem, per obseruationem mandatorum Dei, & Ecclesiæ, in ipsa iustitia per Christi gratiam accepta, cooperante fide bonis operibus, crescunt, atque magis iustificantur; sicut scriptum est: Qui iustus est, iustificetur adhuc. Et iterum: Ne uerearis usque ad mortem iustificari. Et rursus: Videtis quoniam ex operibus iustificatur homo, & non ex fide tantum. Hoc uero iustitiæ incrementum petit sancta Ecclesiā, cum orat: Da nobis Domine fidei, spei, & caritatis augmentum.

De obseruatione mandatorum, deque illius necessitate, & possibilitate. Cap. XI.

Nemo autem, quantumuis iustificatus, liberum se esse ab obseruatione mandatorum putare debet: nemo temeraria illa, & a patribus sub anathemate prohibita uoce uti, Dei præcepta homini iustificato ad obseruandum esse impossibilia, nam Deus impossibilia non iubet, sed iubendo monet, & facere quod possis, & petere quod non possis, & adiuuat, ut possis. Cuius mandata grauiā non sunt; cuius iugum suauē est, & onus leue. qui enim sunt filij Dei, Christum diligunt: qui autem diligunt eum, ut ipsemet testatur, seruant sermones eius. quod utique cum diuino auxilio præstare possunt. licet enim in hac mortali uita quan



tumuis sancti , & iusti in leuia saltem , & quotidiana , quæ etiam uenialia dicuntur , peccata quandoque cadant , non propterea desinunt esse iusti . nam iustorum illa uox est & humilis , & uerax : Dimitte nobis debita nostra . quo fit , ut iusti ipsi eo magis se obligatos ad ambulandum in uia iustitiæ sentire debeant , quo liberati iam a peccato , serui autem facti Deo , sobrie , iuste , & pie uiuentes proficere possunt per Christum Iesum , per quem accessum habuerunt in gratiam istam . Deus namque sua gratia semel iustificatos non deserit , nisi ab eis prius deseratur . Itaque nemo sibi in sola fide blandiri debet , putans fide sola se haredem esse constitutum , hæreditatemq. consecuturum , etiam si Christo non compatiatur , ut & conglorificetur . nam & Christus ipse , ut inquit Apostolus , cum esset filius Dei , didicit ex ijs , quæ passus est , obedientiam ; & consummatus , factus est omnibus , obtemperantibus sibi , causa salutis æternæ . Propterea Apostolus ipse monet iustificatos dicens : Nescitis , quod ij , qui in stadio currunt , omnes quidem currunt , sed unus accipit brauium : sic currite , ut comprehendatis . Ego igitur sic curro , non quasi in incertum : sic pugno , non quasi aerem uerberrans , sed castigo corpus meum , & in seruitutem redigo : ne forte , cum alijs prædicauerim , ipse reprobus efficiar . Item princeps Apostolorum Petrus : Satagite , ut per bona opera certam uestram uocationem , & electionem faciatis . hæc enim facientes , non peccabitis aliquando . Vnde constat eos orthodoxæ religionis doctrinæ aduersari , qui dicunt , iustum in omni bono opere saltem uenialiter peccare , aut , quod intolerabilius est , pœnas æternas mereri : atque etiam eos , qui statuunt , in omnibus operibus iustos peccare , si in illis suam ipsorum socordiam excitando , & sese ad currendum in stadio cohortando , cum hoc , ut in primis glorificetur Deus , mercedem quoque intuentur æternam ; cum scriptum sit : Inclinaui cor meum ad faciendas iustificationes tuas propter retributionem ; & de Moise dicat Apostolus , quod respiciebat in remunerationem .

Prædestinationis temerariam præsumptionem cauendam esse . Cap. XII.

Nemo quoque quandiu in hac mortalitate uiuitur , de arcano diuinæ prædestinationis mysterio usque adeo præsumere debet , ut certo statuatur se omnino esse innumero prædestinatorum : quasi uerum esset , quod iustificatus aut amplius peccare non possit , aut si peccauerit , certam sibi resipiscenciam promittere debeat . nam nisi ex speciali reuelatione sciri non potest , quod Deus sibi elegerit .

De perseverantiæ munere . Cap. XIII.

Similiter de perseverantiæ munere , de quo scriptum est : Qui perseverauerit usque in finem , hic saluus erit : quod quidem aliunde haberi non potest , nisi ab eo , qui potens est eum , qui stat , statuere , ut perseveranter stet , & eum , qui cadit , restituere : nemo sibi certi aliquid absoluta certitudine polliceatur : tametsi in Dei auxilio firmissimam spem collocare , & reponere omnes debent .

*Deus enim, nisi ipsi illius gratia defuerint, sicut capit opus bonum, ita perficiet, operans uelle, & perficere. Verumtamen qui se existimant stare, uideant ne cadant, & cum timore ac tremore salutem suam operentur in laboribus, in uigilijs, in elemosynis, in orationibus, & oblationibus, in ieiunijs, & castitate. Formidare enim debent, scientes quod in spem gloriae, & nundum in gloria renati sunt, de pugna, quæ superest cum carne, cum mundo, cum Diabolo; in qua uictores esse non possunt, nisi cum Dei gratia Apostolo obtemperent, dicenti: Debitor es sumus non carni, ut secundum carnem uiuamus: si enim secundum carnem uixeritis, moriemini: si autem spiritu facta carnis mortificaueritis, uiuetis.*

Delapsis, & eorum reparatione. Cap. XIII.

*Remissio Baptis-  
mali quod diffi-  
culte est penitentia*

*Qui uero ab accepta iustificationis gratia per peccatum exciderunt, rursus iustificari poterunt, cum excitante Deo per penitentiae Sacramentum, merito Christi ammissam gratiam recuperare procurauerint. hinc enim iustificationis modus est lapsi reparatio, quam secundam post naufragium deperditæ gratiæ tabulam sancti Patres apte nuncuparunt. Etenim pro ijs, qui post Baptismum in peccata labuntur, Christus Iesus Sacramentum instituit penitentiae, cum dixit: Accipite Spiritum Sanctum: quorum remiseritis peccata, remittuntur eis, & quorum retinueritis, retenta sunt. Vnde docendum est, Christiani hominis penitentiam post lapsum multo aliam esse a baptismali; ea quæ contineri non modo cessationem a peccatis, & eorum detestationem, aut cor contritum, & humiliatum, uerum etiam eorundem sacramentalem confessionem saltem in uoto, & suo tempore faciendam, & sacerdotalem absolutionem: itemque satisfactionem per ieiunia, elemosynas, orationes, & alia pia spiritalis uitæ exercitia: non quidem pro pœna æterna, quæ uel Sacramento, uel Sacramenti uoto una cum culpa remittitur, sed pro pœna temporali: quæ, ut sacræ litteræ docent, non tota semper, ut in Baptismo fit, dimittitur illis, qui gratiæ Dei, quam acceperunt, ingrati Spiritui sanctum contristauerunt, & templum Dei uiolare non sunt ueriti. De qua penitentia scriptum est: Memor esto unde excideris: age penitentiam, & prima opera fac. Et iterum: Quæ secundum Deum tristitia est, penitentiam in salutem stabilem operatur. Et rursus: Penitentiam agite, & facite fructus dignos penitentiae.*

Quolibet mortali peccato amitti gratiam sed non fidem. Cap. XV.

*ADVERSUS etiam hominum quorundam callida ingenia, qui per dulces sermones, & benedictiones seducunt corda innocentium, asserendum est, non modo infidelitate, per quam & ipsa fides amittitur, sed etiam quocumque alio mortali peccato, quamuis non amittatur fides, acceptam iustificationis gratiam amitti; diuinæ legis doctrinam defendendo, quæ a regno Dei non solum infideles excludit,*



*excludit, sed & fideles quoque fornicarios, adulteros, molles, masculorum concubitores, fures, auaros, ebriosos, maledicos, rapaces, ceterosq. omnes qui letalia committunt peccata; a quibus cū diuinæ gratiæ adiumento abstinere possunt, & pro quibus a Christi gratia separantur.*

De fructu iustificationis, hoc est, de merito bonorum operum,  
deq. ipsius meriti ratione. Cap. XVI.

*Hac igitur ratione iustificatis hominibus, siue acceptam gratiam perpetuo conseruauerint, siue amissam recuperauerint, proponenda sunt Apostoli uerba: Abundate in omni opere bono, scientes quod labor uester non est inanis in Domino. non enim iniustus est Deus, ut obliuiscatur operis uestri, & dilectionis, quam ostendistis in nomine ipsius. Et, Nolite amittere confidentiam uestram, quæ magnam habet remunerationem. Atque ideo bene operantibus usque in finem, & in Deo sperantibus proponenda est uita aeterna, & tamquam gratia filijs Dei per Christum Iesum misericorditer promissa; & tamquam merces ex ipsius Dei promissione bonis ipsorum operibus, & meritis fideliter reddenda. hæc est enim illa corona iustitiæ, quam post suum certamen, & cursum repositam sibi esse aiebat Apostolus a iusto iudice sibi reddendam, non solum autem sibi, sed & omnibus, qui diligunt aduentum eius. cum enim ille ipse Christus Iesus tamquam caput in mensura, & tamquam uitis in palmites, in ipsos iustificatos iugiter uirtutem influat, quæ uirtus bona eorum opera semper antecedit, & comitatur, & subsequitur; & sine qua nullo pacto Deo grata, & meritoria esse possent: nihil ipsis iustificatis amplius deesse credendum est, quominus plene illis quidem operibus, quæ in Deo sunt facta, diuinæ legi pro huius uitæ statu satisfecisse, & uitam æternam suo etiam tempore, si tamen in gratia decesserint, consequendam, uere promernisse censeantur: cum Christus Saluator noster dicat: Si quis biberit ex aqua, quam ego dabo ei, non sitiet in æternum: sed fiet in eo fons aquæ salientis in uitam æternam. Ita neque propria nostra iustitia, tamquam ex nobis propria statuitur: neque ignoratur, aut repudiatur iustitia Dei. quæ enim iustitia nostra dicitur, quia per eam nobis in hærentem iustificamur: illa eadem Dei est, quia a Deo nobis infunditur per Christi meritum. Neque uero illud omittendum est, quod licet bonis operibus in sacris litteris usque adeo tribuatur, ut etiam qui uni ex minimis suis potum aquæ frigidiæ dederit, promittat Christus eum non esse sua mercede cariturum: & Apostolus testetur, id quod in præsentie est momentaneum, & leue tribulationis nostræ, supra modum in sublimitate æternæ gloriæ pondus operari in nobis: absit tamen, ut Christianus homo in se ipso uel confidat, uel glorietur, & non in Domino: cuius tanta est erga omnes homines bonitas, ut eorum uelit esse merita, quæ sunt ipsius dona. Et quia in multis offendimus omnes, unusquisque sicut misericordiam, & bonitatem, ita seueritatem, & iudicium ante oculos habere debet, neque se ip-*

*sum aliquis, etiam si nihil sibi conscius fuerit, iudicare: quoniam omnis hominum uita non humano iudicio examinanda, & iudicanda est, sed Dei: qui illuminabit abscondita tenebrarum, & manifestabit consilia cordium: & tunc laus erit unicuique a Deo, qui, ut scriptum est, reddet unicuique secundum opera sua.*

*Post hanc catholicam de iustificatione doctrinam, quam nisi quisque fideliter firmiterq. receperit, iustificari non poterit; placuit sanctæ Synodo hos canones subiungere: ut omnes sciant non solum quid tenere, & sequi, sed etiam quid uitare, & fugere debeant.*

## D E I U S T I F I C A T I O N E.

## C A N O N I.



*I quis dixerit, hominem suis operibus, quæ uel per humanæ naturæ uires, uel per legis doctrinam fiant, absque diuina per Iesum Christum gratia posse iustificari coram Deo; anathema sit.*

## C A N O N II.

*Si quis dixerit, ad hoc solum diuinam gratiam per Christum Iesum dari, ut facilius homo iuste uiuere, ac uitam æternam promereri possit; quasi per liberum arbitrium sine gratia utrumque, sed ægre tamen, & difficulter possit; anathema sit.*

## C A N O N III.

*Si quis dixerit, sine præueniente Spiritus sancti inspiratione, atque eius adiutorio, hominem credere, sperare, diligere, aut panitere posse sicut oportet, ut ei iustificationis gratia conferatur; anathema sit.*

## C A N O N, IIII.

*Si quis dixerit, liberum hominis arbitrium a Deo motum, & excitatum nihil cooperari assentiendo Deo excitanti atque uocanti, quo ad obtinendam iustificationis gratiam se disponat, ac præparet, neque posse dissentire si uelit, sed uelut inanime quoddam nihil omnino agere, mereq. passivæ se habere; anathema sit.*

## C A N O N V.

*Si quis liberum hominis arbitrium post Adæ peccatum amissum, & extinctum esse dixerit, aut rem esse de solo titulo, immo titulum sine re, figmentum denique a satana inuentum in Ecclesiam; anathema sit.*



## C A N O N    V I.

*Si quis dixerit, non esse in potestate hominis, vias suas malas facere, sed mala opera ita, ut bona, Deum operari, non permissive solum, sed etiam proprie, & per se, adeo ut sit proprium eius opus non minus proditio Iudæ, quam vocatio Pauli; anathema sit.*

## C A N O N    V I I.

*Si quis dixerit, opera omnia, quæ ante iustificationem fiunt, quacumque ratione facta sint, vere esse peccata, vel odium Dei mereri, aut, quanto uehementius quis nititur se disponere ad gratiam, tanto eum gravius peccare; anathema sit.*

## C A N O N    V I I I.

*Si quis dixerit, gehennæ metum, per quem ad misericordiam Dei de peccatis dolendo confugimus, vel a peccando abstinemus, peccatum esse, aut peccatores peiores facere; anathema sit.*

## C A N O N    I X.

*Si quis dixerit, sola fide impium iustificari, ita ut intelligat nihil aliud requiri, quod ad iustificationis gratiam consequendam cooperetur, & nulla ex parte necesse esse eum suæ voluntatis motu preparari, atque disponi; anathema sit.*

## C A N O N    X.

*Si quis dixerit, homines sine Christi iustitia, per quam nobis meruit, iustificari, aut per eam ipsam formaliter iustos esse; anathema sit.*

## C A N O N    X I.

*Si quis dixerit, homines iustificari vel sola imputatione iustitiæ Christi, vel sola peccatorum remissione, exclusa gratia, & caritate, quæ in cordibus eorum per Spiritum sanctum diffundatur, atque illis inhaereat, aut etiam gratiam, qua iustificamur, esse tantum fauorem Dei; anathema sit.*

## C A N O N    X I I.

*Si quis dixerit, fidem iustificantem nihil aliud esse, quam fiduciam diuinæ misericordiæ peccata remittentis propter Christum, vel eam fiduciam solam esse qua iustificamur; anathema sit,*

## C A N O N    X I I I.

*Si quis dixerit, omni homini ad remissionem peccatorum assequendam necessarium esse, ut credat certo, & absque ulla hæsitacione propriæ infirmitatis,*

indispositionis, peccata sibi esse remissa; anathema sit.

## C A N O N    X I I I I .

Si quis dixerit, hominem a peccatis absolui, ac iustificari ex eo quod se absolui, ac iustificari certo credat; aut neminem uere esse iustificatum nisi qui credat se esse iustificatum; et hac sola fide absolutionem, & iustificationem perfici; anathema sit.

## C A N O N    X V .

Si quis dixerit, hominem renatum, & iustificatum teneri ex fide ad credendum, se certo esse in numero prædestinatorum; anathema sit.

## C A N O N    X V I .

Si quis magnum illud usque in finem perseverantia donum se certo habiturum absoluta, & infallibili certitudine dixerit, nisi hoc speciali reuelatione didicerit; anathema sit.

## C A N O N    X V I I .

Si quis iustificationis gratiam non nisi prædestinatis ad uitam contingere dixerit; reliquos uero omnes, qui uocantur, uocari quidem, sed gratiam non accipere, utpote diuina potestate prædestinatos ad malum; anathema sit.

## C A N O N    X V I I I .

Si quis dixerit, Dei præcepta homini etiam iustificato, & sub gratia constituto esse ad obseruandum impossibilia; anathema sit.

## C A N O N    X I X .

Si quis dixerit, nihil præceptum esse in Euangelio præter fidem, cetera esse indifferentia, neque præcepta, neque prohibita, sed libera; aut decem præcepta nihil pertinere ad Christianos; anathema sit.

## C A N O N    X X .

Si quis hominem iustificatum, & quantumlibet perfectum dixerit non teneri ad obseruantiam mandatorum Dei, & Ecclesiæ, sed tantum ad credendum; quasi uero Euangelium sit nuda, & absoluta promissio uitæ æternæ sine condicione obseruationis mandatorum; anathema sit.

## C A N O N    X X I .

Si quis dixerit, Christum Iesum a Deo hominibus datum fuisse ut redemptorem, cui fidant, non etiam ut legislatorem, cui obediant; anathema sit.



## C A N O N    X X I I .

*Si quis dixerit , iustificatum uel sine speciali auxilio Dei in accepta iustitia perseuerare posse , uel cum eo non posse : anathema sit.*

## C A N O N    X X I I I .

*Si quis hominem semel iustificatum dixerit amplius peccare non posse, neque gratiam ammittere , atque ideo eum, qui labitur , & peccat , numquam uere fuisse iustificatum , aut contra , posse in tota uita peccata omnia, etiam uenialia, uitare , nisi ex speciali Dei priuilegio , quemadmodum de beata Virgine tenet Ecclesia ; anathema sit.*

## C A N O N    X X X I I I I .

*Si quis dixerit , iustitiam acceptam non conseruari , atque etiam non augeri coram Deo per bona opera ; sed opera ipsa fructus solummodo , & signa esse iustificationis adeptæ , non autem ipsius augendæ causam ; anathema sit.*

## C A N O N    X X V .

*Si quis in quolibet bono opere iustum saltem uenialiter peccare dixerit , aut, quod intolerabilius est , mortaliter , atque ideo pœnas æternas mereri, tantumq. ob id non damnari , quia Deus ea opera non imputet ad damnationem ; anathema sit.*

## C A N O N    X X V I .

*Si quis dixerit, iustos non debere pro bonis operibus, quæ in Deo fuerint facta, expectare , sperare æternam retributionem a Deo per eius misericordiam , & Iesu Christi meritum , si bene agendo , & diuina mandata custodiendo usque in finem perseuerauerint ; anathema sit.*

## C A N O N    X X V I I .

*Si quis dixerit , nullum esse mortale peccatum , nisi infidelitatis , aut nullo alio , quantumuis graui , & enormi , præterquam infidelitatis peccato , semel acceptam gratiam amitti ; anathema sit.*

## C A N O N    X X V I I I .

*Si quis dixerit , amissa per peccatum gratia, simul & fidem semper amitti ; aut fidem , quæ remanet , non esse ueram fidem , licet non sit inua ; aut eum , qui fidem sine caritate habet , non esse Christianum ; anathema sit.*

## C A N O N    X X I X .

*Si quis dixerit , eum, qui post Baptismum lapsus est , non posse per Dei gra-*

ti. im resurgere ; aut posse quidem , sed sola fide amissam iustitiam recuperare si-  
ne Sacramento penitentiae , prout sancta Romana, & uniuersalis Ecclesia a Chri-  
sto domino , & eius Apostolis edocta , hucusque professsa est , seruauit , & do-  
cuit ; anathema sit.

## C A N O N    X X X .

Si quis post acceptam iustificationis gratiam cuilibet peccatori penitenti ita  
culpam remitti , & reatum aeternae poenae deleri dixerit , ut nullus remaneat rea-  
tus poenae temporalis exoluendae , uel in hoc saeculo uel in futuro , in Purgato-  
rio , antequam ad regna calorum aditus patere possit : anathema sit.

## C A N O N    X X X I .

Si quis dixerit , iustificatum peccare , dum intuitu aeternae mercedis bene ope-  
ratur ; anathema sit.

## C A N O N    X X X I I .

Si quis dixerit , hominis iustificati bona opera ita esse dona Dei , ut non sint  
etiam bona ipsius iustificati merita ; aut ipsum iustificatum bonis operibus , quae  
ab eo per Dei gratiam , & Iesu Christi meritum , cuius uiuum membrum est ,  
fiunt , non uere mereri augmentum gratiae , uitam aeternam , & ipsius uitae  
aeternae , si tamen in gratia decesserit , consecutionem , atque etiam gloriae aug-  
mentum ; anathema sit.

## C A N O N    X X X I I I .

Si quis dixerit , per hanc doctrinam Catholicam de iustificatione a sancta Syno-  
do hoc praesenti Decreto expressam , aliqua ex parte gloriae Dei , uel meritis Iesu  
Christi Domini nostri , derogari , & non potius ueritatem fidei nostrae , Dei de-  
nique , ac Christi Iesu gloriam illustrari ; anathema sit.

## Decretum de Reformatione.      Cap. I.



Adem sacrosancta Synodus , eisdem Praesidentibus , & Apostolica Se-  
dis Legatis , ad restituendam collapsam admodum Ecclesiasticam disci-  
plinam , deprauatq. in Clero , & Populo Christiano mores emen-  
dandos se accingere uolens , ab ijs , qui maioribus ecclesijs praesunt , initium cen-  
suit esse sumendum . integritas enim praesidentium salus est subditurum . Con-  
fident itaque per Domini , ac Dei nostri misericordiam , prouidamq. ipsius Dei  
in terris Vicarii solertiam omnino futurum , ut ad ecclesiarum regimen , onus  
(quippe) angelicis humeris formidandum , qui maxime digni fuerint , quorumq.  
prior uita , ac omnis aetas , a puerilibus exordijs usque ad perfectiores annos per  
disciplinae stipendia ecclesiasticae laudabiliter acta , testimonium praebeat , secun-



dum uenerabiles beatorum Patrum sanctiones assumantur : omnes patriarchalibus, primatialibus, metropolitanis, & cathedralibus ecclesiis quibuscumque quouis nomine, ac titulo praefectos monet, ac monitos esse uult, ut attendentes sibi, & uniuerso gregi, in quo Spiritus sanctus posuit eos regere Ecclesiam Dei, quam acquisiuit sanguine suo, uigilent, sicut Apostolus praecipit, in omnibus laborent, & ministerium suum impleant : implere autem illud se nequam posse sciant, si greges sibi commissos mercenariorum more deserant; atque ouium suarum, quarum sanguis de eorum est manibus a supremo iudice requirendus, custodia minime incumbant: cum certissimum sit non admitti pastoris excusationem, si lupo oues comedit, & pastor nescit. Ac nihilominus quia nonnulli, quod uehementer dolendum est, hoc tempore reperiuntur, qui propriae etiam salutis immemores, terrenaq. caelestibus, ac diuinis humana praefereutes, in diuersis curijs uagantur, aut in negotiorum temporalium sollicitudine, ouili derelicto, atque ouium sibi commissarum cura neglecta, se detinent occupatos : placuit sacrosanctae Synodo antiquos canones, qui temporum, atque hominum iniuria pene in dissuetudinem abierunt, aduersus non residentes promulgatos innouare; quemadmodum uirtute praesentis Decreti innouat: ac ulterius pro firmiori eorundem residentia, & reformandis in Ecclesia moribus, in hunc, qui sequitur, modum statuere, atque sancire. Si quis a patriarchali, primatiali, metropolitana, seu cathedrali ecclesia sibi quocumque titulo, causa, nomine, seu iure commissa, quacumque ille dignitate, gradu, & praeminentia praefulgeat, legitimo impedimento, & seu iustis, & rationalibus causis cessantibus, sex mensibus continuis extra suam diocesim morando absuerit: quartae partis fructuum unius anni, fabricae ecclesiae, & pauperibus loci per superiorem ecclesiasticum applicandorum poenam ipso iure incurrat. Quod si per alios sex menses in huiusmodi absentia perseuerauerit; aliam quartam partem fructuum similiter applicandam eo ipso amittat. Crescente uero contumacia, ut seueriori sacrorum canonum censurae subiciatur, Metropolitanus Suffraganeos Episcopos absentes, Metropolitanum uero absentem Suffraganeus Episcopus antiquior residens, sub poena interdicti ingressus ecclesiae eo ipso incurrenda, infra tres menses per litteras, seu nuncium Romano Pontifici denunciare teneatur: qui in ipsos absentes, prout cuiusque maior, aut minor contumacia exegerit, suae supremae Sedis auctoritate animaduertere, & ecclesiis ipsis de Pastoribus utilioribus prouidere poterit, sicut in Domino nouerit salubriter expedire.

## CAPVT II.

EPISCOPIS inferiores, quauis beneficia ecclesiastica personalem residentiam de iure, siue consuetudine exigentia, in titulum, siue commendam obtinentes, ab eorum Ordinarijs, quemadmodum eis pro bono ecclesiarum regimine, & diuini cultus augmento, locorum, & personarum qualitate pensata, expediens uidebitur, opportunis iuris remedijs residere cogantur:

Con' Prælatus no  
residentes.

Con' no residentes

nulliq. privilegia, seu indulta perpetua de non residendo, aut de fructibus in absentia percipiendis, suffragentur. Indulgentijs uero, & dispensationibus temporalibus, ex ueris, & rationabilibus causis tantum concessis, & coram Ordinario legitime probandis, in suo robore permansuris, quibus casibus nihilominus officium sit Episcoporum, tamquam in hac parte a Sede Apostolica delegatorum, providere ut per deputationem idoneorum Vicariorum, & congrua portionis fructuum assignationem, cura animarum nullatenus negligatur; nemini, quo ad hoc, privilegio, seu exemptione quacumque suffragante.

## C A P V T I I I.

Ecclesiarum Pralati ad corrigendum subditorum excessus prudenter, ac diligenter intendant. Et nemo secularis clericus cuiusvis personalis, uel regularis, extra monasterium degens, etiā sui ordinis privilegij prætectu, tutus censeatur, quominus, si deliquerit, ab Ordinario loci, tamquam super hoc a Sede Apostolica delegato, secundum canonicas sanctiones uisitari, puniri, & corrigi ualeat.

## C A P V T I I I I.

Capitula cathedralium, & aliarum maiorum ecclesiarum, illorumq. personæ, nullis exemptionibus, consuetudinibus, sententijs, iuramentis, concordijs, quæ tantum suos obligent auctores, non etiam successores, tueri se possint, quominus a suis Episcopis, & alyis maioribus Pralatis per se ipsos solos, uel illis, quibus sibi uidebitur, adiunctis, iuxta canonicas sanctiones, toties, quoties opus fuerit, uisitari, corrigi, & emendari, etiam auctoritate Apostolica, possint, & ualeant.

## C A P V T V.

Nulli Episcopo liceat cuiusvis privilegij prætectu pontificalia in alterius diocesi exercere, nisi de Ordinarij loci expressa licentia, & in personas eidem Ordinario subiectas tantum. si secus factum fuerit, Episcopus ab exercitio pontificalium, & sic ordinati ab executione ordinum sint ipso iure suspensi.

## Indictio futuræ Sessionis.

Placet ne uobis proximam futuram Sessionem celebrari die Iouis, feria quinta post primam Dominicam subsequentis Quadragesimæ, quæ erit dies tertia mensis Martij? Responderunt, Placet.



SESSIO SEPTIMA.  
 CELEBRATA DIE III  
 MENSIS MARTII,  
 M. D. XLVII.

DECRETVM DE SACRAMENTIS.

PROOEMIUM.



*D consummationem salutaris de iustificatione doctrinae, quae in precedenti proxima Sessione uno omnium Patrum consensu promulgata fuit; consentaneum visum est de sanctissimis Ecclesiae Sacramentis agere, per quae omnis vera iustitia vel incipit, vel caepa augetur, vel amissa reparatur: propterea sacrosancta oecumenica, & generalis Tridentina Synodus, in Spiritu sancto legitime congregata, praesidentibus in ea eisdem Apostolicae Sedis Legatis, ad errores eliminandos, & extirpandas haereses, quae circa sanctissima ipsa Sacramenta hac nostra tempestate tum de damnatis olim a Patribus nostris haeresibus suscitatae, tum etiam de nouo adinuenta sunt, quae Catholicae Ecclesiae puritati, & animarum saluti magnopere officiunt; sanctarum scripturarum doctrinae, Apostolicis traditionibus, atque aliorum Conciliorum, & Patrum consensui inhaerendo, hos praesentes canones statuendos, & decernendos censuit: reliquos, qui supersunt ad caepti operis perfectionem, deinceps, diuino Spiritu adiuuante, editura.*

DE SACRAMENTIS IN GENERE.

CANON. I.

***S**I quis dixerit, Sacramenta nouae legis non fuisse omnia a Iesu Christo, Domino nostro, instituta; aut esse plura, vel pauciora, quam septem, uidelicet, Baptismum, Confirmationem, Eucharistiam, Penitentiam, Extremam unctionem, Ordinem, & Matrimonium; aut etiam aliquod horum septem non esse uere, & proprie Sacramentum; anathema sit.*

CANON II.

*Si quis dixerit, ea ipsa nouae legis Sacramenta a Sacramentis antiquae legis non differre, nisi quia caerimoniae sunt aliae, & alij ritus externi; anathema sit.*

S E S S I O  
C A N O N    I I I .

*Si quis dixerit, hæc septem Sacramenta ita esse inter se paria, ut nulla ratione aliud sit alio dignius; anathema sit.*

C A N O N    I I I I .

*Si quis dixerit, Sacramenta nouæ legis non esse ad salutem necessaria, sed superflua; & sine eis, aut eorum uoto per solam fidem homines a Deo gratiam iustificationis adipisci: licet omnia singulis necessaria non sint; anathema sit.*

C A N O N    V .

*Si quis dixerit, hæc Sacramenta propter solam fidem nutriendam instituta fuisse; anathema sit.*

C A N O N    V I .

*Si quis dixerit, Sacramenta nouæ legis non continere gratiam, quam significant; aut gratiam ipsam non ponentibus obicem non conferre, quasi signa tantum externa sint acceptæ per fidem gratiæ, uel iustitiæ, & notæ quædam Christianæ professionis, quibus apud homines discernuntur fideles ab infidelibus; anathema sit.*

C A N O N    V I I .

*Si quis dixerit, non dari gratiam per huiusmodi Sacramenta semper, & omnibus, quantum est ex parte Dei, etiam si rite ea suscipiant, sed aliquando, & aliquibus; anathema sit.*

C A N O N    V I I I .

*Si quis dixerit, per ipsa nouæ legis Sacramenta ex opere operato non conferri gratiam, sed solam fidem diuinæ promissionis ad gratiam consequendam sufficere; anathema sit.*

C A N O N    I X .

*Si quis dixerit, in tribus Sacramentis, Baptismo scilicet, Confirmatione, & Ordine, non imprimi characterem in anima, hoc est signum quoddam spiritale, & indelebile, unde ea iterari non possunt; anathema sit.*

C A N O N    X .

*Si quis dixerit, Christianos omnes in uerbo, & omnibus Sacramentis administrandis habere potestatem; anathema sit.*



## C A N O N   X I.

*Si quis dixerit, in ministris, dum Sacramenta conficiunt, & conferunt, non requiri intentionem saltem faciendi, quod facit Ecclesia; anathema sit.*

## C A N O N   X I I.

*Si quis dixerit, ministrum in peccato mortali existentem, modo omnia essentialia, quæ ad Sacramentum conficiendum, aut conferendum pertinent, seruauerit, non conficere, aut conferre Sacramentum; anathema sit.*

## C A N O N   X I I I.

*Si quis dixerit, receptos, & approbatos Ecclesiæ Catholicæ ritus in sollemni Sacramentorum administratione adhiberi consuetos, aut contemni, aut sine peccato a ministris pro libito omitti; aut in nouos alios per quemcumque ecclesiæ Pastorem mutari posse; anathema sit.*

## D E   B A P T I S M O.

## C A N O N   I.



*Si quis dixerit, Baptismum Ioannis habuisse eandem vim cum Baptismo Christi; anathema sit.*

## C A N O N.   I I.

*Si quis dixerit, aquam ueram, & naturalem non esse de necessitate Baptismi, atque ideo uerba illa Domini nostri Iesu Christi; Nisi quis renatus fuerit ex aqua, & spiritu sancto; ad metaphoram aliquam detorserit; anathema sit.*

## C A N O N   I I I.

*Si quis dixerit, in Ecclesia Romana, quæ omnium ecclesiarum mater est, & magistra, non esse ueram de Baptismi Sacramento doctrinam; anathema sit.*

## C A N O N   I I I I.

*Si quis dixerit, Baptismum, qui etiam datur ab hæreticis in nomine Patris, & Filij, & Spiritus sancti, cum intentione faciendi quod facit Ecclesia, non esse uerum Baptismum; anathema sit.*

## C A N O N   V.

*Si quis dixerit, Baptismum liberum esse, hoc est, non necessarium ad salutem; anathema sit.*

## C A N O N   V I .

*Si quis dixerit, baptizatum non posse, etiam si uelit, gratiam amittere, quantumcumque peccet, nisi nolit credere; anathema sit.*

## C A N O N   V I I .

*Si quis dixerit, baptizatos per Baptismum ipsum solius tantum fidei debitores fieri, non autem uniuersae legis Christi seruandæ: anathema sit.*

## C A N O N   V I I I .

*Si quis dixerit, baptizatos liberos esse ab omnibus sanctæ Ecclesiæ praeceptis, quæ uel scripta, uel tradita sunt; ita ut ea obseruare non teneantur, nisi se sua sponte illis summittere uoluerint; anathema sit.*

## C A N O N   I X .

*Si quis dixerit, ita reuocandos esse homines ad Baptismi suscepti memoriam, ut uota omnia, quæ post Baptismum fiunt, ui promissionis, in Baptismo ipso iam facta, irrita esse intelligant; quasi per ea & fidei, quam professi sunt, detrahatur, & ipsi Baptismo; anathema sit.*

## C A N O N   X .

*Si quis dixerit, peccata omnia, quæ post Baptismum fiunt, sola recordatione, & fide suscepti Baptismi uel dimitti, uel uenialia fieri; anathema sit.*

## C A N O N   X I .

*Si quis dixerit, uerum, & rite collatum Baptismum iterandum esse illi, qui apud infideles fidem Christi negauerit, cum ad penitentiam conuertitur; anathema sit:*

## C A N O N   X I I .

*Si quis dixerit, neminem esse Batizandum, nisi ea etate, qua Christus baptizatus est, uel in ipso mortis articulo; anathema sit.*

## C A N O N   X I I I .

*Si quis dixerit, paruulos, eo quod actum credendi non habent, suscepto Baptismo inter fideles computandos non esse; ac propterea cum ad annos discretionis peruenerint, esse rebaptizandos; aut præstare omitti eorum Baptisma, quam eos non actu proprio credentes baptizari in sola fide Ecclesiæ; anathema sit.*

## C A N O N   X I I I I .

*Si quis dixerit, huiusmodi paruulos baptizatos, cum adoleuerint, interrogandos esse,*



dos esse an ratum habere uelint, quod patrini eorum nomine, dum baptizarentur, polliciti sunt; & ubi se nolle responderint, suo esse arbitrio relinquendos; nec alia interim pœna ad Christianam uitam cogendos, nisi ut ab Eucharistiæ, aliorumq. Sacramentorum perceptione arceantur, donec resipiscant; anathema sit.

## DE CONFIRMATIONE.

## C A N O N. I.

**S**I quis dixerit, Confirmationem baptizatorum otiosam cerimoniam esse, & non potius uerum, & proprium Sacramentum; aut olim nihil aliud fuisse, quam catechesim quandam, qua adolescentiæ proximi fidei suæ rationem coram Ecclesia exponebant; anathema sit.

## C A N O N. II.

Si quis dixerit, iniurios esse spiritui sancto eos, qui sacro Confirmationis chrismati uirtutem aliquam tribuunt; anathema sit.

## C A N O N. III.

Si quis dixerit, sanctæ Confirmationis ordinarium ministrum non esse solum Episcopum, sed quemuis simplicem sacerdotem; anathema sit.

## DECRETVM DE REFORMATIONE.

**A**dem sacrosancta Synodus, eisdem Presidentibus, & Legatis, inceptum residentia, & reformationis negotium ad Dei laudem, & Christianæ religionis incrementum prosequi intendens, ut sequitur, statuendum censuit, salua semper in omnibus Sedis Apostolicæ auctoritate.

## C A P V T. I.

**A**D cathedralium ecclesiarum regimen nullus, nisi ex legitimo matrimonio natus, & atate matura, grauitate morum, litterarumq. scientia, iuxta constitutionem Alexandri tertij, quæ incipit, Cum in cunctis, in Concilio Lateranensi promulgatam, præditus assumatur.

## C A P V T. II.

**N**emo, quacumque etiam dignitate, gradu, aut præeminentia præfulgens, plures metropolitanas, seu cathedrales ecclesias, in titulum, siue commendam, aut alio quouis nomine contra sacrorum Canonum instituta, recipere, & simul retinere præsumat: cum ualde felix sit ille censendus, cui unam ecclesiam bene, ac fructuose, & cum animarum sibi commissarum salute regere contigerit.

quodlibet prædictum  
cathedrali

Cath. plures non  
obtinere

Qui autem plures ecclesias contra præsentis Decreti tenorem nunc detinent, una, quam maluerint, retenta, reliquas infra sex menses, si ad liberam Sedis Apostolica dispositionem pertineant, alias infra annum dimittere teneantur, alioquin ecclesiæ ipsæ, ultimo obtenta dumtaxat excepta, eo ipso uacare censeantur.

## C A P V T I I I

*Qualitas ritus par* Inferiora beneficia ecclesiastica, præsertim curam animarum habentia, personis dignis, & habilibus, & quæ in loco residere, ac per se ipsos curam ipsam exercere ualeant, iuxta constitutionem Alexandri tertij, in Lateranensi, quæ incipit; Quia nonnulli; & aliam Gregorij decimi, in generali Lugdunensi Concilio, quæ incipit, Licet canon, editam, conferantur. aliter autem facta collatio, siue prouisio, omnino irritetur: & ordinarius collator pœnas constitutionis Concilij generalis, quæ incipit, Graue nimis, se nouerit incursum.

## C A P V T I I I I.

*incomparabile non obliuiscuntur et unionem seu commendam* Quicumque de cetero plura curata, aut alias incompatibilia beneficia ecclesiastica, siue per uiam unionis ad uitam, seu commendæ perpetuæ, aut alio quocunque nomine, & titulo contra formam sacrorum Canonum, & præsertim constitutionis Innocentij tertij, quæ incipit, De multa, recipere, ac simul retinere præsumpserit; beneficiis ipsis, iuxta ipsius constitutionis dispositionem, ipso iure, etiam præsentis Canonis uigore, priuatus existat.

## C A P V T V.

*Ut tinentes plura incompatibilia quid facere debeant* Ordinarii locorum quoscunque plura curata, aut alias incompatibilia beneficia ecclesiastica obtinentes, dispensationes suas exhibere districte compellant; & alias procedant iuxta constitutionem Gregorij decimi, in generali Lugdunensi Concilio editam, quæ incipit, Ordinarii: quam eadem sancta Synodus innouandam censet, & innouat, addens insuper, quod ipsi Ordinarii etiam per idoneorum Vicariorum deputationem, & congruæ portionis fructuum assignationem omnino provideant, ut animarum cura nullatenus negligatur, & beneficia ipsa debitis obsequijs minime defraudentur: Appellationibus, priuilegijs, & exemptionibus quibuscunque, etiam cum iudicum specialium deputatione, & illorum inhibitionibus in præmissis nemini suffragantibus.

## C A P V T V I.

*Unionem facere debent, et facientibus quod debent* Uniones perpetuæ, a quadraginta annis citra factæ, examinari ab Ordinarijs, tamquam a Sede Apostolica delegatis, possint: & quæ per subreptionem uel obreptionem obtentæ fuerint, irritæ declarentur. Illæ uero, quæ a dicto tempore citra concessæ, nondum in toto, uel in parte sortitæ sunt effectum, & quæ



deinceps ad cuiusvis instantiam fient, nisi eas ex legitimis, aut alias rationabilibus causis coram loci Ordinario, uocatis quorum interest, uerificandis, factas fuisse constiterit, per subreptionem obtentæ præsumantur: ac propterea, nisi aliter a Sede Apostolica declaratum fuerit, uiribus omnino careant.

## C A P V T VII.

Beneficia ecclesiastica curata, quæ cathedralibus, collegiatis, seu aliis ecclesiis, uel monasteriis, beneficiis, seu collegiis, aut piis locis quibuscumque perpetuo unita, & annexa reperiuntur, ab Ordinariis locorum annis singulis uisitentur: qui solícite providere procurent, ut per idoneos Vicarios etiam perpetuos, nisi ipsis Ordinariis pro bono ecclesiarum regimine aliter expedire uidebitur, ab eis cum tertiæ partis fructuum, aut maiori, uel minori, arbitrio ipsorum Ordinariorum, portione etiam super certa re assignanda, ibidem deputandos, animarum cura laudabiliter exerceatur: Appellationibus, priuilegijs, exemptionibus, etiam cum iudicum deputatione, & illorum inhibitionibus quibuscumque in præmissis minime suffragantibus. Unita cura uisitentur ab ordinario

## C A P V T VIII.

Locorum Ordinarii ecclesias quascumque, quomodolibet exemptas, auctoritate Apostolica singulis annis uisitare teneantur, & opportunis iuris remedijs providere, ut, quæ reparatione indigent, reparentur: & cura animarum, si qua illis immineat, alijsque debitis obsequijs minime defraudentur: Appellationibus, priuilegijs, consuetudinibus etiam ab immemorabili tempore præscriptis, iudicum deputationibus, & illorum inhibitionibus penitus exclusis. Ordinarius uisitent exemptas.

## C A P V T IX.

AD maiores ecclesias promoti munus consecrationis infra tempus, a iure statutum, suscipiant: & prorogationes ultra sex menses concessæ nulli suffragentur.

## C A P V T X.

NON liceat Capitulis ecclesiarum, Sede uacante, infra annum a die uacationis, ordinandi licentiam, aut litteras dimissorias, seu reuerendas, ut aliqui uocant, tam ex iuris communis dispositione, quam etiam cuiusvis priuilegii aut consuetudinis uigore, alicui, qui beneficii ecclesiastici recepti, siue recipiendi Dimissorie an dantur in capto, an non

occasione arctatus non fuerit, concedere, si secus fiat, Capitulum contraveniens ecclesiastico subiaceat interdicto: & sic ordinati, si in minoribus ordinibus constituti fuerint, nullo privilegio clericali, praesertim in criminalibus, gaudent; in maioribus uero, ab executione ordinum, ad beneplacitum futuri Praelati, sint ipso iure suspensi.

## C A P V T XI.

facultates de promouendo

Facultates de promouendo a quocumque, non suffragentur nisi habentibus legitimam causam, ob quam a proprijs Episcopis ordinari non possint, in litteris exprimendam; & tunc non ordinentur, nisi ab Episcopo in sua diocesi residente, aut pro eo pontificalia exercente, & diligenti prauo examine.

## C A P V T XII.

Facultates de non promouendo, praterquam in casibus a iure expressis, concessae, ad annum tantum suffragentur.

## C A P V T XIII.

Presentati et electi ab Ordinarijs examinantur

Presentati; seu electi, uel nominati quibuscumque ecclesiasticis personis, etiam Sedis Apostolicae Nuncijs, ad quauis ecclesiastica beneficia non instituantur, nec confirmentur, neque admittantur, etiam praetextu cuiuscumque privilegij, seu consuetudinis, etiam ab immemorabili tempore praescriptae, nisi fuerint prius a locorum Ordinarijs examinati, & idonei reperti. Et nullus appellationis remedio se tueri possit, quominus examen subire teneatur. Presentatis tamen, electis, seu nominatis ab Vniuersitatibus, seu collegijs generalium Studiorum exceptis.

## C A P V T XIII.

Exemptis ab Ordinarijs in quibus causis non suffragantur

In exemptorum causis constitutio Innocentij III, quae incipit, Volentes, in generali Concilio Lugdunensi edita, seruetur, quam eadem sacrosancta Synodus innouandam censuit, & innouat; addendo insuper, quod in civilibus causis mercedum, & miserabilium personarum, clerici seculares, aut regulares extra monasterium degentes, quomodolibet exempti, etiam si certum iudicem, a Sede Apostolica deputatum, in partibus habeant. in alijs uero, si ipsum iudicem non habuerint, coram locorum Ordinarijs, tamquam in hoc ab ipsa Sede delegatis, conueniri, & iure medio ad soluendum debitum cogi, & compelli possint: privilegijs, exemptionibus, conseruatorum deputationibus, & eorum inhibitionibus aduersus praemissa nequaquam ualituris.

## C A P V T XV.

Hospitalia et exempta Ordinarijs curantur fideliter regi

Curent Ordinarij, ut hospitalia quaecumque a suis administratoribus, quocumque illi nomine censeantur, etiam quomodolibet exemptis, fideliter, & diligenter



*quædam*  
 genter, constitutionis Concilij Viennensi, quæ incipit, Quia contingit, forma  
 seruata. quam quidem constitutionem eadem sancta Synodus innouandam du-  
 xit, & innouat, cum derogationibus in ea contentis.

Indictio futuræ Sessionis.

Item hæc sacrosancta Synodus statuit, & decreuit proximam futuram Ses-  
 sionem tenendam, & celebrandam esse die Iouis, feria quinta post sequentem  
 Dominicam in Albis, quæ erit uigesima prima mensis Aprilis, præsentis anni.  
 M. D. XLVII.

## B V L L A F A C V L T A T I S T R A N S F E R E N D I C O N C I L I I.



*P*aulus Episcopus, seruus seruorum Dei, uenerabili fratri, Io-  
 anni Mariæ, Episcopo Prænestino, & dilectis filijs, Marcel-  
 lo tit. S. Crucis in Hierusalem, Presbytero, ac Reginaldo S.  
 Mariæ in Cosmedin Diacono, Cardinalibus, nostris & Apo-  
 stolicæ Sedis Legatis de latere, salutem, & Apostolicam bene-  
 dictionem. Regimini uniuersalis Ecclesiæ, meritis licet impari-

bus, disponente Domino, præsidentes, nostri officij partes esse putamus, ut, si quid  
 grauius caussa Reip. Christianæ constituendum sit, id non modo tempore opportu-  
 no, uerum etiam loco commodo, & idoneo perficiatur. cum itaque nos nuper,  
 postquam suspensionem celebrationis sacri œcumenici, & uniuersalis Concilij,  
 alias per nos in ciuitate Tridentina ex causis tunc expressis, de uenerabilium fra-  
 trum nostrorum, S. R. E. Cardinalium consilio & assensu indicti, ex certis alijs  
 etiam tunc expressis causis, usque ad aliud opportunius, & commodius tempus  
 per nos declarandum, de simili consilio, & assensu factam, audita pace inter ca-  
 rissimos in Christo filios nostros, Carolum Rom. Imperatorem semper Augu-  
 stum, & Franciscum Francorum Regem Christianissimum, conciliata, pari consi-  
 lio, & assensu susstuleramus & amoueramus; nequeunt ipsi, tunc legitime im-  
 pediti, ad dictam ciuitatem personaliter accedere, & eidem Concilio interesse, uos,  
 nostros, & Apostolicæ Sedis Legatos de latere, in eodem Concilio de simili con-  
 silio constituerimus & deputauerimus, uosq. ad eandem ciuitatem tamquam pa-  
 cis angelos destinauerimus, prout in diuersis nostris desuper confectis litteris ple-  
 nius continetur: Nos, ne tam sanctum celebrationis Concilij huiusmodi opus ex  
 incommoditate loci, aut alias quouis modo impediatur, aut plus debito differa-  
 tur, opportune providere nolentes, Motu proprio, & ex certa scientia, ac de

Apostolica potestatis plenitudine, pariq. consilio et assensu, uobis insimul, aut duobus ex uobis, reliquo legitimo impedimento detento, seu inde forte absente, quandoque uobis uidebitur, Concilium prædictum de eadem ciuitate Tridentina ad quamcumque aliam commodiorem, & opportuniorem, seu tutiorem ciuitatem, de qua uobis etiam uidebitur, transferendi, & mutandi: ac illud in ciuitate Tridentina supprimendi, & dissoluendi: necnon prælatis, & alijs personis Concilij huiusmodi, ne in eo ad ulteriora in dicta ciuitate Tridentina procedant, etiam sub censuris, et pœnis ecclesiasticis inhibendi, ac idem Concilium in alia ciuitate huiusmodi, ad quam illud transferri & mutari contigerit, continuandi, tenendi, et celebrandi, et ad illud Prælatos, & alias personas Concilij Tridentini huiusmodi etiam sub periurij, & alijs in litteris indiçtionis Concilij huiusmodi expressis pœnis, euocandi, eidemq. sic translato & mutato Concilio, nomine & auctoritate prædictis, præsidendi, ac in eo procedendi, ceteraq. in præmissis, & circa ea necessaria & opportuna, alias iusta priorum uobis directarum litterarum continentiam et tenorē: faciendi, statuendi, ordinandi, et exequendi, plenam & liberam Apostolica auctoritate tenore præsentium concedimus potestatem, & facultatem; ratum & gratum habituri, quidquid per nos in præmissis factum, statutum, ordinatum, executumue fuerit, idq. facturi, auctore Domino, inuiolabiliter obseruari: Non obstantibus constitutionibus, & ordinationibus Apostolicis, ceterisq. contrarijs quibuscumque. Nulli ergo omnino hominum liceat hanc paginam nostræ concessionis infringere, uel ei ausu temerario contra ire. si quis autem hoc attentare præsumpserit, indignationem omnipotentis Dei, ac beatorum Petri & Pauli Apostolorum eius, se nouerit incursurum. Datum Romæ apud S. Petrum, anno incarnationis Dominicæ M. D. XLIIII. VIIII. Kal. Mart. Pontificatus nostri anno XI.

Fab. Episcopus Spol. B. Motta.



SESSIO OCTAVA  
CELEBRATA DIE XI  
MENSIS MARTII,

M. D. XLVII.

Decretum de translatione Concilii.



**P**LACET ne uobis decernere, & declarare de huiusmodi morbo ex præmissis, & alijs allegatis ita manifeste, & notorie constare, ut Prælati in hac ciuitate sine uitæ discrimine commorari, & in ea iccirco inuiti minime retineri possint, & debeant? itemq. attento recessu multorum Prælatorum post proxime præteritam Sessionem, & attentis protestationibus aliorum quamplurium Prælatorum in Congregationibus generalibus factis, hinc omnino timore ipsius morbi abire uolentium, qui iuste detineri non possunt, & ex quorum discessu Concilium uel dissolueretur, uel ex paucitate Prælatorum bonus eius progressus impediretur; & attento etiam imminente periculo uitæ, & alijs causis per aliquos ex Patribus in ipsis congregationibus allegatis, utpote notorie ueris, & legitimis; placet ne uobis similiter decernere, & declarare pro conseruatione, & prosecutione ipsius Concilii securitate uitæ ipsorum Prælatorum, Concilium ipsum ad ciuitatem Bononiæ, ueluti ad locum magis paratum, salubrem, idoneum, pro tempore transferendum esse, & ex nunc transferri, & ibidem Sessionem iam indictam, statuta die, uigesima prima Aprilis, celebrandam esse, & celebrari; & successiue ad ulteriora procedendum, donec Sanctissimo Domino nostro, & sacro Concilio expedire uidebitur, ut ad hunc, seu alium locum, communicato etiam consilio cum Inuictissimo Cæsare, Christianissimo Rege, & alijs regibus ac Principibus Christianis, ipsum Concilium reduci possit, & debeat?

Responderunt, Placet.

D 2

SESSIO NONA  
BONONIAE CELEBRATA

DIE XXI MENSIS APRILIS,

M. D. XLVII.

Decretum prorogationis Sessionis.

**H**AEC sacrosancta œcumenica, & generalis Synodus, quæ dudum in ciuitate Tridenti congregata erat, nunc Bononiæ in Spiritu sancto legitime congregata, præsentibus in ea nomine sanctissimi in Christo Patris, & Domini nostri, Domini Pauli diuina prouidentia Papæ tertii, eisdem Reuerendissimis Dominis, D. Io. Maria, Episcopo Prænestino de Monte, & Marcello, tit. S. Crucis in Hierusalem, Presbytero, S. Romanæ Ecclesiæ Cardinalibus, & Apostolicis de latere Legatis, considerans quod die undecima mensis Martii, præsentis anni, in generali publica Sessione, in eadem ciuitate Tridenti, & in loco consueto celebrata, omnibusq. agendis de more peractis, ex causis tunc instantibus, urgentibus, & legitimis, interueniente etiam auctoritate sanctæ Sedis Apostolicæ, eisdem Reuerendissimis præsentibus etiam specialiter concessa, decreuit, & ordinauit, Concilium ex eo loco in hanc ciuitatem transferendum esse, sicuti transtulit; itemq. Sessionem pro præsentis die uigesimæ primæ Aprilis, illic indictam, ut de Sacramentorum, & reformationis materijs, de quibus tractandum proposuerat, Canones sancirentur, & promulgarentur, in hac ipsa ciuitate Bononiæ celebrari debere: consideransq., nonnullos ex Patribus, qui in hoc Concilio interesse consueuerunt, his superioribus, maioris hebdomadæ, etiam solemnitatis paschalis, diebus, in proprijs ecclesijs occupatos, aliquos etiam, alijs impedimentis detentos, huc nondum accessisse, quos tamen breui affuturos sperandum est; ac propterea factum esse, ut non ea, quam sancta Synodus desiderabat, Prælatorum frequentia, potuerint materiæ ipsæ Sacramento- rum, & reformationis examinari, & discut: ut omnia maturo consilio, cum dignitate, & grauitate debita fiant: bonum, opportunum, & expediens censuit, censetq. Sessionem prædictam, quæ hoc ipso die, ut præfertur, celebranda erat, ad diem Iouis, infra octauam Pentecostes proxime futuram, quo ad ipsas materias expediendas, differendam, & prorogandam esse, quemadmodum differt, ac prorogat. quam diem & rei gerenda maxime opportunam, & Patribus præsertim absentibus percommodam, iudicauit, & iudicat. Hoc tamen adiecto: quod terminum ipsam ipsa sancta Synodus, pro eius arbitrio, & uoluntate, sicuti rebus Concilij putauerit expedire, etiam in priuata Congregatione restringere, & imminuere possit, & ualeat.



SESSIO DECIMA  
 BONONIAE CELEBRATA  
 DIE II MENSIS IUNII,

M. D. XLVII.

Decretum prorogationis Sessionis.



**Q**VAMVIS hac sacrosancta œcumenica, & generalis Synodus Sessionem, quæ die uigesima prima mensis Aprilis proxime præteriti, super Sacramentorum, & reformationis materijs, in hac inclita ciuitate Bononiæ ex Decreto in Vrbe Tridentina, in publica Sessione, die undecima mensis Martij promulgato, celebranda erat, propter aliquas causas, ac præsertim propter absentiam nonnullorum Patrum, quos breui affuturos sperabat, ad hunc præsentem diem differendam, & prorogandam esse decreuerit: uolens tamen cum ijs, qui non uenerunt, etiam adhuc benigne agere, eadem sacrosancta Synodus in spiritu sancto legitime congregata, præsentibus in ea eisdem sanctæ Romanæ Ecclesiæ Cardinalibus, & Apostolicæ Sedis Legatis, statuit, & decernit Sessionem ipsam, quam hac die secunda mensis Iunij præsentis anni millesimi quingentesimi quadragesimi septimi celebrare decreuerat, ad diem Iouis post festum Natiuitatis beatæ Mariæ Virginis, quæ erit decima quinta mensis Septembris proxime futuri, quoad prædictas, & alias materias expediendas, differendam, & prorogandam esse, quemadmodum differt, & prorogat: ita tamen, quod prosecutio discussionis, & examinationis, tam eorum, quæ ad dogmata, quam ad reformationem pertinent; interim non omittatur, & terminum ipsum ipsa sancta Synodus, pro eius libito, & uoluntate, etiam in priuata congregatione, abbreviare, & prorogare libere possit, & ualeat.

Die XIII Septem. M. D. XLVII, in Congregatione generali, Bononiæ prorogata fuit Sessio, quæ futura erat die sequenti, ad beneplacitum sacri Concilij.

# BULLA RESUMPTIONIS

## CONCILII TRIDENTINI,

### SVB IVLIO III, PONT. MAX.



*V*lius Episcopus, seruus seruorum Dei, ad futuram rei memoriam. Cum ad tollenda religionis nostræ dissidia, quæ in Germania longo tempore non sine totius Christiani ordiis perturbatione, & scandalo uiguerunt; bonum, opportunum, & expediens esse uideatur, sicuti etiam carissimus in Christo filius noster, Carolus Romanorum Imperator, semper Augustus, nobis per suas litteras & nuncios significari fecit, ut sacrum æcumenicum generale Concilium per fel. rec. Paulum Papam III, prædecessorem nostrum, inditum, & per nos tunc Cardinalatus honore fungentes, atque ipsius prædecessoris nomine, una cum duobus alijs Sanctæ Romanæ Ecclesiæ Cardinalibus ipsi Concilio præsidentes, inceptum, ordinatum, & continuatum, in quo plures publicæ & solemnes habitæ fuerunt sessiones, pluræq. tam in causa fidei, quam reformationis promulgata decreta, multæq. etiam ad utramque causam pertinentia examinata, & discussa, ad ciuitatem Tridentinam reducatur: Nos, ad quos, & summos pro tẽpore Pontifices spectat generalia Concilia indicare & dirigere, ut Ecclesiæ pacem, & Christianæ fidei atque orthodoxe religionis incrementum, ad omnipotentis Dei laudem & gloriam procuremus, & quantum in nobis est, tranquillitati ipsius Germaniæ, quæ sane prouincia retroactis temporibus in uera religione, ac sacrorum Conciliorum, & sanctorum Patrum doctrina excolenda, exhibendaq. maximis Pontificibus, Christi Redemptoris nostri in terra Vicarijs debita obedientia, & reuerentia, nulli Christianorum prouinciæ fuit umquam secunda, paterne consulamus, sperantes per ipsius Dei gratiam & benignitatem futurum, ut Reges omnes, ac Principes Christiani, iustis, pijsq. nostris in hac re uotis annuant, faueant, atque assistant: uenerabiles fratres Patriarchas, Archiepiscopos, Episcopos, & dilectos filios Abbates, omnesq. alios & singulos, qui de iure, uel consuetudine, uel priuilegio, Concilijs generalibus interesse debent, quosq. idem prædecessor noster in suis indictionis & alijs quibuscumque desuper confectis & publicatis litteris, Concilio interesse uoluit, per uiscera misericordiæ Domini nostri Iesu Christi, hortamur, requirimus, & monemus, ut proximis futuris Kal. Maij, quem diem ad ipsum Concilium in eo, in quo nunc reperitur, statu resumendum & prosequendum, prauia matura deliberatione, & ex certa nostra scientia, & de Apostolicæ auctoritatis plenitudine, ac uenerabilium fratrum nostrorum eiusdem Sanctæ Romanæ Ecclesiæ Cardinalium consilio & assensu, statuimus, decernimus, & declaramus, in ipsa ciuitate Tridenti, le-



gitimo cessante impedimento, conuenire, & se congregare, ac ipsius Concilii continuationi & prosecutioni, omni mora postposita, incumbere uelint. Nos enim operam sedulo daturi sumus, ut eodem tempore, in eadem ciuitate nostri omnino adsint Legati, per quos, si per ætatem nostram, ualetudinemq., & Sedis Apostolicæ necessitates, personaliter adesse nequierimus, Spiritu sancto duce, ipsi Concilio præsidebimus: quacumque ipsius Concilij translatione & suspensione, ceterisq. contrarijs non obstantibus quibuscumque, ac præsertim illis, quæ idem prædecessor noster in suis litteris prædictis, quas cum omnibus & singulis in eis contentis clausulis & decretis, in suo robore permanere uolumus, atque decernimus, & quatenus opus sit, innouamus, uoluit non obstare: irritum nihilominus decernentes, & inane, si secus super his a quoquam, quauis auctoritate, scienter, uel ignoranter, contigerit attentari. Nulli ergo omnino hominum liceat hanc paginam, nostrorum, hortationis, requisitionis, monitionis, statuti, declarationis, innouationis, uoluntatis, & decretorum infringere, uel ei ausu temerario contra ire. Siquis autem hoc attentare præsumperit, indignationem omnipotentis Dei, ac Beatorum Petri, & Pauli, Apostolorum eius, se noverit incursurum. Datum Romæ, apud sanctum Petrum, anno incarnationis Dominicæ. M. D. L. X V I I I. Kal. Dec. Pontificatus nostri anno primo.

M. Card. Crescen.

Rom. Amasæus.

D 4

SACROSANCTI  
OECUMENICI, ET  
GENERALIS CONCILII TRIDENTINI,

SESSIO XI.

QVAE EST PRIMA SVB IVLIO III,  
PONTIFICE MAXIMO,  
CELEBRATA KAL. MAII.  
M. D. LI.

Decretum de resumendo Concilio.



*Lacet ne uobis ad laudem, & gloriam sanctæ, & indiuiduæ  
Trinitatis, Patris, & Filij, & Spiritus sancti, ad incremen-  
tum & exaltationem fidei, & religionis Christianæ, sacrum  
oecumenicum, & generale Concilium Tridentinum, iuxta for-  
mam, & tenorem litterarum Sanctissimi Domini nostri, resu-  
mi debere, & procedendum esse ad ulteriora?*

*Responderunt, Placet.*

Indictio futuræ Sessionis.



*Lacet ne uobis proximam futuram Sessionem habendam, & celebra-  
dam esse in futuris Kalendis Septembris?*

*Responderunt, Placet.*



## S E S S I O X I I .

## Q V A E E S T S E C V N D A

S V B I V L I O I I I , P O N T . M A X .

C E L E B R A T A D I E P R I M A S E P T .

M . D . L I .

## Decretum prorogationis Sessionis.



*Acrosancta æcumenica, & generalis Tridentina Synodus, in Spiritu sancto legitime congregata, presidentibus in ea eisdem sanctæ Sedis Apostolicæ Legato, & Nuncijs, quæ in proxime præterita Sessione sequentem hanc hodie habendam, & ad ulteriora procedendum esse decreuerat, cum ob inclytæ Germanicæ nationis, cuius præcipue causa agitur, absentiam, ac non magnam ceterorum Patrum frequentiam procedere hætenus distulerit, de venerabilium in Christo fratrum, & filiorum suorum, Maguntini, & Treuirensis Archiepiscoporum, ac sacri Romani Imperii Principum Electorum, & complurium ipsius, aliarumq. prouinciarum Episcoporum, sub hanc ipsam diem aduentu in Domino exultans, & dignas ipsi omnipotenti Deo agens gratias, firmamq. spem concipiens quam plurimos alios, tam ipsius Germanicæ, quam aliarum nationum Prælatos, & sui officii debito, & hoc exemplo commotos, propediem esse uenturos, futuram Sessionem ad quadragesimam diem, quæ erit undecima mensis Octobris, proxime sequentis, indicit, & Concilium ipsum in statu, in quo reperitur, prosequendo. Cum in præteritis Sessionibus de septem Sacramentis nouæ legis in genere, & in specie de Baptismate, & Confirmatione definitum fuerit, statuit, & decernit de sanctissimæ Eucharistiæ Sacramento, necnon, quod ad reformationem attinet, de reliquis, quæ ad faciliorem & commodiorem Prælatorum residentiam pertinent, agi & tractari debere; ac monet, & hortatur omnes Patres, ut interim Domini nostri Iesu Christi exemplo, quantum tamen humana fragilitas patietur, ieiunijs, & orationibus uacent, ut tandem placatus, qui in secula sit benedictus, Deus corda hominum ad ueræ suæ fidei agnitionem, & sanctæ matris Ecclesiæ unitatem, ac recte uiuendi normam reducere dignetur.*

S E S S I O XIII.

QVAE EST TERTIA

SVB IVLIO III, PONT. MAX.

CELEBRATA DIE XI OCT.

M. D. LI.

Decretum de sanctissimo Eucharistiæ Sacramento.



**S**ACROSANCTA æcumenica, & generalis Tridentina Synodus, in Spiritu sancto legitime congregata, præsidentibus in ea eisdem sanctæ Sedis Apostolicæ Legato, & Nunciis, etsi in eum finem, non absque peculiari <sup>separato</sup> ductu, gubernatione conuenerit, ut ueram, & antiquam, de fide, & sacramentis, doctrinam exponeret; & ut hæresibus omnibus, & aliis grauissimis incommodis, quibus Dei Ecclesia misere nunc exagitur, & in multas & uarias partes scinditur, remedium afferret; hoc præsertim iam inde a principio in uotis habuit, ut stirpitus conuelleret zizaniam execrabilium errorum & schismatum, quam inimicus homo his nostris calamitosis temporibus, in doctrina fidei, usu, & cultu sacrosanctæ Eucharistiæ superseminauit. quam alio qui Saluator noster, in Ecclesia sua, tamquam symbolum reliquit eius unitatis, & caritatis: qua Christianos omnes inter se coniunctos, & copulatos esse uoluit. Itaque eadem sacrosancta Synodus sanam, & sinceram illam de uenerabili hoc, & diuino Eucharistiæ sacramento doctrinam tradens, quam semper Catholica Ecclesia, ab ipso Iesu Christo Domino nostro, & eius Apostolis crudita, atque a spiritu sancto, illi omnem ueritatem in dies suggerente edocta, retinuit; & ad finem usque sæculi conseruabit; omnibus Christi fidelibus interdicit, ne post hac de sanctissima Eucharistia aliter credere, docere, aut prædicare audeant, quam ut est, hoc præsentī Decreto explicatum, atque definitum.

De reali præsentia Domini nostri Iesu Christi, in sanctissimo Eucharistiæ Sacramento. Cap. I.

**P**RINCIPIO docet sancta Synodus, & aperte, ac simpliciter profitetur, in almo sanctæ Eucharistiæ Sacramento, post panis, & uini consecrationem, Dominum nostrum Iesum Christum uerum Deum, atque hominem, uerè & realiter, ac substantialiter sub specie illarum rerum sensibilium contineri, nec enim hac inter se pugnant, ut ipse Saluator noster semper ad dexteram Patris in cælis assideat iuxta modum existendi naturalem; & ut multis nihilominus alijs in locis, sacramen-



taliter præsens, sua substantia nobis adsit, ea existendi ratione, quam, etsi uerbis exprimere uix possumus, possibilem tamen esse Deo, cogitatione per fidem illustrata, assequi possumus, & constantissime credere debemus. ita enim maiores nostri omnes, quotquot in uera Christi Ecclesia fuerunt, qui de sanctissimo hoc sacramento disseruerunt, apertissime professi sunt, hoc tam admirabile sacramentum in ultima cæna Redemptorem nostrum instituisse; cum post panis, uiniq. benedictionem, se suum ipsius corpus illis præbere, ac suum sanguinem, disertis, ac perspicuis uerbis testatus est. quæ uerba a sanctis Euangelistis commemorata, & a diuo Paulo postea repetita, cum propriam illam, & apertissimam significationem præse ferant, secundum quam a Patribus intellecta sunt, indignissimum sane flagitium est, ea a quibusdam contentiosis, & prauis hominibus, ad fictitios, & imaginarios tropos, quibus ueritas carnis, & sanguinis Christi negatur, contra uniuersum Ecclesiæ sensum detorqueri: quæ tamquam columna, & firmamentum ueritatis, hæc, ab impijs hominibus excogitata commenta, uelut Sætanica detestata est, grato semper, & memore animo præstantissimum hoc Christi beneficium agnoscens.

De ratione institutionis sanctissimi huius sacramenti. Cap. II.

Ergo Saluator noster, discessurus ex hoc mundo ad Patrem, Sacramentum hoc instituit, in quo diuitias diuini sui erga homines amoris uoluit effundere, memoriam faciens mirabilium suorum; & in illius sumptione colere nos sui memoriam præcepit, suamq. annunciare mortem, donec ipse ad iudicandum mundum ueniat. Sumi autem uoluit Sacramentum hoc, tamquam spiritalem animarum cibum, quo alantur, & confortentur uiuentes uita illius, qui dixit: Qui manducat me, & ipse uiuet propter me: tamquam antidotum, quo liberemur a culpis quotidianis, & a peccatis mortalibus præseruemur. Pignus præterea id esse uoluit futuræ nostræ gloriæ, & perpetuæ felicitatis, adeoque symbolum unius illius corporis, cuius ipse caput existit, cuiq. nos, tamquam membra arctissima, fidei, spei, & caritatis connexionem astrictos esse uoluit, ut id ipsum omnes dicemus, Nec essent in uobis schismata.

De excellentia sanctissimæ Eucharistiæ super reliqua  
Sacramenta. Cap. III.

Commune hoc quidem est sanctissimæ Eucharistiæ cum ceteris Sacramentis, Symbolum esse rei sacræ, & inuisibilis gratiæ formam uisibilem; uerum illud in ea excellens, & singulare reperitur, quod reliqua sacramenta tunc primum sanctificandi uim habent, cum quis illis utitur: at in Eucharistia ipse sanctitatis auctor ante usum est. nondum enim Eucharistiam de manu Domini Apostoli suscepant, cum uere tamen ipse affirmaret corpus suum esse, quod præbebat. & semper hæc fides in Ecclesia Dei fuit, statim post consecrationem, uerum Domini nostri

corpus, uerumq. eius sanguinem sub panis, & uini specie una cum ipsius anima & diuinitate existere, sed corpus quidem sub specie panis, & sanguinem sub uini specie, ex uerborum, ipsum autem corpus sub specie uini, & sanguinem sub specie panis, animamq. sub utraque, ui naturalis illius connexionis & concomitantie, qua partes Christi Domini, qui iam ex mortuis resurrexit, non amplius moriturus, inter se copulantur. Diuinitatem porro propter admirabilem illam eius cum corpore, & anima hypostaticam unionem. Quapropter uerissimum est tantumdem sub alterutra specie, atque sub utraque contineri. totus enim, & integer Christus sub panis specie, & sub quauis ipsius speciei parte, totus item sub uini specie, & sub eius partibus existit.

De transubstantiatione.

Cap. IIII.

QVONIAM autem Christus, Redemptor noster, corpus suum id, quod sub specie panis offerebat, uere esse dixit, ideo persuasum semper in Ecclesia Dei fuit, idq. nunc denuo sancta hac Synodus declarat, per consecrationem panis & uini, conuersionem fieri totius substantiæ panis in substantiam corporis Christi Domini nostri, & totius substantiæ uini in substantiam sanguinis eius. quæ conuersio conuenienter, et proprie a sancta Catholica Ecclesia Transubstantiatio est appellata.

De cultu, & ueneratione huic sanctissimo sacramento exhibenda. Cap. V.

NVLUS itaque dubitandi locus relinquitur, quin omnes Christi fideles pro more in Catholica Ecclesia semper recepto latius cultum, qui uero Deo debetur, huic sanctissimo sacramento in ueneratione adhibeant. neque enim ideo minus est adorandum, quod fuerit a Christo Domino, ut sumatur, institutum. nam illum eundem Deum præsentem adesse credimus, quem Pater æternus introducens in orbem terrarum, dicit: Et adorent eum omnes Angeli Dei: quem Magi procidentes adorauerunt; quem denique in Galilea ab Apostolis adoratum fuisse, Scriptura testatur. Declarat præterea sancta Synodus, pie & religiose admodum in Dei Ecclesiam inductum fuisse hunc morem, ut singulis annis peculiari quodam, & festo die præcelsum hoc, & uenerabile sacramentum singulari ueneratione, ac solemnitate celebraretur, utq. in processionibus reuerenter, & honorifice illud per uias, & loca publica circumferretur. æquissimum est enim sacros aliquos statutos esse dies, cum Christiani omnes singulari, ac rara quadam significatione gratos, & memores testentur animos erga communem Dominum, & Redemptorem pro tam ineffabili, & plane diuino beneficio, quo mortis eius uictoria, & triumphus representatur. atque sic quidem oportuit uictoriam ueritatem de mendacio, & hæresi triumphum agere, ut eius aduersarij in conspectu tanti splendoris, & in tanta uniuersæ Ecclesiæ lætitia positi, uel debilitati, & fracti tabescant, uel pudore affecti, & confusi aliquando resipiscant.

De



## De asseruando sacræ Eucharistiæ Sacramento, &amp; ad infirmos deferendo. Cap. VI.

CONSVETUDO asseruandi in sacrario sanctam Eucharistiam, adeo antiqua est, ut etiam saculum Nicani Concilij agnouerit. Porro deferre ipsam sacram Eucharistiam ad infirmos, & hunc usum diligenter in ecclesiis conseruari, præterquam quod cum summa æquitate, & ratione coniunctum est, tum multis in Concilijs præceptum inuenitur, & uetustissimo Catholice Ecclesiæ more est obseruatum. Quare sancta hæc Synodus retinendum omnino salutarem hunc, & necessarium morem statuit.

## De præparatione quæ adhibenda est, ut digne quis sacram Eucharistiam percipiat. Cap. VII.

SI non decet ad sacras ullas functiones quempiam accedere, nisi sancte; certe, quo magis sanctitas, & diuinitas celestis huius Sacramenti uiro Christiano comperta est, eo diligentius cauere ille debet, ne absque magna reuerentia, et sanctitate ad id percipiendum accedat, præsertim cum illa plena formidinis uerba apud Apostolum legamus: Qui manducat, & bibit indigne, iudicium sibi manducat, & bibit, non diiudicans corpus Domini. Quare communicare uolenti reuocandum est in memoriam eius præceptum: Probet se ipsum homo. Ecclesiastica autem consuetudo declarat, eam probationem necessariam esse, ut nullus sibi conscius mortalis peccati, quantumuis sibi contritus uideatur, absque præmissa sacramentali confessione ad sacram Eucharistiam accedere debeat. quod a Christianis omnibus, etiam ab ijs sacerdotibus, quibus ex officio incubuerit celebrare, hæc sancta Synodus perpetuo seruandam esse decreuit, modo non desit illis copia confessoris. quod si, necessitate urgente, sacerdos absque præuia confessione celebrauerit: quamprimum confiteatur.

## De usu admirabilis huius Sacramenti. Caput VIII.

Quoad usum autem recte, & sapienter Patres nostri tres rationes hoc sanctum Sacramentum accipiendi distinxerunt. quosdam enim docuerunt sacramentaliter dumtaxat id sumere, ut peccatores: alios tantum spiritaliter, illos nimirum, qui uoto propositum illum panem caelestem edentes, fide uiua, quæ per dilectionem operatur, fructum eius, & utilitatem sentiunt: tertios porro sacramentaliter simul & spiritaliter. hi autem sunt, qui ita se prius probant, & instruunt, ut uestem nuptialem induti ad diuinam hanc mensam accedant. In sacramentali autem sumptione semper in Ecclesia Dei mos fuit, ut laici a sacerdotibus communionem acciperent; sacerdotes autem celebrantes se ipsos cõmunicarent: qui mos tamquam ex traditione Apostolica descendens, iure, ac merito retineri debet. Demum autem paterno affectu admonet sancta Synodus, hortatur, rogat, & obsecrat per uiscera misericordiæ Dei nostri, ut omnes & singuli, qui Christia-



no nomine censentur, in hoc unitatis signo, in hoc uinculo caritatis, in hoc concordie symbolo iam tandem aliquando conueniant, & concordent, memoresque tantæ maiestatis, & tam eximij amoris Iesu Christi, Domini nostri, qui dilectam animam suam in nostræ salutis pretium, & carnem suam nobis dedit ad manducandum; hæc sacra mysteria corporis, & sanguinis eius ea fidei constantia, & firmitate, ea animi deuotione, ea pietate, & cultu credant, & uenerentur, ut panem illum supersubstantialem frequenter suscipere possint, & is uere eis sit anima uita, & perpetua sanitas mentis: cuius uigore confortati, ex huius miseræ peregrinationis itinere, ad caelestem patriam peruenire ualeant, eundem panem Angelorum, quem modo sub sacris uelaminibus edunt, absque ullo uelamine manducaturi.

Quoniam autem non est satis ueritatem dicere, nisi detegantur, & refellantur errores, placuit sanctæ Synodo hos canones subiungere, ut omnes, iam agnita catholica doctrina, intelligant quoque, quæ ab illis hæreses caueri, uitarique debeant.

## D E S A C R O S A N C T O

Eucharistiæ Sacramento.

## C A N O N. I.

**S**I quis negauerit, in sanctissimæ Eucharistiæ Sacramento contineri uere realiter, & substantialiter corpus, & sanguinem una cum anima, & diuinitate Domini nostri Iesu Christi, ac proinde totum Christum; sed dixerit tantummodo esse in eo, ut in signo, uel figura, aut uirtute; anathema sit.

## C A N O N II.

Si quis dixerit, in sacrosancto Eucharistiæ Sacramento remanere substantiam panis, & uini, una cum corpore, & sanguine Domini nostri Iesu Christi; negaueritque mirabilem illam, & singularem conuersionem totius substantiæ panis in corpus, & totius substantiæ uini in sanguinem, manentibus dumtaxat speciebus panis, & uini: quam quidem conuersionem Catholica Ecclesia aptissime Transubstantiationem appellat; anathema sit.

## C A N O N III.

Si quis negauerit, in uenerabili Sacramento Eucharistiæ sub unaquaque specie, & sub singulis cuiusque speciei partibus, separatione facta, totum Christum contineri; anathema sit.

## C A N O N    I I I I .

*Si quis dixerit, peracta consecratione, in admirabili Eucharistiæ Sacramento, non esse corpus, & sanguinem Domini nostri Iesu Christi, sed tantum in usu, dum sumitur, non autem ante, uel post; & in hostijs, seu particulis consecratis, quæ post communionem referuantur, uel supersunt, non remanere uerum corpus Domini; anathema sit.*

## C A N O N    V .

*Si quis dixerit, uel præcipuum fructum sanctissimæ Eucharistiæ esse remissionem peccatorum, uel ex ea non alios effectus prouenire; anathema sit.*

## C A N O N    V I .

*Si quis dixerit, in sancto Eucharistiæ Sacramento Christum unigenitum Dei filium non esse cultu latriæ, etiam externo, adorandum; atque ideo nec festiua peculiari celebritate uenerandum; neque in processionibus secundum laudabilem, & uniuersalem Ecclesiæ sanctæ ritum, & consuetudinem, sollemniter circumgestandum, uel non publice, ut adoretur, populo proponendum, & eius adoratores esse idolatras; anathema sit.*

## C A N O N    V I I .

*Si quis dixerit, non licere sacram Eucharistiam in sacrario referuari, sed statim post consecrationem astantibus necessario distribuendam, aut non licere, ut illa ad infirmos honorifice deferatur; anathema sit.*

## C A N O N    V I I I .

*Si quis dixerit, Christum in Eucharistia exhibitum, spiritaliter tantum manducari, & non etiam sacramentaliter, ac realiter; anathema sit.*

## C A N O N    I X .

*Si quis negauerit omnes, & singulos Christi fideles utriusque sexus, cum ad annos discretionis peruenerint, teneri singulis annis, saltem in Paschate, ad communicandum, iuxta præceptum sanctæ matris Ecclesiæ; anathema sit,*

## C A N O N    X .

*Si quis dixerit, non licere sacerdoti celebranti se ipsum communicare; anathema sit.*

## C A N O N    X I .

*Si quis dixerit, solam fidem esse sufficientem præparationem ad sumendum sanctissimæ Eucharistiæ Sacramentum; anathema sit. Et ne tantum Sacramentu*

indigne, atque ideo in mortem, & condemnationem sumatur; statuit, atque declarat ipsa sancta Synodus, illis, quos conscientia peccati mortalis grauat, quantumcunque etiam se contritos existiment, habita copia Confessoris, necessario prae mittendam esse confessionem sacramentalem. Si quis autem contrarium docere, praedicare, uel pertinaciter asserere, seu etiam publice disputando defendere praesumpserit, eo ipso excommunicatus existat.

## Decretum de reformatione.

## Cap. I.

EADDEM sancta Tridentina Synodus, praesidentibus in ea eisdem sanctae Sedis Apostolicae Legato, & Nuncijs, intendens nonnulla statuere, quae ad iurisdictionem pertinent Episcoporum, ut, iuxta proxima Sessionis decretum, illi in commissis sibi Ecclesijs eo libentius resideant, quo facilius, & commodius sibi subiectos regere, & in uita, ac morum honestate continere potuerint; illud primum eos admonendos censet; ut se Pastores, non percussores, esse meminerint, atque ita praesse sibi subditis oportere, ut non in eis dominantur, sed illos, tamquam filios, & fratres, diligant; elaborentque, ut hortando, & monendo ab illicitis deterreant; ne, ubi deliquerint, debitis eos poenis coercere cogantur. Quos tamen, si quid per humanam fragilitatem peccare contigerit, illa Apostoli est ab eis seruanda praeceptio: ut illos arguant, obsecrent, increpent in omni bonitate, & patientia: cum saepe plus erga corrigendos agat beneuolentia, quam asperitas; plus exhortatio, quam comminatio; plus caritas, quam potestas. Sin autem ob delicti grauitatem uirga opus fuerit; tunc cum mansuetudine rigor, cum misericordia iudicium, cum lenitate seneritas adhibenda est: ut sine asperitate disciplina populis salutaris, ac necessaria conseruetur; & qui correcti fuerint, emendentur; aut, si resipiscere noluerint, ceteri, salubri in eos animaduersionis exemplo, a uitijs deterreantur, cum sit diligentis, & pii simul Pastoris officium, morbis ouium lenia primum adhibere fomenta: post, ubi morbi grauitas ita postulet, ad ueriora, & grauiora remedia descendere: sin autem nec ea quidem proficiant illis submouendis, ceteras saltem oues a contagionis periculo liberare. Cum igitur rei criminum plerumque ad euitandas poenas, & Episcoporum subterfugienda iudicia, querelas, & grauamina simulent, & appellationis diffugio iudicis processum impendant; ne remedio, ad innocentiae praesidium instituto ad iniquitatis defensionem abutantur; atque ut huiusmodi eorum calliditati, & tergiversationi occurratur, ita statuit, & decreuit: In causis uisitationis, et correctionis, siue habilitatis, et inhabilitatis, necnon criminalibus, ab Episcopo, seu illius in spiritualibus Vicario generali, ante definitiuam sententiam, ab interlo cutoria, uel alio quocumque grauamine, non appelletur: nec Episcopus, seu Vicarius appellationi huiusmodi, tamquam friuola, deferre teneatur; sed ea, ac quacumque inhibitione, ab appellationis iudicio emanata, necnon omni stylo, & consuetudine, etiam immemorabili, contraria non obstante, ad ulteriora ualeat

Offm Epi in  
Subjutor

No appellat  
a grauamin  
Epi n ut his



leat procedere : nisi grauamen huiusmodi per definitiuam sententiam reparari, uel ab ipsa definitiua appellari non possit : quibus casibus sacrorum, & antiquorum canonum statuta illibata persistant.

## CAPUT II.

*A* Sententia Episcopi, uel ipsius in spiritualibus Vicarij generalis, in criminalibus appellationis causa, ubi appellationis locus fuerit, si Apostolica auctoritate in partibus eam committi contigerit, Metropolitano, seu illius etiam Vicario in spiritualibus generali; aut si ille aliqua de causa suspectus foret, uel ultra duas legales dietas distet, seu ab ipso appellatum fuerit, uni ex uicinioribus Episcopis, seu illorum Vicarijs, non autem inferioribus iudicibus committatur.

App. ab Ep<sup>o</sup>  
qui committat

## CAPUT III.

*R*eus, ab Episcopo, aut eius Vicario in spiritualibus generali, in criminali causa, appellans, coram iudice ad quem appellauit, acta prima instantie omnino producat : & iudex, nisi illis uisis, ad eius absolutionem minime procedat. Is autem, a quo appellatum fuerit, intra .xxx. dies, acta ipsa postulanti gratis exhibeat : alioqui absque illis causa appellationis huiusmodi, prout iustitia suaserit, terminetur.

Acta p<sup>ri</sup>ma  
instan<sup>ti</sup>e d<sup>omi</sup>n<sup>i</sup>

## CAPUT IIII.

*C*um uero tam graua nonnumquam sint delicta, ab ecclesiasticis commissa personis, ut ob eorum atrocitatem e sacris ordinibus deponenda, & curia sint tradenda saculari : in quo secundum sacros canones certus Episcoporum numerus requiritur ; quos si omnes adhibere difficile esset, debita iuris executio differretur : si quando autem interuenire possent, eorum residentia intermitteretur : propterea statuit, & decreuit : Episcopo per se, seu illius Vicarium in spiritualibus generalem, contra clericum, in sacris etiam presbyteratus ordinibus constitutum, etiam ad illius condemnationem, necnon uerbalem depositionem ; & per se ipsum etiam, ad actuale, atque sollempnem degradationem ab ipsis ordinibus, & gradibus ecclesiasticis, in casibus, in quibus aliorum Episcoporum praesentia, in numero a canonibus definito requiritur, etiam absque illis procedere liceat : adhibitis tamen, & in hoc sibi assistentibus, totidem Abbatibus, usum mitrae & baculi, ex privilegio Apostolico habentibus, si in ciuitate, aut diocesi reperiri, & commode interesse possint ; alioquin alijs personis, in ecclesiastica dignitate constitutis, quae aetate graues, ac iuris scientia commendabiles existant.

Deposito  
degradatio quat

## CAPUT V.

*E*t quoniam post fidas causas, quae tamen satis probabiles uidentur, interdum accidit, ut nonnulli eiusmodi gratias extorqueant, per quas poena illis Epi-

*de surreptione  
græ ap<sup>o</sup> ep<sup>o</sup>  
q<sup>ui</sup> et quilibet  
cognoscant*

scoporum iusta seueritate inflicta, aut remittuntur omnino, aut minuuntur; cum non ferendum sit, ut mendacium, quod tantopere Deo difflicet, non modo ipsum impunitum sit, uerum etiam alterius delicti ueniam impetret mentienti: iccirco, ut sequitur, statuit, & decreuit: Episcopus apud Ecclesiam suam residens, de surreptione, & obreptione gratiæ, quæ super absolutione alicuius publici criminis, uel delicti, de quo ipse inquirere cæperat; aut remissione pænæ, ad quam criminofus per eum condemnatus fuerit, falsis precibus impetratur, per se ipsum, tamquam Sedis Apostolicæ delegatus, etiam summariæ cognoscat; ipsamque gratiam postquam per falsi narrationem, aut ueri taciturnitatem, obtentam esse, legitime constiterit; non admittat.

## C A P V T VI.

*Ep<sup>o</sup> q<sup>ui</sup> citat<sup>ur</sup> n<sup>on</sup>  
comp<sup>er</sup>it<sup>ur</sup> s<sup>ed</sup> non  
h<sup>ab</sup>et, et q<sup>ui</sup> cogn<sup>osc</sup>  
f<sup>uit</sup>*

Quoniam uero subditi Episcopo, tametsi iure correpti fuerint, magnopere tamenum odisse, & tamquam iniuria affecti sint, falsa illi crimina obijcere solent; ut, quoquo pacto possint, ei molestiam exhibeant; cuius uexationis timor plerumque illum ad inquirenda, & punienda eorum delicta segniorem reddit: iccirco, ne ij magno suo, & Ecclesiæ incommodo gregem sibi creditum relinquere, ac non siue Episcopalis dignitatis diminutione uagari cogantur; ita statuit, & decreuit: Episcopus, nisi ob causam, ex qua deponendus, siue priuandus ueniret, etiam si ex officio, aut per inquisitionem, seu denunciationem, uel accusationem, siue alio quouis modo procedatur, ut personaliter compareat, nequaquam citetur, uel moceatur. Testes in causa criminali ad informationem, uel indicia, seu alias in causa principali contra Episcopum, nisi testes, & bonæ conuersationis, existimationis, & famæ fuerint, non recipiantur; & si odio, temeritate, aut cupiditate aliquid deposuerint, grauib<sup>us</sup> pænis multentur. Causæ Episcoporum, cum pro criminis obiecti qualitate comparere debeant; coram Pontifice Max. referantur, ac per ipsum terminentur.

## D E C R E T U M P R O R O G A T I O N I S,

definitionis quattuor articulorum de Sacramento  
Eucharistiæ, & Salui conductus, Pro-  
testantibus dandi.




ADEM sancta Synodus errores omnes, qui super hoc sanctissimo Sacramento repullularunt, tamquam uepres ex agro Dominico euellere, ac omnium fidelium saluti prospicere cupiens, quotidianis precibus Deo omnipotenti pie oblatis, inter alios, ad hoc Sacramentum pertinentes, articulos, diligentissima ueritatis Catholica inquisitione tractatos, plurimis, accuratissimisq. pro rerum grauitate disputationibus habitis, cognitis quoque prestantissi-



*morum Theologorum sententijs, hoc etiam tractabat. An necessarium sit ad salutem, & diuino iure præceptum, ut singuli Christi fideles sub utraque specie ipsum uenerabile sacramentum accipiant. Et: Num minus sumat, qui sub altera, quam qui sub utraque communicat. Et: An errauerit sancta mater Ecclesia laicos, & non celebrantes Sacerdotes, sub panis specie dumtaxat communicando. Et: An paruuli etiam communicandi sint. Sed quoniam ex nobilissima Germania provincia ij, qui se Protestantes nominant, super his ipsis articulis, antequam definiantur, audiri a sancta Synodo cupiunt, & eam ob causam fidem publicam ab illa postularunt, ut ipsis tuto huc uenire, & in hac urbe commorari, ac libere coram Synodo dicere, atque proponere quæ senserint, & postea, cū libuerit, recedere liceat: sancta ipsa Synodus, licet magno desiderio eorum aduentum multos antea menses expectarit, tamen ut pia mater, quæ ingemiscit, & parturit, summopere id desiderans, ac laborans, ut in ijs, qui Christiano nomine censentur, nulla sint schismata, sed quemadmodum eundem omnes Deum, & Redemptorem agnoscunt, ita idem dicant, idem credant, idem sapiant: confidens Dei misericordia, & sperans fore, ut illi in sanctissimam & salutarem unitus fidei, spei, caritatisq. concordiam redigantur, libenter eis in hac re morem gerens, securitatem & fidem, ut petierunt, publicam, quam saluum conductum uocant, quod ad se pertinet, eius, qui infra scriptus erit, tenoris, dedit, atque concessit: & eorum causa definitionem illorum articulorum ad secundam Sessionem distulit; quam, ut illi commode ei interesse possent, in diem festum conuersionis D. Pauli, quæ erit uigesima quinta die mensis Ianuarii, anni sequentis, indixit. Illudq. præterea statuit, ut in eadem Sessione de sacrificio Missæ agatur, propter magnam utriusque rei connexionem; interea Sessione proxima de Pœnitentiæ, & Extremæ unctionis Sacramentis, tranctandum. illam autem die festo D. Catharinæ uirginis, & martyris, qui erit uigesima quinta Nouembris, habendam esse decreuit, simulq. in utraque materia reformationis prosequatur.*

SALVVS CONDVCTVS

PROTESTANTIBVS DATVS.

 Acrosancta generalis Tridentina Synodus, in Spiritu sancto legitime congregata, præsidentibus in ea eisdem sanctæ Sedis Apostolicæ, Legato & Nuncijs, omnibus, & singulis, siue Ecclesiasticis, siue secularibus personis uniuersæ Germaniæ, cuiuscumque gradus, status, conditionis, & qualitatæ sint, quæ ad æcumenicum hoc, & generale Concilium accedere uoluerint, ut de ijs rebus, quæ in ipsa Synodo tractari debent, omni libertate conferre, proponere, & tractare, ac ad ipsum æcumenicum Concilium libere, & tuto uenire, & in eo manere, & commorari, ac articulos, quot illis uidebitur, tam scripto, quam uerbo, offerre, proponere, & cum Patribus,



siue ijs, qui ab ipsa sancta Synodo deleti fuerint, conferre, & absque ullis conuicijs, & contumelijs disputare, necnon, quando illis placuerit, recedere possint, & ualeant, publicam fidem, & plenam securitatem, quam saluumconductum appellant, cum omnibus, & singulis clausulis, & decretis necessarijs, & opportunis, etiam si specialiter, & non per uerba generalia exprimi deberent, quæ pro expressis haberi uoluit, quantum ad ipsam sanctam Synodum spectat, concedit. Placuit præterea sanctæ Synodo, ut, si pro maiori libertate, ac securitate eorum, certos tam pro commissis, quam pro committendis per eos delictis, iudices eis deputari cupiant, illos sibi beneuolos nominent, etiam si delicta ipsa, quantum cumque enormia, ac hæresim sapientia, fuerint.

## S E S S I O X I I I I.

## Q V A E E S T Q V A R T A

S V B I V L I O I I I, P O N T. M A X.

C E L E B R A T A D I E X X V. N O V.

M. D. L I.

Doctrina de sanctissimis Pœnitentiæ, & extremæ  
Vnctionis Sacramentis.



Acrosancta œcumenica, & generalis Tridentina Synodus, in Spiritu sancto legitime congregata, præsidentibus in ea eisdem sanctæ Apostolicæ Sedis Legato, & Nuncijs; quamuis in Decreto de Iustificatiōe multus fuerit de Pœnitentiæ Sacramento, propter locorum cognitionem, necessaria quadam ratione sermo interpositus: tanta nihilominus circa illud nostra hæc ætate diuersorum errorum est multitudo, ut non parum publicæ utilitatis retulerit, de eo exactiorem, & pleniorē definitionem tradidisse; in qua demonstratis, & conuulsis, Spiritus sancti præsidio, uniuersis erroribus, Catholica ueritas perspicua, & illustris fieret; quam nunc sancta hæc Synodus Christianis omnibus perpetuo seruandam proponit.

De necessitate, & institutione Sacramenti Pœnitentiæ. Caput. I.

Si ea in regeneratis omnibus gratitudo erga Deum esset, ut institutam, in Baptismo, ipsius beneficio, & gratia, susceptam, constanter tuerentur, non fuisset opus, aliud ab ipso Baptismo sacramentum ad peccatorum remissionem esse institutum. Quoniam autem Deus, diues in misericordia, cognouit figmentum nostrum, illis etiam uitæ remedium contulit, qui sese postea in peccati seruitutē, &

*Dæmonis potestatem tradidissent, Sacramentum uidelicet Pænitentia, quo lapsis post Baptismum, beneficium mortis Christi applicatur. Fuit quidem Pænitentia uniuersis hominibus, qui se mortali aliquo peccato inquinassent, quouis tempore ad gratiam, & iustitiam assequendam necessaria, illis etiam, qui Baptismi Sacramento ablui petiuissent, ut, peruersitate abiecta, & eliminata, tantam Dei offensionem cum peccati odio, & pio animi dolore detestarentur. unde propheta ait: Conuertimini, et agite pænitentiam ab omnibus iniquitatibus uestris: et non erit uobis in ruinam iniquitas. Dominus etiam dixit: Nisi pænitentiam egeritis, omnes similiter peribitis. Et princeps Apostolorum Petrus peccatoribus Baptismo initiandis, pænitentiam commendans, dicebat: Pænitentiam agite, & baptizetur unusquisque uestrum. Porro nec ante aduentum Christi Pænitentia erat Sacramentum, nec est post aduentum illius cuiquam ante Baptismum. Dominus autem Sacramentum tunc precipue instituit, cum a mortuis excitatus, insufflauit in discipulos suos, dicens: Accipite Spiritum sanctum: quorum remisieritis peccata, remittuntur eis: & quorum retinueritis, retenta sunt. Quo tam insigni facto, & uerbis tam perspicuis, potestatem remittendi, & retinendi peccata, ad reconciliandos fideles, post Baptismum lapsos, Apostolis, & eorum legitimis successoribus fuisse communicatam, uniuersorum Patrum consensus semper intellexit. Et Nouatianos, remittendi potestatem olim pertinaciter negantes, magna ratione Ecclesia Catholica tamquam hæreticos explosit, atque condemnauit. Quare uerissimum hunc illorum uerborum Domini sensum sancta hæc Synodus probans, & recipiens, damnat eorum commenticias interpretationes, qui uerba illa ad potestatem prædicandi uerbum Dei, & Christi Euangelium annuntiandi, contra huiusmodi Sacramenti institutionem falso detorquent.*

De differentia Sacramenti Pænitentia, & Baptismi. Cap. II.

*Ceterum hoc sacramentum multis rationibus a Baptismo differre dignoscitur. nam præterquam quod materia, & forma, quibus Sacramenti essentia perficitur, longissime disidet: constat certe Baptismi ministrum iudicem esse non oportere: cum Ecclesia in neminem iudicium exerceat, qui non prius in ipsam per Baptismi ianuam fuerit ingressus. Quid enim mihi, inquit Apostolus, de his, qui foris sunt, iudicare? Secus est de domesticis, quos Christus Dominus lauacro Baptismi sui corporis membra semel effecit; nam hos, si se postea crimine aliquo contaminauerint, non iam repetito Baptismo ablui, cum id in Ecclesia Catholica nulla ratione liceat, sed ante hoc tribunal, tamquam reos, sisti uoluit: ut per sacerdotum sententiā non semel, sed quoties ab admissis peccatis ad ipsum pænitentes confugerint, possent liberari. Alius est præterea Baptismi, & alius Pænitentia fructus; per Baptismum enim Christum induentes, noua prorsus in illo efficimur creatura, plenam & integram peccatorum omnium remissionem consequentes; ad quam tamen nouitatem, & integritatem, per Sacramentum Pæ-*

nitentiæ, sine nostris magnis fletibus, & laboribus, diuina id exigente iustitia, peruenire nequaquam possumus, ut merito Pænitentia laboriosus quidam Baptismus a sanctis Patribus dictus fuerit. Est autem hoc Sacramentum Pænitentia lapsis post Baptismum ad salutem necessarium; ut nondum regeneratis ipse Baptismus.

De partibus, & fructu huius Sacramenti.

Cap. III.

Docet præterea sancta Synodus, Sacramenti Pænitentia formam, in qua præcipue ipsius uis sita est, in illis ministri uerbis positam esse: Ego te absoluo &c. quibus quidem de Ecclesia sancta more preces quædam laudabiliter adiunguntur: ad ipsius tamen formæ essentiam nequaquam spectant, neque ad ipsius Sacramenti administrationem sunt necessaria. Sunt autem quasi materia huius Sacramenti ipsius pænitentis actus, nempe contritio, confessio, & satisfactio. Qui quatenus in pænitente ad integritatem Sacramenti, ad plenamque, & perfectam peccatorum remissionem ex Dei institutione requiruntur, hac ratione, partes Pænitentia dicuntur. Sane uero res, & effectus huius Sacramenti, quantum ad eius uim, & efficaciam pertinet, reconciliatio est cum Deo, quam interdum in uiris pijs, & cum deuotione hoc Sacramentum percipientibus, conscientia pax, ac serenitas cum uehementi spiritus consolatione consequi solet. Hac de partibus, & effectus huius Sacramenti, sancta Synodus tradens, simul eorum sententias damnat, qui Pænitentia partes, incussos conscientia terrores, & fidem esse contendunt.

De Contritione.

Cap. IIII.

Contritio, quæ primum locum inter dictos pænitentis actus habet, animi dolor, ac detestatio est de peccato commisso, cum proposito non peccandi de cetero. Fuit autem quouis tempore ad impetrandum ueniam peccatorum hic contritionis motus necessarius; & in homine post Baptismum lapsa, ita demum præparat ad remissionem peccatorum; si cum fiducia diuinæ misericordiae, & uoto præstandi reliqua, coniunctus sit, quæ ad rite suscipiendum hoc Sacramentum requiruntur. Declarat igitur sancta Synodus hanc Contritionem, non solum cessationem a peccato, & uitæ nouæ propositum, & inchoationem, sed ueteris etiã odium continere, iuxta illud: Projicite a uobis omnes iniquitates uestras, in quibus præuaticati estis; & facite uobis cor nouum, & spiritum nouum. Et certe, qui illos sanctorum clamores considerauerit: Tibi soli peccaui, & malum coram te feci: Laboraui in gemitu meo, lauabo per singulas noctes lectum meum: Recogitabo tibi omnes annos meos, in amaritudine animæ meæ: & alios huiusmodi generis: facile intelliget, eos ex uehementi quodam anteacta uitæ odio, & ingenti peccatorum detestatione manasse. Docet præterea, etsi Contritionem hanc aliquando caritate perfectam esse contingat, hominemq. Deo



reconciliare, priusquam hoc Sacramentum actu suscipiatur; ipsam nihilominus reconciliationem ipsi contritioni sine Sacramento uoto, quod in illa includitur, non esse adscribendam. Illam uero Contritionem imperfectam, quæ Attritio dicitur, quoniam uel ex turpitudinis peccati consideratione, uel ex gehennæ, & pœnarum metu communiter concipitur, si uoluntatem peccandi excludat, cum spe ueniæ; declarat, non solum non facere hominem hypocritam, uerum etiam donum Dei esse, & Spiritus sancti impulsus, non adhuc quidem inhabitantis, sed tantum mouentis, quo pœnitens adiutus uiam sibi ad iustitiam parat. Et quamuis sine Sacramento Pœnitentiæ per se ad iustificationem perducere peccatorem nequeat; tamen eum ad Dei gratiam in Sacramento Pœnitentiæ impetrandam disponit. hoc enim timore utiliter concussi Niniuitæ, ad Ionæ prædicationem, plenam terroribus, pœnitentiam egerunt, & misericordiam a Domino impetrarunt. Quamobrem falso quidam calumniantur Catholicos scriptores, quasi tradiderint Sacramentum Pœnitentiæ, absque bono motu suscipientium, gratiam conferre: quod numquam Ecclesia Dei docuit, nec sensit. sed & falso docent, Contritionem esse extortam, & coactam, non liberam, & uoluntariam.

## De confessione.

## Cap. V.

Ex institutione Sacramenti Pœnitentiæ iam explicata, uniuersa Ecclesia semper intellexit, institutam etiam esse a Domino integram peccatorum Confessionem, & omnibus post Baptismum lapsis iure diuino necessariam existere: quia Dominus noster Iesus Christus, e terris ascensurus ad calos, sacerdotes sui ipsius Vicarios reliquit, tamquam præsides, & iudices, ad quos omnia mortalia crimina deferantur, in quæ Christi fideles ceciderint, quo pro potestate clauium remissionis, aut retentionis peccatorum sententiam pronuncient. constat enim, sacerdotes iudicium hoc, incognita causa, exercere non potuisse, neque æquitatem quidem illos in pœnis iniungendis seruare potuisse, si in genere duntaxat, & non potius in specie, ac sigillatim sua ipsi peccata declarassent. Ex his colligitur oportere a pœnitentibus omnia peccata mortalia, quorum post diligentem sui discussionem conscientiam habent, in confessione recenseri, etiam si occultissima illa sint, & tantum aduersus duo ultima Decalogi præcepta commissa, quæ nonnumquam animum grauius sauciant, & periculosiora sunt ijs, quæ in manifesto admittuntur. nam uenialia, quibus a gratia Dei non excludimur, & in quæ frequentius labimur, quamquam recte, & utiliter, citraque omnem præsumptionem in Confessione dicantur, quod piorum hominū usus demonstrat, taceri tamen citra culpam, multisq. alijs remedijs expiari possunt. Verū, cum uniuersa mortalia peccata, et cogitationis, homines iræ filios, & Dei inimicos reddant; necessum est omnium et ueniā, cum aperta, & uerecunda confessione, a Deo querere. Itaq. dū omnia, quæ memoriæ occurrunt, peccata Christi

*fideles confiteri student: proculdubio omnia diuinæ misericordiæ agnoscenda exponunt. qui uero secus faciunt, & scienter aliena retinent, nihil diuinæ bonitati per sacerdotem remittendum proponunt. si enim erubescat agrotus uulnus medico detegere, quod ignorat, medicina non curat. Colligitur præterea, etiam eas circumstantias in Confessione explicandas esse, quæ speciem peccati mutant: quod sine illis peccata ipsa neque a penitentibus integre exponantur, nec iudicibus innotescant; & fieri nequeat, ut de gravitate criminum recte censere possint, & pœnam, quam oportet, pro illis penitentibus imponere. unde alienum a ratione est, docere circumstantias, has ab hominibus otiosis excogitatas fuisse; aut unam tantum circumstantiam confitendam esse, nempe peccasse in fratrem. sed & impium est, Confessionem, quæ hac ratione fieri præcipitur, impossibilem dicere, aut carnificinam illam conscientiarum appellare. constat enim nihil aliud in Ecclesia a penitentibus exigi, quam ut, postquam quisque diligentius se excusserit, & conscientia suæ sinus omnes, & latebras explorauerit, ea peccata confiteatur, quibus se Dominum, & Deum suum mortaliter offendisse meminerit: reliqua autem peccata, quæ diligenter cogitanti non occurrunt, in uniuersum, eadem Confessione inclusa esse intelliguntur: pro quibus fideliter cum Propheta dicimus: Ab occultis meis munda me Domine. Ipsa uero huiusmodi Confessionis difficultas, ac peccata detegendi uerecundia, grauis quidem uideri posset, nisi tot, tantisque commodis, & consolationibus leuaretur, quæ omnibus digne ad hoc Sacramentum accedentibus per absolutionem certissime conferuntur. Ceterum, quo ad modum confitendi secreto apud solum sacerdotem, etsi Christus non uetuerit, quin aliquis in uindictam suorum scelerum, & sui humiliationem, cum ob aliorum exemplum, tum ob Ecclesiæ offensæ adificationem, delicta sua publicæ confiteri possit: non est tamen hoc diuino Præcepto mandatum, nec satis consulte humana aliqua lege preciperetur, ut delicta, præsertim secreta, publica essent confessione aperienda. unde cum a sanctissimis, & antiquissimis Patribus magno unanimique consensu, secreta Confessio sacramentalis, qua ab initio Ecclesia sancta usa est, & modo etiam utitur, fuerit semper commendata; manifeste refellitur inanis eorum calumnia, qui eam a diuino mandato alienam, & inuentum humanum esse, atque a patribus in concilio Lateranensi congregatis, initium habuisse, docere non uerentur. neque enim per Lateranense Concilium Ecclesia statuit, ut Christi fideles confiterentur: quod iure diuino necessarium, & institutum esse intellexerat: sed ut præceptum Confessionis, saltem semel in anno, ab omnibus & singulis, cum ad annos discretionis peruenissent, imple-retur. unde iam in uniuersa Ecclesia, cum ingenti animarum fidelium fructu, obseruatur mos ille salutaris confitendi, sacro illo, & maxime acceptabili tempore Quadragesimæ; quem morem hæc sancta Synodus maxime probat, & amplectitur, tamquam pie, & merito retinendum.*



De ministro huius Sacramenti, &amp; Absolutione.

Caput. VI.

CIRCA ministrum autem huius Sacramenti declarat sancta Synodus, falsas esse, & a ueritate Euangelij penitus alienas, doctrinas omnes, quæ ad alios quosuis homines, præter Episcopos, & sacerdotes, Clauium ministerium perniciose extendunt; putantes uerba illa Domini: Quacumque alligaueritis super terram, erunt alligata & in cælo; & quacumque solueritis super terram, erunt soluta & in cælo; & quorum remiseritis peccata, remittuntur eis; & quorum retinueritis, retenta sunt: ad omnes Christi fideles indifferenter, & promiscue, contra institutionem huius sacramenti, ita fuisse dicta, ut quibus potestatem habeat remittendi peccata, publica quidem per correptionem, si correptus acquirerit: secreta uero per spontaneam Confessionem, cuicumque factam. Docet quoque etiam sacerdotes, qui peccato mortali tenentur, per uirtutem Spiritus sancti, in ordinatione collatam, tamquam Christi ministros, functionem remittendi peccata exercere, eosque prauè sentire, qui in malis sacerdotibus hanc potestatem non esse contendunt. Quamuis autem Absolutio sacerdotis alieni beneficij sit dispensatio; tamen non est solum nudum ministerium, uel annunciandi Euangelium, uel declarandi remissa esse peccata; sed ad instar actus iudicialis, quo ab ipso, uelut a iudice sententia pronuntiatur, atque ideo non debet pœnitens adeo sibi de sua ipsius fide blandiri, ut, etiam si nulla illi adsit contritio aut sacerdoti animus serio agendi, & uere absoluendi, desit; putet tamen se, propter suam solam fidem, uere, & coram deo, esse absolutum. nec enim fides sine Pœnitentia remissionem ullam peccatorum præstaret: nec is esset, nisi salutis suæ negligentissimus; qui sacerdotem ioco se absoluentem cognosceret; & non alium serio agentem, sedulo requireret.

De casuum reservatione.

Cap. VII.

QVONIAM igitur natura, & ratio iudicij illud exposcit, ut sententia in subditos dumtaxat feratur; persuasum semper in Ecclesia Dei fuit, & uerissimum esse Synodus hæc confirmat, nullius momenti absolutionem eam esse debere, quam sacerdos in eum profert, in quem ordinariam, aut subdelegatam non habet iurisdictionem. Magnopere uero ad Christiani populi disciplinam pertinere, sanctissimis Patribus nostris uisum est, ut atrociora quædam, & grauiora crimina non a quibusuis, sed a summis dumtaxat sacerdotibus absoluerentur. Vnde merito Pontifices Max. pro suprema potestate, sibi in Ecclesia uniuersa tradita causas aliquas criminum grauiores suo potuerunt peculiari iudicio reservare. Neque dubitandum est, quando omnia, quæ a Deo sunt, ordinata sunt, quin hoc idem Episcopis omnibus in sua cuique diœcesi, in adificationem tamen, non in destructionem, liceat, pro illis in subditos tradita, supra reliquos inferiores sacerdotes, auctoritate, præsertim quo ad illa, quibus excommunicationis censura annexa est. Hanc autem delictorum reservationem, consonum est diuinæ aucto-



vitati non tantum in externa politia, sed etiam coram Deo uim habere. uerumtamen pie admodum, ne hac ipsa occasione aliquis pereat, in eadem Ecclesia Dei custoditum semper fuit, ut nulla sit reseruatio in articulo mortis, atque ideo omnes sacerdotes quoslibet pœnitentes a quibusuis peccatis, & censuris absoluerè possint: extra quem articulum sacerdotes cum nihil possint in casibus reseruatis, id unum pœnitentibus persuadere nitantur, ut ad superiores, & legitimos iudices pro beneficio Absolutionis accedant.

De satisfactionis necessitate, & fructu.

Cap. VII.

DE MVN, quo ad Satisfactionem, quæ ex omnibus pœnitentiæ partibus, quemadmodum a Patribus nostris Christiano populo fuit perpetuo tempore commendata: ita una maxime nostra ætate, summo pietatis prætextu, impugnatur ab ijs, qui speciem pietatis habent, uirtutem autem eius abnegarunt: sancta Synodus declarat, falsum omnino esse, & a uerbo Dei alienum, culpam a Domino nunquam remitti, quin uniuersa etiam pœna condonetur. perspicua enim, & illustria in sacris litteris exempla reperiuntur, quibus, præter diuinam traditionem, hic error quammanifestissime reuincitur. Sane & diuinæ iustitiæ ratio exigere uideatur, ut aliter ab eo in gratiam recipiantur, qui ante Baptismum per ignorantiam deliquerint, aliter uero, qui, semel a peccati, & Dæmonis seruitute liberati, & accepto Spiritus sancti dono, scienter templum Dei uiolare, & Spiritum sanctum contristare non formidauerint. Et diuinam clementiam decet, ne ita nobis absque ulla Satisfactione peccata dimittantur, ut, occasione accepta, peccata leuiores putantes, uelut iniurijs, & contumeliosis Spiritui sancto in grauiora labamur, thesaurizantes nobis iram in die iræ. proculdubio enim magnopere a peccato reuocant, & quasi freno quodam coercent hæc satisfactoria pœnæ, cautioreq. & uigilantiores in futurum pœnitentes efficiunt, medentur quoque peccatorum reliquijs, & uitiosos habitus, male uiuendo comparatos, contrarijs uirtutum actionibus tollunt. Neque uero securior ulla uia in Ecclesia Dei umquam existimata fuit ad amouendam imminentem a Domino pœnam, quam ut hæc Pœnitentiæ opera homines cum uero animi dolore frequentent. Accedit ad hæc quod dum satisfaciendo patimur pro peccatis; Christo Iesu, qui pro peccatis nostris satisfecit, ex quo omnis nostra sufficientia est, conformes efficimur, certissimam quoque inde arrham habentes, quod si compatimur, & conglorificabimur. Neque uero ita nostra est satisfactio hæc, quam pro peccatis nostris exoluimus, ut non sit per Christum Iesum. nam qui ex nobis, tamquam ex nobis, nihil possumus; eo cooperante, qui nos confortat, omnia possumus. ita non habet homo unde gloriatur: sed omnis gloriatio nostra in Christo est: in quo uiuimus, in quo meremur, in quo satisfacimus: facientes fructus dignos pœnitentiæ, qui ex illo uim habent; ab illo offeruntur Patri; & per illum acceptantur a Patre. Debent ergo sacerdotes Domini, quantum spiritus, & prudentia suggererit, pro qualitate criminum, & pœnitentium

facultate salutare, & conuenientes satisfactiones iniungere: ne si forte peccati conneant, & indulgentius cum penitentibus agant, læuissima quadam opera pro grauissimis delictis iniungendo, alienorum peccatorum participes efficiantur. Habeant autem præ oculis, ut satisfactio, quam imponunt, non sit tantum ad nouæ uitæ custodiam, & infirmitatis medicamentum; sed etiam ad præteritorum peccatorum uindictam, & castigationem. nam clauēs sacerdotum non ad soluendum dumtaxat, sed ad ligandum concessas, etiam antiqui Patres et credunt, & docēt, nec propterea existimarunt, Sacramentum Penitentiae esse forum iræ, uel pœnarum, sicut nemo umquam Catholicus sensit, ex huiusmodi nostris satisfactionibus uim meriti, & satisfactionis Domini nostri Iesu Christi uel obscurari, uel aliqua ex parte imminui: quod dum Nouatores intelligere uolunt, ita optimam Penitentiam nouam uitā esse docent, ut omnē satisfactionis uim, & usum tollant.

De operibus Satisfactionis.

Cap. IX.

DOCEt præterea, tamquam esse diuinæ munificentiae largitatem, ut non solum pœnis sponte a nobis pro uindicando peccato susceptis, aut sacerdotis arbitrio pro mensura delicti impositis, sed etiam, quod maximum amoris argumentum est, temporalibus flagellis a Deo inflictis, & a nobis patienter toleratis, apud Deum patrem, per Christum Iesum, satisfacere ualeamus.

## DOCTRINA DE SACRAMENTO

## EXTREMÆ VNCTIONIS.

**I**SVm est autem sanctæ Synodo, præcedenti doctrinæ de Penitentia adiungere ea, quæ sequuntur de Sacramento extremæ Vnctionis: quod nō modo Penitentia, sed etiam totius Christianæ uitæ, quæ perpetua penitentia esse debet, consummatum & consummatum est a Patribus. Primum itaque, circa illius institutionem, declarat, & docet, quod clementissimus Redemptor noster, qui seruis suis quouis tempore uoluit de salutaribus remedijs aduersus omnia omnium hostium tela, esse prospectum, quemadmodum auxilia maxima in Sacramentis alijs præparauit, quibus Christiani conseruare se integros, dum uiuerent, ab omni grauiore spiritus incommodo possint; ita extremæ Vnctionis Sacramento finem uitæ, tamquam firmissimo quodam præsidio, muniiuit. nam etsi aduersarius noster occasiones per omnem uitam quærat, & capter, ut deuorare animas nostras quoquomodo possit; nullum tamen tempus est, quo uehementius ille omnes suæ uersutiae neruos intendat ad perdendos nos penitus, & a fiducia etiā, si possit, diuinæ misericordiæ deturbandos, quam cum impendere nobis exitū uitæ perficit.

De institutione Sacramenti extremæ Vnctionis.

Caput I.

INSTITVTA est autē sacra hæc Vnctio infirmorū, tamquā uere, et proprie



*Sacramentum noui Testamenti, a Christo Domino nostro, apud Marcum quidem insinuatum, per Iacobum autem Apostolum, ac Domini fratrem, fidelibus commendatum, ac promulgatum. Infirmatur, inquit, quis in uobis, inducat presbyteros Ecclesiae, & orent supra eum, ungentes eum oleo, in nomine Domini: & oratio fidei saluabit infirmum, & alleuiabit eum Dominus: & si in peccatis sit, dimittentur ei. Quibus uerbis, ut ex Apostolica traditione, per manus accepta, Ecclesia didicit, docet materiam, formam, proprium ministrum, & effectum huius salutaris Sacramenti. intellexit enim Ecclesia, materiam esse oleum, ab Episcopo benedictum. nam Vnctio aptissime Spiritus sancti gratiam, qua inuisibiliter anima aegrotantis inungitur, representat; formam deinde esse illa uerba; Per istam unctionem, &c.*

## De effectu huius Sacramenti.

## Cap. II.

*Res porro, & effectus huius Sacramenti illis uerbis explicatur: Et oratio fidei saluabit infirmum: & alleuiabit eum Dominus; & si in peccatis sit, dimittentur ei. res etenim gratia est Spiritus sancti: cuius Vnctio delicta, si qua sint adhuc expianda, ac peccati reliquias abstergit; & aegroti animam alleuiat, & confirmat, magnam in eo diuinae misericordiae fiduciam excitando: qua infirmus subleuatus, & morbi incommoda, ac labores leuius fert; & tentationibus Daemonis, calcaneo insidiantis, facilius resistit; & sanitatem corporis interdum, ubi salutis animae expedierit, consequitur.*

## De ministro huius Sacramenti, &amp; tempore, quo dari debeat. Cap. III.

*Iam uero, quod attinet ad praescriptionem eorum, qui & suscipere, & ministrare hoc Sacramentum debent, haud obscure fuit illud etiam in uerbis praedictis traditum. nam & ostenditur illic, proprios huius Sacramenti ministros esse, Ecclesiae presbyteros. quo nomine, eo loco, non atate seniores, aut primores in populo intelligendi ueniunt, sed aut Episcopi, aut sacerdotes, ab ipsis rite ordinati, per impositionem manuum presbyteri. Declaratur etiam, esse hanc Vnctionem in firmis adhibendam, illis uero praesertim, qui tam periculose decumbunt, ut in exitu uitae constituti uideantur: unde & Sacramentum exeuntium nuncupatur.*

*Quod si infirmi post susceptam hanc Vnctionem conualuerint, iterum huius Sacramenti subsidio iuuari poterunt; cum in aliud simile uitae discrimen inciderint.*

*Quare nulla ratione audiendi sunt, qui contra tam apertam, & dilucidam Apostoli Iacobi sententiam docent, hanc Vnctionem, uel figmentum esse humanum, uel ritum a Patribus acceptum, nec mandatum Dei, nec promissionem gratiae habentem: & qui illam iam cessasse asserunt, quasi ad gratiam curationum dumtaxat in primitiua Ecclesia referenda esset: & qui dicunt ritum, & usum, quem sancta Romana Ecclesia in huius Sacramenti administratione obseruat, Iacobi Apostoli sententiae repugnare, atque in alium commutandum esse: & denique,*  
qui

qui hanc extremam Vñtionē a fidelibus sine peccato conterni posse affirmant, hæc enim omnia manifestissime pugnant cum perspicuis tanti Apostoli uerbis. Nec profecto Ecclesia Romana, aliarum omnium mater, & magistra, aliud in hac administranda Vñtione, quantum ad ea, quæ huius Sacramenti substantiā perficiunt, obseruat, quam quod beatus Iacobus perscripsit. Nec uero tanti Sacramenti contemptus absque ingenti scelere, & ipsius Spiritus sancti iniuria esse posset.

Hæc sunt, quæ de Pænitentia, & extremæ Vñtionis Sacramentis hæc sancta œcumenica Synodus profitetur, & docet; atque omnibus Christi fidelibus credenda, & tenenda proponit. Sequentes autem Canones inuiolabiliter seruandos esse tradit, & asserentes contrarium perpetuo damnat, & anathematizat.

## DE SANCTISSIMO

### PAENITENTIAE SACRAMENTO.

#### CANON I.

**S**I quis dixerit, in Catholica Ecclesia Pænitentiam non esse uere, & proprie Sacramentum, pro fidelibus, quoties post Baptismum in peccata labuntur, ipsi Deo reconciliandis, a Christo Domino nostro institutum anathema sit.

#### CANON II.

Si quis Sacramenta confundens, ipsum Baptismum, Pænitentia Sacramentū esse dixerit, quasi hæc duo Sacramenta distincta non sint, atque ideo Pænientiā non recte secundam post neufragium tabulam appellari; anathema sit.

#### CANON III.

Si quis dixerit, uerba illa Domini Saluatoris: Accipite Spiritum sanctum: quorum remisieritis peccata remittuntur eis: & quorum retinueritis, retenta sunt: non esse intelligenda, de potestate remittendi, & retinendi peccata in Sacramento Pænitentia, sicut Ecclesia Catholica ab initio semper intellexit; detorserit autem, contra institutionem huius Sacramenti, ad auctoritatem prædicandi Euangelium; anathema sit.

#### CANON IIII.

Si quis negauerit, ad integram, & perfectam peccatorum remissionem requiri tres actus in pænitente, quasi materiam Sacramenti Pænitentia, uidelicet, Contritionem, Confessionem, & Satisfactionem, quæ tres Pænitentia partes dicuntur; aut dixerit, duas tantum esse Pænitentia partes, terrores scilicet incussos



*conscientia, agnito peccato; & fidem conceptam ex Euangelio, uel absolutione, qua credit quis sibi per Christum remissa peccata; anathema sit.*

## C A N O N V.

*Si quis dixerit, eam Contritionem, quæ paratur per discussionem, collectionem, & detestationem peccatorum, qua quis recogitat annos suos in amaritudine animæ suæ; ponderando peccatorum suorum grauitatem, multitudinem, scditatem, amissionem æternæ beatitudinis, & æternæ damnationis incursum, cum proposito melioris uitæ, non esse uerum, & utilem dolorem, nec præparare ad gratiam; sed facere hominem hypocritam, & magis peccatorem; demum illam, esse dolorem coactum, & non liberum ac uoluntarium; anathema sit.*

## C A N O N VI.

*Si quis negauerit, Confessionem sacramentalem uel institutam, uel ad salutem necessariam esse iure diuino; aut dixerit, modum secrete confitendi soli sacerdoti, quem Ecclesia Catholica ab initio semper obseruauit, & obseruat, alium esse ab institutione, & mandato Christi, & inuentum esse humanum; anathema sit.*

## C A N O N VII.

*Si quis dixerit, in Sacramento Pœnitentiæ ad remissionem peccatorum necessarium non esse iure diuino, confiteri omnia, & singula peccata mortalia, quorum memoria cum debita, & diligenti præmeditatione habeatur, etiam occulta, & quæ sunt contra duo ultima Decalogi præcepta, & circumstantias, quæ peccati speciem mutant; sed eam Confessionem tantum esse utilem ad erudiendum, & consolandum pœnitentem, & olim obseruatam fuisse tantum ad satisfactionem canonicam imponendam; aut dixerit, eos, qui omnia peccata confiteri student, nihil relinquere uelle diuinæ misericordiæ ignoscendum; aut demum, non licere confiteri peccata uenialia; anathema sit.*

## C A N O N VIII.

*Si quis dixerit, Confessionem omnium peccatorum, qualem Ecclesia seruat, esse impossibilem, & traditionem humanam, a pijs abolendam; aut ad eam non teneri omnes, & singulos, utriusque sexus, Christi fideles, iuxta magni Concilij Lateranensis constitutionem, semel in anno, & ob id suadendum esse Christi fidelibus, ut non confiteantur tempore Quadragesimæ; anathema sit.*

## C A N O N IX.

*Si quis dixerit, Absolutionem sacramentalem sacerdotis non esse actum iudiciale, sed nudum ministerium pronunciandi, & declarandi remissa esse peccata confitenti; modo tantum credat, se esse absolutum; aut sacerdos non serio,*

*sed ioco absoluat ; aut dixerit, non requiri Confessionem penitentis , ut sacerdos cum absolvere possit ; anathema sit.*

## C A N O N X.

*Si quis dixerit , sacerdotes , qui in peccato mortali sunt , potestatem ligandi, & soluendi non habere ; aut non solos sacerdotes esse ministros absolutionis , sed omnibus , & singulis Christi fidelibus esse dictum : Quacumque ligaueritis super terram , erunt soluta & in calo ; & quacumque solueritis super terram , erunt soluta & in calo : & quorum remiseritis peccata , remittuntur eis ; & quorum retinueritis , retenta sunt : quorum uerborum uirtute quilibet absolvere possit peccata , publica quidem per correptionem dumtaxat , si correptus acqieuerit : secreta uero per spontaneam confessionem ; anathema sit.*

## C A N O N XI.

*Si quis dixerit, Episcopus non habere ius reseruandi sibi casus, nisi quo ad externam politiam, atque ideo casuum reseruacionem non prohibere, quo minus sacerdos a reseruatis uere absoluat ; anathema sit.*

## C A N O N XII.

*Si quis dixerit , totam penam simul cum culpa remitti semper a Deo, satisfactionemq. penitentium non esse aliam, quam fidem, qua apprehendunt Christum pro eis satisfecisse ; anathema sit.*

## C A N O N XIII.

*Si quis dixerit, pro peccatis , quo ad penam temporalem , minime Deo per Christi merita satisfieri penis, ab eo inflictis, & patienter toleratis , uel a sacerdote iniunctis, sed neque sponte susceptis, ut ieiunijs, orationibus, eleemosynis, uel alijs etiam pietatis operibus , atque ideo optimam penitentiam, esse tantum nouam uitam ; anathema sit.*

## C A N O N XIII.

*Si quis dixerit, satisfactiones, quibus penitentes per Christum Iesum peccata redimunt, non esse cultus Dei, sed traditiones hominum, doctrinam de gratia, & uerum Dei cultum , atque ipsum beneficium mortis Christi obscurantes ; anathema sit.*

## C A N O N XV.

*Si quis dixerit , Clauēs Ecclesiæ esse datas tantum ad soluendum , non etiam ad ligandum ; & propterea sacerdotes , dum imponunt penas confidentibus , agere contra finem Clauium , & contra institutionem Christi ; &*



*fictionem esse, quod, uirtute Clauium sublata; pœna aeterna, & pœna temporalis plerumque exoluenda remaneat; anathema sit.*

## D E S A C R A M E N T O

## E X T R E M A E V N C T I O N I S.

## C A N O N I.



*Si quis dixerit, extremam Vnctionem non esse uere, & proprie Sacramentum, a Christo Domino nostro institutum, & a beato Iacobo Apostolo promulgatum, sed ritum tantum acceptum a Patribus, aut figmentum humanum; anathema sit.*

## C A N O N II.

*Si quis dixerit, sacram infirmorum Vnctionem non conferre gratiam, nec remittere peccata, nec alleviare infirmos; sed iam cessasse, quasi olim tantum fuerit gratia curationum; anathema sit.*

## C A N O N III.

*Si quis dixerit, extrema Vnctionis ritum, & usum, quem obseruat sancta Romana Ecclesia, repugnare sententiæ beati Iacobi Apostoli, ideoq. eum mutantum, posseq. a Christianis absque peccato contemni; anathema sit.*

## C A N O N IIII.

*Si quis dixerit, presbyteros Ecclesiæ, quos beatus Iacobus adducendos esse ad infirmum inungendum hortatur, non esse sacerdotes, ab Episcopo ordinatos, sed ætate seniores in quavis communitate; ob idq. proprium extrema Vnctionis ministrum non esse solum sacerdotem; anathema sit.*

## D E C R E T U M D E R E F O R M A T I O N E.

## C A P V T I.



*VM proprie Episcoporum munus sit, subditorum omnium uitia redarguere; hoc illis præcipue cauendum erit, ne clerici, præsertim ad animarum curam constituti, criminosi sint, neue inhonestam uitam, ipsis conuiuentibus, ducant. nam si eos prauis, & corruptis moribus esse permittant; quo pacto laicos de ipsorum uitis redarguent; qui uno ab eis sermone conuinci possent, quod clericos ipsis patiantur esse deteriores? qua etiam libertate laicos corripere poterunt sacerdotes; cum tacite sibi ipsi respondeant, eadem se admisisse, quæ corripiunt? Monebunt propterea Episcopi suos clericos, in quocumque ordine*

ordine fuerint, ut conuersatione, sermone, & scientia, commisso sibi Dei populo praeant; memores eius, quod scriptum est; Sancti estote, quia & ego sanctus sum. Et iuxta Apostoli uocem: Nemini dent ullam offensionem, ut non uitupetur ministerium eorum; sed in omnibus exhibeant se, sicut ministros Dei; ne illud propheta dictum impleatur in eis: Sacerdotes Dei contaminant sancta, & reprobant legem. Vt autem ipsi Episcopi id liberius exequi, ac quoquam prae-textu de super impediri nequeant; eadem sacrosancta œcumenica, & generalis Tridentina Synodus, praesidentibus in ea eisdem Apostolicae Sedis Legato, & Nuncijs, hos, qui consequuntur, Canones statuendos, & decernendos duxit. Cum honestius, ac tutius sit subiecto, debitam Praepositis obedientiam impendendo, in inferiori ministerio deservire, quam cum Praepositorum scandalo graduum altiorum appetere dignitatem; ei, cui ascensus ad sacros ordines a suo Praelato, ex quacumque causa, etiam ob occultum crimen quomodolibet etiam extraiudicialiter fuit interdictus; aut qui a suis ordinibus, seu gradibus, uel dignitatibus Ecclesiasticis fuerit suspensus; nulla contra ipsius Praelati uoluntatem concessa licentia de se promoueri faciendo; aut ad priores ordines, gradus, et dignitates, siue honores restitutio suffragetur.

## CAPV T II.

Et quoniam nonnulli Episcopi Ecclesiarum, quæ in partibus infidelium consistunt, clero carentes, & populo Christiano, cum fere uagabundi sint, & permanentem sedem non habeant, non quæ Iesu Christi, sed alienas oues in scio proprio Pastore quærentes, dum per hanc sanctam Synodum se pontificalia officia in alterius diœcesi, nisi de loci Ordinarii expressa licentia, & in personas eidem Ordinario subiectas tantum exercere prohibitos uident, in legis fraudem, & contemptum, quasi Episcopalem cathedram in loco nullius diœcesis sua temeritate eligunt, & quoscumque ad se uenientes, etiam si suorum Episcoporum seu Praelatorum litteras commendatitias non habeant, clericali carattere insignire, et ad sacros etiam presbyteratus ordines promouere præsumunt: quo plerumque fit, ut minus idonei & rudes, ac ignari, et qui a suo Episcopo tamquam inhabiles, et indigni reiecti fuerunt, ordinati, nec diuina officia peragere, nec Ecclesiastica Sacramenta recte ualeant ministrare: Nemo Episcoporum, qui Titulares uocantur, etiam si in loco nullius diœcesis, etiã exempto, aut aliquo monasterio cuiusuis ordinis resederint, aut moram traxerint, uigore cuiusuis priuilegii sibi de promouendo quoscumque ad se uenientes pro tempore concessi alterius subditum, etiam prae-textu familiaritatis continuæ cōmensalitatissuæ, absque sui proprii Praelati expresso consensu, aut litteris dimissorijs ad aliquos sacros, aut minores ordines, uel primam tonsuram promouere, seu ordinare ualeat: contra faciens ab exercitio pontificalium per annum; taliter uero promotus ab executione ordinum sic susceptorum, donec suo Praelato uisum fuerit, ipso iure sint suspensi.

*Ep'i Titulares non possunt aliquos ordinare in aliqua diœcesi*



# S E S S I O

## C A P V T III.

*ordinati y hinc com-  
mendatibus vel ab  
no sint hinc ab  
po suo suffragantur*  
EPISTORVS quoscumque suos clericos, præsertim in sacris constitutos, abs-  
que suo præcedenti examine, & commendaticijs litteris, quacumque auctoritate  
promotos, licet tamquam habiles ab eo, a quo ordinati sunt, probatos, quos ta-  
men ad diuina officia celebranda, seu Ecclesiastica Sacramenta ministranda mi-  
nus idoneos, & capaces repererit; a susceptorum ordinum exercitio ad tempus, de  
quo ei videbitur, suspendere, & illis, ne in altari, aut aliquo ordine ministrent,  
interdicere possit.

## C A P V T IIII.

*ead corrigendum  
recessum mmo et  
recessus ab ead  
residendi.*  
OMNES ecclesiarum Prælati, qui ad corrigendum subditorum excessus dili-  
genter intendere debent, & a quibus nullus clericus per huius sanctæ Synodi sta-  
tuta, cuiusvis privilegij prætextu, tutus censetur, quo minus iuxta canonicas san-  
ctiones uisitari, puniri, & corrigi possit; si in ecclesijs suis resederint, quoscum-  
que saculares clericos, qualitercumque exemptos, qui alias suæ iurisdictioni  
subessent, de eorum excessibus, criminibus, & delictis, quoties, & quando opus  
fuerit, etiam extra uisitationem, tamquam ad hoc Apostolicæ Sedis delegati, cor-  
rigendi, & castigandi facultatem habeant: quibuscumque exemptionibus, de-  
clarationibus, consuetudinibus, sententijs, iuramentis, concordijs, quæ tantum  
suos obligent auctores, ipsis clericis, ac eorum consanguineis, capellanis, fami-  
liaribus, procuratoribus, & alijs quibuslibet, ipsorum exemptorum contempla-  
tione, & intuitu minime suffragantibus.

## C A P V T V.

*conseruatoris hinc  
qua eam habent*  
Insuper, cum nonnulli, qui sub prætextu quod super bonis, & rebus, ac iuri-  
bus suis diuersæ eis iniuriæ, ac molestiæ inferantur, certos iudices per litteras  
Conseruatorias deputari obtinent, qui illos a molestijs, & iniurijs huiusmodi  
tueantur, ac defendant, & in possessionem, seu quasi, bonorum, rerum, ac iu-  
rium suorum, manuteneant, & conseruent; nec super illis eos molestari permit-  
tant; eiusmodi litteras in plerisque contra concedentis mentem in reprobum sen-  
sum detorqueant: iccirco nemini omnino cuiuscumque dignitatis, & conditionis  
sit, etiam si Capitulum fuerit, Conseruatoriæ litteræ, cum quibuscumque clau-  
sulis, aut decretis, quorumcumque iudicum deputatione, quocumque etiam alio  
prætextu, aut colore concessæ, suffragentur ad hoc, ut coram suo Episcopo, siue alio  
Superiore Ordinario, in criminalibus, & mixtis causis accusari, & conueniri,  
ac contra eum inquiri, & procedi non possit: aut quo minus, si qua iura ei ex  
cessione competierint, super illis libere ualeat apud iudicem ordinariū conueniri.  
In ciuilibus etiam causis si ipse actor extiterit, aliquem ei apud suos Conseruator-  
es iudices in iudicium trahere minime liceat. Quod si in his causis, in quibus ipse  
reus fuerit, contigerit, ut electus ab eo cōseruator, ab actore suspectus esse dicatur:

aut si qua inter ipsos iudices, Conseruatorem, & ordinarium controuersia super competentiam iurisdictionis orta fuerit; nequaquam in causa procedatur, donec per arbitros in forma iuris electos, super suspitione, aut iurisdictionis competentia fuerit iudicatum. Familiaribus uero eius, qui huiusmodi litteris Conseruatoris tueri se solent, nihil illæ prosint, præterquam duobus dumtaxat, si tamen illi proprijs eius sumptibus uixerint. Nemo etiam similium litterarum beneficio ultra quinquennium gaudere possit. Non liceat quoque Conseruatoribus iudicibus ullum habere tribunal erectum. In causis uero mercedum, aut miserabilium personarum huius sanctæ Synodi super hoc decretum in suo robore permaneat. Vniuersitates autem generales, ac collegia doctorum, seu scholarium, & regularia loca, nec non hospitalia, actu hospitalitatem seruantia, ac uniuersitatum, collegiorum, locorum, & hospitalium huiusmodi personæ in præsentī Canone minime comprehensæ, sed exemptæ omnino sint, & esse intelligantur.

## CAPVTVI.

QVIA uero, etsi habitus non facit monachum, oportet tamen clericos uestes proprio congruentes ordini semper deferre, ut per decentiam habitus extrinseci morum honestatē intrinsecam ostendant; tanta autem hodie aliquorum inoleuit temeritas, religionisq. contemptus, ut propriam dignitatem, & honorem clericalem parui pendentes, uestes etiam deferant publice laicales, pedes in diuersis ponentes, unum in diuinis, alterum in carnalibus: propterea omnes Ecclesiasticæ personæ, quantumcumque exemptæ, quæ aut in sacris fuerint, aut dignitates, personatus, officia, aut beneficia qualiacumque Ecclesiastica obtinuerint, si, postquam ab Episcopo suo, etiam per edictum publicum moniti fuerint, honestum habitum clericalem, illorum ordini, & dignitati congruentem, et iuxta ipsius Episcopi ordinationem, & mandatum non detulerint, per suspensionem ab ordinibus, ac officio, & beneficio, ac fructibus, redditibus, & prouentibus ipsorum beneficiorum, necnon, si, semel correpti, denuo in hoc deliquerint, etiam per priuationem officiorum, & beneficiorum huiusmodi coercere possint, & debeant, constitutionem Clementis Quinti in Concilio Viennensi editam, qua incipit: Quoniam in nouando, & ampliando.

Habitus illi con-

## CAPVT VII.

CVM etiam qui per industriam occiderit proximum suum, & per insidias, ab altari auelli debeat, quia sua uoluntate homicidium perpetraverit, etiam si crimen id, nec ordine iudiciario probatum, nec alia ratione publicum, sed occultū fuerit, nullo tempore ad sacros ordines promoueri possit, nec illi aliqua Ecclesiastica beneficia, etiam si curam non habeant animarum, conferre liceat, sed omni ordine, ac beneficio, & officio Ecclesiastico perpetuo careat: si uero homicidium non ex proposito, sed casu, uel uim ui repellendo, ut quis se a morte de-

u homicida no  
dispensatur m. i. u  
hic



S E S S I O

*fenderet, fuiffe cōmiſſum narretur; quā ob cauſam etiam ad ſacrorum ordinum, & altaris miniſterium, & beneficia quæcumque, ac dignitates, iure quodam modo diſpenſatio debeat, committatur loci Ordinario, aut ex cauſa Metropolitano, ſeu uiciniori Epifcopo; qui non niſi cauſa cognita, & probatis proceſſibus, ac narratis, nec aliter, diſpenſare poſſit.*

C A P V T V I I I.

on' de cos alios  
uati p privilegio  
p p'one possit

PRETEREA, quia nonnulli, quorum etiam aliqui veri sunt Pastores, ac proprias oves habent, alienis etiam ouibus præesse querunt, & ita alienis subditi quandoque intendunt, ut suorum curam negligant; quicumque etiam Episcopali præditus dignitate, qui alienos subditos puniendi privilegium habuerit contra clericos sibi non subditos præsertim in sacris constitutos, quorumcumque etiam atrocium criminum reos, nisi cum proprii ipsorum clericorum Episcopi, si apud ecclesiam refederit, aut personæ ab ipso Episcopo deputandæ interveniunt, nequaquam procedere debeat: alias processus, & inde secuta quæcumque viribus omnino careant.

C A P V T IX.

maioribus beneficiis  
diversarum diocesium  
phibentur

E T, quia iure optimo distinctæ fuerunt diœceses, & parochiæ, ac unicuique gregi proprii attributi Pastores, & inferiorum ecclesiarum Rectores, qui, suarum quisque ovium, curam habeant, ut ordo ecclesiasticus non confundatur, aut una & eadem ecclesia duarum quodam modo diœcesum fiat, non sine gravi eorum incommodo, qui illi subditi fuerint: beneficia unius diœcesis, etiam si parochiales ecclesiæ, Vicariæ perpetuæ, aut simplicia beneficia, seu præstimonialia, aut præstimonialia portiones fuerint, etiam ratione augendi cultum diuinum, aut numerum beneficiatorum, aut alia quacumque de causa, alterius diœcesis beneficio, aut monasterio, seu collegio, vel loco, etiam pio perpetuo non uniantur: decretum huius sanctæ Synodi super huiusmodi unionibus in hoc declarando.

C A P V T X.

*Trachinotus carolinus*  
459 formatus

REGULARIA beneficia in titulum Regularibus professis provideri consue-  
ta, cum per obitum, aut resignationem, uel alias illa in titulum obtinentis uacare  
contigerit, religiosis tantum illius ordinis, uel is qui habitum omnino suscipere  
& professionem emittere teneantur, & non alijs, ne uestem lino, lanaq. contex-  
tam induant, conferantur.

C A P T X I.

De Translatio duna  
religionis ad aliam

Q V I A uero Regulares, de uno ad alium ordinem translati, facile a suo Superiore licentiam standi extra monasterium obtinere solent, ex quo uagandi, & apostatandi occasio tribuitur; nemo cuiuscumque ordinis Prælatus, uel Superi- origore cuiuscumque facultatis aliquē ad habitū, et professionē admittere possit;



nisi, ut in ordine ipso, ad quem transfertur, sub sui Superioris obedientia in clastro perpetuo maneat; ac taliter translatus, etiam si canonicorum Regularium fuerit, ad beneficia secularia, etiam curata, omnino incapax existat.

## CAPVT XII.

Nemo, etiam cuiusvis dignitatis ecclesiastica, vel secularis, quacumque ratione, nisi ecclesiam, beneficium, aut capellam de nouo fundauerit, & construxerit; seu iam erectam, quæ tamen sine sufficienti dote fuerit, de suis proprijs, & patrimonialibus bonis competenter dotauerit; ius patronatus impetrare, aut obtinere possit, aut debeat. In casu autem foundationis, aut dotationis, huiusmodi institutio Episcopo, & non alteri inferiori restructur.

Ius pat. quodam  
impetratur

## CAPVT XIII.

Non liceat præterea patrono cuiusvis priuilegij prætextu aliquem ad beneficia sui iuris patronatus, nisi Episcopo loci ordinario, ad quem prouisio, seu institutio ipsius beneficii, cessante priuilegio, iure pertineret, quoquomodo presentare: alias presentatio, ac institutio, forsan secuta, nullæ sint, & esse intelligantur.

Institutio solius  
ordinarii (pro)

## Indictio futuræ Sessionis.

Declarat præterea sancta Synodus, futura Sessione, quam ad. XXV. diem Ian. subsequentis anni MDLII. habendam esse iam decreuit; una cum sacroificio Missæ agendum, & tractandum esse de Sacramento Ordinis, & prosequendam materiam de reformatione.

## SESSIO XV.

## QVAE EST QVINTA

SVB IVLIO III, PONT. MAX.

CELEBRATA DIE XXV. IAN.

M. D. LII.

## Decretum prorogationis Sessionis.



Vm ex eo, quod proximis Sessionibus decretum fuit, sancta hæc, & uniuersalis Synodus per hos dies accuratissime, diligentissimeq. tractauerit ea, quæ ad sanctissimum Missæ sacrificium, & ad Sacramentum Ordinis spectant, ut hodierna Sessione, quemadmodum Spiritus sanctus suggestisset, decreta de his rebus, & quattuor præterea articulos ad sanctissimum Eucharistiæ Sacramentum pertinentes, in hanc tandem Sessionem dilatos publica-

ret; atque interim affuturos esse putauerit ad hoc sacrosanctum Concilium eos, qui Protestantes se uocant: quorum causa eorum publicationem articulorum distulerat; & ut libere, ac sine cunctatione ulla huc uenirent, fidem eis publicam, siue saluum conductum concesserat; tamen, cum illi nondum uenerint; & eorum nomine supplicatum huic sanctæ Synodo fuerit, ut publicatio, quæ hodierno die facienda fuerat, in sequentem Sessionem differatur; certa spe allata affuturos eos esse omnino multo ante illam Sessionem, saluo conductu amplioris formæ interim accepto; eadem sancta Synodus, in Spiritu sancto legitime congregata, iisdem Legato, & Nuncijs presidentibus, nihil magis optans, quam ex præstantissima natione Germanica omnes de religione dissensiones, & schismata tollere, ac eius quieti, paci, otioq. consulere; parata ipsos, si uenerint, & humaniter excipere, & benigne audire; confidensque eos, non fidei Catholicæ pertinaciter oppugnanda, sed ueritatis cognoscendæ studio esse uenturos, & ut Evangelicæ ueritatis studiosos decet, sanctæ matris Ecclesiæ decretis, ac disciplinæ ad extremum esse acquieturos; sequentem Sessionem ad edenda, & publicanda ea, quæ supra commemorata sunt, in diem festum sancti Iosephi, qui erit die XIX. mensis Martij, distulit, ut satis illi temporis, & spatij habeant, non solum ad ueniendum, uerum etiam ad ea, quæ uoluerint, antequam is dies ueniat, proponenda. Quibus ut omnem cunctandi diutius causam adimat; fidem publicam, siue saluum conductum eius, qui recitabitur, tenoris & sententiæ, libenter dat, & concedit. Interea uero de Matrimonij Sacramento agendum, & de eo, præter superiorum decretorum publicationem, definiendum esse, eadem Sessione statuit, & decernit, & prosequendam esse materiam reformationis.

## S A L V V S C O N D U C T V S

P R O T E S T A N T I B V S D A T V S.



**S**acrosancta æcumenica, & generalis Tridentina Synodus, in Spiritu sancto legitime congregata, presidentibus in ea eisdem Sedis Apostolicæ, Legato, & Nuncijs, inherendo saluo conductui, in penultima Sessione dato, & illum, iuxta tenorem infrascriptum, ampliando, Vniuersis fidem facit, quod omnibus, & singulis sacerdotibus, Electoribus, Principibus, Ducibus, Marchionibus, Comitibus, Baronibus, Nobilibus, militaribus, popularibus, & aliis quibuscumque uiris, cuiuscumque status, & conditionis, aut qualitatis existant, Germaniæ prouinciæ, & nationis, ciuitatibus, ac aliis locis eiusdem & omnibus alijs Ecclesiasticis, & secularibus, præsertim Augustinæ confessionis personis, qui, aut quæ unq. cum ipsis ad hoc generale Tridentinum Concilium uenient, aut mittentur, ac profecturi sunt, aut hucusque uenerunt, quocumque nomine censeantur, aut ualeant nuncupari, tenore præsentium publicam fidem, & plenissimam, uerissimamq. securitatem, quam saluum conductum appellant, libere ad hanc Tridentinam ciuitatem ueniendi, ibidemq. manendi, stan-



di, morandi, proponendi, loquendi, una cum ipsa Synodo, de quibuscumque negotiis tractandi, examinandis, discutiendis; & omnia, quaecumque ipsis libuerit, ac articulos quoslibet tam scripto, quam uerbo libere offerendi, propalandi, eosque scripturis sacris, & beatorum Patrum uerbis, sententiis, & rationibus declarandi, astruendi, & persuadendi, & si opus fuerit, etiam ad obiecta Concilii generalis respondendi, refellendi, & cum iis, qui a Concilio delecti fuerint, disputandi Christiane, aut caritative absque omni impedimento conferendi, opprobriis, conuiciis, ac contumeliis penitus semotis; & signanter, quod cause controuersæ, secundum sacram Scripturam, & Apostolorum traditiones, probata Concilia, Catholica Ecclesia consensus, & sanctorum Patrum auctoritates in prædicto Concilio Tridentino tractentur, illo etiam addito, ut religionis prætextu aut delictorum, circa eam commissorum, aut committendorum minime puniantur, impartitur, ac omnino concedit; sic etiam, ut propter illorum præsentiam, neque in itinere, aut quocumque locorum eundo, manendo, aut redeundo, nec in ipsa ciuitate Tridentina a diuinis officiis quouis modo cessetur. Et ut, his peractis, uel non peractis, quancumque ipsis libuerit; aut maiorum suorum mandato, & assensu ad propria reuerti optabunt; aut aliquis eorum optabit; mox absque ulla renitentia, & occasione, aut mora, saluis rebus eorum, & suorum pariter honore, & personis, uice uersa, possint iuxta beneplacitum liberè, & securè redire; de scientia tamen ab eadem Synodo deputandorum; ut tunc opportunè eorum securitati, absque dolo, & fraude provideatur. Vult etiã sancta Synodus in hac publica fide, saluoque conductu, oēs, quascumque clausulas includi, ac contineri, ac pro inclusis haberi, quæ pro plena, efficaci, & sufficienti securitate, in eundo, stando & redeundo, necessariæ, & opportune fuerint. Illud èt, ad maiore securitatē et pacis, ac cōciliationis bonū, exprimens, quod, si quispiam, aut illorum aliqui, siue in itinere, Tridentum ueniendo, siue ibidem morando, aut redeundo, aliquod enorme, quod absit, egerint, aut commiserint, quo posset huius fidei publicæ, & asssecurationis beneficium, eis concessum, annullari, aut cassari; uult, & concedit eadem sancta Synodus, ut in huiusmodi facinore deprehensi, ab ipsis dumtaxat, & non ab alijs condigna animaduersione cum emenda sufficienti, per partem ipsius Synodi merito approbanda, & laudanda, mox puniantur; illorum asssecurationis forma, conditionibus, & modis omnino manentibus illibatis. Pariformiter etiam uult, ut si quisquam, uel aliqui ex ipsa Synodo, siue in itinere, aut manendo, aut redeundo, aliquod enorme, quod absit, egerint, aut commiserint, quo posset huius fidei publicæ & asssecurationis beneficium uiolari, aut quoquo modo tolli; in huiusmodi facinore deprehensi, ab ipsa Synodo dumtaxat, & non ab alijs condigna animaduersione, & emenda sufficienti, per partem dominorum Germanorum Augustanæ confessionis, tunc hic præsentium, merito laudanda, & approbanda, mox puniantur; præsentis asssecurationis forma, conditionibus, & modis omnino manentibus illibatis. Vult præterea ipsa Synodus, quod liceat ipsis Ambasciatoribus, omnibus &

*singulis toties, quotiescumque opportunum fuerit, seu necessarium, ad auram capiendam exire de ciuitate Tridentina, & reuerti ad eandem, necnon nuncium, uel nuncios suos ad quacumque loca, pro suis necessarijs negotijs ordinandis libere mittere, seu destinare, ac ipsos missos, seu destinatos, seu missum, & destinatum suscipere toties, quoties eis uidebitur expedire. Ita quod aliqui, uel aliquis per deputandos Concilij socientur, qui eorum securitati provideant, uel provideat. Qui quidem saluus conductus, & securitates stare ac durare debent, & a tempore, & per tempus, quo ipsius Synodi, & suorum tuitionis curam ipsos suscipi contigerit, & usque ad Tridentum perduci, ac toto tempore mansionis eorum ibidem, & rursus post sufficientem audientiam habitam spatio uiginti dierum præmissis, cum ipsi petierint; aut Concilium, habita huiusmodi audientia, ipsis recessum indixerit, a Tridento usque in quem quisque elegerit sibi locum tutum, Deo fauente, restituet, dolo, & fraude prorsus exclusis. Quæ quidem omnia pro <sup>u</sup>niversis, & singulis Christi fidelibus, pro omnibus Principibus, tam Ecclesiasticis, quam secularibus quibuscumque, atque omnibus alijs Ecclesiasticis, ac secularibus personis, cuiuscumque status, & conditionis existant, aut quocumque nomine censeantur, inuiolabiliter obseruanda esse promittit, & bona fide spondet.*

*Insuper omni fraude, & dolo exclusis, uera, & bona fide promittit, ipsam Synodum nullam uel manifeste, uel occulte occasionem quæsituram; aut aliqua auctoritate, potentia, iure, uel statuto, priuilegio, legum, uel Canonum, aut quorumcumque Conciliorum, præsertim Constantiensis, & Senensis, quacumque forma uerborum expressa, in aliquod huius fidei publicæ, & plenissimæ assecurationis, ac publicæ, & liberæ audientiæ ipsis per ipsam Synodum concessæ, præiudicium quouis modo usuram, aut quemquam uti permissuram: quibus in hac parte pro hac uice derogat. Quod si sancta Synodus, aut aliquis ex ea, uel suis, cuiuscumque conditionis, uel status, aut præminentie existens, præscriptæ assecurationis & salui conductus formam & modum in quocumque puncto uel clausula uiolauerit, quod tamen dignetur auertere Omnipotens, & sufficiens emenda non fuerit mox subsecuta, ipsorum arbitrio merito approbanda, & laudanda, habeant ipsam Synodum, & habere poterunt, incidisse in omnes penas, quas iure diuino & humano, aut consuetudine, huiusmodi saluorum conductuum uiolatores incurrere possunt, absque omni excusatione, aut quauis in hac parte contradictione.*



## S E S S I O    X V I .

## Q V A E   E S T   S E X T A .

ET VLTIMA SVB IVLIO III.

P O N T .   M A X .

CELEBRATA DIE XXVIII. APR.

M .   D .   L I I .

## Decrerum suspensionis Concilii.



*Acrosancta æcumenica, & generalis Tridentina Synodus, in Spiritu sancto legitime congregata, presidentibus in ea Reuerendissimis Dominis, Sebastiano, Archiepiscopo Sipontino, & Aloysio, Episcopo Veronensi, Apostolicis Nuncijs, tam eorum proprio, quam Reuerendissimi, & Illustrissimi Domini Marcelli, tit. S. Marcelli sanctæ Romanæ Ecclesiæ Cardinalis, Crescentij Legati, ob aduersam eius grauissimam ualeitudinem absentis, nomine, non dubitat, Christianis omnibus patere, hoc Concilium æcumenicū Tridentum primo a Paulo fel. rec. conuocatum, & collectum fuisse; deinde a Sanctissimo Domino nostro, Iulio. III. efflagitante Carolo Quinto, Augustissimo Imperatore, ea præcipue causa fuisse restitutum, ut religionem in multis orbis partibus, & præsertim in Germania, in diuersas opiniones miserabiliter distractam, in statum pristinum reuocaret, abusus, & mores Christianorum corruptissimos emendaret; cumq. ad hoc agendum quamplurimi Patres, nulla laborum suorum, periculorumq. habita ratione, e diuersis regionibus alacriter confluxissent, resq. strenue, magno fidelium concursu, feliciterq. procederet, ac spes esset non leuis, illos Germanos, qui eas nouitates excitant, in Concilium uenturos, sic animatos, ut ueris Ecclesiæ rationibus unanimiter acquiescerent; lux denique quædam rebus affulsisse uideretur, caputq. tollere inciperet profligata antea, & afflicta Respublica Christiana: ij repente tumultus, ea bel- la hostis generis humani uersutia exarserunt, ut Conciliū uelut hæere, ac suum cursum interrumpere satis incommode cogeretur: spesq. omnis ulterioris progressus hoc in tempore tolleretur, tantumq. aberat, ut sancta Synodus Christianorum malis, & incommodis mederetur, ut multorum mentes, præter sui animi sententiam, irritaret potius, quam placaret. Cum igitur ipsa sancta Synodus, omnia, & præcipue Germaniam armis ardere, & discordijs, uideret, omnes fere Episcopos Germanos, præsertim Principes Electores, suis consultum ecclesijs e Concilio abijisse; decreuit tantæ necessitati non reluctari, & ad melio-*



*ra tempora reticere, ut Patres, quod eis nunc agere non licet, suis ouibus prospectum ad suas ecclesias regredi ualerent, ne diutius utrobique inutili otio contererantur. Atque ita, quoniam sic temporum conditio tulit, huius æcumenici Concilij Tridentini progressum per biennium suspendendum fore decernit, prout præsentì Decreto suspendit; ea tamen lege, ut, si citius pacata res sit, ac tranquillitas pristina reuertatur, quod sperat Dei Optimi Maximi beneficio non longo fors spatio futurum, ipsius Concilij progressus eodemet tempore suam uim, firmitatem, uigoremq. habere censeatur. Sin autem, quod Deus auertat, peracto biennio prædicta legitima impedimenta non fuerint submota, quamprimum cessauerint, talis suspensio eo ipso sublata esse intelligatur, ac suus uigor, & robur Concilio sit restitutum, & esse intelligatur, sine alia noua Concilij conuocatione, accedente ad hoc Decretum consensu, & auctoritate Sanctitatis suæ, & sanctæ Sedis Apostolicæ.*

*Interea tamen eadem sancta Synodus exhortatur omnes Principes Christianos, & omnes Prælatos ut obseruent, & respectiue quatenus ad eos spectat, obseruare faciant in suis regnis, dominijs, & ecclesijs omnia, & singula, quæ per hoc sacrum æcumenicum Concilium fuerunt hætenus statuta, & decreta.*

# BVLLA CELEBRATIONIS CONCILII TRIDENTINI,

SVB PIO IIII, PONT. MAX.



**P**IVS EPISCOPVS, seruus seruorum Dei, ad perpetuam rei memoriam. Ad Ecclesia regimen, licet tanto oneri impares, sola Dei dignatione uocati, statim circumferentes mentis oculos per omnes Reipublica Christiana partes, cernentesque, non sine magno horrore, quam longe, lateque pestis haeresum, & schismatis peruasisset, & quanta Christiani populi mores correctione indigerent; in eam curam, & cogitationem, pro suscepti muneris officio, incumbere cepimus, quemadmodum ipsas haereses extirpare, tantumque et tam perniciosum schisma tollere, moresque adeo corruptos, & deprauatos emendare possemus. Cum autem intelligeremus, ad hac sananda mala aptissimum esse remedium, quod sancta haec Sedes adhibere consueuisset, & cumenici generalisque Concilij; eius congregandi, &, Deo iuvante, celebrandi consilium cepimus. Indictum illud quidem antea fuit a fel. rec. Paulo III, & eius successore Iulio, praedecessoribus nostris, sed uarijs de causis sapius impeditum, & interpellatum perfici non potuit, siquidem Paulus, cum id primo in urbem Mantua, deinde Vicentiam indixisset; quasdam ob causas, in litteris eius expressas, id primo suspendit, postea Tridentum transtulit. deinde cum quibusdam de causis ibi quoque eius celebrandi tempus dilatum fuisset; tandem, suspensione sublata, in eadem ciuitate Tridentina inchoatum fuit. uerum Sessionibus aliquot habitis, & nonnullis decretis factis, ipsum se postea Concilium, aliquibus de causis, accedente etiam Sedis Apostolica auctoritate, Bononiam transtulit. Iulius autem, qui ei successit, in eandem ciuitatem Tridentinam id reuocauit: quo quidem tempore facta alia quadam decreta sunt. Sed cum noui in propinquis Germania locis tumultus excitati fuissent, & bellum in Italia, & Gallia grauissimum exarsisset; rursus Concilium suspensum, & dilatum fuit, adnitente nimirum humani generis hoste, aliasque ex alijs difficultates, & impedimenta obiacente, ut tantum Ecclesiae commodum, quod prorsus auferre non poterat, saltem quadiutissime retardaret. Quantopere uero interea aucta fuerint, et multiplicata ac propagata haereses; quantopere schisma creuerit; sine maximo animi dolore nec meminisse possumus, nec referre. Sed tandem pius, et misericors Dominus, qui numquam ita irascitur, ut misericordiae obliuiscatur; Regibus, & Principibus Christianis pacem, et unitatem donare dignatus est. Qua nos occasione oblata maximam in spe uenimus, ipsius misericordia freti, fore, ut his tantis quoque Ecclesiae malis eadem Concilij uia finis imponatur. Nos itaque, ad schisma, haeresesque tollendas, ad corri-

gandos, & reformandos mores, ad pacem inter Christianos Principes conseruandam, celebrationem eius non esse duximus diutius differendam. Habita igitur cum uenerabilibus fratribus nostris, Sanctæ Romanæ Ecclesiæ Cardinalibus deliberatione matura, factis etiam consilij nostri certioribus carissimis in Christo filiis nostris, Ferdinando Romanorum Imperatore electo, & alijs Regibus, atque Principibus, quos quidem, sicut de eorum summa pietate, & sapientia nobis pollicebamur, paratissimos ad ipsius Concilij celebrationem adiuuandam inuenimus; ad Dei omnipotentis laudem, honorem, & gloriam, atque uniuersalis Ecclesiæ utilitatē de eorundē fratrum nostrorum consilio, & assensu sacrum æcumenicum, & generale Concilium ex auctoritate eiusdem Dei, et beatorum, Petri, & Pauli, Apostolorum, qua nos quoque in terris fungimur, freti, & subnixi, in ciuitate Tridentina, ad sacratissimū diē Resurrectionis dominicæ proxime futurum indicimus, & ibi celebrandum, sublata suspensione quacumque, statui-mus, atque decernimus. Quo circa uenerabiles fratres nostros, omnibus ex locis, Patriarchas, Archiepiscopos, Episcopos, & dilectos filios Abbates, ceterosque quibus in Concilio generali sedere, & sententiam dicere, iure communi, uel ex priuilegio, uel ex antiqua consuetudine licet uehementer in Domino hortamur, & monemus, atque etiam districte præcipiendo mandamus, in uirtute sanctæ obedi-entia, in ui quoque iuramenti, quod præstiterunt, & sub pœnis, quas in eos, qui ad Concilia generalia conuenire neglexerint, sacris sciunt esse Canonibus constitutas, ut ad Concilium ibi celebrandum conueniant intra eam diem; nisi forte impedimento fuerint legitimo præpediti: quod tamen impedimentum per legitimos procuratores synodo probare debebunt. Monemus præterea omnes, & singulos, quorum interest, interesse uel poterit, ut in Concilio adesse ne negligant. Carissimos uero in Christo filios nostros, Romanorum Imperatorem electum, ceterosq. Reges, & Principes, quos optandum sane esset Concilio interesse posse, hortamur, & rogamus, ut, si ipsi interesse Concilio non potuerint, at Oratores suos prudentes, graues, & pios uiros utique mittant, qui ipsorum nomine illi intersint, curentq. diligenter pro sua pietate, ut ex eorum regnis, atque dominijs Prælatis sine recusatione, ac mora, tam necessario tempore, Deo, & Ecclesiæ officium suum præstent; eosdem etiam curaturos esse minime dubitantes, ut per ipsorum regna, & dominia, tutum, ac liberum iter Prælati, eorumq. familiaribus, comitibus, & aliis omnibus ad Concilium euntibus, & ab illo redeuntibus pateat; benigneque, ac comiter omnibus in locis recipiantur, atque tractentur, sicut, quod ad nos attinet, ipsi quoque curabimus; qui nihil omnino prætermittere decreuimus, quod ad tam pium, & salutare opus perficiendum, a nobis, in hoc loco constitutis, præstari possit; nihil, ut Deus scit, quærentes aliud; nil propositum habentes in hoc Concilio celebrando, nisi honorem ipsius Dei, dispersarum ouium reductionem, ac salutem, & perpetuam Christianæ Reipublicæ tranquillitatem, ac quietem. Vt uero hæc littere; & quæ in eis continentur,



rinentur , ad omnium, quorum oportet , notitiam perueniant; nec quisquam ea  
 excusatione uti possit, quod illa ignorauerit, praesertim cum non ad omnes, quos  
 de his litteris certiores fieri oporteret, tutus forsitan pateat aditus, uolumus, &  
 mandamus, ut in Basilica Vaticana Principis Apostolorum, & in ecclesia Late-  
 ranensi tunc, cum in eis populus, ut Missarum solemnibus intersit, congregari  
 solet, palam clara uoce a curiae nostrae cursoribus, seu notarijs aliquibus pu-  
 blicis recitentur; & postquam recitatae fuerint, ad ualvas earum ecclesiarum,  
 itemq. Cancellariae Apostolicae, & in loco solito campi Florae affigantur; ibi-  
 que, quo legi, & omnibus innotescere possint, aliquandiu relinquantur, cum au-  
 tem inde amoueantur, earum exempla in iisdem locis affixa remaneant. Nos  
 enim per recitationem hanc, publicationem, & affixionem omnes, & singulos,  
 qui his litteris comprehenduntur, post duos menses a die publicationis, & affi-  
 xionis earum, uolumus perinde astrictos, & obligatos esse, ac si ipsismet illae co-  
 ram editae, & lectae fuissent. Transumptis quoque earum, quae manu publici  
 alicuius notarij scriptae, subscriptae, & sigillo, ab subscriptione alicuius per-  
 sonae, in dignitate Ecclesiastica constitutae, munitae fuerint, ut sine dubitatione  
 ulla fides habeatur, mandamus, atque decernimus. Nulli ergo omnino homi-  
 num liceat, hanc paginam nostrae indictionis, statuti, decreti, praeccepti, admoni-  
 tionis, & adhortationis infringere; uel ei ausu temerario contra ire. Si quis au-  
 tem hoc attentare praesumpserit; indignationem omnipotentis Dei, ac Beatorum,  
 Petri, & Pauli Apostolorum eius, se nouerit incursum. Dat. Romae, apud  
 S. Petrum, anno incarnationis Dominicae. M. D. LX. 111. Kal, Dec.  
 Pontificatus nostri anno primo.

Antonius Florebellus,

Barengus.

# SACROSANCTI

OECUMENICI,  
ET GENERALIS CONCILII  
TRIDENTINI

SESSIO XVII.

## QVAE EST PRIMA

SVB PIO IIII, PONT. MAX.

CELEBRATA DIE XVIII IAN.

M. D. LXII.

Decrerum de celebrando Concilio.



*Lacet ne nobis, ad laudem, & gloriam sanctæ, ac indiuiduæ Trinitatis, Patris, & Filij, & Spiritus sancti, ad incrementum & exaltationem fidei, & religionis Christianæ, sacrum æcumenicum, & generale Concilium Tridentinum, in Spiritu sancto legitime congregatum, ab hodierno die, qui est. 18. mensis Ian. anni a Natiuitate domini M D LXII, Cathedræ Romanæ beati Petri, Apostolorum Principis, consecrato, sublata quacumque suspensione, iuxta formam, & tenorem litterarum sanctissimi domini nostri Pij IIII, Pont Max. celebrari, & in eo ea, debito seruato ordine, tractari, quæ, proponentibus Legatis ac Presidentibus, ad horum temporum leuandas calamitates, sedendas de religione controuersias, coercendas linguas dolosas, deprauatorum morum abusus corrigendos, Ecclesiæ ueram atque Christianam pacem conciliandam apta & idonea ipsi sanctæ Synodo uidebuntur?*

*Responderunt, Placet.*

Indictio futuræ Sessionis.

*Placet ne nobis, proximam futuram Sessionem habendam, & celebrandam esse feria quinta, post secundam Dominicam Quadragesimæ, quæ erit die XXVI. mensis Februarii?*

*Responderunt, Placet.*

## SESSIO XVIII

## QVAE EST SECUNDA

SVB PIO IIII, PONT. MAX.

CELEBRATA DIE XXVI. FEBR.

M. D. LXII.

Decretum de librorum delectu, & omnibus ad  
Concilium fide publica inuitandis.



*Acrosancta œcumenica, & generalis Tridentina Synodus, in Spiritu sancto legitime congregata, presidentibus in ea eisdem Apostolicæ Sedis Legatis, non humanis quidem uiribus confisa, sed Domini nostri Iesu Christi, qui os, & sapientiam Ecclesiæ suæ daturum se promisit, ope & auxilio freta, illud præcipue cogitat, ut Catholicæ fidei doctrinam, multorum inter se disidentium opinionibus, pluribus locis inquinatam & obscuratam, in suâ puritatem, & splendorem aliquando restituat; & mores, qui a ueteri instituto deflexerunt, ad meliorem uitæ rationem reuocet; corq. patrum ad filios, & cor filiorum ad patres conuertat. Cum itaque omnium primū animaduernerit, hoc tempore suspectorum, ac perniciosorum librorum, quibus doctrina impura continetur, & longe lateq. diffunditur, numerum nimis excreuisse, quod quidem in causa fuit, ut multæ censuræ in uarijs prouincijs, & præsertim in alma urbe Roma, pio quodam zelo editæ fuerint. neque tamen huic tam magno, ac pernicioso morbo salutare ullam profuisse medicinam: censuit, ut delecti ad hanc disquisitionem Patres de censuris, librisq. quid factū opus esset, diligenter considerarent; atque etiam ad eandem Synodum suo tempore referrent, quo facilius ipsa possit uarias & peregrinas doctrinas, tamquam zizania, a Christianæ ueritatis tritico separare; deq. his commodius deliberare, & statuere, quæ ad scrupulum ex complurium animis eximendum & tollendas multarum querelarum causas magis opportuna uidebuntur. Hæc autem omnia ad noticiam quorumcumque deducta esse uult, prout etiam præsentī Decreto deducit; ut si quis ad se pertinere aliquo modo putauerit, quæ uel de hoc librorum, & censurarum negotio, uel de alijs, quæ in hoc generali Concilio tractanda prædixit; non dubitet a sancta Synodo se benigne auditum iri.*

*Quoniam uero eadem sancta Synodus ex corde optat, Deumq. enixe rogat, quæ ad pacem sunt Ecclesiæ, ut uniuersi communem matrem in terris agnoscen-  
tes, quæ, quos peperit, obliuisci non potest, unanimes, uno ore, glorificemus  
Deum, & Patrem Domini nostri Iesu Christi; per uiscera misericordiæ eiusdem*



Dei, & Domini nostri omnes, qui nobiscum communionem non habent, ad concordiam & reconciliationem, & ut ad hanc sanctam Synodum ueniant, inuitat, atque hortatur; utq. caritatem, quod est uinculum perfectionis, amplectantur, pacemq. Christi, exultantem in cordibus suis præ se ferant in quam uocati sunt, in uno corpore: Hanc ergo non humanam, sed Spiritus sancti uocem audientes, ne obdurent corda sua, sed in suo sensu non ambulantes, neque sibi placentes, ad tam piam, & salutare matris suæ admonitionem excitentur, & conuertantur, omnibus enim caritatis officijs sancta Synodus eos ut inuitat, ita cōplectetur.

Insuper eadem sancta Synodus decreuit, fidem publicam in Congregatione generali concedi posse, & eandem uim habituram, eiusdemq. roboris & momenti futuram, ac si in publica Sessione data, & decreta fuisset.

Indictio futuræ Sessionis.

Eadem sacrosancta Synodus Tridentina, in Spiritu sancto legitime congregata, præsentibus in ea eisdem Apostolicæ Sedis Legatis, statuit, & decernit, proximam futuram Sessionem habendam & celebrandam esse feria quinta, post sacratissimum festum Ascensionis Domini, quæ erit. 14. mensis Maij.

# SALVVS CONDVCTVS

## CONCESSVS GERMANICÆ

### NATIONI,

In Congregatione generali die IIII. Martij, M D LXII.



Acosancta æcumenica, & generalis Tridentina Synodus, in Spiritu sancto legitime congregata, præsentibus in ea eisdem Apostolicæ Sedis Legatis, uniuerfis fidem facit, quod omnibus, & singulis sacerdotibus, Electoribus, Principibus, Ducibus, Marchionibus, Comitibus, Baronibus, Nobilibus, militariibus, popularibus, et aliis quibuscumque uiris, cuiuscumque status, et conditionis, aut qualitatís existant, Germanicæ Prouinciæ, & nationis, ciuitatibus, & aliis locis eiusdē, & omnibus alijs Ecclesiasticis et sæcularibus, præsertim Augustanæ confessionis personis, qui, aut quæ una cum ipsis ad hoc generale Tridentinum Concilium uenient, aut mittentur, ac profecturi sunt, aut hucusque uenerunt, quocumque nomine censeantur, aut ualeant nuncupari, tenore præsentium publicam fidem, & plenissimam, uerissimamq. securitatem, quæ saluum conductum appellant, libere ad hanc ciuitatem Tridentinam ueniendi, ibidemq. manendi, standi, morandi, proponendi, loquendi, una cum ipsa Synodo, de qui-

de quibuscumque negotijs tractandi, examinandi, discutiendi; & omnia, quacumque ipsis libuerit, ac articulos quoslibet tam scripto, quam uerbo libere offerendi, propalandi, eosq. Scripturis sacris, & beatorum Patrum uerbis, sententiis, & rationibus declarandi, asseruendi, & persuadendi, & si opus fuerit, etiam ad obiecta Concilii generalis respondendi, & cum iis, qui a Concilio delecti fuerint, disputandi; aut caritatiue absque omni impedimento conferendi, opprobriis, conuiciis, ac contumeliis penitus semotis; & signanter, quod cause controuersæ, secundum sacram Scripturam, & Apostolorum traditiones, probata concilia, Catholica Ecclesiæ consensus, & sanctorum Patrum auctoritates in prædicto Concilio Tridentino tractentur; illo etiam addito, ut religionis prætextu aut delictorum, circa eam commissorum, aut committendorum minime puniantur, impertitur, ac omnino concedit; sic etiam, ut propter illorum præsentiam neque in itinere, aut quocumque locorum eundo, manendo, aut redeundo, nec in ipsa ciuitate Tridentina a diuinis officiis quouis modo cessetur. Et ut, his peractis, uel non peractis, quandocumque ipsis libuerit, aut maiorum suorum mandato, & assensu ad propria reuertioptabunt; aut aliquis eorum optabit, mox absque ulla renitentia, & occasione, aut mora, saluis rebus eorum, & suorum pariter honore, & personis, uice uersa, possint iuxta beneplacitum libere, & secure redire; de scientia tamen ab eadem Synodo deputandorum; ut tunc opportune eorum securitati, absque dolo, & fraude prouideatur. Vult etiam sancta Synodus, in hac publica fide, saluoq. conductu omnes quasumque clausulas includi, ac contineri, ac pro inclusis haberi, quæ pro plena, efficaci, & sufficienti securitate, in eundo, stando, & redeundo, necessariae, & opportuna fuerint. Illud etiam, ad maiorem securitatem, & pacis, ac conciliationis bonum, exprimens, quod, si quispiam, aut illorum aliqui, siue in itinere, Tridentum ueniendo, siue ibidem morando, aut redeundo, aliquod enorme, quod absit, egerint, aut commiserint, quo posset huius fidei publicæ, & assecurationis beneficium, eis concessum, annullari, aut cassari; uult, & concedit ut in huiusmodi facinore deprehensi, ab ipsis dumtaxat, & non ab aliis condigna animaduersione cum emenda sufficienti, per partem ipsius Synodi merito approbanda, & laudanda, mox puniantur; illorum assecurationis forma, condicionibus, & modis omnino manentibus illibatis. Pariformiter etiam uult, ut, si quisquam, uel aliqui ex ipsa Synodo, siue in itinere, aut manendo, aut redeundo, aliquod enorme, quod absit, egerint, aut commiserint, quo posset huius fidei publicæ & assecurationis beneficium uiolari, aut quoquo modo tolli; in huiusmodi facinore deprehensi, ab ipsa Synodo dumtaxat, & non ab aliis condigna animaduersione, & emenda sufficienti, per partem dominorum Germanorum Augustanæ confessionis, tunc hic præsentium, merito laudanda, & approbanda, mox puniantur; præsentis assecurationis forma, conditionibus, & modis omnino manentibus illibatis. Vult præterea ipsa synodus, quod liceat ipsis Ambasciatoribus omnibus & singulis



toties, quotiescumque opportunum fuerit, seu necessarium, ad auram capiendam exire de ciuitate Tridentina, & reuerti ad eadem, necnon nuncium, uel nuncios suos ad quacumque loca pro suis necessarijs negotijs ordinandis libere mittere, seu destinare, ac ipsos missos, seu destinatos, seu missum, & destinatum suscipere, toties, quoties eis uidebitur expedire. ita quod aliqui, uel aliquis per deputandos Concilii socientur, qui eorum securitati provideant, uel provideat. Qui qui dem saluus conductus, & securitates stare ac durare debent, & a tempore, & per tempus, quo ipsius Synodi, & suorum tuitionis curam ipsos suscipi contigerit, & usque ad Tridentum perducere, ac toto tempore mansionis eorum ibidem, & rursum post sufficientem audientiam habitam, spatio uiginti dierum premissis, cum ipsi petierint; aut Concilium, habita huiusmodi audientia, ipsis recessum indixerit, a Tridento usque in quem quisque elegerit sibi locum tutum, Deo fauente, restituet, dolo, & fraude prorsus exclusis. Quae quidem omnia pro uniuersis, & singulis Christi fidelibus, pro omnibus Principibus, tam Ecclesiasticis, quam secularibus quibuscumque, atque omnibus alijs Ecclesiasticis, ac secularibus personis, cuiuscumque status, & condicionis existant, aut quocumque nomine censeantur, inuiolabiliter obseruanda esse promittit, et bona fide spondet.

Insuper omni fraude, & dolo exclusis, uera, & bona fide promittit, ipsam Synodum nullam uel manifeste, uel occulte occasionem quaesituram; aut aliqua auctoritate, potentia, iure, uel statuto, priuilegio, legum, uel Canonum, aut quorumcumque Conciliorum, praesertim Constantiensis, & Senensis, quacumque forma uerborum expressa, in aliquod huius fidei publicae, & plenissimae assurationis, ac publicae, & liberae audientiae, ipsis per ipsam Synodum concessae, praerudicium quouis modo usuram, aut quemquam uti permissuram: quibus in hac parte pro hac uice derogat. Quod si sancta Synodus, aut aliquis ex ea, uel suis, cuiuscumque condicionis, uel status, aut praereminentiae existens, praescriptae assurationis & salui conductus formam & modum in quocumque puncto uel clausula uiolauerit, quod tamen auertere dignetur Omnipotens, & sufficiens emenda non fuerit mox subsecuta, ipsorum arbitrio merito approbanda, & laudanda, habeant ipsam Synodum, & habere poterunt, incidisse in omnes penas, quas iure diuino & humano, aut consuetudine, huiusmodi saluorum conductuum uiolatores incurrere possunt, absque omni excusatione, aut quauis in hac parte contradictione.

Extensio ad alias nationes.

Eadem sacrosancta Synodus, in Spiritu sancto legitime congregata, praesidentibus in ea eisdem Apostolicae Sedis de latere Legatis, omnibus, & singulis alijs, qui nobiscum in ijs, quae sunt fidei, communionem non habent, ex quibuscumque regnis, nationibus, prouincijs, ciuitatibus, ac locis, in quibus publice, & impune praedicatur, uel docetur, siue creditur contrarium eius, quod sancta Romana sentit Ecclesia, dat fidem publicam, siue saluum conductum sub eadem forma, & eisdem uerbis, quibus datur Germanis.



## S E S S I O   X I X .

## Q V A E   E S T   T E R T I A

S V B   P I O   I I I I ,   P O N T .   M A X .

C E L E B R A T A   D I E   X I I I I   M A I I .

M .   D .   L X I I .

Decretum prorogationis Sessionis.



*Acrosancta œcumenica, & generalis Tridentina Synodus, in Spiritu sancto legitime congregata, præsidentibus in ea eisdem apostolicæ Sedis Legatis, Decreta ea, quæ hodie in præsentī Sessione statuenda ac sancienda erant, iustis nonnullis, ac honestis causis, in feriam quintam, post proximam sollemnitatem corporis Christi, quæ erit pridie nonas Iunii, proroganda esse censuit, ac prorogat; dictaq. die Sessionem habendam esse, ac celebrandam, omnibus indicit. Interea rogandus est Deus, & Pater Domini nostri Iesu Christi, auctor pacis, ut sanctificet corda omnium; quo adiuvante, sanctæ Synodus & nunc, et semper meditari, atque peragere valeat, quæ ad eius laudē, et gloriā pertineant.*

## S E S S I O   X X .

## Q V A E   E S T   Q V A R T A

S V B   P I O   I I I I ,   P O N T .   M A X .

C E L E B R A T A   D I E   I I I I   I V N I ,

M .   D .   L X I I .

Decretum prorogationis Sessionis.



*Acrosancta œcumenica, & generalis Tridentina Synodus, in Spiritu sancto legitime congregata, præsidentibus in ea eisdem Apostolicæ Sedis Legatis, propter varias difficultates, ex diuersis causis exortas, atque ēt, ut congruentius, maioriq. cum deliberatione omnia procedant, nempe ut Dogmata cum ijs, quæ ad reformationem spectant, simul tractentur, & sanciantur; ea, quæ statuenda uidebuntur, tam de reformatione, quam de Dogmatibus, in proxima Sessione, quam omnibus indicit in diem sextam decimam subsequēntis mensis Iulii, definienda esse decreuit: Hoc tamen adiecto, quod dictum terminū ipsa sancta Synodus pro eius arbitrio, & uoluntate, sicuti rebus Concilii putauerit expedire, etiam in generali Congregatione, restringere, & prorogare libere possit, & ualeat.*

## Q V A E E S T Q V I N T A

S V B P I O I I I I , P O N T . M A X .

C E L E B R A T A D I E X V I I V L .

M . D . L X I I .

Doctrina de Communione sub utraque specie, &amp; paruulorum.



*Acrosancta œcumenica, & generalis Tridentina Synodus, in Spiritu sancto legitime congregata, presidentibus in ea eisdem apostolicæ Sedis Legatis, cum de tremendo & sanctissimo Eucharistia Sacramento uaria diuersis in locis errorum monstranequissimi Damonis artibus circumferantur, ob quæ in nonnullis prouincijs multi a Catholica Ecclesiæ fide, atque obedientia uideantur discessisse: censuit ea, quæ ad Communionem sub utraque specie, & paruulorum pertinent, hoc loco exponenda esse. Quapropter cunctis Christi fidelibus interdicit, ne posthac de ijs aliter uel credere, uel docere, uel prædicare audeant, quam est his decretis explicatum, atque definitum.*

Laicos, & Clericos non conficientes, non astringi iure diuino ad Communionem sub utraque specie. Caput. I.

*Itaque sancta ipsa Synodus, a Spiritu sancto, qui spiritus est sapientia, & intellectus, spiritus consilij, & pietatis, edocta, atque ipsius Ecclesiæ iudicium, & consuetudinem secuta, declarat, ac docet, nullo diuino præcepto laicos, & clericos non conficientes, obligari ad Eucharistiæ Sacramentum sub utraque specie sumendum; neque ullo pacto, salua fide, dubitari posse, quin illis alterius speciei communio ad salutem sufficiat. nam, etsi Christus Dominus in ultima uenerabile hoc Sacramentum in panis, & uini speciebus instituit, & Apostolis tradidit; non tamen illa institutio, & traditio eo tendunt, ut omnes Christi fideles statuto Domini ad utramque speciem accipiendam astringantur. sed neque ex sermone illo, apud Ioannem sexto recte colligitur, utriusque speciei communionem a Domino præceptam esse; utcumque iuxta uarias sanctorum Patrum, & doctorum interpretationes intelligatur. namque qui dixit: Nisi manducaueritis carnem filij hominis, & biberitis eius sanguinem, non habebitis uitam in uobis: dixit quoque: Si quis manducauerit ex hoc pane, uiuet in æternum. Et qui dixit: Qui manducat meam carnem, & bibit meum sanguinem, habet uitam æternam: dixit etiam: Panis, quem ego dabo, caro mea est pro mundi uita. Et denique qui dixit: Qui manducat meam carnem, & bibit meum sanguinem, in me manet, & ego in illo: dixit nihilominus: Qui manducat hunc panem, uiuet in æternum.*

Ecclesiæ potestas circa dispensationem Sacramenti  
Eucharistiæ. Cap. II.

*Præterea declarat, hanc potestatem perpetuo in Ecclesia fuisse, ut in Sacramentorum dispensatione, salva illorum substantia, ea statueret, uel mutaret, quæ suscipientium utilitati, seu ipsorum Sacramentorum uenerationi, pro rerum, temporum, & locorum uarietate, magis expedire iudicaret. id autem Apostolus non obscure uisus est innuisse, cum ait: Sic nos existimet homo, ut ministros Christi, & dispensatores mysteriorum Dei. atque ipsum quidem hac potestate usum esse satis constat, cum in multis alijs, tum in hoc ipso Sacramento, cum, ordinatis nonnullis circa eius usum, Cetera, inquit, cum uenero, disponam. Quare agnoscens sancta mater Ecclesia hanc suam in administratione Sacramentorum auctoritatem, licet ab initio Christianæ religionis non infrequens utriusque speciei usus fuisset: tamen progressu temporis, latissime iam mutata illa consuetudine, grauius, & iustis causis adducta, hanc consuetudinem sub altera specie communicandi approbavit, & pro lege habendam decreuit: quam reprobare, aut sine ipsius Ecclesiæ auctoritate pro libito mutare non licet.*

Totum & integrum Christum, ac uerum Sacramentum, sub  
qualibet specie sumi. Cap. III.

*Insuper declarat, quamuis Redemptor noster, ut antea dictum est, in suprema illa cæna hoc Sacramentum in duabus speciebus instituerit, & Apostolis tradiderit; tamen fatendum esse, etiam sub altera tantum specie totum, atque integrum Christum, uerumque Sacramentum sumi; ac propterea, quod ad fructum attinet, nulla gratia, necessaria ad salutem, eos defraudari, qui unam speciem solam accipiunt.*

Paruulos non obligari ad communionem sacramentalem. Cap. IIII.

*Denique eadem sancta Synodus docet, paruulos, usu rationis carentes, nulla obligari necessitate ad sacramentalem Eucharistiæ communionem. siquidem per Baptismi lauacrum regenerati, & Christo incorporati, adeptam iam filiorum Dei gratiam in illa ætate amittere non possunt. neque ideo tamen damnanda est antiquitas, si eum morem in quibusdam locis aliquando seruauit, ut enim sanctissimi illi Patres sui facti probabilem causam pro illius temporis ratione habuerunt; ita certe eos nulla salutis necessitate id fecisse, sine controuersia credendum est.*

DE COMMVNIONE SVB VTRAQUE  
SPECIE, ET PARVVLORVM.

CANON I.

**S**i quis dixerit, ex Dei præcepto, uel necessitate salutis omnes, & singulos Christi fideles utramque speciem sanctissimi Eucharistiæ Sacramenti sumere debere; anathema sit,



## S E S S I O

## C A N O N    II.

*Si quis dixerit, sanctam Ecclesiam Catholicam non iustis causis, & rationibus adductam fuisse, ut laicos, atque etiam clericos non conficientes sub panis tantummodo specie communicaret; aut in eo errasse; anathema sit.*

## C A N O N    III.

*Si quis negauerit, totum, & integrum Christum, omnium gratiarum fontem, & auctorem, sub una panis specie sumi, quia, ut quidam falso asserunt, non secundum ipsius Christi constitutionem sub utraque specie sumatur; anathema sit.*

## C A N O N    II II.

*Si quis dixerit, paruulis antequam ad annos discretionis peruenerint, necessariam esse Eucharistiæ Communionem; anathema sit.*

Duos uero articulos, alias propositos, eos nondum tamen excussos, uidelicet: *An rationes, quibus sancta Catholica Ecclesia adducta fuit, ut communicaret laicos, atque etiam non celebrantes sacerdotes sub una tantum panis specie, ita sint retinendæ, ut nulla ratione Calicis usus cuiquam sit permittendus: &, An, si honestis, et Christianæ caritati consentaneis rationibus concedendus alicui uel nationi, uel regno Calicis usus uideatur, sub aliquibus conditionibus concedendus sit; & quanam sint illæ: Eadem sancta Synodus, in aliud tempus, oblata sibi quamprimum occasione, examinandos, atque definiendos reseruat.*

## D E C R E T U M   D E   R E F O R M A T I O N E .

## C A P V T    I.



*Adem sancrosancta œcumenica, & generalis Tridentina Synodus, in spiritu sancto legitime congregata, præsentibus in ea eisdem Apostolica Sedis Legatis, ad Dei omnipotentis laudem, & sanctæ Ecclesiæ ornamentum, ea, quæ sequuntur, de reformationis negotio in præsentī statuenda esse censuit. Quoniam ab Ecclesiastico ordine omnis auaritiæ suspicio abesse debet; nihil pro collatione quorumcumque ordinum, etiam clericalis tonsuræ, nec pro litteris dimissorijs, aut testimonialibus, nec pro sigillo, nec alia quacumque de causa, etiam sponte oblatum, Episcopi, & alij Ordinum collatores, aut eorum ministri quouis prætextu accipiant. Notarij uero in his tantum locis, in quibus non uiget laudabilis consuetudo nihil accipiendi, pro singulis litteris dimissorijs, aut testimonialibus, decimam tantum unius aurei partem accipere possint, dummodo eis nullum salarium sit constitutum pro officio exercendo: nec Episcopo ex notarij commodis aliquod emolumentum ex eisdem Ordinum*

*Ordinationes etiam  
sunt fieri*

collationibus directe, uel indirecte prouenire possit. tunc enim gratis operam suam eos præstare omnino teneri decernit: contrarias taxas, ac statuta, & consuetudines, etiam immemorabiles, quorumcumque locorum, quæ potius abusus, & corruptelæ, simoniacæ prauitati fauentes, nuncupari possunt, penitus cassando, & interdicens: & qui secus fecerint tam dantes, quam accipientes, ultra diuinam ultionem, pœnas a iure inflictas ipso facto incurrant.

## C A P V T II.

Cum non deceat eos, qui diuino ministerio ascripti sunt, cum Ordinis dedecore mendicare, aut sordidum aliquem quæstum exercere; compertumq. sit, complures plerisq. in locis ad sacros Ordines nullo fere delectu admitti, qui varijs artibus, ac fallacijs confingunt, se beneficium Ecclesiasticum, aut etiam idoneas facultates obtinere: statuit sancta Synodus, ne quis deinceps clericus secularis, quamuis alias sit idoneus moribus, scientia, & ætate, ad sacros ordines promoueat, nisi prius legitime constet, eum beneficium Ecclesiasticum, quod sibi ad uitium honeste sufficiat, pacifice possidere. Id uero beneficium resignare non possit, nisi facta mentione, quod ad illius beneficii titulum sit promotus, neque ea resignatio admittatur, nisi constito, quod aliunde uiuere commodè possit: & aliter facta resignatio nulla sit. Patrimonium uero, uel pensionem obtinentes, ordinari posthac non possint, nisi illi, quos Episcopus indicauerit assumendos pro necessitate, uel commoditate Ecclesiarum suarum; eo quoque prius perspecto, patrimonium illud, uel pensionem uere ab eis obtineri, taliaq. esse, quæ eis ad uitam sustentandam satis sint: atque illa deinceps sine licentia Episcopi alienari, aut extinguui, uel remitti nullatenus possint; donec beneficium Ecclesiasticum sufficiens sint adepti; uel aliunde habeant, unde uiuere possint; antiquorum Canonum pœnas super his innouando.

## C A P V T III.

Cum beneficia ad diuinum cultum, atque Ecclesiastica munia obeunda sint constituta; ne qua in parte minuatur diuinus cultus, sed ei debitum omnibus in rebus obsequium præstetur; statuit sancta Synodus, in ecclesijs, tam cathedralibus, quam collegiatis, in quibus nullæ sunt distributiones quotidianæ, uel ita tenues, ut uerisimiliter negligantur, tertiam partem fructuum, & quorumcumque prouentuum, & obuentuum, tam dignitatum, quam canonicatum, personatum, portionum, & officiorum separari debere; & in distributiones quotidianas conuerti, quæ inter dignitates obtinentes, & ceteros diuinis interessentes, proportionabiliter iuxta diuisionem ab Episcopo, etiam tamquam Apostolicæ Sedis delegato, in ipsa prima fructuum deductione faciendâ, diuidantur: saluis tamen consuetudinibus earum ecclesiarum.

*Distributiones  
quotidianæ  
ubi non sunt*



in quibus non residentes, seu non seruientes, nihil uel minus tertia parte percipiunt: non obstantibus exemptionibus, ac alijs consuetudinibus, etiam immemorabilibus, & appellationibus quibuscumque. Crescenteq. non seruientium contumacia, liceat contra eos procedere, iuxta iuris, ac sacrorum Canonum dispositionem.

## C A P V T I I I I.

*Episcopi*, etiam tanquam Apostolicae Sedis delegati in omnibus ecclesijs parochialibus, uel baptismalibus, in quibus populus ita numerosus sit, ut unus Rector non possit sufficere Ecclesiasticis Sacramentis ministrandis, & cultui diuino peragendo; cogant Rectores, uel alios, ad quos pertinet, sibi tot sacerdotes ad hoc munus adiungere, quot sufficiant ad Sacramenta exhibenda, & cultum diuinum celebrandum. In ijs uero, in quibus ob locorum distantiam, sine difficultatem parochiani sine magno incommodo ad percipienda sacramenta, & diuina officia audienda accedere non possunt; nouas parochias, etiam inuitis Rectoribus, iuxta formam constitutionis Alexandri III, quae incipit, Ad audientiam, constituere possint. Illis autem sacerdotibus, qui de nouo erunt ecclesijs nouiter erectis praeficiendi, competens assignetur portio arbitrio Episcopi ex fructibus, ad ecclesiam matricem quomodocumque pertinentibus: & si necesse fuerit, compellere possit populum, ea subministrare, quae sufficiant ad uitam dictorum sacerdotum sustentandam: quacumque reservatione generali, uel speciali, uel affectione, super dictis ecclesijs, non obstantibus. Neque huiusmodi ordinationes & erectiones possint tolli, nec impediri, ex quibuscumque prouisionibus, etiam uigore resignationis, aut quibusuis alijs derogationibus, uel suspensionibus.

## C A P V T V.

*Vt* etiam ecclesiarum status, ubi sacra Deo officia ministrantur, ex dignitate conseruetur; possint Episcopi, etiam tanquam Apostolicae Sedis delegati, iuxta formam iuris, sine tamen prauidicio obtinentium, facere uniones perpetuas quarumcumque ecclesiarum parochialium, & baptismalium, & aliorum beneficiorum curatorum, uel non curatorum cum curatis propter earum paupertatem, & in ceteris casibus a iure permissis, etiam si dictae ecclesiae, uel beneficia essent generaliter, uel specialiter reservata, aut qualitercumque affecta. Quae uniones etiam non possint renocari, nec quoquo modo infringi uigore cuiuscumque prouisionis, etiam ex causa resignationis, aut derogationis, aut suspensionis.

## C A P V T V I.

*Quia* illitterati, & imperiti parochialium ecclesiarum Rectores sacris minus apti sunt officijs, & alij propter eorum uitae turpitudinem potius destruunt, quam aedificant; Episcopi, etiam tanquam Apostolicae Sedis delegati, eis-



dem illitteratis, & imperitis, si alias honestæ uitæ sint, coadiutores, aut Vicarios pro tempore deputare; partemq. fructuum eisdem pro sufficienti uictu assignare, uel aliter providere possint, quacumque appellatione, & exemptione remota. Eos uero, qui turpiter, & scandaloſe uiuunt, postquam præmoniti fuerint, coerceant, ac castigent; & si adhuc incorrigibiles in sua nequitia perseuerent, eos beneficijs, iuxta sacrorum Canonum constitutiones, exemptione, & appellatione quacumque remota, priuandi facultatem habeant.

impetis ritionem  
uel rionem uicari  
dant. Imple uicari  
punitur.

## C A P V T VII.

Cum illud quoque ualde curandum sit, ne ea, quæ sacris ministerijs dedicata sunt, temporum iniuria obsolescant, & ex hominum memoria excidant; Episcopi, etiam tamquam Apostolicæ Sedis delegati, transferre possint beneficia simplicia, etiam iuris patronatus, ex ecclesijs, quæ uetustate, uel alias collapsæ sint, & ob eorum inopiam nequeant instaurari, uocatis ijs, quorum interest, in matricibus, aut alias ecclesijs locorum eorundem, seu uiciniorum, arbitrio suo; atque in eisdem ecclesijs erigant altaria, uel capellas sub eisdem inuocationibus; uel in iam erecta altaria, uel capellas transferant cum omnibus emolumentis, & oneribus, prioribus ecclesijs impositis. Parochiales uero ecclesias, etiam si iuris patronatus sint, ita collapsas refici, & instaurari procurent ex fructibus, & prouentibus quibuscumque, ad easdem ecclesias quomodocumque pertinentibus. qui si non fuerint sufficientes, omnes patronos, & alios, qui fructus aliquos ex dictis ecclesijs prouenientes percipiunt; aut in illorum defectum, parochianos omnibus remedijs opportunis, ad prædicta cogant, quacumque appellatione, exemptione, & contradictione remota. Quod si nimia egestate omnes laborent, ad matricibus, seu uiciniores ecclesias transferantur, cum facultate, tam dictas parochiales, quàm alias ecclesias dirutas, in profanos usus, non sordidos, erecta tamen ibi Cruce, conuertendi.

De rectis collapsis  
reficiendis uel

## C A P V T VIII.

Quacumquæ in diœcesi ad Dei cultum spectant, ab Ordinario diligenter curari, atque ijs, ubi oportet, prouideri, æquum est. propterea commendata monasteria, etiam Abbatia, Prioratus, & Præpositura nuncupata, in quibus non uiget Regularis obseruantia; necnon beneficia tam curata, quam non curata, secularia, & Regularia, qualitercumque commendata, etiam exempta, ab Episcopis, etiam tamquam Apostolicæ Sedis delegatis, annis singulis uisitentur; curentq. iidem Episcopi congruentibus remedijs, etiam per sequestrationem fructuum, ut, quæ renouatione indigent, aut restauratione, reficiantur; & cura animarum, si qua illis uel eorum annexis immineat, aliaq. debita obsequia recte exercentur; appellationibus quibuscumque, priuilegijs, consuetudinibus, etiam immemorabili tempore præscriptis, conseruatorijs, iudicum deputationi--

Non rionem  
Commissarius uisitationis

bus, & eorum inhibitionibus non obstantibus. & , si in eis uigeret obseruantia Regularis, provideant Episcopi paternis admonitionibus, ut eorum Regulariū Superiores iuxta eorum Regularia instituta debitā uiuendi rationem obseruent, & obseruari faciant, & sibi subditos in officio contineant ac moderentur. Quod si admoniti, intra sex menses eos non uisitauerint, uel correxerint; tunc ydem Episcopi, etiam ut delegati Sedis Apostolicæ, eos uisitare possint, & corrigere, prout ipsi Superiores possent, iuxta eorum instituta; quibuscumque appellationibus, priuilegijs, & exemptionibus penitus remotis, & non obstantibus.

## C A P V T IX.

*Questio de clero  
in an. tollunt.*  
Cum multa a diuersis antea Concilijs, tam Lateranensi ac Lugdunensi, quam Viennensi, aduersus prauos eleemosynarum Quæstorum abusus remedia tunc adhibita, posterioribus temporibus reddita fuerint inutilia; potiusq. eorum malitia ita quotidie magno fidelium omnium scandalo, & querela excrescere deprehendatur, ut de eorum emendatione nulla spes amplius relicta uideatur: statuit, ut posthac in quibuscumque Christiana religionis locis eorum nomen, atque usus penitus aboleatur; nec ad officium huiusmodi exercendum ullatenus admittantur; non obstantibus priuilegijs, ecclesijs, monasterijs, hospitalibus, pjs locis, & quibuscumque cuiuscumque gradus, status, & dignitatis personis, concessis, aut consuetudinibus etiam immemorabilibus. Indulgentias uero, aut alias spirituales gratias, quibus non ideo Christi fideles decet priuari, deinceps per Ordinarios locorum, adhibitis duobus de Capitulo, debitis temporibus populo publicandas esse decernit. quibus etiam eleemosynas, atque oblata sibi caritatis subsidia, nulla prorsus mercede accepta, fideliter colligendi facultas datur: ut tandem, caelestes hos Ecclesiæ thesauros non ad quæstum, sed ad pietatem exerceri, omnes uere intelligant.

## Indictio futuræ Sessionis.

Sacro sancta œcumenica, & generalis Tridentina Synodus, in Spiritu sancto legitime congregata, præsidentibus in ea eisdem Apostolicæ Sedis legatis, statuit & decreuit, proximam futuram Sessionem habendam, & celebrandam esse feria quinta post octauam festi Natiuitatis beatæ Mariæ uirginis, quæ erit. 17. mensis Septembris, proximi futuri: Hoc tamen adiecto, quod dictum terminū, ac unicuique Sessioni in posterum præfigendum, ipsa sancta Synodus pro eius arbitrio, & uoluntate, sicuti rebus Concilij putauerit expedire, etiam in generali Congregatione, restringere, & prorogare libere possit, & ualeat.



## Q V A E E S T S E X T A

S V B P I O I I I I , P O N T . M A X .

C E L E B R A T A D I E X V I I . S E P T .

M . D . L X I I .

Doctrina de sacrificio Missæ.



ACROSANCTA œcumenica, & generalis Tridentina Synodus, in Spiritu sancto legitime congregata, præsidentibus in ea eisdem Apostolica Sedis Legatis, ut uetus absoluta, atque omni ex parte perfecta de magno Eucharistia mysterio in sancta Catholica Ecclesia fides, atque doctrina retineatur; & in sua puritate, propulsatis erroribus, atque hæresibus, conseruetur; de ea, quatenus uerum, & singulare sacrificium est, Spiritus sancti illustratione edocta, hæc, quæ sequuntur, docet, declarat, & fidelibus populis prædicanda decernit.

## C A P V T I.

Quoniam sub priori testamento, teste Apostolo Paulo, propter Leuitici sacerdotij imbecillitatem consumatio non erat; oportuit, Deo, patre misericordiarum, ita ordinante, sacerdotem alium secundum ordinem Melchisedech surgere, Dominum nostrum Iesum Christum, qui posset omnes, quotquot sanctificandi esset, consummare, & ad perfectum adducere. Is igitur Deus, & Dominus noster etsi semel se ipsum in ara crucis, morte intercedente, Deo Patri oblaturus erat, ut æternâ illic redemptionē operaretur; quia tamen per mortem sacerdotium eius extinguendum non erat; in cena nouissima, qua nocte tradebatur, ut dilectæ sponsæ suæ Ecclesiæ uisibile, sicut hominum natura exigit, relinqueret sacrificium, quo cruentum illud, semel in cruce peragendum, repræsenteretur; eiusq. memoria in finem usque sæculi permaneret: atque illius salutaris uirtus in remissionem eorum, quæ a nobis quotidie committuntur, peccatorum applicaretur; sacerdotem secundum ordinem Melchisedech se in æternum constitutum declarans, corpus & sanguinem suum sub speciebus panis, & uini Deo Patri obtulit; ac sub eorundem rerum symbolis, Apostolis, quos tunc noui Testamenti sacerdotes constituebat, ut sumerent, tradidit; & eisdem, eorūq. in sacerdotio successoribus, ut offerrent, præcepit, per hæc uerba: Hoc facite in meam cōmemorationem: uti semper Catholica Ecclesia intellexit, et docuit. nam celebrato ueteri Pascha, quod in memoriam exitus de Aegypto multitudo filiorum Israel immolabat, nouum instituit Pascha, se ipsum ab Ecclesia per sacerdotes sub signis uisibilibus immolandum in memoriâ transitus sui ex hoc mundo ad Patrem, quando per sui sanguinis effusionē nos redemit, eripuitq. de potestate tenebrarum, & in regnum suum



transulit. Et hæc quidem illa munda oblatio est, quæ nulla indignitate, aut malitia offerentium inquinari potest: quam Dominus per Malachiam nomini suo, quod magnum futurum esset in gentibus, in omni loco mundam offerendam prædixit: & quam non obscure innuit Apostolus Paulus, Corinthijs scribens, cum dicit: Non posse eos, qui participatione mensæ Dæmoniorum polluti sunt, mensæ Domini participes fieri: per mensam altare utrobique intelligens. Hæc denique illa est, quæ per uarias sacrificiorum, naturæ, & legis tempore, similitudines figurabatur: utpote, quæ bona omnia, per illa significata, uelut illorum omnium consumatio & perfectio complectitur.

## C A P V T II.

*sacrificium missæ*  
 ET quoniam in diuino hoc sacrificio, quod in Missa peragitur, idem ille Christus continetur, & incruente immolatur, qui in ara Crucis semel se ipsum cruentè obtulit: docet sancta Synodus, sacrificium istud uere propitiatorium esse, per ipsumq. fieri, ut si cum uero corde, & recta fide, cum metu, & reuerentia, contriti, ac pœnitentes, ad Deum accedamus, misericordiam consequamur, & gratiâ inueniamus in auxilio opportuno. Huius quippe oblatione placatus dominus gratiam, & donum pœnitentiæ concedens, crimina, & peccata, etiam ingentia, dimittit. una enim eademq. est hostia, idemq. nunc offerens sacerdotum ministerio, qui se ipsum tunc in cruce obtulit sola offerendi ratione diuersa. Cuius quidem oblationis cruentæ, inquam, fructus per hanc incruentam uberrime percipiuntur: tantum abest, ut illi per hanc quouis modo derogetur. Quare non solum pro fidelium uiuorum peccatis, pœnis, satisfactionibus, & alijs necessitatibus, sed & pro defunctis in Christo, nondum ad plenum purgatis, rite, iuxta Apostolorum traditionem, offertur.

## C A P V T III.

*sacrificium non offertur scilicet*  
 Et quamuis in honorem, & memoriam Sanctorum nonnullas interdum Missas Ecclesia celebrare consueuerit; non tamen illis sacrificium offerri docet, sed Deo soli, qui illos coronauit; unde nec sacerdos dicere solet, Offero tibi sacrificium Petre, uel Paule; sed Deo de illorum uictorijs gratias agens, eorum patrocinia implorat, ut ipsi pro nobis intercedere dignentur in calis, quorum memoriam facimus in terris.

## C A P V T IIII.

Et cum sancta sancte administrari conueniat, sitq. hoc omnium sanctissimum sacrificium; Ecclesia Catholica, ut digne reuerenterq. offerretur, ac perciperetur, sacrum Canonem multis ante sæculis instituit, ita ab omni errore purum, ut nihil in eo cõtineatur, quod nõ maxime sanctitatē, & pietatē quandā redoleat, mentesq. offerentiũ in Deum erigat. is enim constat cum ex ipsis Domini uerbis, tum ex Apostolorũ traditiõibus, ac sanctorũ quoque Pontificũ pijs institutiõibus.

Cum

## CAPVT V

CVMQ. natura hominum ea sit, ut non facile queat sine adminiculis exte-  
rioribus ad rerum diuinarum meditationem susfolli; propterea pia mater Eccle-  
sia ritus quosdam, ut scilicet quædam summissa uoce, alia uero elatiore, in Mis-  
sa pronunciarentur, instituit. Cerimonias item adhibuit, ut mysticas benedictio-  
nes, lumina, thymiamata, uestes, aliaq. id genus multa, ex Apostolica discipli-  
na & traditione, quo & maiestas tanti sacrificij commendaretur, & mentes  
fidelium per hæc uisibilia religionis & pietatis signa ad rerum altissimarum,  
quæ in hoc sacrificio latent, contemplationem excitarentur.

## CAPVT VI.

Optaret quidem sacrosancta Synodus, ut in singulis Missis fideles adstantes  
non solum spiritali affectu, sed sacramentali etiam Eucharistia perceptione cõ-  
municarent, quo ad eos sanctissimi huius sacrificij fructus uberior proueniret: nec  
tamen si id non semper fiat, propterea Missas illas, in quibus solus sacerdos sa-  
cramentaliter communicat, ut priuatas & illicitas, damnat, sed probat, atque  
adeo commendat. siquidem illæ quoque Missæ uere communes censerì debent, par-  
tim, quod in eis populus spiritaliter communicet, partim uero, quod a pu-  
blico Ecclesiæ ministro non pro se tantum, sed pro omnibus fidelibus, qui ad cor-  
pus Christi pertinent, celebrentur.

## CAPVT VII.

MONET deinde sancta Synodus, præceptum esse ab Ecclesia sacerdotibus, ut a-  
quam uino in calice offerendo miscerent, tum quod Christum Dominum ita fe-  
cisse credatur, tum etiam quia e latere eius aqua simul cum sanguine exierit.  
quod Sacramentum hac mixtione recolitur: & cum aquæ in Apocalypsi beati  
Iānnis populi dicatur; ipsius populi fidelis cū capite Christo unio representatur.

## CAPVT VIII.

Et si Missa magnā contineat populi fidelis, eruditionem; nō tamen expedire ui-  
sum est Patribus, ut uulgari passim lingua celebraretur. Quamobrem retento  
ubique cuiusque Ecclesiæ antiquo, & a sancta Romana Ecclesia, omnium Eccle-  
siarum matre, & magistra probato ritu, ne oues Christi esuriant, neue paruuli pa-  
nem petant, & non sit qui frangat eis; mandat sancta Synodus Pastoribus, &  
singulis curam animarum gerentibus, ut frequenter inter Missarum celebratio-  
nem uel per se, uel per alios ex ijs, quæ in Missa leguntur, aliquid exponant, at-  
que inter cetera sanctissimi huius sacrificij mysterium aliquod declarent diebus  
præsertim Dominicis, & festis.

## CAPVT IX.

QVIA uero aduersus ueterem hanc, in sacrosancto Euangelio, Apostolorum

traditionibus, sanctorumq. Patrum doctrina fundatam fidem, hoc tempore multi disseminati sunt errores, multa a multis docentur, atque disputantur; sacrosancta Synodus, post multos, grauesq. his de rebus, mature habitos tractatus, unanimi Patrum omnium consensu, quæ huic purissimæ fidei, sacraeq. doctrinæ aduersantur, damnare, & a sancta Ecclesia eliminare, per subiectos hos Canones constituit.

## D E S A C R I F I C I O M I S S A E.

## C A N O N I.

**S**i quis dixerit, in Missa non offerri Deo uerū & proprium sacrificium; aut quod offerri non sit aliud, quam nobis Christum ad manducandum dari; anathema sit.

## C A N O N II.

Si quis dixerit, illis uerbis, Hoc facite in meam commemorationem; Christum non instituisse Apostolos sacerdotes; aut non ordinasse, ut ipsi, alijq. sacerdotes offerrent corpus, & sanguinem suum; anathema sit.

## C A N O N III.

Si quis dixerit, Missæ sacrificium tantum esse laudis, & gratiarum actionis, aut nudam commemorationem sacrificij in Cruce peracti, non autem propitiatorium; uel soli prodesse sumentibus; neque pro uiuis, & defunctis, pro peccatis, pœnis, satisfactionibus, & alijs necessitatibus offerri debere; anathema sit.

## C A N O N IIII.

Si quis dixerit, blasphemiam irrogari sanctissimo Christi sacrificio, in Cruce peracto, per missæ sacrificium; aut illi per hoc derogari; anathema sit.

## C A N O N V.

Si quis dixerit, imposturam esse, Missas celebrare in honorem sanctorum, & pro illorum intercessionem, apud Deum obtinenda, sicut Ecclesia intendit; anathema sit.

## C A N O N VI.

Si quis dixerit, Canonem Missæ errores continere, ideoq. abrogandum; anathema sit:

## C A N O N VII.

Si quis dixerit, carimonias, uestes, & externa signa, quibus in Missarum



*celebratione Ecclesiæ Catholica utitur, irritabula impietatis esse, magis quam officia pietatis; anathema sit.*

## C A N O N V I I I.

*Si quis dixerit, Missas, in quibus solus sacerdos sacramentaliter communicat illicitas esse, ideoq. abrogandas; anathema sit.*

## C A N O N I X.

*Si quis dixerit, Ecclesiæ Romanæ ritum, quo summissa uoce pars Canonis, & uerba consecrationis proferuntur, damnandum esse; aut lingua tantum uulgari Missam celebrari debere; aut aquā non miscendam esse uino in calice offerendo, eo quod sit contra Christi institutionem; anathema sit.*

## DECRETVM DE OBSERVANDIS,

*Et euitandis in celebratione Missæ.*



**Q**UANTA cura adhibenda sit, ut sacrosanctum Missæ sacrificium omni religionis cultu, ac ueneratione celebretur; cuius facile existima re poterit, qui cogitarit, maledictum in sacris litteris eum uocari, qui facit opus Dei negligenter. Quod si necessario fatemur, nullum aliud opus adeo sanctum, ac diuinum a Christi fidelibus tractari posse, quam hoc ipsum tremendum mysterium, quo uiuifica illa hostia, qua Deo Patri reconciliati sumus, in altari per sacerdotes quotidie immolatur: satis etiam apparet omnem operam, & diligentiam in eo ponendam esse, ut quanta maxima fieri potest interiori cordis munditia, & puritate, atque exteriori deuotionis, ac pietatis specie peragatur. Cum igitur multa iam siue temporum uitio, siue hominum incuria, & improbitate irrepsisse uideantur, quæ a tanti sacrificij dignitate aliena sunt, ut ei debitus honor & cultus ad Dei gloriam, & fidelis populi ædificationem restituatur; decernit sancta Synodus, ut Ordinarij locorū Episcopi ea omnia prohibere, atque e medio tollere sedulo curent, ac teneantur; quæ uel auaritia, idolorū seruitus, uel irreuerentia, quæ ab impietate uix seiuncta esse potest: uel superstitio, uere pietatis falsa imitatrix, induxit. Atque, ut multa paucis comprehendantur, in primis, quod ad auaritiā pertinet, cuiusuis generis mercedum condiciones, pacta, & quicquid pro Missis nouis celebrandis datur; necnon importunas, atque illiberales elemosinarum exactiones, potius quam postulationes, aliaque huiusmodi, quæ a simoniaca labe, uel certe a turpi quæstu non longe absunt, omnino prohibeant. Deinde, ut irreuerentia uitetur; singuli in suis diæcesibus interdiciant, nec cui uago, & ignoto sacerdoti Missas celebrare liceat. Neminem præterea, qui publice, & notorie criminofus sit; aut sancto altari ministrare, aut sacris interesse permittant; necue patiantur priuatis in domibus, atque omnino extra ecclesiam, & ad diuinū

*In missis auaritia  
esset*

*Sacerdos aliquis in  
ignotis nec celebrat*

tantum cultum dedicata oratoria, ab eisdem Ordinariis designanda, & uisitanda, sanctum hoc sacrificium a secularibus, aut regularibus quibuscumque peragi: ac nisi prius qui intersint, decenter composito corporis habitu, declarauerint se mente etiam, ac deuoto cordis affectu, non solum corpore, adesse. Ab ecclesiis uero musicas eas, ubi sine organo, sine cantu lasciuum, aut impurum aliquid miscetur, item seculares omnes actiones, uana, atque adeo profana colloquia, deambulationes, strepitus, clamores arceant; ut domus Dei, uere domus orationis esse uideatur, ac dici possit. Postremo ne superstitioni locus aliquis detur; editto, & pœnis propositis caueant, ne sacerdotes alijs, quam debitis horis celebrent, neue ritus alios, aut alias caerimonias & præces in Missarum celebratione adhibeant, præter eas, quæ ab Ecclesia probatæ, ac frequenti, & laudabili usu receptæ fuerint. Quarundam uero Missarum, & candelarum certum numerum, qui magis a superstitionis cultu, quam a uera religione, inuentus est, omnino ab Ecclesia remoueant: doceantq. populum, quis sit, & a quo potissimum proueniat sanctissimi huius sacrificij, tam prætiosus, ac celestis fructus. Moneant etiam eundem populum, ut frequenter ad suas Parochias, saltem diebus Dominicis, & maioribus festis accedant. Hæc igitur omnia, quæ summam enumerata sunt, omnibus locorum Ordinarijs ita proponuntur, ut non solùm ea ipsa, sed quacumque alia huc pertinere uisa fuerint; ipsi pro data sibi a sacro sancta Synodo potestate, ac etiam, ut delegati Sedis Apostolicæ, prohibeant, mandent, corrigant, statuunt; atque ad ea inuiolate seruanda, censuris Ecclesiasticis, alijsq. pœnis, quæ illorum arbitrio constituentur, fidelem populum compellant: non obstantibus priuilegijs, exemptionibus, appellationibus, ac consuetudinibus quibuscumque.

## DECRETVM DE REFORMATIONE.

## CAPVT I.

**I**N ADEM sacrosancta Synodus, ut reformationis negotium prosequatur, hæc in præsentì Sessione, statuenda censuit. Nihil est, quod alios magis ad pietatem, & Dei cultum assidue instruat, quam eorum uita, & exemplum, qui se diuino ministerio dedicarunt. cum enim a rebus sæculi in altiore sublati locum conspiciantur, in eos tamquam in speculum, reliqui oculos coniiciunt, ex ijsq. sumunt quod imitentur. Quapropter sic decet omnino clericos, in sortem Domini uocatos, uitam, moresq. suos omnes componere, ut abitu, gestu, incessu, sermone, alijsq. omnibus rebus nil, nisi graue, moderatum, ac religione plenum, præ se ferant: leuia etiam delicta, quæ in ipsis maxima essent, effugiant; ut eorum actiones cunctis afferant uenerationem. Cum igitur, quo maiore in Ecclesia Dei & utilitate, & ornamento hæc sunt, ita etiam diligenti-

tius



tius sint obseruanda; statuit sancta Synodus, ut quæ alias a summis Pontificibus, & a sacris Conciliis de clericorum uita, honestate, cultu, doctrinaq. retinenda, ac simul de luxu, commensationibus, choreis, aleis, lufibus, ac quibuscumque criminibus, necnon secularibus negotiis fugiendis copiose, ac salubriter sancita fuerunt, eadem in posterum iisdem pænis uel maioribus, arbitrio Ordinarii imponendis, obseruentur; nec appellatio executionem hanc, quæ ad morum correctionem pertinet, suspendat. Si qua uero ex his in desuetudinem abiisse compererint; ea quam primum in usum reuocari, & ab omnibus accurate custodiri studeant: non obstantibus consuetudinibus quibuscumque; ne subdiorum negle et emendationis ipsi condignas, Deo uindice, pænas persoluant.

## CAPV T II.

Quicumque posthac ad ecclesias cathedrales erit assumendus, is non solum natalibus, atate, moribus, & uita, ac alijs, quæ a sacris Canonibus requiruntur, plene sit præditus, uerum etiam in sacro Ordine antea, saltem sex mensium spatio, constitutus. quarum rerum instructio, si eius notitia nulla aut recens in Curia fuerit, a Sedis Apostolicæ legatis, seu Nuncijs prouinciarum, aut eius Ordinario, eoq. deficiente, a uicinioribus Ordinarijs sumatur. Scientia uero præter hæc eiusmodi polleat, ut muneris sibi iniungendi necessitati possit satisfacere. ideoq. antea in uniuersitate studiorum magister, siue doctör, aut licentiatus in sacra Theologia, uel iure Canonico merito sit promotus, aut publico alicuius Academiae testimonio idoneus ad alios docendos ostendatur. Quod si Regularis fuerit, a Superioribus suæ religionis similem fidem habeat. Prædicti autem omnes, unde instructio, seu testificatio erit sumenda, hæc fideliter & gratis referre teneantur: alioquin eorum conscientias grauiter oneratas esse scient, ac Deum, & Superiores suos habebunt ultores.

## CAPV T III.

Episcopi, etiam tamquam delegati Apostolici, ex fructibus, & prouentibus quibuscumque omnium dignitatum, personatum, & officiorum in ecclesiis cathedralibus, uel collegiatis existentium, tertiam partem in distributiones, eorum arbitrio assignandas, diuidere possint; ut scilicet, qui eas obtinent, si personaliter competens ibi seruitium iuxta formam, ab eisdem Episcopis præscribendam, quolibet die statuto non impleuerint, illius diei distributionem amittant, nec eius quoquo modo dominium acquirant, sed fabricæ ecclesiæ, quatenus indigeat, aut alteri pio loco, arbitrio Ordinarij applicetur. Crescente uero contumacia, contra eos iuxta sacrorum Canonum constitutiones procedant. Quod si alicui ex prædictis dignitatibus in ecclesiis cathedralibus, uel collegiatis, de iure, seu consuetudine, iurisdictio, administratio, uel officium non competat, sed extra ciuitatem in diœcesi cura animarum immineat, cui is, qui dignitatem ob-



tinet, incumbere uoluerit; tunc pro tempore, quo in curata ecclesia resederit ac ministrauerit, tamquam praesens sit, ac diuinis intersit, in ecclesiis cathedralibus, ac collegiatis habeatur. Haec in ijs tantum ecclesiis constituta intelligantur, in quibus nulla est consuetudo, uel statutum, ut dictae dignitates non seruientes aliquid amittant, quod ad tertiam partem dictorum fructuum, & prouentuum ascendat: non obstantibus consuetudinibus, etiam immemorabilibus, & constitutionibus, etiam iuramento, & quauis auctoritate firmatis.

## C A P V T I I I I.

*ui et ad quos ordi-  
nes promoueri  
possunt*  
Quicumque in cathedrali uel collegiata, seculari, uel Regulari ecclesia diuini mancipatus officii, in Subdiaconatus Ordine saltem constitutus non sit; uocem in huiusmodi ecclesiis in capitulo non habeat, etiam si hoc sibi ab alijs libere fuerit concessum. Ii uero, qui dignitates, personatus, officia, praebendas, portiones, ac qualibet alia beneficia in dictis ecclesiis obtinent, aut in posterum obtinebunt, quibus onera uaria sunt annexa, uidelicet, ut alii Missas, alii Euangelium, alii Epistolas dicant, seu cantent; quocumque ij priuilegio, exemptione, prerogatiua, generis nobilitate sint insigniti, teneantur, iusto impedimento cessante, infra annum Ordines suscipere requisitos: alioquin penas incurrant, iuxta constitutionem Concilii Viennensis quae incipit: Vt ij, qui: quam praesenti decreto innouat. cogantq. Episcopi eos diebus statutis dictos Ordines per se ipsos exercere, ac cetera omnia officia, quae debent in cultu diuino praestare, sub eisdem, & alijs etiam grauioribus penis, arbitrio eorum imponendis. Nec alijs in posterum fiat prouisio; nisi ijs, qui iam aetatem, & ceteras habilitates integre habere dignoscantur: aliter irrita sit prouisio.

## C A P V T V.

*Dispensationes ordi-  
nis  
committantur uel  
ab alijs cognoscant*  
Dispensationes quaecumque auctoritate concedendae, si extra Romanam Curiam committendae erunt, committantur Ordinarijs illorum, qui eas impetrauerint. ea uero, quae gratiose concedentur, suum non sortiantur effectum, nisi prius ab eisdem, tamquam delegatis Apostolicis, summarie tantum, & extraiudicialiter cognoscatur, expressas preces subreptionis uel obreptionis uitio non subiaccere.

## C A P V T V I.

*Commutationis ultimae  
uoluntatem cognos-  
cantur ab ordi-*  
In commutationibus ultimarum uoluntatum, quae non nisi ex iusta, & necessaria causa fieri debent, Episcopi, tamquam delegati Sedis Apostolicae, summarie, & extraiudicialiter cognoscant, nihil in precibus, tacita ueritate, uel suggesta falsitate fuisse narratum, priusquam commutationes praedictae executioni demandentur.

## CAPVT VII.

Legati, & Nuncii Apostolici, Patriarchæ, Primates, & Metropolitani in appellationibus ad eos interpositis, in quibusvis causis, tam in admittendis appellationibus, quam in concedendis inhibitionibus post appellationem, seruare teneantur formam & tenorem sacrarum constitutionum, & præsertim Innocentij IIII, quæ incipit: Romana: quacumque consuetudine, etiam immemorabili, aut stylo, uel priuilegio, in contrarium non obstantibus: aliter inhibitiones, & Processus, & inde secuta quacumque sint ipso iure nulla.

In app. recipi  
it. inhibiti. quæ  
qd. firum

## CAPVT VIII.

Episcopi, etiam tamquam Sedis Apostolicæ delegati, in casibus a iure concessis, omnium piarum dispositionum tam in ultima uoluntate, quam inter uiuos, sint executores; habeant ius uisitandi hospitalia, collegia quacumque, ac confraternitates laicorum, etiam quas scholas, siue quocumque alio nomine uocant; non tamen quæ sub regum immediata protectione sunt, sine eorum licentia: eleemosynas Montis pietatis, siue caritatis, & pia loca omnia, quomodocumque nuncupentur, etiam si prædictorum locorum cura ad laicos pertineat, atque eadem pia loca exemptionis priuilegio sint munita; ac omnia, quæ ad Dei cultum aut animarum salutem, siue pauperes sustentandos instituta sunt, ipsi ex officio suo iuxta sacrorum Canonum statuta cognoscant, & exequantur: non obstantibus, quacumque consuetudine, etiam immemorabili, priuilegio, aut statuto.

Ep. sint exequi  
non cum piarum  
disponunt, et u  
sicut in pia loca

## CAPVT IX.

Administratores, tam Ecclesiastici, quam laici, fabricæ cuiusvis ecclesiæ, etiam cathedralis, hospitalis, confraternitatis, eleemosynæ Montis pietatis, & quorumcumque piorum locorum singulis annis teneantur reddere rationem administrationis Ordinario: consuetudinibus, & priuilegijs quibuscumque in contrarium sublati: nisi secus forte in institutione, & ordinatione talis ecclesiæ, seu fabricæ expresse tantum esset. Quod si ex consuetudine, aut priuilegio, aut ex constitutione aliqua loci, alijs ad id deputatis ratio reddenda esset; tunc cum ijs adhibeatur etiam Ordinarius: & aliter factæ liberationes dictis administratoribus minime suffragentur.

Administratores  
Ordinarius non pio  
banc Ord. redd  
tur

## CAPVT X.

Cum ex notariorum imperitia plurima damna, & multarum occasio litium oriatur; possit Episcopus quoscumque notarios, etiam si Apostolica, Imperiali, aut Regia auctoritate creati fuerint, etiam tamquam delegatus Sedis Apostolicæ, examinatione adhibita, eorum sufficientiam scrutari; illisq. non idoneis re-  
pertis, aut quandocumque in officio delinquentibus, officii eius in negotiis litibus,

Ep. pot. exami  
nam quoscumq.  
notos

& causis Ecclesiasticis, ac spiritualibus exercendi usum perpetuo, aut ad tempus prohibere. Neque eorum appellatio interdictionem Ordinarii suspendat.

## C A P V T XI.

*Surpatoribz  
et fructu  
sine* Si quem clericorum, aut laicorum, quacumque is dignitate, etiam Imperiali, aut Regali praeferat, in tantum malorum omnium radix, cupiditas occupauerit, ut alicuius ecclesiae, seu cuiusvis secularis, uel regularis beneficii, Montium pietatis, aliorumq. piorum locorum iurisdictiones, bona, census, ac iura, etiam feudalia, & emphyteotica, fructus, emolumenta, seu quascumque obventiones, quae in ministrorum, & pauperum necessitates conuerti debent, per se, uel per alios ui, uel timore incusso, seu etiam per suppositas personas clericorum, aut laicorum, seu quacumque arte, aut quocumque quasito colore in proprios usus conuertere, illosq. usurpare praesumpserit, seu impedire, ne ab iis, ad quos iure pertinent, percipiantur: is anathemati tamdiu subiaceat, quamdiu iurisdictiones, bona, res, iura, fructus, & redditus, quos occupauerit, uel qui ad eum quomodocumque, etiam ex donatione suppositae personae, peruenerint, ecclesiae, eiusq. administratori, siue beneficiato integre restituerit, ac deinde a Romano Pontifice absolutionem obtinuerit. Quod si eiusdem ecclesiae patronus fuerit, etiam iure patronatus ultra praedictas poenas eo ipso priuatus existat. Clericus uero, qui nefandae fraudis, & usurpationis huiusmodi fabricator, seu consentiens fuerit, eisdem poenis subiaceat, necnon quibuscumque beneficii priuatus sit. et ad quacumque alia beneficia inhabilis efficiatur, & a suorum Ordinum executione, etiam post integram satisfactionem, & absolutionem, sui Ordinarii arbitrio suspendatur.

D E C R E T U M S V P E R P E T I T I O N E  
C O N C E S S I O N I S C A L I C I S.

**I**Nsuper, cum eadem sancta synodus superiori Sessione duos articulos, alias propositos, & tum nondum discussos, uidelicet: An rationes, quibus sancta Catholica Ecclesia adducta fuit, ut communicaret laicos, atque etiam non celebrantes sacerdotes, sub una panis specie, ita sint retinendae, ut nulla ratione Calicis usus cuiquam sit permittendus: & An, si honestis, & Christianae caritati consentaneis rationibus concedendus alicui uel nationi, uel regno Calicis usus uideatur, sub aliquibus condicionibus concedendus sit, & quanam illae sint, in aliud tempus, oblata sibi occasione, examinandos, atque definiendos reseruauerit: nunc eorum, pro quibus petitur, saluti optime consultum uolens, decreuit, integrum negotium ad Sanctissimum Dominum nostrum esse referendum, prout praesenti decreto refert: qui pro sua singulari prudentia id efficiat, quod utile Reip. Christianae, & salutare petentibus usum Calicis, fore iudicauerit.



Indictio futuræ Sessionis.

*Insuper eadem sacrosancta Tridentina Synodus diem futuræ Sessionis ad feriam quintam, post octauam festiuitatis omnium sanctorum, quæ erit die. 12. mensis Nou. indicit; & in ea decerneretur de Sacramento Ordinis, & de Sacramento matrimonii, &c.*

Prorogata fuit Sessio usque ad diem xv. Iul.

M D L X I I I.

S E S S I O XXIII

Q V A E E S T S E P T I M A

S V B P I O I I I I, P O N T. M A X.

C E L E B R A T A D I E X V. I V L.

M. D. L X I I I.

Doctrina de Sacramento Ordinis.

Cap. I.



*Acrificium, & sacerdotium ita Dei ordinatione coniuncta sunt, ut utrumque in omni lege extiterit. Cum igitur in nouo Testamento sanctum Eucharistiæ sacrificium uisibile ex Domini institutione Catholica Ecclesia acceperit; fateri etiam oportet, in ea nouum esse uisibile, & externum sacerdotium, in quod uetus translatus est. Hoc autem ab eodem Domino Salvatore nostro institutum esse, atque Apostolis, eorumq. successoribus in sacerdotio, potestatem traditam consecrandi, offerendi, & ministrandi corpus, & sanguinem eius, necnon & peccata dimittendi, & retinendi, sacræ litteræ ostendunt, & Catholica Ecclesiæ traditio semper docuit.*

C A P V T II.

*Cum autem diuina res sit tam sancti sacerdotij ministerium, consentaneum fuit, quo dignius, & maiori cum ueneratione exerceri posset, ut in Ecclesiæ ordinatissima dispositione plures, & diuersi essent ministrorum Ordines, qui Sacerdotio ex officio deseruirent; & ita distributi, ut, qui iam clericali tonsura insigniti essent, per minores ad maiores ascenderent. nam non solum de sacerdotibus, sed & de Diaconis sacræ litteræ apertam mentionem faciunt; & quæ maxime in illorum ordinatione attendenda sunt, grauissimis uerbis docent; & ab ipso ecclesiæ initio sequentium Ordinum nomina, atque uniuscuiusque eorum*

propria ministeria, Subdiaconi scilicet, Acolyti, Exorcistæ, Lectoris, & Ostiarii in usu fuisse cognoscuntur; quamvis non pari gradu. nam Subdiaconatus ad maiores ordines a Patribus, & sacris Concilijs refertur, in quibus & de alijs inferioribus frequentissime legimus.

## C A P V T I I I.

Cum scripturæ testimonio, Apostolica traditione, & Patrum unanimi consensu perspicuum sit, per sacram ordinationem. quæ uerbis, & signis exterioribus perficitur, gratiam conferri; dubitare nemo debet, Ordinem esse uere, & proprie unum ex septem sanctæ Ecclesiæ Sacramentis. inquit enim Apostolus: *Admoneo te, ut resuscites gratiam Dei, quæ est in te per impositionem manuum mearum. non enim dedit nobis Deus spiritum timoris, sed uirtutis, & dilectionis, & sobrietatis.*

## C A P V T I I I I.

Quoniam uero in Sacramento Ordinis, sicut & in Baptismo, & Confirmatione, character imprimitur, qui nec deleri, nec auferri potest; merito sancta Synodus damnat eorum sententiam, qui asserunt noui Testamenti sacerdotes temporariam tantummodo potestatem habere; ac semel rite ordinatos, iterum laicos effici posse, si uerbi Dei ministerium non exerceant. Quod si quis omnes Christianos promiscue noui Testamenti sacerdotes esse, aut omnes pari inter se potestate spirituali præditos affirmet, nihil aliud facere uidetur, quam Ecclesiasticam hierarchiam, quæ est ut castrorum acies ordinata, confundere; perinde ac si contra beati Pauli doctrinam omnes Apostoli, omnes Prophetæ, omnes Euangelistæ, omnes Pastores, omnes sint Doctores. Proinde sacrosancta Synodus declarat, præter ceteros Ecclesiasticos gradus, Episcopos, qui in Apostolorum locum successerunt, ad hunc hierarchicum Ordinem præcipue pertinere & positos, sicut idem Apostolus ait, a Spiritu sancto, regere Ecclesiam Dei; eosque presbyteris superiores esse; ac Sacramentum Confirmationis conferre; ministros Ecclesiæ ordinare; atque alia pleraque peragere ipsos posse: quarum functionum potestatem reliqui inferioris Ordinis nullam habent. Docet insuper sacrosancta Synodus, in ordinatione Episcoporum, sacerdotum, & ceterorum Ordinum nec populi, nec cuiusuis sæcularis potestatis, & magistratus, consensum, siue uocationem, siue auctoritatem ita requiri, ut sine ea irrita sit ordinatio: quin potius decernit, eos qui tantummodo a populo, aut sæculari potestate, ac magistratu uocati, & instituti, ad hæc ministeria exercenda ascendunt; & qui ea propria temeritate sibi sumunt; omnes non Ecclesiæ ministros, sed fures, & latrones, per ostium non ingressos, habendos esse. Hæc sunt, quæ generatim sacra Synodo uisum est Christi fideles de Sacramento Ordinis docere. His autem contraria, certis, & proprijs Canonibus in hunc, qui sequitur, modum damnare constituit, ut omnes,

*adiuuante Christo, fidei regula utentes, in tot errorum tenebris Catholicam ueritatem facilius agnoscere, & tenere possint.*

## DE SACRAMENTO ORDINIS.

## C A N O N I.

**S**i quis dixerit, non esse in nouo Testamento sacerdotium uisibile, & eternum; uel non esse potestatem aliquam consecrandi, & offerendi uerum corpus, & sanguinem Domini, & peccata remittendi, & retinendi; sed officium tantum, & nudum ministerium prædicandi Euangelium; uel eos, qui non prædicant, prorsus non esse sacerdotes; anathema sit.

## C A N O N II.

*Si quis dixerit, præter sacerdotium non esse in Ecclesia Catholica alios Ordines, & maiores, & minores, per quos, uelut per gradus quosdam, in sacerdotium tendatur; anathema sit.*

## C A N O N III.

*Si quis dixerit, Ordinem, siue sacram ordinationem non esse uere & proprie Sacramentum, a Christo Domino institutum; uel esse figmentum quoddam humanum, excogitatum a uiris rerum Ecclesiasticarum imperitis; aut esse tantum ritum quendam eligendi ministros uerbi Dei, & Sacramentorum; anathema sit.*

## C A N O N IIII.

*Si quis dixerit, per sacram ordinationem non dari Spiritum sanctum; ac proinde, frustra Episcopos dicere: Accipe Spiritum sanctum; aut per eam non imprimi characterem; uel eum, qui sacerdos semel fuit, laicum rursus fieri posse; anathema sit.*

## C A N O N V.

*Si quis dixerit, sacram Vñctionem, qua Ecclesia in sancta ordinatione utitur, non tantum non requiri, sed contemnendam & perniciosam esse; similiter, & alias Ordinis caerimonias; anathema sit.*

## C A N O N VI.

*Si quis dixerit, in Ecclesia Catholica non esse hierarchiam diuina ordinatione institutam, quæ constat ex Episcopis, presbyteris, & ministris; anathema sit.*

## C A N O N VII.

*Si quis dixerit, Episcopos non esse presbyteris superiores, uel non habere*

*uoluntatem, ut auctoritate, a se, & quibusdam  
presbyteris (suis) auctoritate, ut a se, & quibusdam  
anathema sit.*



potestatem confirmandi, & ordinandi; uel eam, quam habent, illis esse cum presbyteris communem; uel Ordines ab ipsis collatos sine populi, uel potestatis secularis consensu, aut uocatione irritos esse; aut eos, qui nec ab Ecclesiastica & Canonica potestate rite ordinati, nec missi sunt, sed aliunde ueniunt, legitimos esse uerbi & Sacramentorum ministros; anathema sit.

## C A N O N    V I I I .

Si quis dixerit, Episcopos, qui auctoritate Romani Pontificis assumuntur, non esse legitimos, ac ueros Episcopos, sed figmentum humanum; anathema sit.

## D E C R E T U M   D E   R E F O R M A T I O N E .

## C A P V T    I .



Adē sacrosancta Tridentina Synodus reformationis materiā prosequens hac quæ sequuntur, in presenti decernenda esse statuit, et decernit. Cum precepto diuino mandatum sit omnibus, quibus animarum cura commissa est, oues suas agnoscere; pro his sacrificium offerre; uerbiq. diuini predicatione, Sacramentorum administratione, ac bonorum omnium operum exemplo pascere: pauperum, aliarumq. miserabilium personarum curam paternam gerere; & in cetera munia pastoralia incumbere; quæ omnia nequaquam ab his præstari, & impleri possunt, qui gregi suo non inuigilant, neque assistunt, sed mercenariorum more deserunt: sacrosancta Synodus eos admonet, & hortatur, ut diuinorum preceptorum memores, factiq. forma gregis, in iudicio, & ueritate pascant, & regant. Ne uero ea, quæ de residentia sanctilē, & utiliter iam ante sub fel. rec. Paulo. III. sancita fuerunt, in sensus a sacrosancta Synodi mente alienos trahantur, ac si uigore illius decreti quinque mensibus continuis abesse liceat; illis inherendo, declarat sacrosancta Synodus, omnes Patriarchalibus, Primatialibus, Metropolitanis, ac cathedralibus ecclesiis quibuscumque, quocumque nomine, & titulo præfectos, etiam si sanctæ Romanæ Ecclesiæ Cardinales sint, obligari ad personalem in sua ecclesia uel diœcesi residentiam, ubi in iuncto sibi officio defungi teneantur; neque abesse posse, nisi ex causis, & modis infrascriptis. Nam cum Christiana caritas, ugens necessitas, debita obedientia, ac euident Ecclesiæ, uel Reip. utilitas aliquos nonnumquam abesse postulent, & exigant; decernit eadem sancta Synodus, has legitimæ absentie causas a beatissimo Romano Pontifice, aut a Metropolitano, uel, eo absente, Suffraganeo Episcopo antiquiori residente, qui idem Metropolitanus absentiam probare debebit, in scriptis esse approbandas, nisi cum absentia inciderit propter aliquod munus, & Reip. officium, Episcopatibus adiunctum: cuius quoniam causæ sunt notoriæ, & interdum repentinae, ne eas quidem significari Metropolitano necesse erit: ad eundem tamen cum Concilio prouinciali spectabit indicare de licentiis

a se, uel a Suffraganeo datis; & uidere, ne quis eo iure abutatur; & ut pœnis canonicis errantes puniantur. Interea meminerint discessuri, ita onibus suis providendum, ut, quantum fieri poterit, ex ipsorum absentia nullum damnum accipiant. Quoniam autem qui aliquantis per tantum absunt, ex ueterum Canonum sententia non uidentur abesse, quia statim reuersuri sunt; sacrosancta Synodus uult, illud absentiae spatium singulis annis siue continuum, siue interruptum, extra prædictas causas, nullo pacto debere duos, aut ad summum tres menses excedere; & haberi rationem, ut id æqua ex causa fiat, & absque ullo gregis detrimento: quod an ita sit, abscedentium conscientiae relinquit, quam sperat religiosam, & timoratum fore, cum Deo corda pateant; cuius opus non fraudulenter agere, suo periculo tenentur. Eosdem interim admonet, & in Domino hortatur, ne per illius temporis spatium, Dominici aduentus, Quadragesimæ, Natiuitatis, Resurrectionis Domini, Pentecostes item, & Corporis Christi diebus, quibus rifici maxime, & in Domino gaudere Pastoris præsentia oues debeant, ipsi ab ecclesia sua cathedrali ullo pacto absint, nisi Episcopalia munia in sua diœcesi eos alio uocent.

Si quis autem, quod utinam numquam eueniat, contra huius decreti dispositionem abfuerit: statuit sacrosancta Synodus, præter alias pœnas aduersus non residentes, sub Paulo III impositas & innouatas, ac mortalis peccati reatum, quæ incurrit; eum, pro rata temporis absentiae fructus suos non facere, nec tuta conscientia, alia etiam declaratione non secuta, illos sibi detinere posse; sed teneri aut, ipso cessante, per Superiorem Ecclesiasticum illos fabricæ ecclesiæ; aut pauperibus loci erogare: prohibita quacumque conuentione, uel compositione, quæ pro fructibus male perceptis appellatur; ex qua etiam prædicti fructus in totum, aut pro parte, ei remitterentur: non obstantibus quibuscumque priuilegijs cuiuscumque Collegio, aut fabricæ concessis. Eadem omnino, etiam quo ad culpam & amissionem fructuum & pœnas de curatis inferioribus, & alijs quibuscumque, qui beneficium aliquod ecclesiasticum, curam animarum habens, obtinent, sacrosancta Synodus declarat, & decernit: ita tamen, ut quandocumque eos, causa prius per Episcopum cognita, & probata, abesse contigerit; Vicarium idoneum, ab ipso Ordinario approbandum, cum debita mercedis assignatione relinquant. Discedendi autem licentiam in scriptis gratisq. concedendam ultra bimestre tempus, nisi ex graui causa, non obtineant. Quod si per edictum citati etiam non personaliter, contumaces fuerint; liberum esse uult Ordinariis, per censuras Ecclesiasticas, & sequestrationem, & subtractionem fructuum, aliaque iuris remedia, etiam usque ad priuationem, compellere, nec executionem hanc, quolibet priuilegio, licentia, familiaritate, exemptione, etiam ratione cuiuscumque beneficii, pactione, statuto, etiam iuramento, uel quacumque auctoritate confirmato, consuetudine etiam immemorabili, quæ potius corruptela censenda est, siue appellatione, aut inhibitione, etiam in Romana Curia, uel uigore

*Residua inf  
rior curato*



Eugeniane constitutionis suspendi posse. Postremo, tam decretum illud sub Paulo III, quam hoc ipsum in Conciliis prouincialibus, & Episcopalibus publicari, sancta Synodus præcipit. cupit enim, quæ adeo ex Pastorum munere, animarumque salute sunt, frequenter omnium auribus, mentibusque insigi, ut in posterum, Deo iuuante, nulla temporum iniuria, aut hominum obliuione, aut desuetudine aboleatur.

## C A P V T II.

*Ordinatio infra  
vix antequam fiat*  
Ecclesiis cathedralibus, seu superioribus, quocumque nomine, ac titulo præfecti, etiam si sanctæ Romanæ Ecclesiæ Cardinales sint, si munus consecrationis inter tres menses non susceperint, ad fructuum perceptorum restitutionem teneantur. Si intra totidem menses postea id facere neglexerint; ecclesiis ipso iure sint priuati. Consecratio uero, si extra Curiam Romanam fiat, in ecclesia, ad quam promoti fuerint, aut in prouincia, si commode fieri poterit, celebretur.

## C A P V T III.

Episcopi per semet ipsos Ordines conferant, quod si aegritudine fuerint impediti, subditos suos non aliter, quam iam probatos, & examinatos, ad alium Episcopum ordinandos dimittant.

## C A P V T IIII.

Prima Tonsura non initientur, qui Sacramentum Confirmationis non susceperint; & fidei rudimenta edocti non fuerint; quiq. legere, & scribere nesciant; & de quibus probabilis coniectura non sit, eos non secularis iudicii fugiendi fraude, sed ut Deo fidelem cultum præstent, hoc uitæ genus elegisse.

## C A P V T V.

*Ordinandorum  
quid sit*  
Ad minores Ordines promouendi bonum a Parocho, & a magistro scholæ, in qua educantur, testimonium habeant. Hi uero, qui ad singulos maiores erunt assumendi, per mensem ante ordinationem Episcopum adeant, qui Parocho, aut alteri, cui magis expedire uidebitur, committat, ut nominibus, ac desiderio eorum qui uolent promoueri, publice in ecclesia propositis, de ipsorum ordinandorum natalibus, ætate, moribus, & uita a fide dignis diligenter inquirat; & litteras testimoniales, ipsam inquisitionem factam continentes, ad ipsum Episcopum quam primum transmittat.

## C A P V T VI.

*Et ante ad hunc  
uin*  
Nullus prima Tonsura initiatus, aut etiam in minoribus Ordinibus constitutus, ante decimum quartum annum beneficium possit obtinere. Is etiam fori priuilegio non gaudeat, nisi beneficium Ecclesiasticum habeat; aut clericalem habitum, & Tonsuram deferens, alicui ecclesiæ ex mandato Episcopi inseruiat;



uel in seminario clericorum, aut in aliqua schola, uel Vniuersitate, de licentia Episcopi, quasi in uia ad maiores Ordines suscipiendos uersetur. In clericis uero coniugatis seruetur constitutio Bonifacij. IX. quæ incipit: clerici, qui cum unicis: modo hi clerici, alicuius ecclesiæ seruitio, uel ministerio ab Episcopo deputati, eidem ecclesiæ seruiant, uel ministrent; & clericali habitu, & Tonsuram utantur: nemini, quo ad hoc, priuilegio, uel consuetudine, etiam immemorabili, suffragante.

## CAPUT VII.

Sancta Synodus, antiquorum Canonum uestigijs in hærendo, decernit, ut quando Episcopus ordinationem facere disposuerit, omnes, qui ad sacrum ministerium accedere uoluerint, feria quarta ante ipsam ordinationem, uel quando Episcopo uidebitur, ad ciuitatem euocentur. Episcopus autem sacerdotibus, & alijs prudentibus uiris, peritis diuinæ legis, ac in Ecclesiasticis sanctionibus exercitatis, sibi ascitis, ordinandorum genus, personam, ætatem, institutionem, mores, doctrinam, & fidem diligenter inuestiget, & examinet.

## CAPUT VIII.

Ordinationes sacrorum Ordinum, statutis a iure temporibus, ac in cathedra illi ecclesiæ uocatis præsentibus ad id ecclesiæ Canonicis, publice celebrentur. Si autem in alio diæcesis loco, præsentem clero loci, dignior, quantum fieri poterit, ecclesiæ semper aseat. Vnusquisque autem a proprio Episcopo ordinatur. Quod si quis ab alio promoueri petat, nullatenus id ei, etiam cuiusvis generalis, aut specialis rescripti, uel priuilegij prætextu, etiam statutis temporibus permittatur; nisi eius probitas, ac mores Ordinarij sui testimonio commendentur. Si secus fiat; ordinans a collatione ordinum per annum; & ordinatus a susceptorum ordinum executione, quamdiu proprio Ordinario uidebitur expedire, sit suspensus.

## CAPUT IX.

Episcopus familiarem suum non subditum ordinare non possit, nisi per triennium secum fuerit commoratus; & beneficium, quacumque fraude cessante, statim re ipsa illi conferat: consuetudine quacumque, etiam immemorabili, in contrarium non obstante.

## CAPUT X.

Abbatibus, ac alijs quibuscumque, quantumuis exemptis, non liceat in posterum, intra fines alicuius diæcesis consistentibus, etiam si nullius diæcesis, uel exempti esse dicantur, cuiquam, qui Regularis subditus sibi non sit, Tonsuram, uel minores Ordines conferre: nec ipsi Abbates, & alij exempti, aut Collegia, uel Capitula quacumque, etiam ecclesiarum cathedralium, litteras dimissorias aliquibus clericis secularibus, ut ab alijs ordinentur, concedant. Sed horum omnium

ordinatio, seruatis omnibus, quæ in huius sacrosanctæ Synodi decretis continentur, ad Episcopos, intra quorum diæcesis fines existant, pertineat: non obstantibus quibuscumque priuilegijs, præscriptionibus, aut consuetudinibus etiam immemorabilibus. Penam quoque impos. tam ijs, qui contra huius sanctæ Synodi sub Paulo III. decretum a Capitulo Episcopali, Sede uacante, litteras dimissorias impetrant; ad illos, qui easdem litteras non a Capitulo, sed ab alijs quibusuis, in iurisdictione Episcopi loco Capituli, Sede uacante, succedentibus, obtinerent, mandat extendi. Concedentes autem dimissorias contra formam decreti ab officio, & beneficio per annum sint ipso iure suspensi.

## C A P V T XI.

*ordinandi ad ordines minores qualitate*  
Minores Ordines ijs, qui saltem latinam linguam intelligant, per temporum interstitia, nisi aliud Episcopo expedire magis uideretur, conferantur; ut eo accuratius, quantum sit huius disciplina pondus, possint edoceri; ac in unoquoque munere, iuxta præscriptum Episcopi, se exercent: idq. in ea, cui adscripti erunt, ecclesia; nisi forte ex causa studiorum absint; atque ipsa de gradu in gradum ascendant; ut in eis cum ætate uita meritum, & doctrina maior accrescat. Quod & bonorum morum exemplum & assiduum in ecclesia ministerium, atque maior erga presbyteros, & superiores Ordines reuerentia, & crebrior, quam antea, corporis Christi Communio maxime comprobabunt. Cumq. hinc ad altiores gradus, & sacratissima mysteria sit ingressus; nemo ijs initietur, quem non scientiæ spes maioribus Ordinibus dignum ostendat. Hi uero non nisi post annum a susceptione postremi gradus minorum Ordinum ad sacros ordines promoueantur: nisi necessitas, aut Ecclesiæ utilitas, iudicio Episcopi, aliud expossat.

## C A P V T XII.

*stat ad ordines*  
Nullus in posterum ad Subdiaconatus Ordinem ante uigesimum secundum, ad Diaconatus ante uigesimum tertium, ad presbyteratus ante uigesimum quintum ætatis suæ annum promoueatur. Sciant tamen Episcopi non singulos, in ea ætate constitutos, debere ad hos Ordines assumi; sed dignos dumtaxat, & quorū probata uita senectus sit. Regulares quoq. nec in minori ætate, nec sine diligenti Episcopi examine ordinentur: priuilegiū quibuscūque, quo ad hoc, penitus exclusis.

## C A P V T XIII.

*Subdiaconos et Diaconos qualitate*  
Subdiaconi, & diaconi ordinentur, habentes bonum testimonium, & in minoribus Ordinibus iam probati, ac litteris, & ijs, quæ ad Ordinem exercendum pertinent, instructi. Qui sperant, Deo auctore, se continere posse, ecclesiis, quibus ascribentur, inseruiant; sciantq. maxime decere, si saltem diebus Dominicis, & solemnibus; cum altari ministrauerint, sacram Communionem perceperint. Promoti ad sacrum Subdiaconatus Ordinem, si per annum saltem in eo non sint uersati,



sati, ad altiore gradum, nisi aliud Episcopo uideatur, ascendere non permittantur. Duo sacri Ordines non eodem die, etiam Regularibus, conferantur: priuilegijs, ac indultis quibusuis concessis non obstantibus quibuscumque.

## C A P V T XIII.

Qui pie & fideliter in ministerijs ante actis se gesserint, & ad presbyteratus Ordinem assumuntur, bonum habeant testimonium, & hi sint. qui, non modo in Diaconatu, ad minus annum integrum, nisi ob ecclesiæ utilitatem, ac necessitatē aliud Episcopo uideretur, ministrauerint; sed etiā ad populum docendum ea, quæ scire omnibus necessarium est ad salutē; ac ministrandi Sacramenta, diligenti examine præcedente, comprobentur: atque ita pietate, ac castis moribus conspiciui, ut præclarum bonorum operum exemplum, & uitæ monita ab eis possint expectari. Curet Episcopus, ut ij saltem diebus Dominicis, & festis solemnibus, si autem curam habuerint animarum, tam frequenter, ut suo muneri satisfaciant, Missas celebrent. Cum promotis per saltum, si non ministrauerint, Episcopus ex legitima causa possit dispensare.

Presbyteri ordinandi  
qualitates

## C A P V T XV.

Quamuis presbyteri in sua ordinatione a peccatis absoluendi potestatem accipiant; decernit tamen sancta Synodus, nullum, etiam Regularem, posse confessiones secularium, etiam sacerdotium, audire; nec ad id idoneum reputari; nisi aut parochiale beneficium; aut ab Episcopis per examen, si illis uidebitur esse necessarium, aut alias idoneus iudicetur: & approbationem, quæ gratis detur, obtineat: priuilegijs, consuetudine quacumque, etiam immemorabili, non obstantibus.

Audituri confessionem  
examine et approbatione

## C A P V T XVI.

Cum nullus debeat ordinari, qui iudicio sui Episcopi non sit utilis, aut necessarius suis ecclesijs, sancta Synodus, uestigijs sexti Canonis Concilii Chalcedonensis inherendo, statuit, ut nullus in posterum ordinetur, qui illi ecclesiæ, aut pio loco, pro cuius necessitate, aut utilitate assumitur, non ascribatur, ubi suis fungatur muneribus; nec incertis uagetur sedibus. Quod si locum inconsulto Episcopo deferuerit; ei sacrorum exercitium interdicitur. Nullus præterea clericus peregrinus sine commendaticijs sui Ordinarij litteris ab ullo Episcopo ad diuina celebranda, & Sacramenta administranda admittatur.

Ordinetur q. ca. pro  
certa ecclesia

## C A P V T XVII.

Vt sanctorum Ordinum a Diaconatu ad Ostiariatum functiones ab Apostolorum temporibus in Ecclesia laudabiliter receptæ, et pluribus in locis aliquamdiu intermissæ, in usum iuxta sacros Canones reuocentur; nec ab hæreticis tamquam otiosæ traducantur; illius pristini moris restituendi desiderio flagrans san-



*Et* Synodus decernit, ut in posterum huiusmodi ministeria non nisi per constitutos in dictis Ordinibus exerceantur, omnesque, & singulos Prælatos ecclesiarum in Domino hortatur, & illis præcipit, ut, quantum fieri commode poterit, in ecclesiis cathedralibus, collegiatis, & parochialibus suæ diocesis, si populus frequens, & ecclesiæ proventus id ferre queant, huiusmodi functiones curent restituendas, & ex aliqua parte reddituum aliquorum simplicium beneficiorum uel fabricæ ecclesiæ, si proventus suppetant; aut utrisque illorum, eas functiones exercentibus stipendia assignent: quibus, si negligentes fuerint, Ordinarij iudicio, aut ex parte mulctari, aut in totum priuari possint. Quod si ministerijs quattuor minorum Ordinum exercendis clerici cælibes præsto non erunt, suffici possint etiam coniugati, uitæ probatæ, dummodo non bigami, ad ea munia obunda idonei, & qui Tonsuram, & habitum clericalem in ecclesia gestent.

## C A P V T XVIII.

Cum adolescentium ætas, nisi recte instituat, prona sit ad mundi uoluptates sequendas; & nisi a teneris annis ad pietatē & religionem informetur, antequam uitiorum habitus totos homines possideat, numquam perfectæ, ac sine maximo, ac singulari propemodum Dei omnipotentis auxilio in disciplina ecclesiastica perseueret: sancta Synodus statuit, ut singulæ cathedrales, Metropolitana, atque his maiores ecclesiæ, pro modo facultatum, & diocesis amplitudine certum puerorum ipsius ciuitatis, & diocesis, uel eius provincie, si ibi non reperiantur, in collegio ad hoc prope ipsas ecclesias, uel alio in loco conuenienti, a Episcopo eligendo, alere, ac religiose educare, & ecclesiasticis disciplinis instituere teneantur. In hoc uero collegio recipiantur, qui ad minimum duo decim annos, & ex legitimo matrimonio nati sint; ac legere, & scribere competenter nouerint; & quorum indoles, & uoluntas spem asserat, eos ecclesiasticis ministerijs perpetuo inseruituros. Pauperum autem filios præcipue eligi uult; nec tamen ditiorum excludit: modo suo sumptu alantur, & studium præ se ferant Deo & ecclesiæ inseruiendi. Hos pueros Episcopus in tot classes, quot ei uidebitur, diuisos iuxta eorum numerum, ætatem, ac in disciplina ecclesiastica progressum, partim cum ei opportunum uidebitur, ecclesiarum ministerio addicet; partim in collegio erudiendos retinebit; aliosq; in locum educatorum sufficiet: ita ut hoc collegium Dei ministrorum perpetuum seminarium sit. Ut uero in eadem disciplina Ecclesiastica commodius instituatur; Tonsura statim, atque habitu clericali semper utentur; grammatices, cantus, computi Ecclesiastici, aliarumq; bonarum artium disciplinam discent: sacram Scripturam, libros Ecclesiasticos, homilias Sanctorum, atque Sacramentorum tradendorum, maxime quæ ad confessiones audiendas uidebuntur opportuna, & rituum, ac caeremoniarum formas ediscent. Curet Episcopus, ut singulis diebus Missæ sacrificio intersint; ac saltem singulis mensibus confiteantur peccata; & iuxta confessoris iudicium sumant

corpus Domini nostri Iesu Christi; cathedrali, & alijs loci ecclesijs diebus festis inferuiant. Quæ omnia, atque alia ad hanc rem opportuna, & necessaria Episcopi singulicū consilio duorum Canoniorum seniorum, & grauiorum, quos ipsi elegerint, prout Spiritus sanctus suggererit, constituent, eaq. ut semper obseruentur, sapius uisitando operam dabunt. Discolos, & incorrigibiles, ac malorum morum seminatores acriter punient, eos etiam, si opus fuerit, expellendo: omniaq. impedimenta auferentes, quacumque ad conseruandum, & augendum tam pium, & sanctum institutum pertinere uidebuntur, diligenter curabunt. Et quia ad collegij fabricam instituendam, & ad mercedem præceptoribus & ministris soluendam, & ad alendam iuuentutem, & ad alios sumptus certi redditus erunt necessarij; ultra ea, quæ ad instituendos uel alendos pueros sunt in aliquibus ecclesijs, & locis destinata, quæ eo ipso huic seminario sub eadem Episcopi cura applicata censeantur: idem Episcopus cum consilio duorum de Capitulo, quorum alter ab Episcopo, alter ab ipso Capitulo eligatur: itemque duorum de clero ciuitatis, quorum quidem alterius electio similiter ad Episcopum, alterius uero ad clerum pertineat: ex fructibus integris mensæ Episcopalis, & Capituli, & quarumcumque dignitatum, personatum, officiorum, præbendarum, portionum, Abbatiarum, & Prioratum, cuiuscumque Ordinis, etiam Regularis, aut qualitatis, uel conditionis fuerint, & hospitalium quæ dantur in titulū, uel administrationem, iuxta constitutionem Concilij Vniuersalis, quæ incipit, Quia contingit: & beneficiorum quorumcumque, etiam Regularium, etiam si iuris patronatus cuiuscumque fuerint, etiam si exempta, etiā si nullius diocesis, uel alijs ecclesijs, monasterijs, & hospitalibus, & alijs quibuscumque locis pijs, etiam exemptis, annexa, & ex fabricis ecclesiarum, & aliorum locorum, etiam ex quibuscumque alijs ecclesiasticis redditibus, seu prouentibus, etiam aliorum collegiorum: in quibus tamen seminaria discentium, uel docentium ad commune Ecclesiæ bonum promouendum actu non habentur: hæc enim exempta esse uoluit: præterquam ratione reddituum, qui superflui essent ultra conuenientem ipsorum seminariorum sustentationem: seu corporum, uel confraternitatum, quæ in nonnullis locis scholæ appellantur, & omnium monasteriorum, non tamen mendicantium, etiam ex decimis quacumque ratione ad laicos, ex quibus subsidia Ecclesiastica solui solent, & milites cuiuscumque militiæ, aut ordinis pertinentibus, fratribus sancti Ioannis Hierosolymitani dumtaxat exceptis, partem aliquam, uel portionem detrahent: & eam portionem sic detractam, necnon beneficia aliquot simplicia cuiuscumque qualitatis, & dignitatis fuerint, uel et præstimonias, uel præstimoniales portiones, etiam ante uacationem nuncupatæ sine cultus diuini, & illa obtinentium præiudicio huic collegio applicabunt & incorporabunt, quod locum habeat, etiam si beneficia sint reseruata, uel affecta; nec per resignationem ipsorum beneficiorum, uniones & applicationes suspendi, uel ullo modo impediri possint, sed omnino quacumque uacatione, etiam si



in curia, effectum suum sortiantur, quacumque constitutione non obstante. Ad hanc autem portionem soluendam, beneficiorum, dignitatum, personatum, & omnium, & singulorum supra commemoratorum possessores, non modo pro se, sed pro pensionibus, quas alys forsan ex dictis fructibus soluerent, retinendo tamen pro rata, quidquid pro dictis pensionibus, illis erit soluendum, ab Episcopo loci per censuras Ecclesiasticas, ac alia iuris remedia compellantur; etiam uocato ad hoc, si uidebitur, auxilio brachij secularis: quibusuis, quo ad omnia & singula supradicta, priuilegijs, exemptionibus, etiam si specialem derogationem requirerent, consuetudine, etiam immemorabili, & quauis appellatione, & allegatione, quæ executionem impediat, non obstantibus. Succedente uero casu, quo per uniones effectum suum sortientes, uel aliter seminarium ipsum in totum, uel in partem dotatum reperiatur; tunc portio ex singulis beneficijs, ut supra, detracta, & incorporata ab Episcopo, prout res ipsa exegerit, in totum, uel pro parte remittatur. Quod si cathedralium, & aliarum maiorum ecclesiarum Prælati in hac seminarij erectione, eiusq. conseruatione negligentes fuerint, ac suam portionem soluere detrectauerint, Episcopum Archiepiscopus, Archiepiscopum, & Superiores Synodus prouincialis acriter corripere, eosq. ad omnia supradicta cogere debeat; & ut quamprimum hoc sanctum, & pium opus, ubicumque fieri poterit, promoueatur, studiose curabit. Rationes autem reddituum huius seminarij Episcopus annis singulis accipiat, presentibus duobus a Capitulo, & totidem a Clero ciuitatis deputatis.

Deinde, ut cum minori impensa huiusmodi scholis instituendis prouideatur; statuit sancta Synodus, ut Episcopi, Archiepiscopi, Prælati, & alij locorum Ordinarij, scholasterias obtinentes, & alios, quibus est lectionis, uel doctrinæ munus annexum, ad docendum in ipsis scholis instituendos, per se ipsos, si idonei fuerint, alioquin per idoneos substitutos, ab eisdem scholasticis, eligendos, & ab Ordinarijs approbandos, etiam per subtractionem fructuum, cogant, & compellant. Quod si iudicio Episcopi digni non fuerint; alium, qui dignus sit, nominent, omni appellatione remota. quod si neglexerint, Episcopus ipse deputet. Docebunt autem prædicti, quæ uidebuntur Episcopo expedire. De cetero uero officia, uel dignitates illæ, quæ scholasteriæ dicuntur, non nisi doctoribus, uel magistris, aut licentiatis in sacra pagina, aut in iure Canonico, & alias personis idoneis, & qui per se ipsos id manus explere possint, conferantur: & aliter facta promissio nulla sit, & inualida: non obstantibus quibusuis priuilegijs, & consuetudinibus, etiam immemorabilibus.

Si uero in aliqua prouincia ecclesiæ tanta paupertate laborent, ut collegium in aliquibus erigi non possit, Synodus prouincialis, uel Metropolitana cum duobus antiquioribus Suffraganeis in ecclesia Metropolitana, uel alia prouinciæ ecclesia commodiori unum aut plura collegia, prout opportunum indicabit, ex fructibus duarum, aut plurium ecclesiarum, in quibus singulis collegium commode institui



*institui non potest, erigenda curabit, ubi pueri illarum ecclesiarum educentur.*

*In ecclesiis autem, amplas diœceses habentibus, possit Episcopus unum, uel plura in diœcesi, prout sibi opportunum uidebitur, habere seminario: quæ tamen ab illo uno, quod in ciuitate erectum, et constitutum fuerit, in omnibus dependeant.*

*Postremo si uel pro unionibus, seu pro portionum taxatione, uel assignatione, & incorporatione, aut qualibet alia ratione difficultatem aliquam oriri contigerit, ob quam huius seminarii institutio, uel conseruatio impediretur, aut perturbaretur: Episcopus cum supra deputatis, uel Synodus provincialis pro regionis more, pro ecclesiarum & beneficiorum qualitate, etiam superscripta, si opus fuerit, moderando aut augendo, omnia & singula, quæ ad felicem huius seminarii profectum necessaria, & opportuna uidebuntur, decernere, ac providere ualeat.*

Indictio futuræ Sessionis.

*Insuper eadem sacrosancta Tridentina Synodus proximam futuram Sessionem in diem decimam sextam mensis Septembris indicit: in qua agatur de Sacramento matrimonij, & de alijs, si qua erunt ad doctrinam fidei pertinentia, quæ expediti possint: item de prouisionibus Episcopatum, dignitatum, aliorumq. beneficiorum Ecclesiasticorum, ac de diuersis reformationis articulis.*

Prorogata fuit Sessio ad diem x i Nou. M D L X I I I.

S E S S I O X X I I I.

Q V A E E S T O C T A V A

S V B P I O I I I I, P O N T. M A X.

C E L E B R A T A D I E X I N O V.

M. D. L X I I I.

Doctrina de Sacramento Matrimonij.



*Matrimonij perpetuum, indissolubilemq. nexum primus humani generis diuini spiritus instinctu pronunciauit, cum dixit: Hoc nunc os ex ossibus meis, & caro de carne mea. quam obrem relinquet homo patrem suum, & matrem, & adhaerebit uxori suæ, & erunt duo in carne una. Hoc autem uinculo duos tantummodo copulari, & coniungi Christus Dominus apertius docuit, cum postrema illa uerba, tamquam a Deo prolata, referens dixit: Itaque iam non sunt duo, sed una caro: statimq. eiusdem nexus firmitatem*

ab Adamo tanto ante pronunciatam, his uerbis confirmauit: Quod ergo Deus coniunxit, homo non separet.

Gratiam uero, quæ naturalem illum amorem perficeret, & indissolubilem unitatem confirmaret, coniugesq. sanctificaret, ipse Christus, uenerabilium Sacramentorum institutor, atque perfectior, sua nobis passione promeruit, quod Paulus Apostolus innuit dicens: Viri diligite uxores uestras, sicut Christus dilexit Ecclesiam, & se ipsum tradidit pro ea: Mox subiungens: Sacramentum hoc magnum est: ego autem dico in Christo, & in Ecclesia.

Cum igitur matrimonium in lege Euangelica ueteribus connubiis per Christum gratiam præstet; merito inter nouæ legis Sacramenta annumerandum, sancti Patres nostri, Concilia, & uniuersalis Ecclesiæ traditio semper docuerunt, aduersus quam impii homines huius sæculi insanientes, non solum perperam de hoc uenerabili Sacramento senserunt, sed de more suo prætextu Euangelii libertatem carnis introducentes, multa ab Ecclesiæ Catholicæ sensu, & ab Apostolorum temporibus probata consuetudine aliena, scripto, & uerbo asseruerunt, non sine magna Christi fidelium iactura: quorum temeritati sancta, & uniuersalis Synodus cupiens occurrere, insigniores prædictorum Schismaticorum hæreses, & errores ne plures ad se trahat perniciofa eorum contagio, exterminandos duxit, hos in ipsos hæreticos, eorumq. errores decernens anathematismos.

## DE SACRAMENTO MATRIMONII.

### C A N O N I.



**S**i quis dixerit, Matrimonium non esse uere, & proprie unum ex septem legis Euangelicæ Sacramentis a Christo domino institutum, sed ab hominibus in Ecclesiam inuectum, neque gratiā conferre; anathema sit.

### C A N O N II.

**S**i quis dixerit, licere Christianis plures simul habere uxores, & hoc nulla lege diuina esse prohibitum; anathema sit.

### C A N O N III.

**S**i quis dixerit, eos tantum consanguinitatis, & affinitatis gradus, qui Leuitico exprimuntur, posse impedire matrimonium contrahendum, & dirimere contractum; nec posse Ecclesiam in nonnullis illorum dispensare, aut constituere, ut plures impediunt, & dirimant; anathema sit.

### C A N O N IIII.

**S**i quis dixerit, Ecclesiam non potuisse constituere impedimenta, matrimonium dirimentia, uel in ijs constituendis errasse; anathema sit.

## C A N O N V.

*Si quis dixerit, propter hæresim, aut molestam cohabitationem, aut affectatam absentiam a coniuge, dissolui posse matrimonij uinculum; anathema sit.*

## C A N O N VI.

*Si quis dixerit, matrimonium ratum, non consummatum, per sollemnem religionis professionem alterius coniugum non dirimi; anathema sit.*

## C A N O N VII.

*Si quis dixerit, Ecclesiam errare, cum docuit, & docet, iuxta Euangelicam, & Apostolicam doctrinam, propter adulterium alterius coniugum matrimonij uinculum non posse dissolui; & utrumque, uel etiam innocentem, qui causam adulterio non dedit, non posse, altero coniuge uiuente, aliud matrimonium contrahere; mæchariq. eum, qui, dimissa adultera, aliam duxerit, & eam, qua dimisso adultero, alij nupserit; anathema sit.*

## C A N O N VIII.

*Si quis dixerit, Ecclesiam errare, cum ob multas causas separationē inter coniuges, quo ad thorum, seu quo ad cohabitationem, ad certum, incertumue tempus fieri posse decernit; anathema sit.*

## C A N O N IX.

*Si quis dixerit, clericos in sacris Ordinibus constitutos, uel Regulares, castitatem sollemniter professos, posse matrimonium contrahere, contractumq. ualidū esse, non obstante lege Ecclesiastica, uel uoto; & oppositum nil aliud esse, quam damnare matrimonium; posseq. omnes contrahere matrimonium, qui non sentiunt se castitatis, etiam si eam uouerint, habere donum; anathema sit; cum Deus id recte petentibus non deneget, nec patiatur nos supra id, quod possumus tentari.*

## C A N O N X.

*Si quis dixerit, statum coniugalem anteponendum esse statui uirginitatis, uel calibatus, & non esse melius, ac beatius manere in uirginitate, aut calibatu, quam iungi matrimonio; anathema sit.*

## C A N O N XI.

*Si quis dixerit, prohibitionem sollemnitatis nuptiarum certis anni temporibus superstitionem esse tyrannicam, ab ethnicorum superstitione profectam; aut benedictiones, & alias cærimonias, quibus Ecclesia in illis utitur, damnauerit; anathema sit*



*Si quis dixerit, causas matrimoniales non spectare ad iudices Ecclesiasticos; anathema sit.*

DECRETVM DE REFORMATIONE  
MATRIMONII.

C A P V T I.

**I** Ametsi dubitandum non est, clandestina matrimonia, libero contrahentium consensu facta, rata, & uera esse matrimonia, quamdiu Ecclesia ea irrita non fecit; & proinde iure damnandi sint illi, ut eos sancta Synodus anathemate damnat, qui ea uera, ac rata esse negant; quiq. falso affirmant, matrimonia, a filiis familias sine consensu parentum contracta, irrita esse, & parentes ea rata, uel irrita facere posse: nihilominus sancta Dei Ecclesia ex iustissimis causis illa semper detestata est, atque prohibuit. uerum cum sancta Synodus animaduertat, prohibitiones illas propter hominum inobedientiam iam non prodesse: & graua peccata perpendat, quæ ex eisdem clandestinis coniugijs ortum habent, praesertim uero eorum, qui in statu damnationis permanent, dum priore uxore, cum qua clam contraxerant, relicta, cum alia palam contrahunt, et cum ea in perpetuo adulterio uiuunt: cui malo cum ab Ecclesia, quæ de occultis non iudicat, succurri non possit, nisi efficacius aliquod remedium adhibeatur: iccirco sacri Lateranensis Concilij, sub Innocentio 111 celebrati, uestigijs inhaerendo praecipit, ut in posterum, antequam matrimonium contrahatur, ter a proprio contrahentium Parocho tribus continuis diebus festiuis in ecclesia inter Missarum sollemnia publice denunciatur, inter quos matrimonium sit contrahendum: quibus denunciationibus factis, si nullum legitimum opponatur impedimentum, ad celebrationem matrimony in facie Ecclesiae procedatur; ubi Parochus, uiro & muliere interrogatis, & eorum mutuo consensu intellecto, uel dicat, Ego uos in matrimonium coniungo in nomine Patris, & Filij, & Spiritus sancti: uel alijs utatur uerbis iuxta receptum uniuscuiusque prouinciae ritum. Quod si aliquando probabilis fuerit suspicio, matrimonium malitiose impediri posse, si tot praefaserint denunciationes; tunc uel una tantum denuntiatio fiat; uel saltem Parocho, et duobus, uel tribus testibus praesentibus matrimonium celebretur. Deinde antea illius consummationem denunciationes in ecclesia fiant; ut, si aliqua subsunt impedimenta, facilius detegantur: nisi Ordinarius ipse expedire iudicauerit, ut praedictæ denunciationes remittantur: quod illius prudentiae, & iudicio sancta Synodus relinquit. Qui aliter, quam praesente Parocho, uel alio sacerdote, de ipsis Parochi, seu Ordinarij licentia, & duobus, uel tribus testibus matrimonium contrahere attentabunt; eos sancta Synodus ad sic contrahendum omnino inhabiles reddit; & huiusmodi contractus irritos, & nullos esse decernit,

prout eos presenti decreto irritos facit, & annullat. Insuper Parochum, uel aliū sacerdotem, qui cum minore testium numero, & testes, qui sine Parocho, uel sacerdote huiusmodi contractui interfuerint, necnon ipsos contrahentes grauiter arbitrio Ordinarii puniri præcipit. Præterea eadem sancta Synodus hortatur, ut coniuges ante benedictionē sacerdotalem, in templo suscipiendam, in eadem domo non cohabitent; statuitq. benedictionem a proprio Parocho fieri; neque a quocumque, nisi ab ipso Parocho, uel ab Ordinario licentiam ad prædictam benedictionem faciendam alii sacerdoti concedi posse: quacumque consuetudine, etiā immemorabili, quæ potius corruptela dicenda est, uel priuilegio, non obstantibus. Quod si quis Parochus, uel alius sacerdos, siue Regularis, siue secularis sit, etiam si id sibi ex priuilegio, uel immemorabili consuetudine licere contendat, alterius Parochiæ sponso sine illorum Parochiæ licentia matrimonio coniungere, aut benedicere ausus fuerit, ipso iure tamdiu suspensus maneat, quamdiu ab Ordinario eius Parochi, qui matrimonio interesse debebat, seu a quo benedictio suscipienda erat, absoluitur. Habeat Parochus librum, in quo coniugum, & testium nomina, diemq. & locum contracti matrimonii describat, quem diligenter apud se custodiat. Postremo sancta Synodus coniuges hortatur, ut, antequam contrahant, uel saltem triduo ante matrimonii consummationem sua peccata diligenter confiteantur, & ad sanctissimum Eucharistia Sacramentum pie accedant. Si quæ provincie aliis ultra prædictas, laudabilibus consuetudinibus, & caerimoniis hac in re utuntur, eas omnino retineri sancta Synodus uehementer optat. Ne uero hac tam salubria præcepta quemquam lateant, Ordinarius omnibus præcipit, ut, quamprimum poterint, curent hoc decretum populo publicari, ac explicari in singulis suarum diocesium Parochialibus ecclesiis, idq. in primo anno quam sapissime fiat; deinde uero quoties expedire uiderint. Decernit insuper, ut huiusmodi decretum in unaquaque Parochia suum robur post triginta dies habere incipiat, a die primæ publicationis, in eadem Parochia facta, numerandos.

## CAPV T II.

Docet experientia, propter multitudinem prohibitionum, multoties in casibus prohibitis ignoranter contrahi matrimonia: in quibus uel non sine magno peccato perseueratur; uel ea non sine magno scandalo dirimuntur. Volens itaque sancta Synodus huic incommodo providere, & a cognationis spiritualis impedimento incipiens, statuit, ut unus tantum siue uir, siue mulier, iuxta sacrorum Canonum instituta, uel ad summum unus, & una baptizatum de Baptismo suscipiant; inter quos, ac baptizatum ipsum, & illius patrem, & matrem, necnon inter baptizantem, & baptizatum, baptizatiq. patrem, ac matrem tantum spiritualis cognatio contrahatur. Parochus, antequam ad Baptismum conferendum accedat, diligenter ab iis, ad quos spectabit, sciscitetur, quem, uel quos elegerint,

*Spiritus cognatio  
inter paros*



ut baptizatum de sacro fonte suscipiant; et eum, uel eos tantum ad illum suscipiendum admittat; & in libro eorum nomina describat; doceatq. eos quam cognationem contraxerint; ne ignorantia ulla excusari ualeant. Quod si alij, ultra designatos, baptizatum tetigerint; cognationem spiritualem nullo pacto contrahant: constitutionibus, in contrarium facientibus, non obstantibus, si Parochi culpa, uel negligentia secus factum fuerit; arbitrio Ordinarij puniatur. Ea quoque cognatio, quæ ex Confirmatione contrahitur, confirmantem, & confirmatū, illiusq. patrem, & matrem, ac tenentem non egrediatur: omnibus inter alias personas huius spiritualis cognationis impedimentis omnino sublatis.

## C A P V T III.

Iusticiæ publicæ honestatis impedimentum, ubi sponsalia quacumque ratione ualida non erunt, sancta Synodus prorsus tollit; ubi autem ualida fuerint, primum gradum non excedant: quoniam in ulterioribus gradibus iam non potest huiusmodi prohibitio absque diffendio obseruari.

## C A P V T IIII.

Præterea sancta Synodus eisdem, & alijs grauissimis de causis adducta, impedimentum, quod propter affinitatem ex fornicatione contractum, inducitur, & matrimonium postea factum dirimit; ad eos tantum, qui in primo, & secundo gradu coniunguntur, restringit. In ulterioribus uero gradibus statuit, huiusmodi affinitatem matrimonium postea contractum non dirimere.

## C A P V T V.

Si quis intra gradus prohibitos scienter matrimonium contrahere præsumpserit; separetur, & spe dispensationis consequendæ careat; idq. in eo multo magis locum habeat, qui non tantum matrimonium contrahere, sed etiam consummare ausus fuerit. Quod si ignoranter id fecerit, siquidē sollemnitates requisitas in contrahendo matrimonio neglexerit; eisdem subiiciatur pœnis. non enim dignus est, qui Ecclesiæ benignitatem facile experiatur, cuius salubria præcepta temere contempsit. Si uero sollemnitatibus adhibitis impedimentum aliquod postea subesse cognoscatur, cuius ille probabilem ignorantiam habuit; tunc facilius cum eo & gratis dispensari poterit. In contrahendis matrimonijs uel nulla omnino detur dispensatio, uel raro: idq. ex causa, & gratis concedatur. In secundo gradu numquam dispensetur, nisi inter magnos Principes, & ob publicam causam.

## C A P V T VI.

Decernit sancta Synodus, inter raptorem, & raptam, quamdiu ipsa in potestate raptoris manserit, nullū posse consistere matrimonium. Quod si rapta a rap-



tore separata, & in loco tuto, & libero constituta, illum in uirum habere consenserit; eam raptor in uxorem habeat; & nihilominus raptor ipse, ac omnes illi consilium, auxilium, & fauorem præbentes, sint ipso iure excommunicati, ac perpetuo infames, omniumq. dignitatum incapaces; et, si clerici fuerint, de proprio gradu decendant. Teneatur præterea raptor mulierem raptam, siue eam in uxorem duxerit, siue non duxerit, decenter arbitrio iudicis dotare.

## C A P V T VII.

Multi sunt, qui uagantur, & incertas habent sedes, &, ut improbi sunt ingenij, prima uxore relicta, aliam & plerumque plures, illa uiuente, diuersis in locis ducunt. cui morbo cupiens sancta Synodus occurrere, omnes, ad quos spectat, paterne monet, ne hoc genus hominum uagantium ad matrimonium facile recipiant: magistratus etiam sæculares hortatur, ut eos seuerè coerceant: Parochis autem præcipit, ne illorum matrimonij intersint, nisi prius diligentem inquisitionem fecerint, et, re ad Ordinarium delata, ab eo licentiam id faciendi obtinuerint.

*Uagantium  
matrimonij*

## C A P V T VIII.

Græue peccatum est, homines solutos concubinas habere: grauißimum uero, & in huius magni Sacramenti singularem contemptum admissum, uxoratos quoque in hoc damnationis statu uiuere, ac audere eas quandoque domi, etiam cum uxoribus alere, & retinere. quare, ut huic tanto malo sancta Synodus opportunis remedijs provideat, statuit huiusmodi concubinarjos, tam solutos, quam uxoratos, cuiuscumque status, dignitatis, & conditionis existant, si postquam ab Ordinario, etiam ex officio ter admoniti ea de re fuerint, concubinas non eiecerint, seq. ab earum consuetudine non seiunxerint, excommunicatione feriendos esse; a qua non absoluantur, donec re ipsa admonitioni factæ paruerint. Quod si in concubinato per annum, censuris neglectis, permanserint: contra eos ab Ordinario seuerè pro qualitate criminis procedatur. Mulieres, siue coniugata, siue solutæ, quæ cum adulteris, seu concubinarijs publice uiuunt, si ter admonita non paruerint: ab Ordinarijs locorum, nullo etiam requirente, ex officio grauiter pro modo culpæ puniantur; & extra opidum, uel diocesim, si id eisdem Ordinarijs uidebitur, inuocato, si opus fuerit, brachio sæculari, eiiciantur: alijs pænis, contra adulteros, & concubinarjos inflictis, in suo robore permanentibus.

*Concubinijs*

## C A P V T IX.

Ita plerumq. temporalium Dominorum, ac Magistratuum mentis oculos terreni affectus, atque cupiditates excæcant, ut uiros, & mulieres, sub eorum iurisdictione degentes, maxime diuites, uel spem magnæ hereditatis habentes, minus, & pænis adigant cum iis matrimonium inuitos contrahere, quos ipsi Domini,

*Matrimonij  
causis et  
Cognitijs*

## S E S S I O

nel Magistratus illis præscripserint. Quare cum maxime nefarium sit, matrimo-  
nij libertatem uiolare, & ab eis iniurias nasci, a quibus iura expectantur; præci-  
pit sancta Synodus omnibus, cuiuscumque gradus, dignitatis, & conditionis exi-  
stant, sub anathematis pœna, quam ipso facto incurrant, ne quouis modo dire-  
cte, uel indirecte subditos suos, uel quoscumque alios cogant, quo minus libere  
matrimonia contrahant.

### C A P V T X.

Ab aduentu Domini nostri Iesu Christi usque in diem Epiphaniæ, & a feria  
quarta Cinerum usque in octauam Pascatis inclusiue, antiquas sollemnium nup-  
tiarum prohibitiones diligenter ab omnibus obseruari sancta Synodus præcipit: in  
alijs uero temporibus nuptias solemniter celebrari permittit: quas Episcopi, ut ea,  
qua decet, modestia, & honestate fiant, curabunt. sancta enim res est matrimo-  
nium, & sancte tractandum.

## D E C R E T V M D E R E F O R M A T I O N E.

### C A P V T I.

**I**N ADEM sacrosancta Synodus, reformationis materiam prosequens, hæc  
in præsentì sessione statuenda decreuit. Si in quibuslibet Ecclesiæ gra-  
dibus prouidenter, scienterq. curandum est, ut in Domini domo nihil sit  
inordinatum, nihilq. præposterum; multo magis elaborandum est, ut in electione  
eius, qui supra omnes gradus constituitur, non erretur. nam totius familiæ domi-  
ni status, & ordo nutabit, si, quod requiritur in corpore, non inueniatur in capi-  
te. unde etsi alias sancta Synodus de promouendis ad cathedrales, & superiores  
ecclesias nonnulla utiliter decreuit: hoc tamen munus huiusmodi esse censet, ut  
si pro rei magnitudine expendatur, numquam satis cautum de eo uideri possit. Ita  
que statuit, ut, cum primum ecclesia uacauerit, supplicationes, ac preces publice,  
priuatimq. habeantur; atque a Capitulo per ciuitatem, & diocesim indicantur;  
quibus clerus, populusq. bonum a Deo Pastorem ualeat impetrare. Omnes uero,  
& singulos, qui ad promotionem præsciendorum, quodcumque ius, quacumque  
ratione a Sede Apostolica habent, aut alioquin operam suam præstant, nihil in  
his pro præsentì temporum ratione innouando, hortatur, & monet, ut in primis  
meminerint, nihil se ad Dei gloriam, & populorum salutem utilius posse facere,  
quam si bonos Pastores, & ecclesiæ gubernandæ idoneos promoueri studeant; eosq.  
alienis peccatis communicantes mortaliter peccare, nisi quos digniores, & eccle-  
siæ magis utiles ipsi iudicauerint, non quidem precibus, uel humano affectu, aut  
ambientium suggestionibus, sed, eorum exigentibus meritis, præfici diligenter  
curauerint; & quos ex legitimo matrimonio natos, & uita, ætate, doctrina, at-  
que alijs omnibus qualitatibus præditos sciant, quæ iuxta sacros Canones, & Tri



dentina huius Synodi decreta requiruntur. Quoniam uero in sumendo de præ-  
 dictis omnibus qualitatibus graui, idoneoq. bonorum, & doctorum uirorum te-  
 stimonio, non uniformis ratio ubique ex nationum, populorum, ac morum uarie-  
 tate potest adhiberi; mandat sancta Synodus, ut in prouinciali Synodo, per Me-  
 tropolitanum habenda, præscribatur quibusque locis, & prouinciis propria exa-  
 minis, seu inquisitionis, aut instructionis faciendæ forma, Sanctissimi Romani  
 Pontificis arbitrio approbanda, quæ magis eisdem locis utilis, atque opportuna  
 esse uidebitur: ita tamen, ut cum deinde hoc examen, seu inquisitio de persona  
 promouenda perfectæ fuerit; ea in instrumentum publicum redacta, cum toto te-  
 stimonio, ac professione fidei ab eo facta, quamprimum ad Sanctissimum Roma-  
 num Pontificem omnino transmittatur: ut ipse summus Pontifex, plena totius  
 negotii, ac personarum notitia habita, pro gregis Domini commodo de illis, si  
 idonei per examen, seu per inquisitionem faciendam reperti fuerint, ecclesiis pos-  
 sit utilius providere. Omnes uero inquisitiones, informationes, testimonia, ac  
 probationes, quacumque de promouendi qualitatibus, & ecclesiæ statu a quibus  
 cumque, etiam in Romana Curia, habitæ, per Cardinalem, qui relationem fa-  
 cturus erit in Consistorio, & alios tres Cardinales diligenter examinentur; ac  
 relatio ipsa Cardinalis relatoris & trium Cardinalium subscriptione roboretur:  
 in qua ipsi singuli quattuor Cardinales affirmant, se, adhibita accurata diligen-  
 tia, inuenisse promouendos qualitatibus a iure, & ab hac sancta Synodo requi-  
 sitis, præditos; ac certo existimare sub periculo salutis æternæ idoneos esse, qui  
 ecclesiis præficiantur: ita ut relatione in uno Consistorio facta, quo maturius in-  
 terea de ipsa inquisitione cognosci possit, in aliud Consistorium iudicium differa-  
 tur; nisi aliud beatissimo Pontifici uidebitur expedire. Ea uero omnia, & singu-  
 la, quæ de Episcoporum præficiendorum uita, ætate, doctrina, & ceteris qualita-  
 tibus alias in eadem Synodo constituta sunt, decernit eadem, etiam in creatione  
 sanctæ Romanæ Ecclesiæ Cardinalium, etiam si Diaconi sint, exigenda; quos  
 Sanctissimus Romanus Pontifex ex omnibus Christianitatis nationibus, quantū  
 commode fieri poterit, prout idoneos repererit, assumet. Postremo, eadem san-  
 cta Synodus, tot grauissimis Ecclesiæ incommodis commota, non potest non  
 cōmemorare, nihil magis Ecclesiæ Dei esse necessarium, quam ut Beatissimus Ro-  
 manus Pontifex, quam sollicitudinem uniuersæ Ecclesiæ ex muneris sui officio  
 debet, eam hic potissimum impendat, ut lectissimos tantum sibi Cardinales ascis-  
 cat; & bonos maxime, atque idoneos Pastores singulis ecclesiis præficiat; idq.  
 eo magis, quod ouium Christi sanguinem, quæ ex malo negligentium, & sui of-  
 ficii immemorum Pastorum regimine peribunt, Dominus noster Iesus Christus  
 de manibus eius sit requisitus.

## CAPVT II.

Prouincialia Concilia, sicubi omiſſa sunt, pro moderandis moribus, corrigen-  
 dis excessibus, controuersis componendis, alijsq. ex sacris Canonibus permissis

*Prouincialia  
Concilia*



renouentur. Quare Metropolitani per se ipsos, seu, illis legitime impeditis, Coepiscopus antiquior intra annum ad minus a fine præsentis Concilii, et deinde quolibet saltem triennio post octauam Paschæ Resurrectionis Domini nostri Iesu Christi, seu alio commodiori tempore pro more prouincie non prætermittat Synodum in prouincia sua cogere: quo Episcopi omnes, & alij, qui de iure, uel consuetudine interesse debent, exceptis iis, quibus cum imminente periculo transfretandum esset, conuenire omnino teneantur. Nec Episcopi comprouinciales prætextu cuiuslibet consuetudinis ad Metropolitanam ecclesiam in posterum accedere inuiti compellantur. Idem Episcopi, qui nulli Archiepiscopo subiiciuntur, aliquem uicinum Metropolitanum semel eligant; in cuius Synodo prouinciali cum alijs interesse debeant; & quæ ibi ordinata fuerint, obseruent, ac obseruari faciant. In reliquis omnibus eorum exemptio, & priuilegia salua, atque integra maneant. Synodi quoque diocesane quotannis celebrentur: ad quas exempti & omnes, qui alias, cessante exemptione, interesse deberent, nec Capitulis generalibus subduntur, accedere teneantur, ratione tamen Parochialium, aut aliarum secularium ecclesiarum, etiam annexarum, debeant ij, qui illarum curam gerunt, quicumque illi sint, Synodo interesse. Quod si in his tam Metropolitani, quam Episcopi, & alij suprascripti negligentes fuerint; pœnas, sacris Canonibus sanctitas, incurrant.

## C A P V T III.

Patriarchæ, Primates, Metropolitani, & Episcopi propriam diœcesim per se ipsos, aut, si legitime impediti fuerint, persuum generalem Vicarium, aut Visitatorem, si quotannis totam propter eius latitudinem uisitare non poterunt, saltem maiorem eius partem, ita tamen, ut tota biennio per se, uel Visitatores suos compleatur, uisitare non prætermittant. A Metropolitanis uero, etiam post plene uisitatam propriam diœcesim, non uisitentur cathedrales ecclesiæ, neque diœceses suorum comprouincialium, nisi causa cognita, & probata in Concilio prouinciali. Archidiaconi autem, Decani, & alij inferiores in yis ecclesijs, ubi hactenus uisitationem exercere legitime consueuerunt, debeant quidem, assumpto notario, de consensu Episcopi deinceps per se ipsos tantum ibidem uisitare. Visitatores etiam, a Capitulo deputandi, ubi Capitulum ius uisitandi habet, prius ab Episcopo approbentur: sed non ideo Episcopus, uel, eo impedito, eius Visitator easdem ecclesias seorsum ab his uisitare prohibeatur: cui ipsi Archidiaconi, uel alij inferiores, uisitationis factæ infra mensem rationem reddere, & depositiones testium, ac integra acta ei exhibere teneantur: non obstantibus quacumque consuetudine, etiam immemorabili, atque exemptionibus, & priuilegijs quibuscumque. Visitatum autem omnium istarum præcipuus sit scopus, sanam, orthodoxamq. doctrinam, expulsiis hæresibus, inducere bonos mores tueri, prauos corrigere; populum cohortationibus, & admonitionibus ad religionem, pacem, innocen-

tiamq. accendere; cetera, prout locus, tempus, & occasio feret, ex uisitantium prudentia ad fidelium fructum constituere. Quæ ut facilius, feliciusq. succedant; monentur prædicti omnes, & singuli, ad quos uisitatio spectat, ut paterna caritate, Christianoq. zelo omnes amplectantur; ideoq. modesto contenti equitatu, famulatuq. studeant quamcelerrime, debita tamen cum diligentia, uisitationem ipsam absolvere. Interimq. caueant, ne inutilibus sumptibus cuiquam graues, onerosue sint: neue ipsi, aut quisquam suorum quidquam procurationis causa pro uisitatione, etiam testamentorum ad pios usus, præter id, quod ex relictis piis iure debetur, aut alio quouis nomine, nec pecuniam, nec munus, quodcumque sit, etiam qualitercumque offeratur, accipiant: non obstante quacumque consuetudine, etiam immemorabili: exceptis tamen uictualibus, quæ sibi, ac suis frugaliter, moderateq. pro temporis tantum necessitate, & non ultra erunt ministranda. Sit tamen in optione eorum, qui uisitantur, si malint soluere, id quod erat ab ipsis antea solui, certa pecunia taxata, consuetum; an uero prædicta uictualia subministrare: saluo item iure conuentionum antiquorum cum monasteriis, aliisue piis locis, aut ecclesiis non Parochialibus inito, quod illæsum permaneat. In iis uero locis, seu prouinciis, ubi consuetudo est, ut nec uictualia, nec pecunia, nec quidquam aliud a Visitatoribus accipiat, sed omnia gratis fiant; ibi id obseruetur. Quod si quisquam, quod absit, aliquid amplius in supradictis omnibus casibus accipere præsumpserit; is præter dupli restitutionem, intra mensem faciendam, aliis etiam pænis iuxta Constitutionem Concilii generalis Lugdunensis, quæ incipit, Exigit; necnon & aliis pænis in Synodo prouinciali arbitrio Synodi, absque ulla spe ueniæ multetur. Patroni uero in iis, quæ ad Sacramentorum administrationem spectant, nullatenus se præsumantingere; neque uisitationi ornamentorum ecclesiæ, aut bonorum stabiliū, seu fabricarum prouentibus immisceant; nisi quatenus id eis ex institutione, ac fundatione competat; sed Episcopi ipsi hæc faciant, & fabricarum redditus in usus ecclesiæ necessarios, & utiles, prout sibi expedire magis uisum fuerit, expendi curent.

## CAPV T IIII.

Prædicationis munus, quod Episcoporum præcipuum est, cupiens sancta Synodus, quo frequentius possit ad fidelium salutem exerceri, Canones alias super hoc editos, sub fel. rec. Paulo III, aptius præsentium temporum usui accommodando, mandat, ut in ecclesia sua ipsi per se, aut, si legitime impediti fuerint, per eos, quos ad prædicationis munus assument, in aliis autem ecclesiis per Parochos, siue, iis impeditis, per alios ab Episcopo impensis eorum, qui eas præstare uel tenentur, uel solent, deputandos in ciuitate, aut in quacumque parte diocesis, censebunt expedire, saltem omnibus Dominicis, & sollemnibus diebus festis: tempore autem Ieiuniorum, Quadragesimæ, & Aduentus Domini quotidie; uel saltem tribus in hebdomada diebus, si ita oportere duxerint, sacras Scri-

Prædicationis



pturas, diuinamq. legem annuncient; & alias, quotiescumque id opportune fieri posse iudicauerint. Moneatq. Episcopus populum diligenter teneri unumquemque Parochiæ suæ interesse, ubi commode id fieri potest, ad audiendum uerbum Dei. Nullus autem secularis, siue Regularis, etiam in ecclesiis suorum ordinum, contradicente Episcopo, prædicare præsumat. Idem etiam saltem Dominicis, & aliis festiuis diebus pueros in singulis Parochijs fidei rudimenta, & obedientiam erga Deum, & parentes diligenter ab ijs, ad quos spectabit, doceri curabunt; & si opus sit, etiam per censuras Ecclesiasticas compellent; non obstantibus priuilegijs, & consuetudinibus. In reliquis ea, quæ de prædicationis munere sub eodem Paulo III decreta fuerunt, suum robur obtineant.

## C A P V T V.

*causæ criminales*  
*Episcopi*  
Causæ criminales grauiores contra Episcopos, etiam hæresis, quod absit, quæ depositione, aut priuatione dignæ sunt, ab ipso tantum summo Romano Pontifice cognoscantur, & terminentur. Quod si eiusmodi sit causa, quæ necessario extra Romanam Curiam sit committenda; nemini prorsus ea committatur, nisi Metropolitanis, aut Episcopis, a Beatissimo Papa eligendis. Hæc uero commissio & specialis sit, & manu ipsius Sanctissimi Pontificis signata; nec unquam plus his tribuat, quam ut solam facti instructionem sumant, processumq. conficiant, quem statim ad Romanum Pontificem transmittant: reseruata eidem Sanctissimo sententia definitiua. Cetera alias sub fel. rec. Iulio III super his decreta, necnon & constitutio sub Innocentio III, in Concilio generali, quæ incipit, *Qualiter* & quando; quam sancta Synodus in præsentem innouat, ab omnibus obseruetur. Minores uero criminales causæ Episcoporum in Concilio tantum prouinciali cognoscantur, & terminentur, uel a deputandis per Concilium prouinciale.

## C A P V T VI.

*dispensatio nichil  
absoluti  
comprehendit*  
Liceat Episcopis in irregularitatibus omnibus, & suspensionibus, ex delicto occulto prouenientibus, excepta ea, quæ oritur ex homicidio uoluntario, & exceptis alijs deductis ad forum contentiosum, dispensare; & in quibuscumque casibus occultis, etiam Sedi Apostolica reseruatis, delinquentes quoscumque sibi subditos, in diocesi sua per se ipsos, aut Vicarium, ad id specialiter deputandum, in foro conscientie gratis absolueri, imposita pænitentia salutari. Idem & in hæresis crimine in eodem foro conscientie eis tantum, non eorum Vicarijs sit permissum.

## C A P V T VII.

Vt fidelis populus ad suscipienda Sacramenta maioricum reuerentia, atque animi deuotione accedat: præcipit sancta Synodus Episcopis omnibus, ut non solum, cum hac per se ipsos erunt populo administranda, prius illorum uim, & usum pro suscipientium captu explicent, sed etiam idem a singulis Parochijs pie, prudenterq.



prudenterq. etiam lingua uernacula, si opus sit, & commodè fieri poterit, seruari studeant, iuxta formam a sancta Synodo in catechesi singulis Sacramentis præscribendam; quam Episcopi in uulgarem linguam fideliter uerti, atque a Parochis omnibus populo exponi curabunt: necnon ut inter Missarum sollemnia, aut diuinorum celebrationem sacra eloquia, & salutis monita eadem uernacula lingua singulis diebus festis, uel solemnibus explanent; eademq. in omnium cordibus, post positis inutilibus quæstionibus, inserere, atque eos in lege domini erudire studeant.

## CAPVT VIII.

Apostolus monet, publice peccantes palam esse corripiendos. Quando igitur ab aliquo publice, & in multorum conspectu crimen commissum fuerit, unde alios scandalo offensos, commotosq. fuisse, non sit dubitandum; huic condignam pro modo culpæ penitentiam publice iniungi oportet: ut quos exemplo suo ad malos mores prouocauit, suæ emendationis testimonio ad rectam reuocet uitam. Episcopus tamen publicæ hoc penitentiæ genus in aliud secretum poterit commutare, quando ita magis iudicauerit expedire. In omnibus etiam cathedralibus ecclesiis, ubi id commodè fieri poterit, Penitentiarius aliquis cum unione præbendæ, proxime uacaturæ, ab Episcopo instituatur, qui magister sit, uel doctor, aut licentiatus in Theologia, uel iure Canonico, & annorum quadraginta, seu alias qui aptior pro loci qualitate reperiatur; qui dum confessiones in ecclesia audiet, interim præsens in choro censeatur.

## CAPVT IX.

Quæ alias sub sel. rec. Paulo III, & nuper sub Beatissimo D. nostro, Pio III, in hoc eodem Concilio de adhibenda ab Ordinarijs diligentia in beneficiorum, etiam exemptorum, uisitatione constituta sunt, eadem etiam in ijs ecclesiis secularibus obseruentur, quæ in nullius diocesi esse dicuntur: ut ab Episcopo, cuius cathedralis ecclesia est proximior, si id possit, alioquin ab eo, qui semel in Concilio prouinciali a Prælato loci illius electus fuerit, tamquam Sedis Apostolicæ delegato, uisitentur: non obstantibus priuilegijs, & consuetudinibus quibuscumque, etiam immerabilibus.

## CAPVT X.

Episcopi, ut aptius, quem regunt populum possint in officio, atque obedientia continere: in omnibus ijs, quæ ad uisitationem, ac morum correctionem subditorum suorum spectant, ins & potestatem habeant, etiam tamquam Apostolicæ Sedis delegati, ea ordinandi, moderandi, puniendi, et exequendi, iuxta Canonum sanctiones, quæ illis ex prudentia sua pro subditorum emendatione, ac diocesis suæ utilitate necessaria uidebuntur. Nec in his, ubi de uisitatione, aut morum correctione agitur, exemptio, aut ulla inhibitiō, appellatio, seu querela etiam ad Sedem Apostolicam interposita, executionem eorum, quæ ab his mandata, decreta, aut iudicata fuerint, quoquo modo impediat, aut suspendat.

Privilegia non  
pertinent ad  
Ordinarij iurisdi-  
ctionem

Quoniam privilegia, & exemptiones, quæ uarijs titulis plerisque concedun-  
tur, hodie perturbationem in Episcoporum iurisdictione excitare, & exemptis oc-  
casionem laxioris uitæ præbere dignoscuntur; decernit sancta Synodus, ut, si quan-  
do iustis, grauib, & fere necessarijs suadentibus causis, aliquos honorarijs ti-  
tulis Protonotariatus, Acolythatus, Comitibus Palatini, Capellani Regij, aut alijs  
huiusmodi in Romana Curia, uel extra, insignibus decorandos esse placuerit; nec  
non alios, cuicumque monasterio oblatos, uel quomodocumque additos, aut sub  
nomine seruientium militijs, seu monasterijs, hospitalibus, collegijs, aut quocum  
que alio titulo assumi; nihil ex ijs privilegijs detractum esse Ordinarijs intelligen-  
tur; quominus ii, quibus ea iam concessa sunt, uel in posterum concedi contige-  
rit, ipsis Ordinarijs, tamquam Apostolica Sedis delegatis, plene in omnibus, &  
quo ad Capellanos Regios, iuxta Constitutionem Innocentij III, quæ incipit,  
Cum capellæ, subiecti existant: exceptis tamen ijs, qui prædictis locis, aut mi-  
litijs actu seruiunt, & intra eorum septa, ac domos resident, subq. eorum obe-  
dientia uiuunt: siue ijs, qui legitime, & secundum regulam earundem militiarum  
professionem fecerint, de qua Ordinario constare debeat: non obstantibus priui-  
legijs quibuscumque, etiam religionis sancti Ioannis Hierosolymitani, & alia-  
rum militiarum. Quæ uero privilegia residentibus in Curia Romana uigore Eu-  
genianæ Constitutionis, aut familiaritatis Cardinalium competere solent; ea in  
ijs, qui beneficia Ecclesiastica obtinent, ratione prædictorum beneficiorum mini-  
me intelligantur; sed Ordinarij iurisdictioni subiecti permaneant: non obstantibus  
quibuscumque inhibitionibus,

## C A P V T XII.

Stat. ad digni-  
tatem

Provisio et positio  
in iuris de canonicis  
et sionis, ad minus  
de canon. h. facienda

Cum dignitates, in ecclesijs præsertim cathedralibus, ad conseruandam au-  
gendamq. Ecclesiasticam disciplinam fuerint institutæ; ut qui eas obtinerent, pie-  
tate præcellerent, alijsq. exemplo essent, atque Episcopos opera, & officio iuu-  
arent; merito qui ad eas uocantur, tales esse debent, qui suo muneri respondere  
possint. Nemo igitur deinceps ad dignitates quasumque, quibus animarum cu-  
ra subest, promoueat, nisi qui saltem. 25. suæ ætatis annum attigerit & in  
clericali Ordine uersatus, doctrina ad suum munus exequendum necessaria, ac  
morum integritate commendetur; iuxta Constitutionem Alexandri Tertij, in  
Concilio Lateranensi promulgatam, quæ incipit, Cum in cunctis. Archidiaconi  
etiam, qui oculi dicuntur Episcopi, sint in omnibus ecclesijs, ubi fieri poterit, ma-  
gistri in Theologia, seu doctores, aut licentiati in iure Canonico. Ad ceteras  
autem dignitates, uel personatus, quibus animarum cura nulla subest, clerici  
alioquin idonei, & 22. annis non minores, ascendant. Prouisi etiam de benefi-  
cijs quibuscumque, curam animarum habentibus, teneantur a die adeptæ posses-  
sionis, ad minus intra duos menses, in manibus ipsius Episcopi, uel, eo impedito,



coram generali eius Vicario, seu Officiali, orthodoxa suæ fidei publicam facere professionem, & in Romanæ Ecclesiæ obedientia se permansuros spondeant, ac iurent. Prouisi autem de Canonicatibus, & dignitatibus in ecclesiis cathedralibus non solum coram Episcopo, seu eius Officiali, sed etiam in Capitulo idem facere teneantur: alioquin prædicti omnes prouisi, ut supra, fructus non faciant suos; nec illis possessio suffragetur. Neminem etiam deinceps ad dignitatem, Canonicatum, aut portionem recipiant, nisi qui eo Ordine sacro aut sit initiatus, quæ illa dignitas, præbenda, aut portio requirit; aut in tali ætate, ut infra tempus a iure, & ab hac sancta Synodo statutum, initiari ualeat. In omnibus uero ecclesiis cathedralibus omnes canonicatus, ac portiones habeant annexum Ordinem Presbyterij, Diaconatus, uel Subdiaconatus. Episcopus autem cum consilio Capituli designet, ac distribuatur, prout uiderit expedire, quibus quisque Ordo ex sacris annexus in posterum esse debeat: ita tamen, ut dimidia saltim pars Presbyteri sint; ceteri uero Diaconi, aut Subdiaconi: ubi uero consuetudo laudabilior habet, ut plures, uel omnes sint Presbyteri, omnino obseruetur. Hortatur etiam sancta Synodus, ut in prouincijs, ubi id commodè fieri potest, dignitates omnes, & saltem dimidia pars Canonicatum, in cathedralibus ecclesijs, & collegiatis insignibus conferantur tantum magistris, uel doctoribus, aut etiam licentijs in Theologia, uel iure Canonico. Præterea obtinentibus in eisdem cathedralibus, aut collegiatis dignitates, Canonicatus, præbendas, aut portiones, non liceat uigore cuiuslibet statuti, aut consuetudinis, ultra tres menses, ab eisdem ecclesijs quolibet anno abesse: saluis nihilominus earum ecclesiarum constitutionibus, quæ longius seruitur tempus requirunt: alioquin primo anno priuetur unusquisque dimidia parte fructuum, quos ratione etiam præbendæ, ac residentiæ fecit suos. quod si iterum eadem fuerit usus negligentia, priuetur omnibus fructibus, quos eodem anno lucratus fuerit. crescente uero contumacia, contra eos, iuxta sacrorum Canonum constitutiones, procedatur. Distributiones uero, qui statis horis interfuerint, recipiant: reliqui, quauis collusione, aut remissione exclusa, his careant, iuxta Bonifacij. VIII. decretum. quod incipit, Consuetudinem: quod sancta Synodus in usum reuocat, non obstantibus quibuscumque statutis, & consuetudinibus. Omnes uero diuina per se, & non per substitutos, compellantur obire officia; & Episcopo celebranti, aut alia pontificalia exercenti, adistere, & inservire; atque in choro, ad psallendum instituto, hymnis, & canticis Dei nomen reuerenter, distincte, deuoteq. laudare. Vestitu insuper decenti tam in ecclesia, quàm extra, assidue utantur; ab illicitisq. uenationibus, aucupijs, choreis, tabernis, lusi- busq. abstineant; atque ea morum integritate polleant, ut merito Ecclesiæ Senatus dici possit. Cetera, quæ ad debitum in diuinis officijs regimen spectant; deq. congrua in his canendi, seu modulandi ratione, de certa lege in choro conueniendi, & permanendi, simulq. de omnibus ecclesiæ ministris, quæ necessaria erunt, & si qua huiusmodi; Synodus prouincialis, pro cuiusque prouinciæ uti-

Ordine huiusmodi  
canonicatus &  
+ episcopum  
+ abesse

q. f. t. p. r. licet  
abesse



litate, & moribus, certam cuique formulam præscribet. Inter ea uero Episcopus non minus, quam cum duobus Canonicis, quorum unus ab Episcopo, alter a Capitulo eligatur, in iis, quæ expedire uidebuntur, poterit providere.

## C A P V T XIII.

Q U O N I A M pleraque cathedralis ecclesiæ tam tenuis redditus sunt, & angustæ, ut Episcopali dignitati nullo modo respondeant, neque ecclesiarum necessitati sufficiunt; examinet Concilium provinciale, uocatis ijs, quorum interest, & diligenter expendat, quas propter angustias, tenuitatemque uicinis unire, uel nouis prouentibus augere expediat; confecta quoque de præmissis instrumenta ad summum Romanum Pontificem mittat; quibus instructus summus Pontifex ex prudentia sua, prout expedire iudicauerit, aut tenues inuicem uniat, aut aliqua accessione ex fructibus augeat. Interim uero, donec prædicta effectum sortiantur, huiusmodi Episcopis, qui fructuum subuentione pro diæcesis suæ tenuitate indigent; poterit de beneficijs aliquibus, dum tamen curata non sint, nec dignitates, seu Canonicatus, & præbendæ, nec monasteria, in quibus uiget Regularis obseruantia, uel quæ Capitulis generalibus, & certis Visitatoribus subduntur, a summo Pontifice provideri. In Parochialibus etiam ecclesijs, quarum fructus aique adeo exigui sunt, ut debitæ nequeant oneribus satisfacere; curabit Episcopus, si per beneficiorum unionem, non tamen Regularium, id fieri non possit, ut primitiarum, uel decimarum assignatione, aut per Parochianorum symbola, ac collectas, aut qua commodiori ei uidebitur ratione, tantum redigatur, quod pro Rectoris, ac Parochiæ necessitate decenter sufficiat. In unionibus uero quibuslibet seu ex supradictis, seu alijs causis faciendis, ecclesiæ Parochiales monasterijs quibuscumque, aut Abbatijs, seu dignitatibus, siue præbendis ecclesiæ cathedralis, uel collegiæ, siue alijs beneficijs simplicibus, aut hospitalibus, militiisue non uniantur: & quæ unitæ sunt, reuideantur ab Ordinarijs, iuxta alias decretum in eadem Synodo, sub fel. rec. Paulo III. quod etiam in unitis ab eo tempore citra aique obseruetur: non obstantibus in ijs, quibuscumque uerborum formis, quæ hic pro sufficienter expressis habeantur. Ad hæc in posterum, omnes hæc cathedrales ecclesiæ, quarum redditus summam ducatorum mille, & Parochiales, quæ summam ducatorum centum secundum uerum annuum ualore non excedunt, nullis pensionibus, aut reservationibus fructuum grauentur. In ijs quoque ciuitatibus, ac locis, ubi Parochiales ecclesiæ certos non habent fines, nec earum Rectores proprium populum, quem regant, sed promiscue petentibus Sacramenta administrant; mandat sancta Synodus Episcopis pro tutiori animarum eis commissarum salute, ut distincto populo in certas, propriasque Parochias, unicuique suum perpetuum, peculiaremque Parochum assignent, qui eas conoscere ualeat, & a quo solo licite Sacramenta suscipiant; aut alio utiliori modo, prout loci qualitas exegerit, pro uideant. Idemque in ijs ciuitatibus, ac locis, ubi nullæ sunt Parochiales, quamprimum fieri curent: non obstantibus

stantibus quibuscumque privilegijs, & consuetudinibus, etiā immemorabilibus.

## CAPV T XIII.

In pluribus ecclesijs, tam cathedralibus, quam collegiatis, & parochialibus, ex earum constitutionibus, aut ex praua consuetudine obseruari intelligitur, ut in electione, præsentatione, nominatione, institutione, confirmatione, collatione, uel alia prouisione, siue admissione ad possessionem alicuius cathedralis ecclesiæ, uel beneficij, Canoniciuum, aut præbendarum, uel partem prouentuum, seu ad distributiones quotidianas certæ condiciones, seu deductiones ex fructibus, solutiones, promissiones, compensationesue illicitæ, aut etiam, quæ in aliquibus ecclesijs dicuntur Turnorum lucra, interponantur: hæc cum sancta Synodus detestetur, mandat Episcopis, ut quacumque huiusmodi in usus pios non conuertuntur, atque ingressus eos, qui simoniacæ labis, aut sordida auaritiæ suspicionem habent, fieri non permittant; ipsiq; diligenter de eorum constitutionibus, siue consuetudinibus super prædictis cognoscant; & illis tantum, quas ut laudabiles probauerint, exceptis, reliquas, ut prauas, ac scandalosas reiciant, & aboleant. Eos uero, qui aduersus hæc, in præsentī decreto comprehensa, quauis ratione commiserint, panis, contra simoniacos editis, sacris Canonibus, & uarijs summorum Pontificum Constitutionibus, quas omnes innouat, teneri decernit: non obstantibus quibuscumque statutis, constitutionibus, & consuetudinibus, etiam immemorabilibus, etiam Apostolica auctoritate confirmatis: de quarum subreptione, obreptione, & intentionis defectu Episcopus, tamquam Apostolica Sedis delegatus, cognoscere possit.

Bruf. s. in simi  
nitione p. hant  
nihil in admissione  
uel poss. trad. hant  
capit.

## CAPV T XV.

In ecclesijs cathedralibus, & collegiatis insignibus, ubi frequentes, adeoq; tenues sunt præbendæ simul cum distributionibus quotidianis, ut sustinendo decenti Canonicorum gradui pro loci, & personarum qualitate non sufficiant; liceat Episcopis cum consensu Capituli, uel aliquot simplicia beneficia, non tamen Regularia, ijs unire; uel, si hac ratione prouideri non possit, aliquibus ex ijs suppressis, cum patronorum consensu, si de iure patronatus laicorum sint, quarum fructus, & prouentus reliquarum præbendarum distributionibus quotidianis applicentur, eas ad pauciores numerum reducere; ita tamen, ut tot supersint, quæ diuino cultui celebrando, ac dignitati ecclesiæ commode ualeant respondere: non obstantibus quibuscumque constitutionibus, & privilegijs, aut quacumque reservatione generali, uel speciali, aut affectione: neque prædictæ uniones, aut suppressiones tolli, seu impediri possint ex quibuscumque prouisionibus, etiam uigore resignationis, aut quibuscumque alijs derogationibus, uel suspensionibus.

Inhibere tenues  
quætraugendi



## C A P V T XVI.

*Oeconomus et  
Vic. seds uacant  
deputandis*

Capitulum, Sede uacante, ubi fructuum percipiendorum ei munus incumbit, Oeconomum unum, uel plures fideles, ac diligentes decernat, qui rerum Ecclesiasticarum, & prouentuum curam gerant; quorum rationem ei, ad quem pertinebit, sint reddituri. Item Officiale, seu Vicarium infra octo dies post mortem Episcopi constituere, uel existentem confirmare omnino teneatur; qui saltem in iure Canonico sit doctor, uel licentiatus, uel alias, quantum fieri poterit, idoneus: si secus factum fuerit, ad Metropolitanum deputatio huiusmodi deuoluatur. & si ecclesia ipsa Metropolitana fuerit, aut exempta, Capitulumq. ut praefertur, negligens fuerit; tunc antiquior Episcopus ex Suffraganeis in Metropolitana, et propinquior Episcopus in exempta Oeconomum, & Vicarium idoneos possit constituere. Episcopus uero ad eandem ecclesiam uacantem promotus ex ijs, quae ad eum spectant, ab eisdem Oeconomio, Vicario, & alijs quibuscumque Officialibus & administratoribus, qui, Sede uacante fuerunt a Capitulo, uel ab alijs in eius locum constituti, etiam si fuerint ex eodem Capitulo, rationem exigant officiorum, iurisdictionis, administrationis, aut cuiuscumque eorum muneris; possitq. eos punire, qui in eorum officio, seu administratione deliquerint: etiam si praedicti Officiales, redditus rationibus, a Capitulo, uel a deputatis ab eodem, absolutionem, aut liberationem obtinuerint. Eidem quoque Episcopo teneatur Capitulum de scripturis ad ecclesiam pertinentibus, si quae ad Capitulum peruenerunt, rationem reddere.

## C A P V T XVII.

*Unus huiusmodi  
negotiosus resiam  
namque huius  
licet*

Cum Ecclesiasticus ordo peruertatur, quando unus plurium officia occupat clericorum; sancte sacris Canonibus cautum fuit, neminem oportere in duabus ecclesijs conscribi. uerum quoniam multi improba cupiditatis affectu se ipsos, non Deum, decipientes, ea, quae bene constituta sunt, uarijs artibus eludere, & plura simul beneficia obtinere non erubescunt: sancta Synodus debitam regendis ecclesijs disciplinam restituere cupiens, praesenti decreto, quod in quibuscumque personis, quocumque titulo, etiam si Cardinalatus honore fulgeant, mandat obseruari; statuit. ut in posterum unum tantum beneficium Ecclesiasticum singulis conferatur. quod quidem si ad uitam eius, cui confertur, honeste sustentandam non sufficiat; liceat nihilominus aliud simplex sufficiens, dummodo utrumque personalem residentiam non requirat, eidem conferri. Haecq. non modo ad cathedrales ecclesias, sed etiam ad alia omnia beneficia, tam saecularia, quam regularia quaecumque, etiam commendata, pertineant, cuiuscumque tituli, ac qualitatis existant. Illi uero, qui in praesenti plures Parochiales ecclesias, aut unam cathedralem, & aliam Parochialem obtinent; cogantur omnino, quibuscumq. dispensationibus, ac unionibus ad uitam non obstantibus, una tantum Parochiali, uel sola cathedrali retenta, alias Parochiales infra spa-



cium sex mensium dimittere : alioquin tam Parochiales, quam beneficia omnia, quæ obtinent, ipso iure uacare censeantur ; ac tamquam uacantia libere alijs idoneis conferantur ; nec ipsi antea illa obtinentes , tuta conscientia , fructus post dictum tempus retineant. Optat autem sancta Synodus, ut resignantium necessitatibus commoda aliqua ratione , prout summo Pontifici uidebitur , provideatur.

## CAPVTVIII.

Expedi maxime animarum saluti, a dignis, atque idoneis Parochis gubernari. id ut diligentius, ac rectius perficiatur, statuit sancta Synodus, ut, cum Parochialis ecclesiæ uacatio, etiam si cura ecclesiæ uel Episcopo incumbere dicatur, et per unum, uel plures administraretur, etiam in ecclesiis patrimonialibus, seu receptiuis nuncupatis, in quibus consuevit Episcopus uni, uel pluribus curam animarum dare, quos omnes ad infra scriptum examen teneri mandat, per obitum, uel resignationem etiam in Curia, seu aliter quomodocumque contigerit, etiam si ipsa Parochialis ecclesia reseruata, uel affecta fuerit generaliter, uel specialiter, etiam uigore indulti, seu priuilegij in fauorem sanctæ Romanæ ecclesiæ Cardinalium, seu Abbatum, uel Capitulorum : debeat Episcopus statim, habita notitia uacationis ecclesiæ, si opus fuerit, idoneum in ea Vicarium, cum congrua, eius arbitrio, fructuum portionis assignatione, constituere : qui onera ipsius ecclesiæ sustineat, donec ei de Rectore provideatur. Porro Episcopus, & qui ius patronatus habet, intra decem dies, uel aliud tempus, ab Episcopo præscribendum, idoneos aliquot clericos ad regendam ecclesiam coram deputandis examinatoribus nominet. Liberum sit tamen etiam alijs, qui aliquos ad id aptos noverint, eorum nomina deferre, ut possit postea de cuiuslibet ætate, moribus, & sufficientia fieri diligens inquisitio. Et si Episcopo, aut Synodo prouinciali pro regionis more uidebitur magis expedire, per edictum etiam publicum uocentur, qui uolent examinari. Transacto constituto tempore omnes, qui descripti fuerint, examinentur ab Episcopo, siue, eo impedito, ab eius Vicario generali, atque ab alijs examinatoribus non paucioribus, quam tribus quorum uotis, si pares, aut singulares fuerint, accedere possit Episcopus, uel Vicarius, quibus magis uidebitur. Examinatores autem singulis annis in diocesana Synodo ab Episcopo ; uel eius Vicario ad minus sex proponantur : qui Synodo satisfaciant, & ab ea probentur. Aduenienteq. uacatione cuiuslibet ecclesiæ, tres ex illis eligat Episcopus, qui cum eo examen perficiant ; indeq. succedente alia uacatione, aut eisdem, aut alios tres, quos maluerit, ex prædictis illis sex eligat. Sint uero hi examinatores, magistri, seu doctores, aut licentiati in Theologia, aut iure Canonico, uel alii clerici, seu Regulares, etiã ex ordine mendicantium, aut et sæculares, qui ad id uidebuntur magis idonei, iurentq. oēs ad sancta Dei Evangelia se, quacumque humana affectione postposita fideliter munus executuros. caneantq. ne quidquã prorsus occasione huius examinis nec ante, nec post accipiant : alioqui simonia uitiũ

Dr. par. ecc. 2  
vicarius  
H. J. som

Dr. Examinatoribus  
examine

tam ipsi, quam alij dantes incurrant; a qua absolui nequeant, nisi dimissis beneficijs, quæ quomodocumque etiam antea obtinebant; & ad alia in posterum inhabiles reddantur. Et de his omnibus non solum coram Deo, sed etiam in Synodo provinciali, si opus erit, rationem reddere teneantur; a qua, si quid contra officium eos fecisse compertum fuerit, grauiter eius arbitrio puniri possint. Peracto deinde examine renunciatur, quocumque ab his idonei iudicati fuerint atate, moribus, doctrina, prudentia, & aliis rebus ad uacantem ecclesiam gubernandam opportunis, ex hisq. Episcopus eum eligat, quem ceteris magis idoneum iudicauerit; atque illi, & non alteri collatio ecclesiæ ab eo fiat, ad quem spectabit eam conferre. Si uero iurispatronatus Ecclesiastici erit; ac institutio ad Episcopum, & non aliū pertineat, is, quæ patronus digniorem inter probatos ab examinadoribus iudicabit, Episcopo presentare teneatur, ut ab eo instituitur. Cum uero institutio ab alio, quā ab Episcopo, erit facienda, tunc Episcopus solus ex dignis eligat digniorē, quæ patronus ei presentet, ad quæ institutio spectat. Quod si iurispatronatus laicorū fuerit, debeat qui a patrono presentatus erit, ab eisdē deputatis, ut supra, examinari, & non, nisi idoneus repertus fuerit, admitti. In omnibusq. supradictis casibus non cuiquam alteri, quam uni ex prædictis examinatis, & ab examinadoribus approbatis, iuxta supradictam regulam, de ecclesia prouideatur, nec prædictorum examinadorum relationem, quo minus executionem habeat, ulla deuolutio, aut appellatio. etiam ad Sedem Apostolicam, siue eiusdem Sedis Legatos, aut Vicelegatos, aut Nuncios, seu Episcopos, aut Metropolitanos, Primates, uel Patriarchas interposita, impediatur, aut suspendatur: alioquin Vicarius, quem ecclesiæ uacanti antea Episcopus arbitrio suo ad tempus deputauit, uel forsitan postea deputabit; ab eius ecclesiæ custodia, & administratione non amouetur, donec aut eisdem, aut alteri, qui probatus, & electus fuerit, ut supra, sit prouisus: alias prouisiones omnes, seu institutiones, præter ad supradictam formam facta, subreptitiæ esse censeantur: non obstantibus huic decreto exemptionibus, indultis, priuilegijs, præuentionibus, affectionibus, nouis prouisionibus, indultis concessis quibuscumque Vniuersitatibus, etiam ad certam summam, & alijs impedimentis quibuscumque. Si tamen adeo exigui redditus dictæ Parochialis fuerint, ut totius huius examinationis operam non ferant; aut nemo sit, qui se examini querat subijcere; aut ob apertas factiones, seu dissidia, quæ in aliquibus locis reperiuntur, facile grauiiores rixæ, ac tumultus possint excitari, poterit Ordinarius, si pro sua conscientia cum deputatorum consilio ita expedire arbitrabitur, hac forma omissa, priuatum aliud examen, ceteris tamen, ut supra, seruatis, adhibere. Licebit etiam Synodo provinciali, si qua in supradictis circa examinationis formam addenda, remittendaue esse censuerit, prouidere.

## C A P V T XIX.

DECERNIT sancta Synodus, Mandata de prouidendo, & gratias, quæ Expectatiua dicuntur, nemini amplius, etiam collegijs,

Expectatiua et cetera  
gratiæ ad uocaturam  
collantur et possunt



Vniuersitatibus, senatibus, & aliis singularibus personis, etiam sub nomine indulti, aut ad certam summam, uel alio quouis colore concedi; nec hactenus concessis cuiquam uti licere. Sed nec reservationes mentales, nec alia quacumque gratiæ ad uacatura, nec indulta ad alienas ecclesias, uel monasteria alicui, etiam ex sanctæ Romanæ Ecclesiæ cardinalibus, concedantur; & hactenus concessa, abrogata esse censentur.

## CAPV T XX.

Causæ omnes, ad forum ecclesiasticum quomodolibet pertinentes, etiam si beneficiales sint, in prima instantia coram Ordinariis locorum dumtaxat cognoscantur, atque omnino, saltem infra biennium a die motæ litis terminentur, alioquin post id spatium liberum sit partibus, uel alteri illarum iudices superiores, alias tamen competentes adire; qui causam in eo statu, quo fuerit, assumant; & quā primum terminari curent; nec antea aliis committantur, nec auocentur: neque appellationes ab eisdem interpositæ, per Superiores quoscumque recipiantur; eorumue commissio, aut inhibitio fiat nisi a definitiua, uel a definitiua uim habente, & cuius grauamen per appellationem a definitiua reparari nequeat. Ab his excipiantur causæ, quæ iuxta canonicas sanctiones apud Sedem Apostolicā sunt tractandæ; uel quas ex urgenti, rationabiliq. causa iudicauerit summus Romanus Pontifex per speciale rescriptum Signaturæ Sanctitatis suæ, manu propria subscribendum, committere, aut auocare. Ad hæc, causæ matrimoniales, & criminales non Decani, Archidiaconi, aut aliorum inferiorum iudicio, etiam uisitando, sed Episcopi tantum examini, & iurisdictioni relinquuntur, etiam si in præsentia inter Episcopum, & Decanum, seu Archidiaconum, aut alios inferiores super causarum istarum cognitione lis aliqua in quacumque instantia pendeat: coram quo, si pars uere paupertatem probauerit, non cogatur extra prouinciā nec in secunda, nec in tertia instantia in eadem causa matrimoniali litigare, nisi pars altera & alimenta, & expensas litis uelit subministrare. Legati quoque, etiam de latere, Nuncij, gubernatores Ecclesiastici, aut alij quarumcumque facultatum uigore, non solum Episcopos in prædictis causis impedire, aut aliquo modo eorum iurisdictionem ijs præripere, aut turbare non præsumant, sed nec etiam contra clericos, aliasue personas Ecclesiasticas, nisi Episcopo prius requisito, eoq. negligente, procedant: alias eorum processus, ordinationesue nullius momenti sint, atque ad damni satisfactionem, partibus illati, teneantur. Præterea, si quis in casibus a iure permissis appellauerit, aut de aliquo grauamine conquestus fuerit, seu alias ob lapsum biennij, de quo supra, ad alium iudicem recurrerit, teneatur acta omnia, coram Episcopo gesta, ad iudicem appellationis expensis suis transferre: eodem tamen Episcopo prius admonito, ut, si quid ei pro causæ instructione uidebitur, possit iudici appellationis significare. Quod si appellatus compareat, cogatur tunc is quoque actorum, quæ translata sunt, expensas pro

*Præsentia instantia in ordinariis et in tribunum finiantur*

*Causæ in curia tractantur*

*Legati et Nuncij non turbant iurisdictionem Episcoporum*

*Appellatio omnia non iudicantur ad quoniam pendeat*



portionem suam, si illis uti uoluerit, subire; nisi aliter ex loci consuetudine seruetur, ut scilicet ad appellantem integrum hoc onus pertineat. Porro ipsam actorum copiam teneatur notarius, congrua mercede accepta, appellanti quanto citius, te ad minus intra mensem exhibere. Qui notarius si in differenda exhibitione fraudem fecerit; ab officii administratione arbitrio Ordinarii suspendatur; & ad dupli pœnam, quanti ea lis fuerit, inter appellantem, & pauperes loci distribuendam, compellatur. Iudex uero, si & ipse impedimenti huius conscius, particepsue fuerit, aliterue obstitit, ne appellanti integre acta intra tempus traderentur; ad eandem dupli pœnam, prout supra, teneatur: non obstantibus, quo ad omnia superscripta, priuilegijs, indultis, concordijs, quæ suos tantum teneant auctores, & alijs quibuscumque consuetudinibus.

## C A P V T XXI.

Cupiens sancta Synodus, ut ex decretis ab ea editis nulla unquam futuris temporibus dubitandi occasio oriatur, uerba illa, posita in decreto, publicato Sessione prima, sub Beatissimo Domino nostro Pio Quarto, uidelicet: Quæ proponentibus Legatis, ac Præsidentibus, ad horum temporum leuandas calamitates, sedandas de religione controuersias, coercendas linguas dolosas, deprauatorum morum abusus corrigendos, Ecclesiæ ueram, & Christianam pacem conciliandam apta, & idonea ipsi sanctæ Synodo uidebuntur: explicando declarat, mentis suæ non fuisse, ut ex prædictis uerbis solita ratio tractandi negotia in generalibus Concilijs ulla ex parte immutaretur; neque noui quidquam, præter id, quod a sacris Canonibus, uel generalium Synodorum forma hactenus statutum est, cuiquam adderetur uel detraberetur.

## Indictio futuræ Sessionis.

Insuper, eadem sacrosancta Synodus proximam futuram Sessionem feria quinta post conceptionem beatæ Mariæ uirginis, quæ erit dies nona mensis Decembris proxime uenturi, habendam esse statuit, & decernit, cum potestate etiam abbreviandi. In qua Sessione tractabitur de sexto nunc in eam dilato capite, & de reliquis reformationis capitibus iam exhibitis, de quæ alijs ad eam pertinentibus. Si uero opportunum uidebitur, & tempus patietur; poterit etiam de nonnullis Dogmatibus tractari, prout suo tempore in Congregationibus proponetur.

Abbreviata est dies Sessionis.

## S E S S I O    X X V .

## Q V A E   E S T   N O N A   E T   V L T I M A

S V B   P I O   I I I I ,   P O N T .   M A X .

C O E P T A D I E   T E R T I A ,   A B S O L V T A

D I E   Q V A R T A   D E C E M B .

M .   D .   L X I I I .

## Decretum de Purgatorio.



V M Catholica Ecclesia, Spiritu sancto edocta, ex sacris literis, & antiqua Patrum traditione, in Sacris Concilijs, & no-  
uissime in hac œcumenica Synodo docuerit, Purgatorium esse;  
animasq. ibi detentas, fidelium suffragijs, potissimum uero ac-  
ceptabili altaris sacrificio iuari: præcipit sancta Synodus Epi-  
scopis, ut sanam de Purgatorio doctrinam, a sanctis Patribus,  
& sacris Concilijs traditam, a Christi fidelibus credi, teneri, doceri, & ubiq. præ-  
dicari, diligenter studeant. Apud rudem uero plebem difficiliores, ac subtiliores  
quæstiones, quæq. ad ædificationem non faciunt, & ex quibus plerumq. nulla  
fit pietatis accessio, a popularibus concionibus secludantur. Incerta item, uel  
quæ specie falsi laborant, euulgari, ac tractari non permittant. Ea uero, quæ ad  
curiositatē quandam, aut superstitionem spectant, uel turpe lucrum sapiunt; tam-  
quam scandala, & fidelium offendicula prohibeant. Curent autem Episcopi, ut fi-  
delium uiuorum suffragia, Missarum scilicet sacrificia, orationes, eleemosynæ, a-  
liæq. pietatis opera quæ a fidelibus pro alijs fidelibus defunctis fieri consueue-  
runt, secundum Ecclesiæ instituta pie, & deuote fiant; & quæ pro illis ex testa-  
torum foundationibus, uel alia ratione debentur, non per sanctorie, sed a sacerdoti-  
bus, & Ecclesiæ ministris, & alijs, qui hoc præstare tenentur, diligenter, &  
accurate persoluantur.

De Inuocatione, ueneratione, & Reliquiis Sancto-  
rum, & sacris imaginibus.

Mandat sancta Synodus omnibus Episcopis, et ceteris docendi munus, curamq.  
sustinentibus, ut iuxta Catholicæ, & Apostolicæ Ecclesiæ usum, a primæuis  
Christianæ religionis temporibus receptum, sanctorumq. Patrum consensio-  
nem, & sacrorum Conciliorum decreta in primis de Sanctorum intercessione,  
inuocatione, Reliquiarum honore, & legitimo imaginum usu, fideles diligen-  
ter instruant, docentes eos, Sanctos, una cum Christo regnantes, orationes  
suas pro hominibus Deo offerre; bonum, atque utile esse suppliciter eos inuoca-



re; & ob beneficia impetranda a Deo per filium eius Iesum Christum, Dominum nostrum, qui solus noster Redemptor & Saluator est, ad eorum orationes, opem auxiliumq. confugere; illos uero, qui negant sanctos, aeterna felicitate in calo fruantes, inuocandos esse, aut qui asserunt, uel illos pro hominibus non orare; uel eorum, ut pro nobis etiam singulis orent, inuocationem esse idolatriam, uel pugnare cum uerbo Dei, aduersariq. honori unius mediatoris Dei, & hominum Iesu Christi, uel stultum esse, in calo regnantibus uoce, uel mente supplicare, im-  
pie sentire.

Sanctorum quoque Martyrum, & aliorum cum Christo uiuentium sancta corpora, quae uiua membra fuerunt Christi, & templum Spiritu sancti, ab ipso ad aeternam uitam suscitanda, & glorificanda, a fidelibus ueneranda esse, per quae multa beneficia a Deo hominibus praestantur: ita ut affirmantes, Sanctorum Reliquijs uenerationem, atque honorem non deberi, uel eas, aliaq. sacra monumenta a fidelibus inutiliter honorari, atque eorum opis impetranda causa Sanctorum memorias frustra frequentari, omnino damnandos esse, prout iampridem eos damnauit, & nunc etiam damnat Ecclesia. Imagines porro Christi, Deiparae uirginis, & aliorum Sanctorum, in templis praesertim habendas, & retinendas, eisq. debitum honorem, & uenerationem impertiendam; non quod credatur inesse aliqua in ijs diuinitas, uel uirtus, propter quam sint colendae, uel quod ab eis sit aliquid petendum, uel quod fiducia in imaginibus sit figenda, ueluti olim fiebat a gentibus, quae in idolis spem suam collocabant; sed quoniam honos, qui eis exhibetur, refertur ad prototypa, quae illae representant: ita ut per imagines, quas osculamur, & coram quibus caput aperimus, & procumbimus, Christum adoremus; & sanctos, quorum illae similitudinem gerunt, ueneremur. id quod Concilio rum, praesertim uero secunda Nicana Synodi decretis contra imaginum oppugnatores est sancitum.

Illud uero diligenter doceant Episcopi, per historias mysteriorum nostrae redemptionis, picturis, uel alijs similitudinibus expressas, erudiri, & confirmari populum in articalis fidei commemorandis, & assidue recolendis: tum uero ex omnibus sacris imaginibus magnum fructum percipi, non solum quia admonetur populus beneficiorum, & munerum, quae a Christo sibi collata sunt; sed etiam quia Dei per sanctos miracula, & salutaria exempla oculis fidelium subiiciuntur: ut pro ijs Deo gratias agant, ad Sanctorum imitationem uitam, moresq. suos componant: excitenturq. ad adorandum, ac diligendum Deum, & ad pietatem colendam. Si quis autem his decretis contraria docuerit, aut senserit; anathema sit. In has autem sanctas & salutes obseruationes si qui abusus irrepsierint, eos prorsus aboleri sancta Synodus uehementer cupit; ita ut nullae falsi Dogmatis imagines, & rudibus periculosi erroris occasionem praebentes, statuuntur. Quod si aliquando historias, & narrationes sacrae Scripturae, cum id indocte plebi expediet, exprimi, & figurari contigerit; doceatur populus, non propterea diuinitatem figurari,

quasi corporeis oculis confici, uel coloribus, aut figuris exprimi possit. Omnis porro superstitio in sanctorum inuocatione, reliquiarum ueneratione, & imaginum sacro usu tollatur; omnis turpis quaestus eliminetur; omnis denique lasciuia nitetur: ita ut procaci uenustate imagines non pingantur, nec ornentur, & sanctorum celebratione, ac Reliquiarum uisitatione homines ad comessationes atque ebrietates non abutantur; quasi festi dies in honorem Sanctorum per luxum, ac lasciuiam agantur. Postremo tanta circa hac diligentia, & cura ab Episcopis adhibeatur, ut nihil inordinatum, aut praepostere, & tumultuarie accommodatum; nihil profanum, nihilq. inhonestum appareat; cum domum Dei deceat sanctitudo. Hac ut fidelius obseruentur, statuit sancta Synodus, nemini licere ullo in loco, uel ecclesia, etiam quomodolibet exempta, ullam insolitam ponere, uel ponendam curare imaginem, nisi ab Episcopo approbata fuerit; nulla etiam admitenda esse noua miracula, nec nouas Reliquias recipiendas, nisi eodem recognoscante & approbante Episcopo, qui simulatque de ijs aliquid compertum habuerit; adhibitis in consilium Theologis, & alijs pijs uiris, ea faciat, quae ueritati, & pietati consentanea indicauerit. Quod si aliquis dubius, aut difficilis abusus sit extirpandus; uel omnino aliqua de ijs rebus grauior quaestio incidat; Episcopus, antequam controuersiam dirimat, Metropolitanis, & comprouincialium Episcoporum in Concilio prouinciali sententiam expectet; ita tamen, ut nihil, inconsulto Sanctissimo Romano Pontifice, nouum, aut in Ecclesia haecenus inusitatum decernatur.

## De Regularibus, &amp; Monialibus.

## Cap. I.

Eadem sacrosancta Synodus, reformationem prosequens, ea, quae sequuntur, statuenda esse censuit. Quoniam non ignorat sancta Synodus, quantum ex monasterijs pie institutis, & recte administratis, in Ecclesia Dei splendoris, atque utilitatis oriatur; necessarium esse censuit, quo facilius, ac maturius, ubi colapsa est, uetus, & regularis disciplina instauretur, & constantius, ubi conseruata est, perseueret, praecipere, prout hoc decreto praecipit, ut omnes Regulares, tam uiri, quam mulieres, ad Regulam, quam professi sunt, praescriptam uitam instuant, & componant; atque in primis, quae ad suae professionis perfectionem, ut obedientiae, paupertatis, & castitatis, ac si quae alia sunt alicuius Regulae, & Ordinis peculiaria uota, & praecepta, ad eorum respectiue essentiam, necnon ad communem uitam, uictum, & uestitum conseruanda pertinentia, fideliter obseruent. Omnisq. cura, & diligentia a Superioribus adhibeatur tam in Capitulis generalibus, & prouincialibus, quam in eorum uisitationibus, quae suis temporibus facere non praetermittant, ut ab illis non recedatur: cum compertum sit, ab eis non posse ea, quae ad substantiam Regularis uitae pertinent, relaxari. si enim illa, quae bases sunt, & fundamenta totius Regularis disciplinae, exacte non fuerint conseruata; totum corruat adificium necesse est.



## C A P V T II.

*Regularis nihil  
trahant*

Nemini igitur Regularium, tam uirorum, quam mulierum, liceat bona immobilia, uel mobilia, cuiuscumque qualitatis fuerint, etiam quouis modo ab eis acquisita, tamquam propria, aut etiam nomine conuentus possidere, uel tenere; sed statim ea Superiori tradantur, conuentuique incorporentur. Nec deinceps liceat Superioribus bona stabilia alicui Regulari concedere, etiam ad usum fructus uel usum, administrationem, aut commendam. Administratio autem bonorum, monasteriorum, seu conuentuum ad solos Officiales eorundem, ad nutum Superiorum amouibiles, pertineat. Mobilium uero usum ita Superiores permittant, ut eorum supellex statui paupertatis, quam professi sunt, conueniat, nihilque superflui in ea sit; nihil etiam, quod sit necessarium, eis denegetur. Quod si quis aliter quidquam tenere deprehensus, aut conuictus fuerit; is biennio actiua & passiuu uoce priuatus sit; atque etiam iuxta suae Regulæ, & Ordinis constitutiones puniatur.

## C A P V T III.

*Qui monia et  
mendicantium  
possint in con-*

Concedit sancta Synodus omnibus monasterijs, & domibus tam uirorum, quam mulierum, & mendicantium, exceptis domibus Fratrum sancti Francisci Capucinorum, & eorum, qui Minorum de obseruantia uocantur, etiam quibus aut ex constitutionibus suis erat prohibitum, aut ex priuilegio Apostolico non erat concessum, ut deinceps bona immobilia eis possidere liceat. Quod si aliqua loca ex prædictis, quibus auctoritate Apostolica similia bona possidere permissum erat, eis spoliata sint; eadem omnia illis restituenda esse decernit. In prædictis autem monasterijs, & domibus tam uirorum, quam mulierum, bona immobilia possidentibus, uel non possidentibus, is tantum numerus constituitur, ac in posterum conseruetur, qui uel ex redditibus proprijs monasteriorum, uel ex consuetis elemosynis commode possit sustentari: nec de cetero similia loca erigantur sine Episcopi, in cuius diocesi erigenda sunt, licentia prius obtenta.

## C A P V T IIII.

*Regularis nihil  
sine superioris  
licentia non  
possint in con-*

Prohibet sancta Synodus, ne quis Regularis, sine sui Superioris licentia, prædicationis, uel lectionis, aut cuiusuis pijs operis prætextu, subiiciat se obsequio alicuius Prelati, Principis, uel Vniuersitatis, uel communitatis, aut alterius cuiuscumque personæ, seu loci; neque ei aliquod priuilegium, aut facultas, ab alijs super ijs obtenta, suffragetur. Quod si contra fecerit; tamquam inobediens arbitrio Superioris puniatur. Nec liceat Regularibus a suis conuentibus recedere, etiam prætextu ad Superiores suos accedendi; nisi ab eisdem missi, aut uocati fuerint. Qui uero sine prædicto mandato, in scriptis obtento, repertus fuerit; ab Ordinarijs locorum tamquam desertor sui instituti puniatur. Illi autem, qui studiorum causa ad Vniuersitates mittuntur; in conuentibus tantum habitent: alioquin ab Ordinariis contra eos procedatur.

*Add. c. 10. in  
f. 80*

## CAPVT V.

Bonifacij Octauī constitutionem, quæ incipit, Periculoso: renouans sancta Synodus, uniuerſis Episcopis ſub obteſtatione diuini iudicij, & interminatione male dictionis æternæ, præcipit, ut in omnibus monaſterijs, ſibi ſubiectis, ordinaria, in alijs uero Sedis Apoſtolicæ auctoritate clauſuram Sanctimonialium, ubi uiolata fuerit, diligenter reſtitui, & ubi inuiolata eſt, conſeruari maxime procurent; inobedientes, atque contradictores per cenſuras Eccleſiaſticas, aliasq. pœnas, quacumque appellatione poſtpoſita, compeſcentes, inuocato etiam ad hoc, ſi opus fuerit, auxilio brachij ſecularis. Quod auxilium ut præbeat, omnes Chriſtianos Principes hortatur ſancta Synodus, & ſub excommunicationis pœna, ipſo facto incurrenda, omnibus magiſtratibus ſecularibus iniungit. Nemini autem Sanctimonialium liceat poſt profeſſionem exire a monaſterio, etiam ad breue tempus, quocumque prætextu, niſi ex aliqua legitima cauſa, ab Episcopo approbanda: indultis quibuſcumque & priuilegijs non obſtantibus. Ingredi autem intra ſepta monaſterij nemini liceat, cuiuſcumque generis, aut conditionis, ſexus, uel ætatis fuerit, ſine Episcopi, uel Superioris licentia, in ſcriptis obtenta, ſub excommunicationis pœna, ipſo facto incurrenda. Dare autem tantum Episcopus, uel Superior licentiam debet in caſibus neceſſarijs; neque alijs ullo modo poſſit, etiam uigore cuiuſcumque facultatis, uel indulti haſtenus conceſſi, uel in poſterum concedendi. Et quia monaſteria Sanctimonialium extra mœnia urbis, uel opidi conſtituta, malorum hominum prædæ, & alijs facinoribus ſine ulla ſæpe cuſtodia ſunt expoſita; curent Episcopi, & alij Superiores, ſi ita uidebitur expedire, ut Sanctimoniales ex eis ad noua, uel antiqua monaſteria intra urbes, uel opida frequentia reducantur, inuocato etiam auxilio, ſi opus fuerit, brachij ſecularis. Impedientes uero, uel non obedientes per cenſuras Eccleſiaſticas parere compellant.

## CAPVT VI.

In electione Superiorum quorumcumque, Abbatum temporalium, & aliorum Officialium, ac Generalium, & Abbatiffarum, atque aliarum Præpoſitarum, quæ omnia recte, & ſine ulla fraude fiant, in primis ſancta Synodus diſtincte præcipit, omnes ſupradictos eligi debere per uota ſecreta; ita ut ſingulorum eligentium nomina numquam publicentur. Nec in poſterum liceat, Prouinciales, aut Abbates, Priores, aut alios quoscumque Titulares ad effectum electionis faciendæ conſtituere; aut uoces, & ſuffragia abſentium ſupplere. Si uero contra huius decreti conſtitutionem aliquis electus fuerit, electio irrita ſit; & is, qui ad hunc effectum ſe in Prouincialem, Abbatem, aut Priorem creari permiſerit; deinceps ad omnia Officia, in religione obtinenda, inhabilis exiſtat; facultateſq. ſuper his conceſſæ, eo ipſo abrogatæ cenſeantur; & ſi in poſterum aliæ concedantur, tamquam ſubreptitiæ habeantur.



## C A P V T VII.

*Abatissa, & Priorissa, & quocumque alio nomine Praefecta, uel Praeposita ap-  
 pelletur, eligatur non minor annis quadraginta, & quæ octo annis post expres-  
 sam professionem laudabiliter uixerit. Quod si his qualitatibus non reperiatur  
 in eodem monasterio; ex alio eiusdem Ordinis eligi possit. Si hoc etiam incommo-  
 dum Superiori, qui electioni præest, uideatur; ex ijs, quæ in eodem monasterio  
 annum trigesimum exceßerint, & quinque saltem annis post professionem recte  
 uixerint, Episcopo, uel alio Superiore consentiente, eligatur. Duobus uero mo-  
 nasterijs nulla præficiatur. Et, si quæ duo, uel plura quocumque modo obtinet:  
 cogatur, uno excepto, intra sex menses cetera resignare. Post id uero tempus,  
 nisi resignauerit, omnia ipso iure uacent. Is uero, qui electioni præest, Episco-  
 pus, siue alius Superior claustra monasterii non ingrediatur; sed ante cancello-  
 rum fenestellam uota singularum audiat, uel accipiat. In reliquis seruentur sin-  
 gulorum Ordinum, uel monasteriorum constitutiones.*

## C A P V T VIII.

*Monasteria omnia, quæ generalibus Capitulis, aut Episcopis non subsunt, nec  
 suos habent ordinarios regulares Visitatores, sed sub immediata Sedis Apostoli-  
 ca protectione, ac directione regi consueuerunt; teneantur infra annum a fine præ-  
 sentis Concilii, & deinde quolibet triennio sese in congregationes redigere, iuxta  
 formam Constitutionis Innocentii tertii in Concilio generali, quæ incipit, In  
 singulis; ibiq. certas Regulares personas deputare, quæ de modo, & ordine, de  
 prædictis congregationibus erigendis, ac statutis in eis exequendis deliberent, &  
 statuunt. Quod si in his negligentes fuerint; liceat Metropolitano, in cuius pro-  
 uincia prædicta monasteria sunt, tamquàm Sedis Apostolicæ delegato, eos pro præ-  
 dictis causis conuocare. Quod si infra limites unius provinciae non sit sufficiens ta-  
 lium monasteriorum numerus ad erigendam congregationem; possint duarum, uel  
 trium pronunciarum monasteria unam facere congregationem. Ipsis autem con-  
 gregationibus constitutis, illarum generalia Capitula, & ab illis electi Praesides,  
 uel uisitatores eandem habeant auctoritatem in suæ congregationis monasteria,  
 ac Regulares in eis commorantes, quam alii Praesides ac Visitatores in ceteris  
 habent Ordinibus; teneanturq. suæ congregationis monasteria frequenter uisita-  
 re; & illorum reformationi incumbere; & ea obseruare, quæ in sacris Canonibus,  
 & in hoc sacro Concilio sunt decreta. Quod si etiam, Metropolitano instan-  
 te, prædicta exequi non curauerint; Episcopis, in quorum diocesis loca præ-  
 dicta sita sunt, tamquam Sedis Apostolicæ delegatis, subdantur.*

## C A P V T IX.

*Monasteria Sanctimonialium, sanctæ Sedis Apostolicæ immediate subiecta,  
 etiam sub nomine Capitulorum sancti Petri, uel sancti Ioannis, uel alias quomo-  
 documque*

documque nuncupentur, ab Episcopis, tamquam dictæ Sedis delegatis gubernentur, non obstantibus quibuscumque. Quæ uero a deputatis in Capitulis generalibus, uel ab aliis Regularibus reguntur; sub eorū cura et custodia relinquantur.

## CAPUT X.

Attendant diligentes Episcopi, & ceteri Superiores monasteriorum Sanctimonialium, ut in constitutionibus earum admoneantur Sanctimoniales, ut saltem semel singulis mensibus confessionem peccatorum faciant; & sacrosanctam Eucharistiam suscipiant: ut eo se saluari presidio muniant ad omnes oppugnationes Dæmonis fortiter superandas. Præter ordinarium autem confessorem alius extra ordinarius ab Episcopo, et aliis Superioribus bis aut ter in anno offeratur; qui omnium confessiones audire debeat. Quod uero Sanctissimum Christi corpus intra chorum, uel septa monasterii, & non in publica Ecclesia conferuetur, prohibet sancta Synodus: non obstante quocumque indulto, aut priuilegio.

Mon. ius  
et Eucharistia  
sac. suscipiend  
et modo in cu

## CAPUT XI.

In monasteriis, seu domibus uirorum, seu mulierum, quibus imminet animarum cura personarum secularium, præter eas, quæ sunt de illorum monasteriorum seu locorum familia personarum, tam Regulares, quam seculares, huiusmodi curam exercentes, subsint immediate in iis, quæ ad dictam curam, & Sacramentorum administrationem pertinent iurisdictioni, uisitationi, & correctioni Episcopi, in cuius diœcesi sunt sita. Nec ibi aliqui, etiam ad nutum amouibiles, deputentur, nisi de eiusdem consensu, ac præuio examine, per eum, aut eius Vicarium faciendo, excepto monasterio Cluniacensium cum suis limitibus, & exceptis etiam iis monasteriis, seu locis, in quibus Abbates, Generales, aut Capita ordinum sedem ordinariam principalem habent, atque aliis monasteriis, seu domibus, in quibus Abbates, aut alii Regularium Superiores iurisdictionem Episcopalem, & temporalem in Parochos, & Parochianos exercent: saluo tamen eorum Episcoporum iure, qui maiorem in prædicta loca, uel personas iurisdictionem exercent.

Mon. ius  
nam cura p  
quor. representat

## CAPUT XII.

Censuræ, & interdicta, nedum a Sede Apostolica emanata, sed etiam ab Ordinariis promulgata, mandante Episcopo, a Regularibus in eorum ecclesiis publicentur, atque seruentur. Dies etiam festi, quas in diœcesi sua seruandos idem Episcopus præceperit, ab exemptis omnibus, etiam Regularibus, seruentur.

## CAPUT XIII.

Controuersias omnes de præcedentia, quæ persæpe maximo cum scandalo oriuntur inter Ecclesiasticas personas, tam saculares, quam Regulares, cum in processibus publicis, tum in iis, quæ fiunt in tumulandis defunctorum corporibus,

Controuersia p  
dictis in processu  
niz ab ordinari  
terminet. Ac cogn  
iurisdictionem  
compti



& in deferenda ombella, & aliis similibus, Episcopus, amota omni appellatione, & non obstantibus quibuscumque, componat. Exempti autem omnes, tam clerici seculares, quam Regulares, quicumque, etiam monachi, ad publicas processiones uocati, accedere compellantur; ijs tantum exceptis, qui in strictiori clausura perpetuo uiuunt.

## C A P V T XIII.

Regularis, non subditus Episcopo, qui intra claustra monasterii degit, & extra ea ita notorie deliquerit, ut populo scandalo sit; Episcopo instante, a suo Superiore intra tempus, ab Episcopo praefigendum, seuere puniatur; ac de punitione Episcopum certiores faciat: sin minus, a suo Superiore officio priuetur; & delinquens ab Episcopo puniri possit.

## C A P V T XV.

Professione ipsa

In quacumque religione, tam uirorum, quam mulierum professio non fiat ante decimum sextum annum expletum; nec qui in minore tempore, quam per annum post susceptum habitum in probatione steterit, ad professionem admittatur. Professio autem antea facta, sit nulla; nullamque inducat obligationem ad alicuius Regulae, uel religionis, uel ordinis observationem, aut ad alios quoscumque effectus.

## C A P V T XVI.

Pro his qui renuntiant  
et obligatio qm et  
quante fiat

Nulla quoque renunciatio, aut obligatio, antea facta, etiam cum iuramento, uel in fauorem cuiuscumque causae piae, ualeat, nisi cum licentia Episcopi, sine eius Vicarii fiat, intra duos menses proximos ante professionem; ac non alias intelligatur effectum suum sortiri, nisi secuta professione: aliter uero facta, etiam si cum huius fauoris expressa renuntiatione, etiam iurata, sit irrita, et nullius effectus. Finito tempore nouitiatus, Superiores, nouitios, quos habiles inuenerint, ad profitendum admittant; aut e monasterio eos euicant. Per hac tamen sancta Synodus non intendit aliquid innouare; aut prohibere, quin religio clericorum Societatis Iesu, iuxta pium eorum institutum, a sancta sede Apostolica approbatum, Domino, & eius Ecclesiae inseruire possint: sed neque ante professionem, excepto uictu, & uestitu, nouitii, uel nouitiae illius temporis, quo in probatione est, quocumque praetextu, a parentibus, uel propinquis, aut curatoribus eius monasterio aliquid ex bonis eiusdem tribuatur: ne hac occasione discedere nequeat, quod totum, uel maiorem partem substantiae sua monasterium possideat; nec facile, si discesserit, id recuperare possit: quin potius praecipit sancta Synodus sub anathematis poena dantibus, & recipientibus, ne hoc ullo modo fiat; & ut abeuntibus ante professionem omnia restituantur, quae sua erant, quod ut recte fiat, Episcopus, etiam per censuras Ecclesiasticas, si opus fuerit, compellat.

Nouitii huiusmodi  
non solum  
et uictum  
monasterio  
et huiusmodi  
q sua erant

## CAPUT XVII.

Libertati professionis uirginum Deo dicandarum prospiciens sancta Synodus, statuit, atque decernit, ut, si puella, quæ habitum Regularem suscipere uoluerit, maior duodecim annis sit; non ante eū suscipiat; nec postea ipsa, uel alia professionem emittat, quam explorauerit Episcopus, uel, eo absente, uel impedito, eius Vicarius, aut aliquis eorum sumptibus ab eis deputatus, uirginis uoluntatem diligenter, an coacta, an seducta sit, an sciat, quid agat, et si uoluntas eius pia, ac libera cognita fuerit; habueritque condiciones requisitas iuxta monasterij illius, & Ordinis regulam; necnon monasterium fuerit idoneum; libere ei proficere liceat. cuius professionis tempus ne Episcopus ignoret; teneatur Praefecta monasterio eum ante mensem certiores facere. quod si Praefecta certiores Episcopum non fecerit; quamdiu Episcopo uidebitur ab officio suspensa sit.

*Mon. lig. qn. et q.  
litter. habitus  
sape et pssim  
facere debent*

## CAPUT XVIII.

Anathemati sancta Synodus subiicit omnes, & singulas personas, cuiuscumque qualitatis, uel condicionis fuerint, tam clericos, quam laicos, seculares, uel Regulares, atque etiam qualibet dignitate fungentes, si quomodocumque coegerint aliquam uirginem, uel uiduam, aut aliam quamcunque mulierem inuitam, praeterquam in casibus iniure expressis, ad ingrediendum monasterium, uel ad suscipiendum habitum cuiuscumque religionis, uel ad emittendam professionem; quique consilium, auxilium, uel fauorem dederint; quiq. scientes eam non sponte ingredi monasterium, aut habitum suscipere, aut professionem emitte-  
re; quoquo modo eidem actui uel praesentiam, uel consensum, uel auctoritatem interposuerint. Simili quoque anathemati subiicit eos, qui sanctam uirginē, uel aliarum mulierum uoluntatem ueli accipiendi, uel noti emittendi, quoquomodo sine iusta causa impedierint. Ea q. omnia, & singula, quae ante professionem, uel in ipsa professione fieri oportet, seruentur non solum in monasterijs subiectis Episcopo, sed & in alijs quibuscumque. Ab his tamen excipiuntur mulieres, quae Penitentes, aut Conuerstita appellantur: in quibus constitutiones earū seruentur.

*De coactis uel  
impuellis fieri  
non debent*

## CAPUT XIX.

Quicumque Regularis pratendat, se per nīm & metum ingressum esse religionem; aut etiam dicat, ante aetatem debitam profissum fuisse; aut quid simile; uelitque habitum dimittere quacumque de causa; aut etiam cum habitu discedere sine licentia Superiorum; non audiat, nisi intra quinquennium tantum a die professionis, & tunc non aliter, nisi causas, quas pratenderit, deduxerit coram Superiore suo, & Ordinario. Quod si ante habitum sponte dimiserit; nullatenus ad allegandum quamcunque causam admittatur, sed ad monasterium redire cogatur, & tamquam apostata puniatur: interim uero nullo priuilegio sua religionis inuetur. Nemo Regularis cuiuscumque facultatis uigore transferatur

*Regularis quatuor  
posse perire mo  
ut huiusmodi ad  
dian religionem*



ad laxiorem religionem; nec detur licentia cuiquam Regulari occulte ferendi habitum suae religionis.

## C A P V T XX.

*Abbatibus, qui sunt Ordinum Capita, ac ceteri praedictorum Ordinum Superiores, Episcopis non subiecti, quibus est in alia inferiora monasteria, Prioratusque legitima iurisdictio, eadem illa sibi subdita monasteria, & Prioratus, suo quisque loco, atque ordine, ex officio uisitent, etiam si commendata existant. Quae cum Ordinum suorum Capitibus subsint, declarat sancta Synodus, in iis, quae alias de uisitatione monasteriorum commendatorum definita sunt, non esse comprehensa: teneanturque quicumque praedictorum Ordinum monasteriis praesunt, praedictos Visitatores recipere, et illorum ordinationes exequi. Ipsa quoque monasteria, quae sunt Ordinum Capita, iuxta sanctae Sedis Apostolicae, & cuiusque Ordinis constitutiones uisitentur. Et quamdiu durabunt huiusmodi commendae, Priores claustrales, aut in Prioratibus conuentum habentibus, Subpriores, qui correctiones, et spirituale regimen exercent, a Capitulis generalibus, uel ipsorum Ordinum Visitoribus instituantur. In ceteris omnibus praefatorum Ordinum priuilegia, & facultates, quae ipsorum personas, loca, & iura cöcernunt firma sint, et illaesa.*

## C A P V T XXI.

*Cum pleraque monasteria, etiam Abbatiae, Prioratus, & Praepositurae ex malis eorum; quibus commissa fuerunt, administratione non leuia passa fuerint tam in spiritualibus, quam in temporalibus detrimenta; cupit sancta Synodus ea ad congruam monasticam uitae disciplinam omnino reuocare, uerum adeo dura, difficilisque est praesentium temporum condicio, ut nec statim omnibus, nec cömune ubique, quod optaret, remedium possit adhiberi: ut tamen nihil praetermittat, unde praedictis salubriter aliquando prouideri possit; primum quidem confidit, Sanctissimum Romanum Pontificem pro sua pietate, & prudentia curaturum, quantum hac tempora ferre posse uiderit, ut iis, quae nunc commendata reperiuntur, & quae suos conuentus habent, Regulares personae, eiusdem Ordinis expresse professae, & quae gregi praere, & praeesse possint, praeficiantur. Quae uero in posterum uacabunt, non nisi Regularibus spectatae uirtutis, & sanctitatis conferantur. Quo ad uero ea monasteria, quae Capita sunt, ac Primates Ordinum, siue Abbatiae, siue Prioratus, filia illorum Capitum nuncupantur; teneantur illi, qui in praesenti ea in commendam obtinent, nisi sit eis de Regulari successore prouisum, infra sex menses religionem illorum Ordinum propria solemniter profiteri, aut ipsi cedere: alias commendae praedictae ipso iure uacare censeantur. Ne autem in praedictis omnibus, & singulis fraus aliqua adhiberi possit; mandat sancta Synodus, ut in prouisionibus dictorum monasteriorum qualitas singulorum nominatim exprimatur: aliterque facta prouisio subreptitia esse censeatur, nullaque subsequenti possessione, etiam triennali, adiuuetur.*


## CAPVT XXII.

*Hæc omnia, & singula in superioribus decretis contenta, obseruari sancta Synodus præcipit in omnibus cœnobijs, ac monasterijs, collegijs, ac domibus quorumcumque monachorum, ac Regulariorum, necnon quarumcumque Sanctimonialium uirginum, ac uiduarum, etiam si illæ sub gubernio militiarum, etiam Hierosolimytanæ, uiuant, et quocumque nomine appellentur, sub quacumque regula, uel constitutionibus, & sub custodia, uel gubernatione, uel quauis subiectione, aut annexione, uel dependentia cuiuscumque Ordinis, mendicantium, uel non mendicantiũ uel aliorũ Regularium monachorum, aut Canonikorũ quorumcumque; non obstantibus eorum omnium, & singulorũ priuilegijs sub quibuscumque formulis uerborum conceptis, ac, Mare magnum, appellatis, etiam in fundatione obtentis, necnon constitutionibus, et regulis etiam iuratis, atque etiã consuetudinibus, uel præscriptionibus, etiam immemorabilibus. Si qui uero regulares tam uiri, quam mulieres sunt, qui sub arctiori Regula, uel statutis uiuunt, excepta facultate habendi bona stabilia in communi, eos ab eorum instituto, & obseruantia sancta Synodus amouere non intendit. Et quia sancta Synodus desiderat, ut omnia, & singula supradicta quamprimum executioni demandentur; præcipit omnibus Episcopis, in monasterijs sibi subiectis, & in omnibus alijs, ipsis in superioribus decretis specialiter cõmissis, atque omnibus Abbatibus, & Generalibus, & alijs superioribus Ordinum supradictorum, ut statim prædicta exequantur. Et si quid executioni mandatum non sit, Episcoporum negligentiam Concilia provincialia suppleant, & coerceant. Regularium uero Capitula provincialia, & generalia, & in defectum Capitulorum generalium Concilia provincialia per deputationem aliquorum eiusdem Ordinis provideant. Hortatur etiam sancta Synodus omnes Reges, Principes, Resp. & Magistratus, & in uirtute sanctæ obedientiæ præcipit, ut uelint prædictis Episcopis, Abbatibus, ac Generalibus, & ceteris Præfectis in superius contentæ reformationis executione suum auxilium, & auctoritatem interponere, quoties fuerint requisiti; ut sine ullo impedimento præmissa rectæ exequantur ad laudem Dei omnipotentis.*

*Obseruatio fm  
cop.*

## DECRETVM DE REFORMATIONE.

## CAPVT I.

 *ptandum est, ut ij, qui Episcopale ministerium suscipiunt, quæ suæ sint partes, agnoscant; ac se non ad propria commoda, non ad diuitias, aut luxum, sed ad labores & sollicitudines pro Dei gloria uocatos esse intelligant. nec enim dubitandum est, & fideles reliquos ad religionem, innocentiamq. facilius inflammandos, si Præpositos suos uiderint non ea, quæ mundi sunt sed animarum salutem, ac cælestem Patriam cogitantes. Hæc cum ad restituendâ Ecclesiasticâ disciplinâ præcipua esse sancta Synodus animaduertat; admonet Episcopos omnes, ut secum ea sæpe meditantes, factis etiam ipsis, ac uitæ actionibus,*



quod est veluti perpetuum quoddam predicandi genus, se muneri suo conformes ostendant: in primis uero ita mores suos omnes componant, ut reliqui ab eis frugalitatis, modestiæ, continentiae, ac, quæ nos tantopere commendat Deo, sanctæ humilitatis exempla petere possint. Quapropter exemplo Patrum nostrorum in Concilio Carthaginensi non solum iubet, ut Episcopi modesta suppellectili, & mensa, ac frugali uictu contenti sint; uerum etiam in reliquo uitæ genere, ac tota eius domo caueant, ne quid appareat, quod a sancto hoc instituto sit alienum; quodq. non simplicitatem, Dei zelum, ac uanitatum contemptum præ se ferat. Omnino uero eis interdicat, ne ex redditibus ecclesiæ consanguineos familiaresue suos augere studeant: cum & Apostolorum Canones prohibeant, ne res Ecclesiasticas, quæ Dei sunt, consanguineis donent; sed, si pauperes sint, ijs, ut pauperibus, distribuant; eas autem non distrahant, nec dissipent illorum causa: immo quammaxime potest, eos sancta Synodus monet, ut omnem humanum hunc erga fratres, nepotes, propinquosq. carnis affectum, unde multorum malorum in Ecclesia seminarium exstat, penitus deponant. Quæ uero de Episcopis dicta sunt; eadem non solum in quibuscumque beneficia Ecclesiastica, tam secularia, quam regularia obtinentibus, pro gradus sui conditione obseruari; sed ad sanctæ Romanæ Ecclesiæ Cardinales pertinere decernit: quorum consilio apud sanctissimum Romanum Pontificem cum uniuersalis Ecclesiæ administratio nitatur, nefas uideri potest, non ijs etiam uirtutum insignibus, ac uiuendi disciplina eos fulgere, quæ merito omnium in se oculos conuertant.

## C A P V T II.

Cogit temporum calamitas, & inualescentium hæresum malitia, ut nihil sit prætermittendum, quod ad populorum ædificationem, & Catholicæ fidei præsidium aideatur posse pertinere. Præcipit igitur sancta Synodus Patriarchis, Primatibus, Archiepiscopis, Episcopis, et omnibus alijs, qui de iure, uel consuetudine in Concilio prouinciali interesse debent, ut in ipsa prima Synodo prouinciali post finem præsentis Concilii habenda, ea omnia, & singula, quæ ab hac sancta Synodo definita, & statuta sunt, palam recipiant; necnon ueram obedientiam summo Romano Pontifici spondeant, & profiteantur; simulq. hæreses omnes, a sacris Canonibus, & generalibus Concilijs, præsertimq. ab hac eadem Synodo damnatas, publice detestentur, & anathematizent. Idemq. in posterum quicumque in Patriarchas, Primates, Archiepiscopos, Episcoposq. promouendi, in prima Synodo prouinciali, in qua ipsi interfuerint, omnino obseruent, Quod si quis ex supradictis omnibus, quod absit, renuerit; Episcopi comprouinciales statim summum Romanum Pontificem admonere sub pena diuinæ indignationis teneantur; interimq. ab eiusdem cõmunionem abstineant. Ceteri uero omnes siue in præsentem, siue in futurum beneficia Ecclesiastica habituri, & qui in Synodo diæcesana conuenire debent; idem, ut supra in ea Synodo, quæ primo quoque tempore celebrabi-

tur, faciant, & obseruent, alias secundum formam sacrorum Canonum puniantur. Ad hæc, omnes ij. ad quos Vniuersitatum, & Studiorum generalium cura, uisitatio, & reformatio pertinet, diligenter curent, ut ab eisdem Vniuersitatibus Canones, & decreta huius sanctæ Synodi integre recipiantur; ad eorumq. normā magistri, doctores, & alii in eisdem Vniuersitatibus ea, quæ Catholica fidei sunt, doceant, & interpretentur; seq. ad hoc institutum initio cuiuslibet anni solemnī iuramento obstringant; sed & si aliqua alia in prædictis Vniuersitatibus correctione, & reformatione digna fuerint, ab eisdem, ad quos spectat, pro religionis & disciplinæ Ecclesiasticæ augmento emendentur, & statuuntur. Quæ uero Vniuersitates immediate summi Romani Pontificis protectioni, & uisitationi sunt subiectæ; has sua Beatitudo per eius delegatos eadem, qua supra, ratione, & prout ei utilius uisum fuerit, salubriter uisitari, & reformari curabit.

## C A P V T III.

Quamuis excommunicationis gladius neruus sit Ecclesiasticæ disciplina, & ad continendos in officio populos ualde salutaris: sobrie tamen, magnaq. circumspectione exercendus est: cum experientia doceat, si temere, aut leuibus ex rebus incutiat, magis contemni, quam formidari; & perniciem potius parere, quā salutem. Quapropter excommunicationes illæ, quæ monitionibus præmissis, ad finē reuelationis, ut aiunt, aut prodeperditis, seu subtraclis rebus ferri solent, a nemine prorsus, præterquam ab Episcopo, decernantur; & tunc non alias, quam ex re non uulgari, causaq. diligenter, ac magna maturitate per Episcopum examinata, quæ eius animum moueat; nec ad eas concedendas cuiusuis secularis, etiam Magistratus auctoritate adducatur: sed totum hoc in eius arbitrio, & conscientia sit positum: quando ipse pro re, loco, persona, aut tempore eas decernendas esse iudicauerit. In causis uero iudicialibus mandatur omnibus iudicibus Ecclesiasticis, cuiuscumque dignitatis existant, ut quando cumque executio realis, uel personalis in qualibet parte iudicii propria auctoritate ab ipsis fieri poterit, abstineant se tam in procedendo, quā in definiendo, a censuris Ecclesiasticis, seu interdicto: sed liceat eis, si expedire uidebitur, in causis civilibus, ad forum Ecclesiasticum quomodolibet pertinentibus, contra quoscumque, etiam laicos, per multas pecuniarias, quæ locis piis, ibi existentibus, eo ipso, quod exactæ fuerint, assignentur; seu per captionem pignorum, personarumq. distractionem, per suos proprios, aut alienos executores faciendam; siue etiam per priuationem beneficiorum, aliaq. iuris remedia procedere, & causas definire. Quod si executio realis, uel personalis aduersus reos hac ratione fieri non poterit; sitq. erga iudicem contumacia: tunc eos etiam anathematis mucrone, arbitrio suo, præter alias pœnas ferire poterit. In causis quoque criminalibus, ubi executio realis uel personalis, ut supra, fieri poterit; erit a censuris abstinentiū: sed si dictæ executioni facile locus esse nō possit; licebit iudici hoc spiritali gladio in delinquentes uti; si tamen

Expositio per nos  
p. d. d. d.

Iudices abstinent a  
com. p. re. et  
interdicto, si uel  
in multis pœnis



delicti qualitas, precedente bina saltem monitione, etiam per edictum, id postulet. Nefas autem sit seculari cuilibet Magistratui prohibere Ecclesiastico iudici, ne quem excommunicet; aut mandare, ut latam excommunicationem reuocet, sub prætenu, quod contenta in præfenti decreto non sint obseruata; cum non ad seculares, sed ad Ecclesiasticos hæc cognitio pertineat. Excommunicatus uero quicumque, si post legitimas monitiones non resipuerit, non solum ad sacramenta, & communionem fidelium, ac familiaritatē non recipiatur: sed si obdurato animo, censuris annexus, in illis per annum inforduerit; etiam contra eum, tamquam de hæresi suspectum, procedi possit.

## C A P V T III.

*Missarum reductio,  
sua ultimæ uoluntatis  
in commutatio*

Contingit sæpe in quibusdam ecclesiis uel tam magnum Missarum celebrandarum numerum ex uarijs defunctorum relictis impositum esse, ut illis pro singulis diebus, a testatoribus præscriptis, nequeat satis fieri; uel eleemosynam huiusmodi pro illis celebrandis adeo tenuem esse, ut non facile inueniatur, qui uelit huic se muneris subiungere; unde depereunt pia testantium uoluntates; & eorum conscientias, ad quos prædicta spectant, onerandi occasio datur. Sancta Synodus, cupiens hæc, ad pios usus relictis, quo plenius, & utilius potest impleri, facultatem dat Episcopis, ut in Synodo diocesana, itemq. Abbatibus, & Generalibus Ordinibus, ut in suis Capitulis generalibus, re diligenter perspecta, possint pro sua conscientia in prædictis ecclesiis, quas hac prouisione indigere cognouerint, statuere circa hæc, quidquid magis ad Dei honorem, & cultum, atque ecclesiarum utilitatem uiderint expedire; ita tamen, ut eorum semper defunctorum commemoratio fiat, qui pro suarum animarū salute legata ea ad pios usus reliquerunt.

## C A P V T V.

*In prouisionibus non  
detrahit qualitas  
sibi beneficiorum*

Ratio postulat, ut illis, quæ bene constituta sunt, contrarijs ordinationibus non detrahatur. quando igitur ex beneficiorum quorumcumque erectione, seu fondatione, aut alijs constitutionibus, qualitates aliquæ requiruntur; seu certa illis onera sunt iniuncta, in beneficiorum collatione, seu in quacumque alia dispositione, eis non derogetur. Idem in præbendis Theologalibus, magistralibus, doctoralibus, aut Presbyteralibus, Diaconalibus, ac Subdiaconalibus, quandocumque ita constituta fuerint, obseruetur, ut eorum qualitatibus, uel Ordinibus nihil in ulla prouisione detrahatur: & aliter facta prouisio subreptitia censeatur.

## C A P V T VI.

Statuit sancta Synodus, ut in omnibus ecclesiis cathedralibus, & collegiatis decretum sub sel. rec. Paulo III, quod incipit, Capitula cathedralium, obseruetur non solum, quando Episcopus uisitauerit; sed & quoties ex officio, uel ad petitionē alicuius, contra aliquē ex cōtentis in dicto decreto, procedat: ita tamen, ut, cū extra uisitationē processerit, infra scripta omnia locū habeant: uidelicet, ut Capi

tulum initio cuiuslibet anni eligat ex Capitulo duos: de quorum consilio, & assensu Episcopus, uel eius Vicarius, tam in formando processum, quam in ceteris omnibus actibus usque ad finem causæ inclusivæ, coram notario tamen ipsius Episcopi, & in eius domo, aut consueto tribunali procedere teneatur. Vnum autem tantum sit utriusque uotum; possitq. alter Episcopo accedere. Quod si ambo ab Episcopo discordes in aliquo actu, seu interlocutoria, uel definitiva sententia fuerint; tunc intra sex dierum spatium cum Episcopo tertium eligant. et, si in electione tertii etiam discordent; ad uiciniorum Episcopum electio deuoluatur; & iuxta eam partem, cum qua tertius conueniet, articulus, in quo erat discordia, terminetur: alias processus, & inde secuta nulla sint, nullosq. producant iuris effectus. In criminibus tamen ex incontinentia prouenientibus, de qua in decreto de concubinariis, & in atrocioribus delictis, depositionem, aut degradationem requiruntibus, ubi de fuga timetur, ne iudicium eludatur, & ideo opus sit personali detentione, possit initio solus Episcopus ad summariam informationem, & necessariam detentionem procedere: seruato tamen in reliquis ordine præmissis. In omnibus autem casibus ea ratio habeatur, ut iuxta qualitatem delicti, ac personarum, delinquentes ipsi in loco decenti custodiantur. Episcopis præterea ubique is honor tribuatur, qui eorum dignitati par est; eisq. in choro, & in Capitulo, in Processionibus, & alijs actibus publicis sit prima sedes, & locus, quem ipsi elegerint, & præcipua omnium rerum agendarum auctoritas. Qui si aliquid Canonice ad deliberandum proponant: nec de re ad suum, uel suorum commodum spectante agatur: Episcopi ipsi Capitulum conuocent; nota exquirant; & iuxta ea concludant. Absente uero Episcopo omnino hoc ab ijs de Capitulo, ad quos hoc de iure, uel consuetudine spectat, perficiatur; nec ad id Vicarius Episcopi admittatur. Certis autem in rebus Capituli iurisdictio, & potestas, si qua eis competit, & bonorum administratio salua, & intacta omnino relinquatur. Qui uero non obtinent dignitates, nec sunt de Capitulo; hi omnes in causis Ecclesiasticis Episcopo subiiciantur: non obstantibus, quo ad supradicta, priuilegijs, etiam ex fundatione competentibus, necnon consuetudinibus, etiam immemorabilibus, sententijs iuramentis, concordijs quæ tantum suos obligent auctores: saluis tamen in omnibus priuilegijs, quæ Vniuersitatibus studiorum generalium, seu earum personis sunt concessa. Hæc autem omnia, & singula in ijs Ecclesijs locum non habeant, in quibus Episcopi, aut eorum Vicarij ex constitutionibus, uel priuilegijs, aut consuetudinibus siue concordijs, seu quocumque alio iure maiorem habent potestatem, auctoritatem, ac iurisdictionem, quam præsentis decreto sit comprehensum; quibus sancta Synodus derogare non intendit.

CAPUT VII.

Cum in beneficijs Ecclesiasticis ea, quæ hæreditaria successionis imaginem referunt, sacris constitutionibus sint odiosa, & Patrum decretis contraria, nemini

*Modus procedendi  
in causis*



*in posterum accessus, aut regressus, etiam de consensu, ad beneficium Ecclesiasticum cuiuscumque qualitatibus concedatur; nec hactenus concessi suspendantur, extendantur, aut transferantur. Hocq. decretum in quibuscumque beneficijs Ecclesiasticis, ac etiam cathedralibus ecclesijs, ac in quibuscumque personis, etiam Cardinalatus honore fulgentibus, locum habeat. In Coadiutorijs quoque cum futura successione idem posthac obseruetur; ut nemini in quibuscumque beneficijs Ecclesiasticis permittantur. Quod si quando ecclesiæ cathedralis, aut monasterii urgens necessitas, aut evidens utilitas postulet Pralato dari Coadiutorem; is non alias cum futura successione detur, quam hac causa prius diligenter a Sanctissimo Romano Pontifice sit cognita; & qualitates omnes in illo concurrere certum sit, quæ a iure, & decretis huius sanctæ Synodi in Episcopis, & Pralatis requiruntur: alias concessiones super his factæ subreptitiæ esse censentur.*

## C A P V T . VIII.

*Admonet sancta Synodus quoscumque Ecclesiastica beneficia, secularia, seu Regularia obtinentes, ut hospitalitatis officium, a sanctis Patribus frequenter commendatum, quantum per eorum prouentus licebit, prompte, benigneq. exercere assuescant; memores, eos, qui hospitalitatem amant, Christum in hospitibus recipere. illis uero, qui hospitalia uulgo nuncupata, seu alia pia loca, ad peregrinorum, infirmorum, senum, pauperumue usum precipue instituta in commendam, administrationem aut quæcumque titulum, aut etiam ecclesijs suis unita, obtinent; uel si ecclesiæ Parochiales, hospitalibus forte unita, aut in hospitalia erecta, earumq. patronis in administrationem concessæ sint; præcipit omnino, ut impositum illis onus, officiumue administrent, atque hospitalitatem, quam debent, ex fructibus ad id deputatis actu exerceant, iuxta Constitutionem Concilij Vinnensis, alias in hac eadem Synodo sub fel. rec. Paulo. III innotatam, quæ incipit, Quia contingit. Quod si hospitalia hæc ad certum peregrinorum, aut infirmorum, aut aliarum personarum genus suscipiendum fuerint instituta; nec in loco, ubi sunt dicta hospitalia, similes personæ, aut per pauca reperiuntur; mandatur adhuc, ut fructus illorum in alium pium usum, qui eorum institutioni proximior sit, ac pro loco, & tempore utilior, conuertantur, prout Ordinario cum duobus de Capitulo, qui rerum usu peritiores sint, per ipsum deligendis, magis expedire uisum fuerit: nisi aliter forte, etiam in hanc euentum, in eorum fundatione, aut institutione fuerit expressum: quo casu, quod ordinatum fuit, obseruari curret Episcopus; aut, si id non possit, ipse, prout supra, utiliter provideat. Itaque si prædicti omnes, & singuli, cuiuscumque Ordinis, & religionis, & dignitatis, etiam si laici fuerint, qui administrationem hospitalium habent, non tamen Regularibus subiecti, ubi uiget Regularis obseruantia, ab Ordinario monti, hospitalitatis munus, adhibitis omnibus, ad quæ tenentur, necessarijs, re ipsa obire cessauerint; non solum per Ecclesiasticas censuras, & alia iuris remedia ad id*

compelli possint; sed etiam hospitalis ipsius administratione, curae perpetuo priuari possint; alijq. eorum loco ab ijs, ad quos spectabit, substituuntur. Et praedicti nihilominus, etiam ad fructuum restitutionem, quos contra ipsorum hospitalium institutionem perceperunt, quae nulla eis remissione, aut compositione indulgeatur, in foro conscientiae teneantur: nec administratio, seu gubernatio huiusmodi locorum uni & eidem personae ultra triennium deinceps committatur; nisi aliter in fundatione cautum reperiatur: non obstante, quo ad omnia supradicta, quacumque unione, exemptione, & consuetudine in contrarium, etiam immemorabili, seu privilegijs, aut indultis quibuscumque.

## C A P V T IX.

Sicuti legitima patronatum iura tollere, piaq. fidelium uoluntates in eorum institutione uiolare aequum non est: sic etiam ut hoc colore beneficia Ecclesiastica in seruitutem, quod a multis impudenter fit, redigantur, non est permittendum. Ut igitur debita in omnibus ratio obseruetur; decernit sancta Synodus, ut titulus iuris patronatus sit ex fundatione, uel dotatione; qui ex authentico documento, & alijs iure requisitis ostendatur; siue etiam ex multiplicatis praesentationibus per antiquissimum temporis cursum, qui hominum memoriam excedat, aliasue secundum iuris dispositionem. In ijs uero personis, seu Communitatibus, uel Vniuersitatibus, in quibus id ius plerumque ex usurpatione potius quaesitum praesumi solet, plenior, & exactior probatio ad docendum uerum titulum requiratur. nec in memorabilis temporis probatio aliter eis suffragetur, quam si, praeter reliqua ad eam necessaria, praesentationes, etiam continuatae, non minori saltem, quam quinquaginta annorum spatio, quae omnes effectum sortita sint, authenticis scripturis probentur. Reliqui patronatus omnes in beneficijs, tam secularibus, quam Regularibus, seu parochialibus, uel dignitatibus, aut quibuscumque alijs beneficijs, in cathedrali, uel collegiata ecclesia; seu facultates, & privilegia concessa, tam in uim patronatus, quam alio quocumque iure nominandi, eligendi, praesentandi ad ea, cum uacant, exceptis patronatibus, super cathedralibus ecclesijs competentibus, & exceptis alijs, quae ad Imperatorem, & Reges, seu regna possidentes, aliosq. sublimes, ac supremos Principes, iura Imperij in dominis suis habentes, pertinent; & quae in fauorem studiorum generalium concessa sunt, in totum prorsus abrogata, & irrita cum quasi possessione inde secuta intelligantur. Beneficiaq. huiusmodi, tamquam libera, a suis collatoribus conferantur; ac provisiones huiusmodi plenum effectum consequantur. Ad hac liceat Episcopo, praesentatos a patronis, si idonei non fuerint, repellere. Quod si ad inferiores institutio pertineat; ab Episcopo tamen, iuxta alias statuta ab hac sancta Synodo, examinentur; alioquin institutio ab inferioribus facta, irrita sit, & inanis. Patroni autem beneficiorum, cuiuscumque Ordinis, & dignitatis, etiam si Communitates, Vniuersitates, collegia quaecumque clericorum,

unipatronatus  
probatione.

Presbiteri ex  
nisi ad Episcopo  
iurisdictione ad  
spectet



Attoni nō s' in  
gerant in pcep-  
tione fructuum, nec  
amant iuspatr.

cessionis et  
unius libor  
in facio alijs q  
sint impat. p  
habent

Patronatus guli  
a 40. m. oru  
hant.

Designant pson  
q' caus' doli-  
sunt et papi  
significatur

nel laicorum existant, in perceptione fructuum, prouentuum, obuentionum quo-  
rumcumque beneficiorum, etiam si uere de iure patronatus ipsorum ex fundatio-  
ne, & dotatione essent, nullatenus, nullaue causa, uel occasione se ingerant, sed  
illos libere Rectori, seu Beneficiario, non obstante etiam quacumque consuetudi-  
ne, distribuendos dimittant. Nec dictum iuspatronatus uenditionis, aut alio quo-  
cumque titulo in alios contra Canonicas sanctiones transferre presumant. si se-  
cus fecerint, excommunicationis, & interdicti pœnis subijciantur; & dicto iure-  
patronatus, ipso iure, priuati existant. Insuper accessiones, per uiam unionis fa-  
cta de beneficiis liberis, ad ecclesias iurispatronatui, etiam laicorum, subiectas,  
tam Parochiales, quam ad alia quacumque beneficia, etiam simplicia, seu digni-  
tates, uel hospitalia, ita ut prædicta beneficia libera eiusdem naturæ cum ijs, qui-  
buscum uniuntur, efficiantur, atque sub iurepatronatus constituentur. Hæ si non  
dum plenarium sortitæ sunt effectum; uel deinceps ad cuiusuis instantiâ fient, qua-  
cumque auctoritate, etiam Apostolica, concessa fuerint; simul cū unionibus ipsis  
per subreptionem obtentæ intelligantur: non obstante quacumque in ijs uerborum  
forma, seu derogatione, quæ habeatur pro expressa: nec executioni amplius de-  
mandentur; sed beneficia ipsa unita, cum uacauerint, libere, ut antea, conferan-  
tur. Quæ uero a quadraginta annis citra factæ, effectum, & plenam incorporatio-  
nem sunt consecutæ; hæ nihilominus ab Ordinarijs, tamquam a Sede Apostoli-  
ca delegatis, reuideantur, & examinentur; ac quæ per subreptionem, uel obrep-  
tionem obtentæ fuerint, simul cum unionibus irritæ declarentur; ac beneficia ip-  
sa separentur, & alijs conferantur. Similiter quoque patronatus quicumque in  
ecclesijs, & quibuscumque alijs beneficijs, etiam dignitatibus antea liberis, ac-  
quisiti a quadraginta annis citra, & in futurum acquirendi, seu ex augmento  
dotis, seu ex noua constructione, uel alia simili causa, etiâ auctoritate Sedis Apo-  
stolicæ, ab ijsdem Ordinarijs, uti delegatis, ut supra, qui nullius in his facultati-  
bus, aut priuilegijs impediuntur, diligenter cognoscantur; & quos non repere-  
rint ob maxime euidenter ecclesiæ, uel beneficij, seu dignitatis necessitatem legi-  
time constitutos esse, in totum reuocent; atque beneficia huiusmodi sine damno  
illa possidentium, & restituto patronis eo, quod ab eis iccirco datum est, in pristi-  
num libertatis statum reducant: non obstantibus priuilegijs, constitutionibus, et  
consuetudinibus, etiam immemorabilibus.

## C A P V T X.

Quoniam ob malitiosam petentium suggestionem, & quandoque ob locorum  
longinquitatem personarum notitia, quibus causæ mandantur, usqueadeo haberi  
non potest; hincq. interdum iudicibus, non unde quaque idoneis, causæ in parti-  
bus delegantur: statuit sancta Synodus, in singulis Concilijs prouincialibus; aut  
diocesanis aliquot personas, quæ qualitates habeant, iuxta Constitutionem Boni-  
facii VIII, quæ incipit, Statutum: & alioquin ad id aptas designari, ut præter

Ordinarios locorum ijs etiam posthac causæ Ecclesiasticæ, ac spirituales, & ad forum Ecclesiasticum pertinentes, in partibus delegandæ committantur. Et, si alî quem interim ex designatis mori contigerit; substituât Ordinarius loci cum consilio Capituli alium in eius locum usque ad futuram provincialem, aut diœcesanâ Synodum: ita ut habeat quæque diœcesis quattuor saltem, aut etiam plures probatas personas, ac ut supra qualificatas; quibus huiusmodi causæ a quolibet Legato, uel Nuncio, atque etiam a Sede Apostolica committantur: alioquin post designationem factam, quam statim Episcopi ad summum Romanum Pontificem transmittant, delegationes quacumque aliorum iudicum aliis, quam his, factæ subreptitiæ censeantur. Admonet debinc sancta Synodus tam Ordinarios, quam alios quoscumque iudices, ut terminandis causis, quanta fieri poterit breuitate, studeant: ac litigatorum artibus, seu in litis contestatione, seu alia parte iudicii differenda, modis omnibus aut termini præfixione, aut competenti alia ratione occurrant.

## C A P V T XI.

Magnam ecclesiis Perniciem afferre solet, cum earum bona, representata pecunia, in successorum præiudicium aliis locantur. omnes igitur hæ locationes, si anticipatis solutionibus fient, nullatenus in præiudicium successorum ualidæ intelligantur: quocumque indulto, aut priuilegio non obstante: nec huiusmodi locationes in Romana Curia, uel extra eam confirmentur. Non liceat etiam, iurisdictiones Ecclesiasticas, seu facultates nominandi, aut deputandi Vicarios in spiritualibus locare; nec conductoribus per se, aut alios ea exercere: aliterq. concessiones, etiam a Sede Apostolica factæ, subreptitiæ censeantur. Locationes uero rerum Ecclesiasticarum, etiam auctoritate Apostolica confirmatas, sancta Synodus irritas decernit, quas a triginta annis citra, ad longum tempus, seu, ut in nonnullis partibus, ad uiginti nouem, seu bis uiginti nouem annos, uocant factas; Synodus provincialis, uel deputandi ab ea, in damnum Ecclesiæ, & contra Canonicas sanctiones contractas fuisse iudicabunt.

locat. m. anticip.  
ty solut. m. p.  
iudicant successor

Quæ locantur in iudicant

locationes a 30. m.  
fieri si n. Synodo  
dantur sicut  
multi

## C A P V T XII.

Non sunt ferendi, qui uarijs artibus decimas, ecclesiis obuientes, subtrahere moliantur; aut qui ab alijs soluendas temere occupant, & in rem suam uertunt: cum decimarum solutio debita sit Deo; & qui eas dare noluerint, aut dantes impediunt, res alienas inuadant. Præcipit igitur sancta Synodus omnibus, cuiuscumque gradus, & condicionis sint, ad quos decimarum solutio spectat, ut eas, ad quas de iure tenentur, in posterum cathedrali, aut quibuscumque alijs ecclesiis, uel personis, quibus legitime debentur, integre persoluant. Qui uero eas aut subtrahunt, aut impediunt; excommunicentur: nec ab hoc crimine, nisi plena restitutione secuta, absoluantur. Hortatur debinc omnes, & singulos, pro Christiana caritate, debitoq. erga Pastores suos munere, ut de bonis sibi a Deo colla

Detrahunt p. p.



tis Episcopis, & Parochis, qui tenuioribus præsunt ecclesiis, large, subuenire ad Dei laudem, atque ad Pastorum suorum, qui pro eis inuigilant, dignitatem tuendam, non grauentur.

## C A P V T XIII.

*Quarta funeralium*  
*ordinatur ecclesie*  
*a qd. a quo minus*  
*utitur aliis utitur*  
*aliis minus utitur*  
*quarta*  
Decernit sancta Synodus, ut quibuscumque in locis, iam ante annos quadraginta, Quarta, quæ funeralium dicitur, cathedrali, aut parochiali ecclesiæ solita esset persolui, ac postea fuerit ex quocumque privilegio, alijs monasterijs, hospitalibus, aut quibuscumque locis pijs concessa, eadem posthac integro iure, & eadem portione, quæ antea solebat, cathedrali, seu parochiali ecclesiæ persoluatur: non obstantibus concessionibus, gratiis, privilegiis, etiam, Mari magno, nuncupatis, aut aliis quibuscumque.

## C A P V T XIII.

*Clerici & mulieres*  
*habent in prohibito*  
Quam turpe, ac clericorum nomine, qui se diuino cultui addixerunt, sit indignum, in impudicitie sordibus, immundoq. concubinato uersari, satis res ipsa, communi fidelium omnium offensione, summoq. clericalis militiæ dedecore, testatur. Vt igitur ad eam, quam decet, continentiam, ac uitæ integritatem ministri ecclesiæ reuocentur: populusq. hinc eos magis discat reuereri, quo illos uita honestiores cognouerit: prohibet sancta Synodus quibuscumque clericis, ne concubinas, aut alias mulieres, de quibus possit haberi suspicio in domo, uel extra, detinere, aut cum ulla consuetudinem habere audeant: alioquin pœnis, a sacris Canonibus, uel statutis ecclesiarum impositis, puniantur. Quod si, a Superioribus moniti, ab ijs se non abstinerint; tertia parte fructuum, obuentionum, ac prouentuum beneficiorum suorum quorumcunque, & pensionum ipso facto sint priuati; quæ fabricæ ecclesiæ, aut alteri pio loco arbitrio Episcopi applicetur. Sin uero in delicto eodem cum eadem uel alia femina perseuerantes, secundæ monitioni adhuc non paruerint; non tantum fructus omnes, ac prouentus suorum beneficiorum, & pensiones eo ipso amittant, qui prædictis locis applicentur; sed et a beneficiorum ipsorum administratione, quoad Ordinarius, etiam uti Sedis Apostolicæ delegatus, arbitrabitur, suspendantur: & si ita suspensi, nihilominus eas non expellant; aut cum ijs etiam uersentur: tunc beneficiis, portionibus, ac officiis, & pensionibus quibuscumque Ecclesiasticis perpetuo priuentur, atque inhabiles, ac indigni quibuscumque honoribus, dignitatibus, beneficiis, ac officiis in posterum reddantur; donec post manifestam uitæ emendationem ab eorum Superioribus cum ijs ex causa uisum fuerit dispensandum. Sed si, postquam eas semel dimiserint, intermissum consortium repetere, aut alias huiusmodi scandalosas mulieres sibi adiungere ausi fuerint; præter prædictas pœnas, excommunicationis gladio plectantur. Nec quæuis appellatio, aut exemptio prædictam executionem impediatur, aut suspendatur: prædictorumq. omnium cognitio, non ad Archidiaconos, nec Decanos, aut alios inferiores, sed ad Episcopos ipsos pertineat: qui

sine strepitu, et figura iudicii, & sola facti ueritate inspecta, procedere possint. Clerici uero, beneficia Ecclesiastica, aut pensiones non habentes, iuxta delicti, & contumacia perseuerantiam, & qualitatem ab ipso Episcopo carceris pœna, suspensione ab Ordine, ac inhabilitate ad beneficia obtinenda, alijsue modis, iuxta sacros Canones puniantur. Episcopi quoque, quod absit, si ab huiusmodi crimine non abstinerint; & a Synodo prouinciali admoniti, se non emendauerint; ipso facto sint suspensi; & si perseuerent, etiam ad sanctissimum Romanum Pontificem ab eadem Synodo deferantur: qui pro qualitate culpæ, etiam per priuationem, si opus erit, in eos animaduertat.

## CAPUT XV.

Ut paternæ incontinentiæ memoria a locis Deo consecratis, quos maxime puritas, sanctitasque decet, longissime arceatur; non liceat filiis clericorum, qui non ex legitimo nati sunt matrimonio, in ecclesiis, ubi eorum patres beneficium aliquod Ecclesiasticum habent, aut habuerunt, quodcumque, etiam distimile, beneficium obtinere; nec in dictis ecclesiis quoquo modo ministrare, nec pensiones super fructibus beneficiorum, quæ parentes eorum obtinent, uel alias obtinuerunt, habere. Quod si in præsentem pater, & filius in eadem ecclesia beneficia obtinere reperiantur; cogatur filius suum beneficium resignare, aut cum alio permutare extra ecclesiam intra trium mensium spatium: alias ipso iure eo priuatus existat, & super ijs quæcumque dispensatio subreptitia censeatur. Ad hæc reciproca resignationes, sique posthac a parentibus clericis in fauorem filiorum fient, ut alter alterius beneficium consequatur; in fraudem huius decreti, & Canonicarum sanctionum factæ omnino censeantur; nec collationes secutæ, uigore huiusmodi resignationum, seu aliarum quarumcumque, quæ in fraudem factæ fuerint, ipsis clericorum filiis suffragentur.

## CAPUT XVI.

Statuit sancta Synodus, ut Ecclesiastica beneficia secularia, quocumque nomine appellentur, quæ curam animarum ex primæua eorum institutione, aut aliter quomodocumque retinent, illa deinceps in simplex beneficium, etiam assignata Vicario perpetuo congrua portione, non conuertantur: non obstantibus quibuscumque gratiis, quæ suum plenarium effectum non sunt consecutæ. In iis uero, in quibus contra earum institutionem, seu fundationem cura animarum in Vicarium perpetuum translata est, etiam si in hoc statu ab immemorabili tempore reperiantur, si congrua portio fructuum Vicario ecclesiæ, quocumque nomine is appelletur, non fuerit assignata; ea quamprimum, & ad minus intra annum a fine præsentis Concilij, arbitrio Ordinarij, iuxta formam decreti sub sel. rec. Paulo III assignetur. Quod si id commodè fieri non possit; aut intra dictum terminum factum non erit: cum primum per cessum uel decessum Vica-



rii, seu Rectoris, aut quomodolibet alterum eorum uacauerit; beneficium curam animarum recipiat; ac Vicariæ nomen cesset; & in antiquum statum restituatur.

## C A P V T XVII.

*no insuam  
dng spalius*  
Non potest sancta Synodus non grauius dolere, audiens Episcopos aliquos, sui status oblitos. Pontificiam dignitatem non leuiter debonestare; qui cum Regum ministris, Regulis, & Baronibus in ecclesia, & extra, indecenti quadam demissione se gerunt, & ueluti inferiores ministri altaris, nimis indigne non solum loco cedunt, sed etiam personaliter illis inseruiunt. Quare hæc, & similia detestans sancta Synodus, sacros Canones omnes, Conciliaq. generalia, atque alias Apostolicas sanctiones ad dignitatis Episcopalis decorum, & grauitatem pertinentes renouando, præcipit, ut ab huiusmodi in posterum Episcopi se abstineant; mandans eisdem, ut tam in ecclesia, quam foris suum gradum, & Ordinem præ oculis habentes, ubique se Patres, & Pastores esse meminerint: reliquis uero tam Principibus, quam ceteris omnibus, ut eos paterno honore, ac debita reuerentia prosequantur.

## C A P V T XVIII.

*no dispositur  
sacror canonu  
missa cognita  
et gratia*  
Sicuti publice expedit, legis uinculum quandoque relaxare, ut plenius, euenientibus casibus, & necessitatibus, pro communi utilitate satisfiat: sic frequentius legem soluere, exemploq. potius, quam certo personarum, rerumq. delectu, petentibus indulgere, nil aliud est, quam unicuique ad leges transgrediendas aditum aperire. Quapropter sciant uniuersi, sacrosimos Canones exacte ab omnibus, & quoad eius fieri poterit, indistincte obseruandos. Quod siurgens, iustaq. ratio, & maior quandoque utilitas postulauerit, cum aliquibus dispensandum esse; id, causa cognita, ac summa maturitate, atque gratis, a quibuscumque, ad quos dispensatio pertinebit, erit præstandum: aliterq. facta dispensatio subreptitia censeatur.

## C A P V T XIX.

*Ducti et locu  
ut opia danielis*  
Detestabilis duellorum usus, fabricante Diabolo, introductus, ut cruenta corporum morte, animarum etiam perniciem lucretur, ex Christiano orbe penitus exterminetur: Imperator, Reges, Duces, Principes, Marchiones, Comites, et quo cumque alio nomine, Domini temporales, qui locum ad monomachiam in terris suis inter Christianos concesserint, eo ipso sint excommunicati; ac iurisdictione, & dominio ciuitatis, castri, aut loci, in quo, uel apud quem duellum fieri permiserint, quod ab Ecclesia obtinent, priuati intelligantur; & si feudalia sint, directis Dominis statim acquirantur. Qui uero pugnam commiserint; & qui eorum patrini uocantur; excommunicationis, ac omnium bonorum suorum proscriptio- nis, ac perpetuæ infamiæ pœnam incurrant; & ut homicidæ, iuxta sacros Canones, puniri debeant. Et, si in ipso conflictu decesserint; perpetuo careant ecclesia-

*ecclesiastica sepultura. Illi etiam, qui consilium in causa duelli, tam in iure, quã facto dederint; aut alia quacumque ratione ad id quemquam suaserint; necnon spectatores, excommunicationis, ac perpetuæ maledictionis uinculo teneantur: non obstante quocumque priuilegio, seu praua consuetudine, etiam immemorabili.*

## C A P V T XX.

Cupiens sancta Synodus Ecclesiasticam disciplinã in Christiano populo non solum restitui, sed etiam perpetuo sartam tectam a quibuscumque impedimentis conseruari; præterea, quæ de Ecclesiasticis personis constituit, sæculares quoque Principes officii sui admonendos esse censuit; confidens, eos, ut Catholicos, quos Deus sanctæ fidei, Ecclesiæq. protectores esse uoluit, ius suum Ecclesiæ restitui, nõ tantum esse concessuros; sed etiam subditos suos omnes ad debitam erga clerũ, Parochos, & superiores Ordines reuerentiam reuocatuos; nec permissuros, ut Officiales, aut inferiores Magistratus Ecclesiæ & personarum Ecclesiasticarum immunitatem, Dei ordinatione, & Canonicis sanctionibus constitutam, aliquo cupiditatis studio, seu inconsideratione aliqua uiolent; sed una cum ipsis Principibus debitam sacris summorum Pontificum, & Conciliorum constitutionibus obseruantiam præsent. Decernit itaque, & præcipit, sacros Canones, & Concilia generalia omnia, necnon alias Apostolicas sanctiones in fauorem Ecclesiasticarum personarum, libertatis Ecclesiasticæ, & contra eius uiolatores editas, quæ omnia præsentem etiam decreto innouat, exacte ab omnibus obseruari debere. Proptereaq. admonet Imperatorem, Reges, Resp. Principes, & omnes, & singulos, cuiuscumque status, & dignitatis extiterint, ut, quo largius bonis temporalibus, atque in alios potestate sunt ornati, eo sanctius, quæ Ecclesiastici iuris sunt, tamquam Dei præcipua, eiusq. patrocinio tecta, uenerentur; nec ab ullis Baronibus, Domicellis, Rectoribus, aliisque Dominis temporalibus, seu Magistratibus, maximeq. ministris ipsorum Principum lædi patiantur; sed seuerè in eos, qui illius libertatem, immunitatem, atque iurisdictionem impediunt, animaduertant: quibus etiam ipsimet exemplo ad pietatem, religionem, ecclesiarumq. protectionem existant; imitantes anteriores optimos, religiosissimosq. Principes, qui res Ecclesiæ suæ in primis auctoritate, ac munificentia auxerunt, nedum ab aliorum iniuria uindicarunt. Adeoq. ea in re quisque officium suum sedulo præstet; quo cultus diuinus deuote exerceri, & Prælati, ceteriq. clerici in residentiis, & officiis suis, quieti, & sine impedimentis, cum fructu, & edificatione populi, permanere ualeant.

## C A P V T XXI.

Postremo sancta Synodus, omnia, & singula, sub quibuscumque clausulis, & uerbis, quæ de morum reformatione, atque Ecclesiastica disciplina, tam sub Innocentio III. ac Iulio III. quam sub Beatissimo Pio Quarto, Pontifici-

*Admonet prin-  
cipes Ut hunc  
rec. Et ex non*

*Relig. ap. aut d  
In h. decreti*



*bus Maximis in hoc sacro Concilio statuta sunt, declarat, ita decreta fuisse, ut in his salua semper auctoritas Sedis Apostolicæ & sit, & esse intelligatur.*

Decretum de continuanda Sessione in diem sequentem.

*Cum ea omnia, quæ in præsentì Sessione tractanda erant, quia hora tarda est, commode expediri non possint; propterea iuxta id, quod in generali Congregatione a Patribus statutum fuit, ea, quæ supersunt, in diem crastinam, hanc eandem Sessionem continuando, differuntur.*

## C O N T I N V A T I O

SESSIONIS DIE IIII DEC.

Decretum de indulgentiis.

**E**V M potestas conferendi indulgentias a Christo Ecclesiæ concessa sit; atque huiusmodi potestate, diuinitus sibi tradita, antiquissimis etiam temporibus illa usa fuerit: sacrosanta Synodus indulgentiarum usum, Christiano populo maxime salutarem, & sacrorum Conciliorum auctoritate probatum, in Ecclesia retinendum esse docet, & præcipit; eosq. anathemate damnat, qui aut inutiles esse asserunt: uel eas concedendi in Ecclesia potestatem esse negant. In his tamen concedendis moderationem, iuxta ueterem, & probatam in Ecclesia consuetudinem, adhiberi cupit; ne nimia facilitate Ecclesiastica disciplina eneruetur. Abusus uero, qui in his irreperunt, & quorum occasione insigne hoc indulgentiarum nomen ab hæreticis blasphematur, emendatos, & correctos cupiens, præsentì decreto generaliter statuit, prauos quastus omnes pro his consequendis, unde plurima in Christiano populo abusuum causa fluxit, omnino abolendos esse. Ceteros uero, qui ex superstitione, ignorantia, irreuerentia, aut aliunde quomodocūque prouenerūt; cū ob multiplices locorū, et prouinciariū, apud quas hi cōmittuntur, corruptelas cōmode nequeant specialiter prohiberi: mandat omnibus Episcopis, ut diligenter quisque huiusmodi abusum ecclesiæ suæ colligat, eosq. in prima Synodo prouinciali referat: ut aliorum quoque Episcoporū sententia cogniti statim ad summum Romanum Pontificem deferantur: cuius auctoritate, et prudentia, quod uniuersali Ecclesiæ expediet, statuatur: ut ita sanctarum indulgentiarum munus pie, sancte, & incorrupte omnibus fidelibus dispensetur.

De delectu ciborum, ieiuniis, & diebus festis.

INSUPER hortatur sancta Synodus, & per sanctissimum Domini nostri, atque Saluatoris aduentum Pastores omnes obtestatur, ut tamquam boni mi-

*lites illa omnia quæ sancta Romana Ecclesia, omnium Ecclesiarum mater, & Pastoro cur-  
magistra, statuit; necnon ea, quæ tam in hoc Concilio, quam in alijs æcumeni-  
cis statuta sunt, quibuscumque fidelibus sedulo commendent; omniq. diligentia  
utantur, ut illis omnibus, & ijs præcipue, sint obsequentes, quæ ad mortifican-  
dam carnem conducunt, ut ciborum delectus, & ieiunia; uel etiam, quæ faciunt  
ad pietatem augendam, ut dierum festorum deuota, & religiosa celebratio; ad-  
monentes populos crebro, obedire Præpositis suis: quos qui audiunt, Deum re-  
munerantorem audient; qui uero contemnunt, Deum ipsum ultorem sentient.*

*Pastoro cur-  
suuam canoni-  
et oculis*

#### De Indice librorum, Catechismo, Breuiario, & Missali.

*Sacrosancta Synodus in secunda Sessione, sub Sanctissimo Domino nostro Pio  
Quarto celebrata, delectis quibusdam Patribus commisit, ut de uarijs censuris,  
ac libris, uel suspectis, uel perniciosis, quid facto opus esset, considerarent; at-  
que ad ipsam sanctam Synodum referrent; audiens nunc, huic operi ab eis extre-  
mam manum impositam esse; nec tamen, ob librorum uarietatem, & multitu-  
dinem, distinde, & commode possit a sancta Synodo diiudicari: præcipit, ut  
quidquid ab illis præstitum est, Santissimo Romano Pontifici exhibeatur; ut  
eius iudicio, atque auctoritate terminetur, & euulgetur. Idemq. de Catechis-  
mo a Patribus, quibus illud mandatum fuerat, & de Missali, & Breuiario  
fieri mandat,*

*De...  
in...  
ad...*

#### De loco Oratorum.

*Declarat sancta Synodus, ex loco assignato Oratoribus, tam Ecclesiasticis, locis sitis  
quam secularibus, in sedendo, incedendo, aut quibuscumque alijs actibus, nullam  
cuiquam eorum factum fuisse præiudicium; sed omnia illorum, & Imperato-  
ris, Regum, Rerum publicarum, ac Principum suorum iura, & prerogatiuas illæ-  
sas, & saluas esse, in eodemq. statu permanere, prout ante præsens Concili-  
um reperiiebantur.*

*locis sitis  
in...  
prout ante*

#### De recipiendis, & obseruandis Decretis Concilii.

*Tanta fuit horum temporum calamitas, & hæreticorum inueterata mali-  
tia, ut nihil tam clarum in fide nostra asserenda unquam fuerit, aut tam  
certo statutum; quod non, humani generis hoste suadente, illi errore aliquo,  
contaminauerint, ea propter sancta Synodus id potissimum curauit, ut præci-  
pios hæreticorum nostri temporis errores damnaret, & anathematizaret; ue-  
ramq. Catholicam doctrinam traderet, & deceret, prout damnauit, anathe-  
matizauit, & definiuit. Cumq. tamdiu tot Episcopi, ex uarijs Christiani orbis  
prouincijs euocati, sine magna gregis sibi cõmissi iactura, et uniuersali periculo ab  
ecclesijs abesse non possint; nec ulla spes restet, hæreticos, toties, fide etiã publica,*

*in...  
scilicet*



quam desiderarunt, inuitos, & tamdiu expectatos, huc amplius aduenturos; ideoq. tandem huic sacro Concilio finem imponere necesse sit: superest nunc, ut Principes omnes, quod facit, in Domino moneat ad operam suam ita præstandam, ut quæ ab ea decreta sunt, ab hæreticis deprauari, aut uiolari non permittant; sed ab his, & omnibus deuote recipiantur, & fideliter obseruentur. Quod si in his recipiendis aliqua difficultas oriatur; aut aliqua inciderint, quæ declarationem, quod non credit, aut definitionem postulent; præter alia remedia, in hoc Concilio instituta, confidit sancta Synodus Beatissimum Romanum Pontificem curaturum, ut uel euocatis ex illis præsertim prouinciis, unde difficultas orta fuerit, iis, quos eidem negotio tractando uiderit expedire, uel etiam Concilii generalis celebratione, si necessarium iudicauerit, uel commodiore quacumque ratione ei uisum fuerit, prouincialium necessitatibus, pro Dei gloria, & Ecclesiæ tranquillitate, consulatur.

De recitandis Decretis Concilii sub Paulo III.  
& Iulio III. in Sessione.

Quoniam diuersis temporibus, tam sub fel. rec. Paulo III, quam Iulio III, multa in hoc sacro Concilio, quo ad Dogmata, ac morum reformationem, statuta, & definita sunt; uult sancta Synodus, ut illa nunc recitentur, & legantur.

Recitata sunt.

De fine Concilii, & confirmatione petenda  
a Sanctissimo Domino nostro.

Illustrissimi Domini, Reuerendissimiq. Patres, Placet ne uobis, ut ad laudem Dei omnipotentis huic sacre æcumenicæ Synodo finis imponatur? & omnium, & singulorum, quæ tam sub fel. rec. Paulo III, & Iulio III, quam sub Sanctissimo Domino nostro Pio Quarto, Romanis Pontificibus, in ea decreta, & definita sunt, confirmatio nomine sanctæ huius Synodi per Apostolicæ Sedis Legatos, & Præsidentes a Beatissimo Romano Pont. petatur?

Responderunt, Placet.

Postmodum Illustrissimus & Reuerendissimus Cardinalis Moronus, primus Legatus, & Præsident, benedicens sanctæ Synodo, dixit: Post gratias Deo actas, Reuerendissimi Patres ite in pace.

Qui responderunt, Amen.

# ACCLAMATIONES PATRVM IN FINE CONCILII.

CARDINALIS A LOTHARINGIA.



Beatissimo Pio Papa, & Domino nostro, Sancta, & Vniuersalis  
Ecclesie Pontifici, multi anni, & aterna memoria.

## RESPONSIO PATRVM.

Domine Deus, Sanctissimum Patrem diutissime Ecclesie tue conserua mul-  
tos annos.

Card. Beatissimorum summorum Pontificum animabus, Pauli III, & Iulij III,  
quorum auctoritate hoc sacrum generale Concilium inchoatum est, pax &  
Domino, & aterna gloria, atque felicitas in luce Sanctorum.

Resp. Memoria in benedictione sit.

Card. Caroli V. Imperatoris, & Serenissimorum Regum, qui hoc uniuersale Con-  
cilium promouerunt, & protexerunt, memoria in benedictione sit.

Resp. Amen, Amen.

Card. Serenissimo Imperatori Ferdinando, semper Augusto, Orthodoxo, & Pa-  
cifico, & omnibus Regibus, Rebusq. & Principibus nostris, multi anni.

Resp. Pium, & Christianum Imperatorem Domine conserua: Imperator caelestis  
terrenos Reges, recte fidei conseruatores, custodi.

Card. Apostolicæ Romanæ Sedis Legatis, & in hac Synodo Presidentibus, cum  
multis annis magnæ gratiæ.

Resp. Magnæ gratiæ: Dominus retribuat.

Card. Reuerendissimis Cardinalibus, & Illustribus Oratoribus.

Resp. Magnas gratias, multos annos.

Card. Sanctissimis Episcopis uita, & felix ad ecclesias suas reditus.

Resp. Præconibus ueritatis perpetua memoria: Orthodoxo Senatui multos annos.

Card. Sacrosancta œcumenica Tridentina Synodus: eius fidem confiteamur, eius  
decreta semper seruemus.

Resp. Semper confiteamur, semper seruemus.

Card. Omnes ita credimus: omnes id ipsum sentimus: omnes consentientes, &  
amplectentes subscribimus. Hæc est fides beati Petri, & Apostolorum:  
hæc est fides Patrum: hæc est fides Orthodoxorum.

Resp. Ita credimus; ita sentimus; ita subscribimus.

Card. His decretis inhaerentes, digni reddamur misericordijs, & gratia primi, et ma-  
gni supremi Sacerdotis, Iesu Christi Dei, intercedente simul inuiolata



*Domina nostra sancta Deipara , & omnibus sanctis.*

*Resp. Fiat , fiat. Amen , Amen.*

*Card. Anathema cunctis hæreticis.*

*Resp. Anathema , anathema.*

*Post hæc mandatum fuit a Legatis , & Presidentibus sub pœna excommunicationis omnibus Patribus , ut , antequam discederent e ciuitate Tridentina , subscriberent manu propria Decretis Concilij ; aut ea per publicum instrumentum approbarent. Qui omnes deinde subscripserunt , & fuerunt numero CCLV , uidelicet , Legati quattuor , Cardinales duo , Patriarchæ tres , Archiepiscopi XXV , Episcopi CLXVIII , Abbates septem , Procuratores absentium cum legitimo mandato XXXIX , Generales Ordinum septem.*

## *L A V S D E O.*

*Concordat cum originali : in cuius fidem subscripsimus.*

*Ego Angelus Massarellus , Episcopus Thelesinus , sacri Concilij Tridentini Secretarius.*

*Ego Marcus Antonius Peregrinus , Comensis , eiusdem Concilij Notarius.*

*Ego Cynthius Pamphilus , clericus Camerinenfis diœcesis , eiusdem Concilij Notarius.*

## *C O N F I R M A T I O C O N C I L I I.*

**N***os Alexander , S. Laurentij in Damaso Diaconus Cardinalis , de Farnesio , S. R. E. Vicecancellarius , fidem facimus , & attestamus , qualiter hodie , die Mercurij , XXVI Ianuarij , M. D. LXXXXIII , Pontificatus Sanctissimi D. nostri D. Pij , diuina providentia Papæ Quarti , anno quinto , in Consistorio secreto , apud S. Petrum , Reuerendiſſ. D D. mei , Cardinalis Moronus , & Simoneta , nuper reuerſi a sacro Concilio Tridentino , cui uti Sedis Apostolicæ Legati præerant , petierunt ab eodem Sanctissimo D. nostro ut infra.*

*Beatissime Pater , in Decreto super fine Concilij acumenici Tridentini , pridie nonas Decembris præteriti publicato , statutum fuit , ut per Sanctitatis Vestræ , & sanctæ Sedis Apostolicæ Legatos , & Presidentes peteretur nomine dicti Concilij a Sanctitate Vestra confirmatio omnium , & singulo-*

rum, quæ tam sub fel. rec. Paulo III, & Iulio III, quam sub Sanctitate  
Vestra in eo decreta, & definita sunt. Quapropter nos Ioannes Cardinalis  
Moronus, & Ludouicus Cardinalis Simoneta, qui tunc Legati, & Præsi-  
dentes eramus, uolentes exequi, quod in dicto Decreto stabilitum fuit, humi-  
liter petimus nomine dicti Concilii æcumenici Tridentini, ut Sanctitas Vestra  
dignetur confirmare omnia, & singula, quæ tam sub fel. rec. Paulo III, &  
Iulio III, quam sub Sanctitate Vestra in eo decreta, & definita sunt.

Quibus auditis, Sanctitas Sua, uiso, & lecto tenore dicti Decreti, & ha-  
bitis uotis Reuerendiſſ. DD. meorum Cardinalium, respondit per hæc uerba.

Petitioni, nomine Concilii æcumenici Tridentini super eius confirmatio-  
ne per dictos Legatos nobis factæ, annuentes, omnia, & singula, quæ in di-  
cto Concilio tam sub fel. rec. Paulo III, & Iulio III, prædecessoribus no-  
stris, quam Pontificatus nostri tempore decreta, & definita sunt, auctori-  
tate Apostolica, etiam de Venerabilium fratrum nostrorum Cardinalium  
consilio, & assensu, matura cum illis deliberatione præhabita, confirmamus,  
atque ab omnibus Christi fidelibus recipi, & inuiolabiliter obseruari manda-  
mus, in nomine Patris, & Filij, & Spiritus sancti. Amen.

Ita est. A. Cardinalis  
Farnesius, Vicecancell,

M E D I O L A N I  
Apud Valerium, & Hieronymum fratres Metios.





# INDEX DOGMATVM, ET

## REFORMATIONIS, BREVITER COLLECTVS,

*In quo primus numerus Sessiones, alter capita & Cano--  
nes, tertius folia indicat.*

### A



**A**bates quo modo eligendi, ses.  
25. cap. 6. fol. 78.  
**A**bates tonsuram, nec mino--  
res ordines, iis conferant, qui sibi sub-  
iecti non sunt. ses. 23. c. 10. fol. 62.  
**A**bates, usum Mitre & Baculi haben-  
tes, qua in causa, Episcoporum loco,  
adhibentur. ses. 13. cap. 4. fol. 33.  
**A**bates uisitandi ius habent. ses. 25.  
cap. 20. fol. 80.  
**A**bates, qua de Regularibus decreta  
sunt, exequantur. ses. 25. c. 12. fo. 79.  
**A**bbatum negligentia qua in causa ab  
Episcopo corrigi possit. ses. 5. c. 1. f. 12.  
**A**bbatum monasteria, in quibus ipsi do-  
micilium habent, a iurisdictione Epi-  
scoporū sunt libera. ses. 25. c. 11. f. 79  
**A**bbatum priuilegia in ecclesiis parochia-  
libus uacantibus, quando locum non  
habent. ses. 25. cap. 18. fol. 74.  
**A**bbatissa qua aetate, & quo modo crea-  
ri debent. ses. 25. cap. 7. fol. 78.  
**A**besse ab Ecclesia sua Episcopo non li-  
cet ultra tres menses. ses. 23. cap. 1.  
fol. 61.  
**A**besse quo anni tempore ei non licet.  
ibidem.  
**A**bsentes Episcopi qua pena multentur.  
ibidem.  
**A**bsentes inferiores Curati mortaliter  
peccant. ses. 23. cap. 1. fol. 61.

**A**bsentia Episcopi causa legitima. ses.  
23. cap. 1. fol. 61.  
**A**bsentia illius causa a quibus proban-  
da. ibidem.  
**A**bsentia licentia inferioribus Curatis  
non ultra tres menses danda. ses. 23.  
cap. 1. fol. 61.  
**A**bsentia causa inferiorum Curatorum  
a quo probanda. ibidem.  
**A**bsolutio sacerdotalis quæ. ses. 14. cap.  
6. fol. 37.  
**A**bsolutio sacerdotis actus iudicialis. ses.  
ead. can. 9. fol. 39.  
**A**bsolutio peccatorū grauium a quibus.  
ses. ead. cap. 7. fol. 37.  
**A**bsolutio quando nullius momenti.  
ibid.  
**A**bsolutio peccatorum non absque con-  
tritione penitentis & ministerio sa-  
cerdotis. ses. ead. cap. 6. fol. 37.  
**A**bsolutionis cōmoda. ses. ead. c. 5. fo. 36.  
**A**bsolutionis ministri. ses. ead. can. 10. f. 40  
**A**bsolutionis de publico crimine impe-  
tratæ causa quando cognoscitur ab  
Episcopo. ses. 13. cap. 5. fol. 33.  
**A**bsolutio, a Summo Pontifice impetra-  
ta, usurpantibus bona & iura Eccle-  
siastica, non aliter prodest, nisi, quæ  
detinēt. restituāt. ses. 22. c. 11. fol. 58.  
**A**busus, qui irreperunt in usum indul-  
gentiarum, quo modo tollendi. ses. 25.  
de Indul, fol. 87.



- Baptismi doctrina uera in Ecclesia Romana**, ses. ead. can. 3. fol. 22.
- Baptismi & Penitentia differentia**, ses. 14. cap. 2. fol. 35.
- Baptismi sola recordatio non tollit, neque minuit peccata**, ses. 7. can. 10. fo. 22.
- Baptismi Sacramento necessaria aqua naturalis**, ses. ead. can. 2. fol. 22.
- Baptismi gratia, & fructus**, ses. 14. fo. 35.
- Baptismi Character indelebilis**, ses. 23. c. 4. fol. 59.
- Baptismi lauacro regeneratos, Christo incorporari**, ses. 14. c. 2. fol. 35.
- Baptismi Canones**, ses. 7. fol. 22.
- Baptismo suscepto, nota post facta non irrita fiunt ui promissionis in illo factae**, ses. ead. can. 9. fol. eodem.
- Baptizari licet in omni aetate & tempore**, ses. eadem. can. 12. fol. eodem.
- Baptizantur paruuli in fide Ecclesiae**, ses. ead. can. 13. fol. eod.
- Baptizatus peccando gratiam amittit**, ses. eadem. can. 6. fol. eod.
- Baptizati uniuersae Christianae legis debitorum**, ses. ead. can. 7. 8. fol. eod.
- Benedictio sacerdotalis, antequam coniuges simul habitent, in templo suscipienda**, ses. 24. cap. 1. fol. 66.
- Benedictio sacerdotalis non ab alio sacerdote, sed a suo Parocho sumenda**, ibidē.
- Benedictionis sacerdotalis licentia a quo danda**, ibidem.
- Beneficia Ecclesiastica obtinentium habitus**, ses. 14. cap. 6. fol. 42.
- Beneficia non conferantur, nisi ijs, qui tales sunt, quales esse sacrorum canonum lege cautum est, alias collatio, seu prouisio nulla**, ses. 22. ca. 4. fol. 57.
- Beneficia habentes, quamuis familiares sint Cardinalium, ab Ordinarij in-**
- risdictione soluti non sunt, ratione dictorum beneficiorum**, ses. 24. c. 11. fol. 71.
- Beneficia, quibus ex prima institutio ne cura animarum iniuncta est, in simplex beneficium non conuertantur**, ses. 25. cap. 16. fol. 86.
- Beneficia plura obtinere uolentium cupiditati occurritur**, ses. 24. cap. 17. fol. 73.
- Beneficia plura incompatibilia nemini recipere, et obtinere licet**, ses. 7. c. 4. fo. 23.
- Beneficia regularia Regularibus conferatur, cum uacauerint**, ses. 14. c. 10. f. 42.
- Beneficia secularia impetrare iis non licet, qui ad alium ordinem translati sunt**, ses. 14. cap. 11. fol. eod.
- Beneficijs obtinendis aetas obtinere uolentium definita, uide Aetas**.
- Beneficiorum exemptorum uisitatio cui competat**, ses. 24. cap. 9. fol. 71.
- Beneficiorum hereditariae successiones Patrum decretis odiosae**, ses. 25. c. 7. fo. 83.
- Beneficiorum qualitatibus & oneribus, quae ex fundatione, aut dotatione sunt, non derogandum**, ses. 25. c. 4. fo. 82.
- Beneficiorum simplicium fructus quibus attribuendi**, ses. 23. cap. 17. fol. 63.
- Beneficiorum Ecclesiasticorum, quae curam animarum habent, collatio**, ses. 7. cap. 3. fol. 23.
- Beneficiorum Ecclesiasticorum, quae Cathedrali Ecclesiae annexa sunt, uisitatio**, ses. ead. cap. 7. fol. eod.
- Beneficiorum quorumcunque uisitatio**, ses. ead. cap. 7. 8. fol. eod.
- Beneficium Ecclesiasticum habere debet, qui prima tonsura initiatus est, ut fore priuilegio gaudeat**, ses. 23. c. 6. fo. 61.
- Beneficium unum uni conferendum**, ses. 24. cap. 17. fol. 73.

# I N D E X.

- Biblia latina uulgate editionis probata.* fol. 10.  
*ses. 4.* fol. 10.  
*Biennij spatium litibus finiendis in prima instantia statutū.* ses. 24. c. 20. fol. 75  
*Bigami ad minorum Ordinum munera obeunda idonei non probantur.* ses. 23. cap. 17. fol. 63.  
*Bona Ecclesiastica occupantium quæ pœna.* ses. 22. cap. 11. fol. 58.  
*Bona mobilia & immobilia quo modo Regularibus cōcessi.* uide *Regulares.*  
*Bonifacij. V III. constitutiones.* ses. 23. c. 6. fol. 62. ses. 24. c. 12. fol. 72 ses. 25. c. 5 fol. 78. ses. 25. c. 10. fol. 84.  
*Bononia Sēsiones habitæ.* ses. 9. 10. fol. 26. 27.  
*Brachium sæculare implorari potest pro reuocandis monialibus intra urbem.* ses. 25. c. 5 fol. 78.  
*Bulla indictionis Concilii Pauli III.* fo. 4.  
*Bulla facultatis transferendi Cōcilii sub Paulo III.* fol. 25.  
*Bulla resumptionis Concilii sub Iulio III.* fol. 27.  
*Bulla celebrationis Concilii sub Pio IIII Pont.* fol. 46.  

**C**

*Calicis usus an aliquibus nationibus concedendus, ad Patrum conuentum refertur.* ses. 21. fo. 51. hac causa ad summum Pont. reuocatur. ses. 22. fol. 58.  
*Candelarum certus numerus in Missarū celebratiōe superstitiosus.* ses. 22. f. 56  
*Canon Missæ ex quibus constet.* ses. 22. cap. 4. fol. 54.  
*Canones omnes antiqui de uita & moribus Clericorum renouati.* ses. 22. c. 1. fol. 56.  
*Canones de Baptismo.* uide *Baptismi Canones.*  
*Canones de Confirmatione.* ses. 7. fol. 23.  
*Canones de Eucharistia.* ses. 13. fol. 32.  
*Canones de extrema Vñctione.* ses. 14. fol. 40.  
*Canones de Iustificatiōe.* ses. 6. fol. 17. 18. 19.  
*Canones de cōmuniōe sub utraque specie, & paruulorum.* ses. 21. fol. 51.  
*Canones de Missæ sacrificio.* ses. 22. f. 55  
*Canones de Matrimonio.* ses. 24. f. 65. 66  
*Canones de Ordine sacro.* ses. 23. fo. 60.  
*Canones de Pœnitentia.* ses. 14. f. 39. 40.  
*Canones de sacramentis.* ses. 7. fo. 21. 22.  
*Canones omnes sacri indistincte ab omnibus obseruandi.* ses. 25. c. 18. fo. 86.  
*Canonicatus quibus conferendi.* ses. 24. cap. 12. fol. 71.  
*Canonicatus, aut portio non ei confertur, qui eo ordine initiatus non est, quem illa dignitas aut portio requirit.* ibid.  
*Canonici libri.* ses. 4. fol. 9.  
*Canonici Regulares, translati ad alium ordinem, sacularia beneficia obtinere non possunt.* ses. 14. c. 11. fol. 42.  
*Canonici præsentes sacræ ordinationi.* ses. 23. cap. 8. fol. 62.  
*Canonici diuina officia per se, non per alium obire debent.* ses. 24. c. 12. fol. 71.  
*Canonici professionem fidei coram Episcopo facere teneantur.* ses. ead. f. eod.  
*Canonici quales.* ibidem.  
*Canonici uocem in Capitulo non habent nisi sunt subdiaconi.* ses. 22. c. 4. fo. 57.  
*Canonicis non amplius tribus mensibus abesse licet.* ses. 24. cap. 12. fol. 71.  
*Canonicorum absentium contumacia pœna.* ibidem. fol. eodem.  
*Canonicorum residentia.* ibidem.  
*Canonicorū uestitus, & temperantia.* ibi.  
*Canonicorum officium in Choro.* ibid.



# I N D E X.

- Canonicorum duorum electio de ineunda  
simul cū Episcopo ecclesiā gubernan-  
darum ratione,* *ibidem.*
- Canonicis officii. celebrante Episcopo. ibi.*
- Cantus in Choro qualis,* *ibidem.*
- Cantus lasciuus in celebratione Missæ ue-  
ratur,* *ses. 22.* *fol. 56.*
- Capellani Regij, quando Ordinarijs sub-  
iecti,* *ses. 24. cap. 11.* *fol. 71.*
- Capitula Cathedralium a suis Episcopis  
et Sedis Apostolicæ auctoritate, uisi-  
tari, et corrigi possunt,* *ses. 25. c. 6. f. 83.*
- Capituli officium, sede Episcopali uacan-  
te,* *ses. 24. c. 1.* *fol. 68.*
- Capituli ius Oeconomum deligendi, ua-  
cante sede Episcopali,* *ses. ea. c. 16. f. 73.*
- Capituli negligentia, in eligendo Vicario,  
remedium.* *ibidem.*
- Capitulo quando, Sede uacante, litteras  
dimissorias concedere licet, & quando  
non,* *ses. 7. c. 10.* *fol. 24.*
- Capitulorum in uisitatione Episcopi ex-  
emption nulla,* *ses. 6. cap. 4.* *fol. 20.*
- Capitulum si ius uisitandi habet, uiros  
ab eo delectos prius Episcopus probet,*  
*ses. 24. cap. 3.* *fol. 69.*
- Capitulum de quibus scripturis futuro  
Episcopo rationem reddere tenetur,*  
*ses. ead. cap. 16.* *fol. 73.*
- Capitulum de qua re ab Episcopo in con-  
siliū adhiberi debet,* *ses. 25. c. 6. f. 83.*
- Capitulum sub tit. S. Petri, & S. Ioan-  
nis,* *ses. 25. c. 9.* *fol. 79.*
- Capitulorum generalium, seu provincialium  
negligentia in constituenda Regula-  
riū disciplina Concilio provinciali quā-  
do supplenda,* *ses. 25. cap. 22.* *fol. 81.*
- Capitulorum generalium, aut provincia-  
liū officii in magistris sacræ scripturæ  
melioribus decernendis,* *ses. 5. c. 1. f. 12.*
- Capucinis & minoris obseruantia fratri-  
bus solis bona immobilia possidere nō  
licet,* *ses. 25. cap. 3.* *fol. 77.*
- Cardinales ex omnibus Christianæ Reip.  
nationibus,* *ses. 24. cap. 1.* *fol. 68.*
- Cardinales eligendi quales.* *ibidem.*
- Cardinales tres deligendi, qui, cognito ge-  
nere, moribus, uita, doctrina eius, qui  
creandus est Episcopus, sancte testen-  
tur, illū eo dignitatis gradu dignū, ibi.*
- Cardinales, qui Ecclesiis Cathedralibus  
præsunt, cōsecrationis munus triū men-  
sū spatio suscipiant,* *ses. 23. c. 2. fo. 61.*
- Cardinalibus item beneficiorum multitu-  
do negatur,* *ses. 24. c. 17.* *fol. 73.*
- Cardinalium residentia,* *ses. 23. c. 1. fo. 61.*
- Cardinalium regressus non conceduntur,  
ses. 25. c. 7.* *fol. 83.*
- Cardinalium familiares. uide familiares  
Cardinalium.*
- Cardinalium uita, mores, doctrina, cete-  
raq. eiusmodi, quæ de Episcopis desi-  
gnandis canonū decretis statuta sunt,  
ses. 24. c. 1.* *fol. 69.*
- Cardinalium priuilegia in Ecclesiis Pa-  
rochialibus uacantibus quando non  
ualent,* *ses. ead. c. 18.* *fol. 74.*
- Carnis desideria,* *ses. 2.* *fol. 3.*
- Carthaginense Conciliū,* *ses. 25. c. 1. f. 81.*
- Castitatis donum,* *ses. 24. can. 9.* *fol. 66.*
- Catechesis uulgari lingua a Parocho ex-  
plicanda curante Episcopo,* *ses. 24. ca.  
7. fol. 71.*
- Catechesis singulis sacramentis præscri-  
benda,* *ibidem.*
- Catechumeni,* *ses. 5. c. 7.* *fol. 15.*
- Casus occulti reueruati Sedi Apostolicæ,  
ses. 24. c. 6.* *fol. 70.*
- Casuum reueruatio,* *ses. 14. c. 7. fol. 37. et  
can. 11.* *fol. 40.*

- Casuum reservatio nulla in articulo mortis*, *ibidem.*
- Casuum reservationis nis*, *ibid.* & *can.* 11. *fol.* 37.
- Cathedralibus ecclesiis qui præficiendi*, *ses.* 7. *c.* 1. *fol.* 23. *ses.* 22. *cap.* 2. *fol.* 57
- Cathedralibus ecclesiis quibus pensiones imponendæ*, *ses.* 24. *c.* 13. *fol.* 72.
- Cathedralibus ecclesiis quæ sunt exigui fructus, quo modo providendum*, *ibid.*
- Cathedralium ecclesiarum penitentiariorum doctor uide. Penitentiariorum.*
- Cathedralē Ecclesiā simul & Parochialem nemo retineat*, *ses.* 24. *ca.* 17. *f.* 73
- Causæ omnes fori ecclesiastici in prima instantia ab ordinariis cognoscantur*, *ses.* 24. *cap.* 20. *fol.* 75.
- Causæ civiles. uide civiles causæ.*
- Causæ exceptæ*, *ibid.*
- Causarum matrimonialium, & criminalium iudicium ad Episcopū spectat. ibi.*
- Causis finiendis biennium præscriptū, ibi.*
- Causis biennio non finitis quod remedium.* *ibidem.*
- Causæ matrimoniales quando extra provinciam cognoscuntur*, *ibidem.*
- Causæ criminum grauiore contra Episcopos a summo solum Pont. cognoscendæ*, *ses.* 24. *c.* 5. *fol.* 70.
- Celebratio Missarum. uide Missa.*
- Censuræ ecclesiastica a iudicibus ecclesiasticis quando ferendæ*, *ses.* 25. *c.* 3. *f.* 82
- Censuræ & interdicta ecclesiastica, siue ab Apostolica Sede, siue ab Episcopo sint, a Regularibus item publicentur & obseruentur*, *ses.* 25. *c.* 12. *fol.* 79.
- Cerimonia in sacramentis ministrandis non contemnendæ*, *ses.* 7. *can.* 13. *f.* 22.
- Cerimonia & ritus in oblatione sacrificij, quare instituti*, *ses.* 22. *cap.* 5. *fol.* 55. non sunt impietatis irritabula. *ibi.* & *can.* 7. 9. *fol.* 56.
- Cerimonia in Ordine sacro non contemnendæ*, *ses.* 23. *can.* 5. *fol.* 60. in nuptijs non damnandæ, *ses.* 24. *can.* 11. *fo.* 66.
- Cerimonia, nisi qua ab Ecclesia receptæ sunt, & pio frequentiq. usu stabilitæ in Missarum celebratione ab Episcopo non permittantur*, *ses.* 22. *fol.* 56.
- Caracter quid*, *ses.* 7. *can.* 9. *fol.* 21. *imprimatur in Baptismo, confirmatione, & Ordine*, *ses.* 23. *ca.* 4. *fol.* 59. non potest deleri, *ibidem.*
- Choræ Clericis prohibentur*, *ses.* 22. *cap.* 1. *fol.* 57.
- Christina sacrum*, *ses.* 7. *can.* 2. *fol.* 23.
- Chalcedonense concillium*, *ses.* 23. *ca.* 16. *fol.* 63.
- Christus, sol iustitiæ, fidei nostræ auctor & consummator*, *ses.* 6. *fol.* 13.
- Christus ante legem & in lege Patribus promissus*, *ses.* ead. *ca.* 2. *fol.* 14.
- Christus, secundus Adā*, *ses.* ea. *c.* 4. *f.* 14
- Christus omnium sacramentorum auctor & perfectior*, *ses.* 24. *fol.* 65.
- Christus causa salutis æternæ omnibus obtemperantibus sibi*, *ses.* 6. *c.* 11. *f.* 15.
- Christus tanquam caput in membra, & uitis in palmites*, *ses.* ead. *c.* 16. *fo.* 17.
- Christus datus non tantum ut redemptor, sed ut legislator*, *ses.* ea. *c.* 21. *f.* 18.
- Christus meruit nobis iustificationem per suam passionem, & satisfecit nostris peccatis*, *ses.* ead. *cap.* 7. *fol.* 15
- Christus pro omnibus mortuus, sed omnes non saluantur*, *ses.* ead. *ca.* 3. *f.* 14.
- Christus totus sumitur sub qualibet specie Eucharistia*, *ses.* 21. *ca.* 3. & *can.* 3. *fol.* 51.
- Christus sedet ad dexteram patris, et ta-*



- men nobiscum est in Eucharistia.* ses. 13. cap. 1. fol. 29.
- Christi amor erga nos.* ses. ead. ca. 8. f. 31.
- Christi resurrectionis uis.* ses. 6. ca. 9. f. 15.
- Christi aduentus mysterium.* ses. 6. cap. 2. fol. 14.
- Christiani.* ses. 6. can. 28. fol. 19.
- Ciborum delectus seruandus.* ses. 25. f. 88.
- Circumstantia peccati, uide peccati circumstantia.*
- Citari Episcopus personaliter non potest, nisi ex causa, ob quam priuandus esset.* ses. 13. c. 6. fol. 33.
- Ciuiilibus in causis definiendis modus iudicibus Ecclesiasticis prescriptus.* ses. 25. cap. 3. fol. 82.
- Ciuiilibus & criminalibus in causis quando appellationi locus est.* ses. 13. cap. 1. fol. 32.
- Clandestinatorum matrimoniorum correctio.* ses. 24. cap. 1. fol. 66.
- Clandestinis in matrimonijs Parochi officium, uide Parochus.*
- Claues datae ad soluendum et ligandum.* ses. 14. c. 8. fol. 37.
- Clauium potestas.* ses. 14. cap. 5. fol. 36. can. 15. fol. 40.
- Claustralium monachorum sacrae scripturae interpretes non examinantur ab Episcopo.* ses. 5. c. 1. fo. 12.
- Clemens Quintus.* ses. 14. cap. 6. fol. 42.
- Clerici concubinarij. uide concubinarij.*
- Clerici coniugati quo modo prima Ton-  
sura gaudeant.* ses. 23. c. 6. fol. 62.
- Clerici peregrini sine commendatijs Episcopi sui litteris ad sacra facienda non recipiantur.* ses. 23. c. 16. f. 63. & ses. 22. Decr. de obser. in Mis. fol. 56.
- Clerici, bona & iura ecclesiastica usurpantes, qua pena puniantur.* ses. 22. c. 11. fol. 58.
- Clerici, qui debitum ecclesiae officium non praestant, qua pena multentur.* ses. 22. c. 3. fol. 57.
- Clerici ordinandi certo loco, & ecclesiae adscribantur, ubi suis fungantur mun-  
neribus.* ses. 23. cap. 6. fol. 62.
- Clericorum uestitus & habitus.* ses. 14. cap. 6. fol. 42.
- Clericis aleae, comestiones, lusus prohi-  
bentur.* ses. 22. c. 1. fol. 57.
- Clericorum uita.* ses. 14. c. 1. fol. 41.
- Clericorum mendicarij prouidetur.* ses. 21. cap. 3. fol. 52.
- Clericorum peregrinationi occurritur.* ses. 23. cap. 16. fol. 83.
- Clericorum uitia punienda, appellatione remota.* ses. 22. c. 1. fol. 57.
- Clericos corrigendi facultas ecclesiarum Praelatis ample tributa.* ses. 14. cap. 4. fol. 41.
- Clericus homicida. uide Homicidium.*
- Clericus secularis, nisi beneficium ha-  
bet, quod ei ad uictum satis sit, non  
promoueat.* ses. 21. c. 2. fo. 52.
- Cluniacensis monasterij priuilegium.* ses. 25. cap. 11. fol. 79.
- Coadiutores in ecclesijs parochialibus  
quando dandi.* ses. 21. c. 5. fol. 53.
- Coadiutoriae cum futura successione tol-  
luntur.* ses. 25. cap. 7. fo. 38. & quo mo-  
do permittuntur. ibidem.
- Cognatio spiritualis, quae contrahitur ex  
Baptismo & Confirmatione, quos at-  
tingat.* ses. 24. cap. 2. fol. 67.
- Collatio quorumcumque Ordinum gra-  
tuita. uide Ordo.*
- Collegij puerorum instituendi uia & ra-  
tio. uide Seminarium.*
- Collegia litteras dimissorias concedendi  
ius non habent, ut quis ordinetur ab  
alijs.* ses. 23. cap. 10. fol. 62.

- Collegia & confraternitates, etiam Lai-  
corum, uisitandi ius est Episcoporum.  
uide Episcopus.*
- Collegiorum persone quo modo sint ex-  
emptæ, ses. 24. c. 11. fol. 71.*
- Collegiorum priuilegijs, quo modo Ordini-  
arijs non detrahatur, ibidem.*
- Collegiata Ecclesiæ nobilis alicuius op-  
pidi qua ratione curent stipendiū inter  
preti sacre scripturæ, ses. 5. c. 1. fol. 12*
- Colloquia & confabulationes ne habeantur,  
quo tempore sacra fiunt, ses. 2. fol. 8. ses. 22. fol. 56.*
- Comites Palatini in beneficijs non liberi  
ab Ordinariorum iurisdictione, ses. 24  
cap. 11. fol. 71.*
- Commenda, seu commendata monaste-  
ria, uide Monasteria.*
- Comestiones Clericis prohibentur. uide  
Clerici.*
- Commissio grauiorū causarū criminaliū  
contra Episcopos, specialis sit, & manu  
summi Pontificis signata, neque  
cuicumque deferatur, ses. 24. c. 5. f. 70*
- Commissiones causarum in prouincijs,  
præter Ordinarios, quibus faciendæ,  
ses. 25. cap. 10. fol. 85.*
- Cōmunionis sub utraque specie & par-  
uulorum doctrina, ses. 21. fo. 50. ad cō-  
munionem sub utraque specie qui non  
astringantur, ses. ead. c. 1. fo. ead. in cō-  
muniōe sub qualibet specie totus et in-  
teger Christus sumitur, ses. ea. c. 3. f. 51*
- Cōpatres in Baptismo qui, f. 24. c. 2. f. 67*
- Concilia prouincialia renouentur, ses. 24  
c. 2. fo. 69. quibus de causis & quo tē-  
pore habenda, ibi. eorū inquisitio qualis  
de ijs, qui Episcopi creandi sunt, ses. ea.  
c. 1. fol. 68. uide prouinciale Conciliū.*
- Concilij Tridentini inchoatio, f. 7. trans  
latio fol. 26. resumptio fol. 27. suspensio  
fol. 45. celebratio Pio. IIII Pont. fol. 46.  
eius cura præcipua qualis, fo. 8. in eo uiuendi  
modus, ibidem.*
- Concubinatus graue peccatum, ses. 24. cap. 8. fol. 68.*
- Concubinarij seuere puniuntur, ses. ead. fol. eodem.*
- Concubinarij Clerici pœna, ses. 25. cap. 14. fol. 85.*
- Concubinarij Episcopi a Synodo prouinciali  
moniti, nisi se emendauerint, ad Romanum Pontificem deferantur. ses. 25. cap. 14. fol. eodem.*
- Confessio lapsis post Baptismum iure di-  
uino instituta, ses. 14. ca. 5. fol. 36. & can. 6. fol. 39.*
- Cōfessio non est carnificina, neque impos-  
sibilis, ses. ead. can. 8. fol. eodem.*
- Confessio est iure diuino necessaria, ses. ead. cap. 5. fol. 36.*
- Confessio secreta. ibidem.*
- Confessionis minister. cap. 6. fol. 37.*
- Consistendi in quadagesima laudabilis  
mos. f. 14. c. 5. fo. 36. & can. 8. fol. 39*
- Confiteri necesse est occulta etiam peccata,  
ses. eadem can. 7. fol. eodem.*
- Confiteri peccati circumstantias, ses. ead. ca. 5. fo. 36. quæ peccata debemus,  
fol. eodem, uenialia etiam. ibidem.*
- Confessiones audire quibus Presbyteris  
liceat, ses. 23. cap. 15, fol. 63.*
- Confessionum libros præcipue discant  
pueri, in Seminarij collegium cooptati  
ses. 23. cap. 18. fol. eodem.*
- Confessio fidei ab eo faciendæ, qui Cathedra-  
li Ecclesiæ præficiendus, est ses. 24  
cap. 1. fol. 69.*
- Confessio Monialium uide Moniales.*
- Cōfirmatio sacramentū, ses. 7. can. 1. f. 23*



- Confirmationis minister Episcopus, ses.** *Conuertitæ, seu Penitentes mulieres, ses.*  
*ead. can. 3. fol. eodem. 25. cap. 18. fol. 80.*
- Confirmationis Sacramentum habeat, qui prima Tonsura est initiandus, ses.** *Criminales causæ cognoscuntur ab Episcopo; neque iniis quidquā valent litteræ conseruatoriæ, ses. 14. cap. 5. fol. 41*  
*23. cap. 4. fol. 61.*
- Confirmatio inter quos spiritualē cognationē contrahat, ses. 24. c. 2. fol. 67.** *Criminales causæ nō Decanorum, neque Archidiaconorum, aut inferiorum iudicio relinquuntur, ses. 24. ca. 20. fo. 75.*
- Consanguinei, & familiares Cardinaliū, et Episcoporū ne fructibus Ecclesiasticis locupletes fiant, ses. 25. c. 1. fo. 81.** *Crimina Episcoporum leuiora a quo iudicanda, ses. 24. ca. 5. fo. 70. & grauiora item, ibidem.*
- Consecratio quo loco facienda, ses. 23. cap. 2. fol. 61.** *Criminosi publice & notorie Clerici sancto altari non ministrent, aut sacris intersint, ses. 22. fol. 56.*
- Consecrationis tempus Episcopis & Cardinalibus, qui Cathedralibus præsunt, præscriptum. ibidem.** *Curati residere ab Episcopis compellantur, ses. 6. cap. 2. fol. 20.*
- Conseruatores Indices, ses. 14. c. 5. fol. 41** *Curati oues suas cognoscere & pascere, præcepto diuino iubētur, ses. 23. c. 1. f. 60*  
*tribunal erectum non habeant, ibid.*
- Conseruatoriæ litteræ quibus, quando, & quibus in causis nihil prosint, ibidem.** *Curatorum inferiorum non residentium pœna, ses. 23. cap. 1. fol. eodem.*
- Consistorio uno proponitur Ecclesia, & in alio fertur iudiciū, ses. 24. c. 1. f. 69.** *Curati quales esse debent, ses. 24. cap. 12. fol. 71.*
- Consuetudo Ecclesiæ in dandis indulgentiis, ses. 25. f. 87. in seruanda Eucharistia pro infirmis, ses. 13. c. 6. f. 31. consuetudo ecclesiastica, ses. 13. c. 7. f. eo. ses. ead. c. 8. fo. eod. can. 5. fo. 32. ses. 14. c. 3. fo. 35. ses. ead. c. 5. fo. 36. c. 7. f. 37. can. 6 fo. 39. ses. 22. cap. 7. fol. 55. ses. 24. fol. 65.**
- Contritio quid, ses. 14. c. 4. f. 35. omni tempore necessaria, ibid. cessatio a peccato, uitæ nouæ propositū, et ueteris detestatio & c. ibid. imperfecta, Attritio dicitur, ibid. non facit hypocritam, nec magis peccatorem, ibid. & can. 5. fol. 39. libera & uoluntaria. fol. 35.**
- Constantiense concilium. fol. 44.**
- Conuentus monachorum sacra scripturæ interpretem habeant, si in iis studia uigere possunt, ses. 5. cap. 1 fol. 12.** *Curati rectores, Abbatibus subiecti, a Metropolitanis ad prædicationem compellantur, ses. 5. cap. 2. fol. 12.*
- Curati inferiores per se, uel per idoneos, Dominicis saltem diebus & festis sollemnibus prædicent. in hoc munere illorum negligentiam uaris modis Episcopo corrigere licet, ses. 5. c. 2. fo. eod.*
- Curati Synodo diæcesana intersint, ses. 24. cap. 2. fol. 69.*
- Curata beneficia plura in cōmendam data simul cum unionibus ad uitam reuocantur, ses. 7. cap. 4. fol. 23.*
- Curata beneficia unita aut annexa uisitare singulis annis Episcopi debent, ses. eadem, cap. 7. fol. 24.*
- Curata plura detinentium pœna, ses. ead. cap. 4. fol. 23.*

- Curata beneficia in simplex beneficium non conuertantur*, ses. 25. c. 16. fol. 86.  
*Curatis beneficiis, quæ monasteriis subiecta sunt, nemo præficiatur sine examine & consensu Episcopi*, ses. 25. ca. 11. fol. 79.  
*Curiosa a popularibus concionibus secludantur*, ses. 25. fol. 76. D.  
*Deambulationes & actiones seculares omnes ab ecclesia tollere, curret Episcopi*, ses. 22. fol. 56.  
*Decalogi præcepta ad christianos pertinere*, ses. 6. can. 18. fol. 18.  
*Decalogi duo ultima præcepta, si uiolantur, nonnunquã grauius animum sauciant, & contra illa duo, si quæ admittuntur, periculosiora*, ses. 14. c. 5. fo. 36.  
*Decanorum uisitatio qualis*, ses. 24. c. 3. fo. 69. *quas causas non iudicant*, ses. ead. c. 20. fo. 75. & ses. 25. c. 14. fo. 85.  
*Decimarum solutio*, ses. 25. c. 12. fo. eod. *eas qui impediunt, excommunicantur*, ibid. *earum assignatione occurritur tenuitati parochialis ecclesiæ*, ses. 24. cap. 13. fol. 72.  
*Decreta concilii Tridentini a Synodis prouincialibus & diocesanis recipiantur*, ses. 25. cap. 2. fol. 81.  
*Decreta de ecclesiastica disciplina, quo modo intelligenda*, ses. 25. c. 27. f. 87.  
*Decretum de canonicis scripturis*, ses. 4. f. 9.  
*Decretum de celebrando concilio*, ses. 17. f. 47.  
*Decre. de defectu librorum etc.* ses. 18. f. 48.  
*Decretum de editione & usu sacrorum librorum*, ses. 4. fol. 10.  
*Decretum de Eucharistiæ Sacramento*, ses. 13. fol. 29.  
*Decretum de inchoando concilio*, ses. 1. f. 7.  
*Decretum de iis quæ seruanda in concilio sunt*, ses. 2. fol. 8.  
*Decretum de indulgentiis*, ses. 25. fol. 87.  
*Decretum de iustificatione*, ses. 6. fol. 13.  
*Decretum de inuocatione Sanctorum*, ses. 25. fol. 76.  
*Decretum de obseruandis & euitandis in celebratione Missæ*, ses. 22. fol. 56.  
*Decretum de peccato Originali*, ses. 5. f. 11.  
*Decretum prorogationis definitionis quatuor articulorum de Sacramento Eucharistiæ*, ses. 13. fol. 33.  
*Decretum prorogationis Sessionis*, ses. 9. fo. 26. ses. 10. fo. 27. ses. 12. fol. 29. ses. 15. fo. 43. ses. 19. fo. 50. ses. 20. fo. eod.  
*Decretum de Purgatorio*, ses. 25. fol. 76.  
*Decret. super petitione cõcessionis calicis*, ses. 22. fol. 58.  
*Decretum de reformatione*, ses. 7. fol. 23. ses. 14. fol. 40. ses. 21. fo. 51. ses. 22. fol. 56. f. 23. fo. 60. f. 24. fo. 68. ses. 25. f. 81.  
*Decretum de reformatione matrimonii*, ses. 24. fol. 66.  
*Decretum de residentia*, ses. 6. fol. 20. ses. 23. fol. 60.  
*Decretum de resumendo concilio*, ses. 11. f. 28.  
*Decretum de sacramentis*, ses. 7. fol. 21.  
*Decretum suspensionis concilii*, ses. 16. f. 45.  
*Decretum de Symbolo fidei*, ses. 3. fo. 9.  
*Decre. de translatione concilii*, ses. 8. f. 26.  
*Depositionis causæ a quibus cognoscantur*, ses. 13. cap. 4. fol. 33.  
*Derogationes quæ non faciendæ*, ses. 25. cap. 5. fol. 82.  
*Deus unus & idem auctor noui & ueteris Testamenti*, ses. 4. fo. 9. *eius magna clementia*, ses. 14. c. 9. fo. 38. & can. 13. fo. 40. *eius iudiciu, sicut misericordia ante oculos habenda*, ses. 6. ca. 16. fo. 17. *eius iudicio uita nostra examinabitur, ibi. eius bonitas*, ibid. *eius gratia semel iustificatos non deserit, nisi deseratur ab illis*, ses. ead. c. 11. fol. 16. *is reddit unicuique iuxta opera sua*,



- ses.ead.ca.16.fol.17.non iubet impos-*  
*sibile,ses.ead.c.11.fol.16.bonū opus*  
*inchoatum perficiet,ibid.c.13.fol.eod.*  
**Diaboli imperium,ses.5.fol.11.tentatio**  
*nibus quo modo facile resistitur,ses.*  
*14.cap.2.fol.38.*  
**Diaconi,ses.23.c.2.fol.57.quo modo or-**  
*dinandi,ses.23.c.12.fol.62.eorū atas*  
*ibid.continentia,ses.ead.c.13.fol.eod.*  
**Diaconatus,ses.23.c.17.fol.63.fes.24.**  
*cap.12.fol.72.*  
**Dignitates ecclesiasticæ quare institutæ,**  
*ses.24.c.12.fol.eod.quibus conferen-*  
*dæ,ibid.fol.eod.in iis collocati reside-*  
*ant,ibid.per quot menses abesse pos-*  
*sint,ibid.sacris initiati,ibid.debent su-*  
*scipere requisitos ordines, ibidem.*  
**Diligentes Christum,eius mandata ser-**  
*uant,ses.6.cap.11.fol.16.*  
**Dimissoria litteræ,uide litteræ dimissoria**  
**Dioeceses quare distinctæ,ses.14.c.9.f.42**  
**Dioecesana Synodus singulis annis haben-**  
*da,ses.24.cap.2.fol.69.*  
**Dioecesana Synodi ius deligendi quattuor**  
*indices ad delegatas causas,ses.25.*  
*cap.10.fol.85.*  
**Dioecesana Synodo qui interesse debent,**  
*ses.24.cap.2.fol.69.*  
**Dioecesana in Synodo iniurandum præ-**  
*standum de seruandis Tridentini Con-*  
*cilii decretis,ses.25.cap.2.fol.81.*  
**Disceptationes contentiosæ sunt uitan-**  
*dæ,ses.2.fol.8.*  
**Disciplina Ecclesiastica restitutio,ses.6.**  
*c.1.fol.20.quo modo cōseruatur,ses.*  
*13.c.1.fol.32.fes.24.c.12.f.72.in ea*  
*quo modo adolescentes perseuerare*  
*possint,ses.23.cap.18.fol.63.*  
**Disciplina monastica restituenda quæ ne-**  
*cessaria,ses.25.ca.1.fol.81.eius ner-*  
*uus,ses.eadem cap.3.fol.82.*  
**Dispensationes extra curiam Romanam**  
*Ordinariis cōmittantur,ses.22.c.5.f.57*  
**Dispensatio de promouendo a quocūque**  
*non ualet nisi cum cōmendatitiis lit-*  
*teris Episcopi,ses.23.c.8.fol.62.*  
**Dispensatio ad contrahendum matrimo-**  
*nium numquā detur,aut raro,idq.ex*  
*causa & gratis,ses.24.c.5.fol.67.*  
**Dispensatio in secundo quibus datur, &**  
*ob quam causam, ibidem.*  
**Dispensationes de transferendo se ad aliū**  
*ordinē,quo modo dētur,f.14.c.11.f.43*  
**Dispensationes de non residendo in perpe-**  
*tuum non suffragantur; temporales*  
*uero quando ualeant,ses.6.c.2.fol.20*  
**Dispensationes de non promouendo ad an-**  
*num suffragantur,ses.7.c.12.fol.24.*  
**Dispensatio de homicidio uolūtario nō da-**  
*tur;de casuali quādo,ses.14.c.7.f.42*  
**Dispensare in canonum Decretis ob quas**  
*causas liceat,ses.25.cap.18.fol.86.*  
**Distributiones quotidianæ si nullæ aut te-**  
*nues quid agendum,ses.21.c.3.fol.52*  
*ses.24.c.15.fol.73.ex fructibus digni-*  
*tatum quo modo ab Episcopo diuiden-*  
*dæ,ses.22.c.3.fol.57.a quibus reci-*  
*piendæ,ses.24.cap.12.fol.72.*  
**Diuinis interesse, aut Missas celebrare,**  
*qui publice criminosi sunt, prohiben-*  
*tur,ses.22.fol.56.*  
**Diuortium,quoad thorum,fit ad tempus**  
*ses.24.can.8.fol.66.*  
**Diuinorū officiorū ratio,tā de cantu,quā**  
*de certa lege in choro permanendi, a*  
*Synodo prouinciali præscribenda,ses.*  
*24.cap.12.fol.72.*  
**Doctores sint Archidiaconi,ses.24.c.12**  
*fol.eod.iis conferantur dignitates,ibi.*  
**Dogmata & Canones huius Synodi, in,**  
*ses.5.fol.11.fes.6.fol.13.fes.7.fol.*  
*21.fes.13.fol.29.fes.14.fol.34.*

- ses. 21. fol. 50. ses. 22. fol. 54. ses. 23. fol. 59. ses. 24. fol. 65. ses. 25. fol. 76.*  
*Doctores sint Archidiaconi, ses. 24. c. 12. f. 72. his conferantur dignitates, ibid.*  
*Doctores, Magistri, et Licentiati in Theologia, uel aliqua Academia approbati, Cathedralibus p̄ficiēdi, ses. 22. c. 2. f. 57*  
*Doctores Vniuersitatū initio cuiusque anni iurent se seruaturus decreta Tridē-  
 tini Concilij, ses. 25. c. 2. fol. 81.*  
*Doctrina de communione sub utraque spe-  
 cie, ses. 21. fol. 50.*  
*Doctrina de Missæ sacrificio, ses. 22. f. 54*  
*Doctrina de Sacramento Matrimonij,  
 ses. 24. fol. 65.*  
*Doctri. de sacramēto ordinis, ses. 23. f. 59*  
*Dominicis diebus & festis sollempnibus  
 pascendus a Parocho populus saluta-  
 ribus uerbis, ses. 5. c. 2. fol. 12.*  
*Dominicis diebus ad parochiam suam po-  
 pulus accedat, ses. 22. fol. 56.*  
*Domini temporales monentur, ut decre-  
 ta Tridentina Synodi obseruent, et ob-  
 seruanda curent, ses. 25. cap. 20. fo. 87*  
*Domini temporales ne cogant subditos  
 ad matrimonium contrahendum, ses.  
 24. cap. 9. fol. 68.*  
*Domus Dei nihil præposterum, inhonestū  
 tumultuarium, aut profanum habere  
 debet, ses. 24. cap. 1. fol. 68.*  
*Duellorum usus Diaboli inuentum, ses.  
 25. c. 19. fol. 86. qui ea cōmittunt, &  
 eorum patrini, & spectatores, & qui  
 dant consilium, qua pœna puniantur,  
 ibid. E.*  
*Ecclesia columna ueritatis, ses. 13. f. 29.*  
*pia mater, ses. ead. f. 34. edoc̄ta a Chri-  
 sto, & ab Apostolis, ses. ead. fol. 29. cō-  
 munis mater inuitat hæreticos ad Con-  
 cilium, ses. 18. f. 48. sperat hæretico-*
- rū conuersionē, fo. 34. in quos exerceat  
 iudicium, ses. 14. c. 1. f. 35. non errat,  
 ses. 24. can. 4. fo. 65. ibid. can. 7. 8. in-  
 stis de causis cōmunicauit laicos sub  
 una specie, ses. 21. can. 2. fol. 51.*  
*Ecclesiæ iudicium de uero sensu scriptu-  
 ræ, ses. 4. f. 10. eius mandatorum obser-  
 uantia, ses. 6. c. 10. f. 15. eius præcepta  
 seruare Baptizati tenentur, ses. 7. can.  
 8. fo. 22. eius usus in Sanctōrū inuoca-  
 tione, ses. 25. f. 76. eius potestas in di-  
 spensatione Eucharistiæ, & aliorū Sa-  
 cramentorum, ses. 21. cap. 2. fo. 51. eius  
 facultas in gradibus affinitatis, ses. 24.  
 can. 3. fol. 65.*  
*Ecclesia primitiua, ses. 14. c. 3. fol. 38.*  
*Ecclesia Romana, mater & magistra om-  
 nium ecclesiarum, ses. 7. can. 3. fol. 22.*  
*Ecclesia Cathedrali uacante, preces ha-  
 bendæ ad Deum, ses. 24. c. 1. fol. 68.*  
*Ecclesiæ dignissimis conferantur, ses. 6. c.  
 1. fol. 20. earum status ex dignitate cō-  
 seruandus, ses. 21. c. 5. fol. 52.*  
*Ecclesiæ, quarum exigui sunt fructus, ha-  
 beant saltem magistrum grammaticæ,  
 ses. 5. cap. 1. fol. 12.*  
*Ecclesiæ oēs ēt collegiata, et parochiales  
 habeant ministros, qui minorū ordinū  
 munera obire possint, ses. 23. c. 17. f. 63*  
*Ecclesiæ dirutæ in profanos usus non con-  
 uertantur, ses. 21. c. 7. fol. 53.*  
*Ecclesiæ Cathedralis, & Parochiales,  
 quibus pensionum onus non imponen-  
 dum, ses. 24. c. 13. fol. 72.*  
*Ecclesiæ receptiua, ses. 24. c. 18. fol. 74.*  
*Ecclesiæ patrimoniales, ibidem.*  
*Editio uulgata sacrorum Bibliorum re-  
 tinenda, ses. 4. fol. 10.*  
*Electi Dei non possunt sciri, nisi ex specia-  
 li reuelatione, ses. 6. cap. 12. fol. 16.*



- Electio Abbatum, Generalium, Abbatissarum, & omnium Prælatorum quo modo habenda,** ses. 25. ca. 6. fol. 78.
- Electiōni Monialium qui præsumunt, claustra ingredi non licet,** ses. 25. c. 7. f. eo.
- Eleemosynarum quæstores. uide quæstores.**
- Eleemosynarum, & piorum locorum ad ministratores rationem Episcopo reddant,** ses. 22. c. 9. fol. 58.
- Episcopi quales,** ses. 2. fol. 8. eorum munus in concilio, ses. ead. fol. eod.
- Episcopi quibus in causis ut Apostolicæ Sedis delegati,** ses. 5. c. 12. fol. 12. ses. 6. c. 2. 3. f. 20. ses. 7. c. 6. fol. 24. c. 14. fol. eod. ses. 13. c. 5. fo. 33. ses. 14. c. 4. fol. 41. ses. 21. c. 3. fol. 52. c. 4. 5. 6. 7. 8. sequentibus. ses. 22. cap. 3. 5. 6. fol. 57. ses. 24. c. 9. 10. 11. 14. sequentibus fol. 71. ses. 25. cap. 8. 9. fol. 78. ses. eadem c. 14. fol. 85.
- Episcopi in locum Apostolorum successerunt,** ses. 23. ca. 4. fol. 59. Presbyteris superiores, ibid. et can. 7. f. 60. creati a Romano Pontifice sunt legitimi Episcopi, ibid. can. 8. ministri sacramenti Confirmationis, ses. 7. can. 3. fol. 23.
- Episcopi a spiritu sancto positi regere ecclesiam Dei,** ses. 23. cap. 4. fol. 59.
- Episcopi in ultimarum uoluntatum cōmuntationibus cognitores,** ses. 22. c. 6. f. 57.
- Episcopi piarum dispositionum executores,** ses. eadem. c. 8. fol. 58.
- Episcopis datur potestas tollendorum ab usum. qui in Missa exorti sunt,** ses. 22. fol. 56. non licet in aliena diœcesi Pontificalia exercere, ses. 6. ca. 5. fo. 20. ses. 14. cap. 2. fol. 41.
- Episcoporum munus uitia coarguere,** ses. 14. cap. 1. fo. 40. docere subditos suis Præpositis obedire, sacrorum conciliorum decreta cōmendare, populum docere, quæ pietatem augent, ses. 25. fo. 76. eorū officiū in Imaginū locatione, in probatione nouorū miraculorū ibi.
- Episcoporum legitimus in atrociori Clericorum crimine numerus aliquando non requisitus,** ses. 13. c. 4. fol. 33.
- Episcopus prædicet,** ses. 5. c. 2. fol. 12.
- Episcopus examinat de moribus & scientia omnes sacre scripturæ interpretes, præter Claustrales,** ses. 5. c. 1. f. 12.
- Episcopus quibus casibus citari possit, uel non possit,** ses. 13. c. 6. fol. 33.
- Episcopus de absolutione mala impetrata cognoscit,** ses. ead. cap. 5. fol. eod.
- Episcopus curet, ut Decretum de Clandestinis matrimoniis in singulis parochiis publicetur,** ses. 24. c. 1. fol. 66.
- Episcopus, inuitis Rectoribus, nouas Parochias quando erigere potest,** ses. 21. cap. 4. fol. 52.
- Episcopus non residens quæ pœna puniatur,** ses. 6. cap. 1. fol. 20.
- Episcopo honor debitus a Principibus deferatur,** ses. 25. c. 17. fol. 86.
- Episcoporum modesta suppellex, mensa, frugalis uictus,** ses. 25. cap. 1. fol. 81.
- Episcoporum causa. uide causæ.**
- Episcopi titulares. uide titulares.**
- Eucharistia sanctiſſ. Sacramēti institutio** ses. 13. c. 2. f. 30. excellentiæ, c. 3. f. eod. cultus & ueneratio. c. 5. f. eod. usus. c. 8. f. 31. eius asseruādæ & ad infirmos deferendæ consuetudo. c. 6. f. eod. in ea realis præsentia Iesu Christi. c. 1. f. 29. de ea Canones. fol. 31. 32.
- Eucharistia ne intra septa, aut eborum monialium seruetur,** ses. 25. c. 10. f. 79.
- Eugeniana constitutio curatis non suffragatur contra Episcopos,** ses. 23. c. 1. f. 60.

61. neque curialibus & familiaribus  
Cardinalium, ses. 2. 4. cap. 11. fol. 71.
- Excommunicatio gladius ecclesiasticæ  
disciplina, ses. 25. cap. 3. fol. 82.
- Excommunicationes & censura ecclesia-  
sticæ quando ferendæ. ibidem.
- Excommunicatus non rescipiscens qua  
pœna puniatur. ibidem.
- Exemptarum ecclesiarum, locorum quo-  
rumcumque piorum, Et Montis pieta-  
tis, & exemptorum monasteriorum ui-  
sitatio est Ordinarij, ses. 7. c. 8. fol. 24.  
ses. 21. c. 8. fol. 53. ses. 25. c. 8. fol. 78.
- Exempti omnes subiecti sunt Ordinarijs  
& quando non, ses. 24. c. 11. fol. 71.
- Exorcista, ses. 23. cap. 2. fol. 59.
- Expectatiuæ non dentur; data abrogen-  
tur, ses. 24. cap. 19. f. 75. F.
- Fabricæ ecclesiæ attribuendi fructus epi-  
scoporum absentium male percepti,  
ses. 23. c. 1. fo. 61. tertia item pars fru-  
ctuum beneficiorum concubinarum, ses.  
25. c. 14. fo. 85. illius administratores  
uiscantur ab Episcopo, ses. 22. c. 9. f. 58
- Facultates de promouendo a quocumque,  
et de non promouendo, uide dispensatio.
- Familiares episcopi quales, ses. 2. f. 8 quæ-  
do ab illis ordinandi, ses. 23. c. 9. f. 62 et  
qui ex illis conseruatoriarum litterarum  
priuilegio gaudent, ses. 14. c. 5. fo. 41.
- Familiares cardinalium qua in re a lu-  
risdictione Ordinarii non liberi sunt,  
ses. 24. cap. 11. fol. 71.
- Festi dies Sanctorum, ses. 25. fol. 76.
- Festum corporis christi, ses. 13. c. 5. f. 30.
- Feudalia directis dominis qua causa ac-  
quirantur, ses. 25. cap. 19. fol. 86.
- Fides nostre salutis initium, & radix iu-  
stificationis, ses. 6. c. 8. fol. 15. non amit-  
titur per peccatum mortale. c. 15. f. 16
- sine operibus mortua est. ca. 7. fo. 13.
- cooperatur bonis operibus. c. 10. f. eo.
- sine ea impossibile est placere Deo. ca.  
8. fol. eod. in christo nihil ualet, nisi  
ea, quæ per dilectionem operatur, cap.  
7. fol. eod. & alia quæ decreto de lu-  
stificatione continentur, ses. 6. fo. 13.
- Fidei rudimenta in singulis parochijs pue-  
ri doceantur, ses. 24. cap. 4. fol. 70.
- Fidei professio. uide Professionem.
- Fiducia hereticorum inanis, ses. 6. c. 9. f. 15
- Filij Dei christum diligunt, ibidem.  
licet in hac uita, quantumuis sancti in-  
uenialia peccata cadant, non propte-  
rea desinunt esse iusti, ibid.
- Filij clericorum illegitimi pensiones non  
habeant in ecclesia, in qua pater ha-  
bet, uel habuit beneficium: si uero ha-  
bent huic rei prouisum est, ses. 25. ca.  
15. fol. 86.
- Fori ecclesiastici causæ in prima instan-  
tia ab ordinarijs cognoscuntur, ses. 24.  
c. 20. fo. 75. fori priuilegio Tonsurati  
quando gaudent, ses. 23. ca. 6. fol. 61.
- Fratres minoris obseruationis. uide capucini
- Fructus in absentia quibus dantur, ses.  
5. c. 2. fol. 12. a curatis in absentia per-  
cipi non possunt, ses. 23. c. 1. fol. 60.  
male percepti nullo modo retinentur,  
ibidem. tuta conscientia a quibus non  
recipiuntur, ses. 24. cap. 17. fol. 73.
- Funeralium quarta. uide quarta.
- G.
- Gehennæ metus facit, ut a peccatis ab-  
stineamus, ses. 6. can. 8. fol. 18. ses. 14.  
cap. 4. fol. 35.
- Generales Ordinum quo modo eligendi,  
ses. 25. cap. 6. fol. 78.
- Grammatica magister in ecclesijs tenui-  
um reddituum. ses. 5. cap. 1. fol. 12.



- Gradus affinitatis & consanguinitatis.** ses. 24. can. 3. fol. 65. ses. ead. c. 2. fol. 67. & cap. 5. fol. eodem.
- Gratia Dei praeueniens, adiuuans.** ses. 6. c. 5. f. 14. eam consecutum se esse nemo scit certitudine fidei, cui non possit subesse falsum ses. ead. c. 9. fol. 15. & alia, quae eadem ses. continentur.
- Gratis fiant dispensationes.** ses. 25. c. 18. fol. 86.
- Gregorius decimus.** ses. 7. c. 3. 5. fol. 23.
- Gymnasia publica sacrae scripturae lectionem habeant, qui & moribus & scientia ab Episcopo probetur.** ses. 5. c. 1. fo. 12. H.
- Habitus Clericalis a quibus deferendus.** ses. 14. c. 6. fol. 42. ses. 23. c. 6. fol. 61. & cap. 17. fol. 63.
- Habitus religionis nullo privilegio occulte ferendus.** ses. 25. ca. 19. fol. 80. post quinquennium non deponendus, ibid.
- Hæresis suspectus qui.** ses. 25. c. 3. fol. 82. hæresis crimen in foro cōscientiæ quis absoluit, ses. 24. c. 6. fol. 70. Hæresim prædicantium pœna. ses. 5. c. 2. fo. 13.
- Hierarchia Ecclesiastica diuina ordinatione instituta, constat ex episcopis, presbyteris, & ministris.** ses. 23. can. 6. fol. 60.
- Homicidij de industria facti pœna, eiusq. casu facti dispensatio.** ses. 14. c. 7. f. 42.
- Hospitalia uisitanda.** ses. 22. c. 8. fol. 58. fideliter administranda curante Episcopo, ses. 7. c. 15. fol. 24. ea obtinentes debitum munus exerceant, ses. 25. c. 8. fol. 83. & cetera, quæ ibid. continentur. alia de Hospitalibus decreta, ses. 22. c. 9. fol. 58. ses. 23. c. 18. f. 63. ses. 24. c. 11. fol. 71. & c. 13. fol. 72.
- I.
- Illiteratis ecclesiarum parochialium rectoribus coadiutores dantur.** ses. 21. cap. 6. fol. 52.
- Imagines Christi, Deiparae, Sanctorum in templis habenda, earum cultus qualis** ses. 25. fol. 76.
- Immunitas ecclesiastica restituenda, de ea canones seruandi.** ses. 25. c. 20. f. 87.
- Impedimenta propter affinitatem ex fornicatione contrahenda.** ses. 24. c. 4. f. 67.
- Impressoribus modus imponitur.** ses. 4. fol. 10.
- Indulgentiarum usus maxime salutaris: qui earum potestatem negant, anathemate damnantur.** ses. 25. f. 87. indulgentiæ ad pietatem, non ad quæstum exercenda, ses. 21. c. 9. f. 53. & a quibus proponenda ibidem.
- Indulta ad alienas ecclesias nemini concedantur; concessa abrogentur.** ses. 24. cap. 19. fol. 75.
- Infames qui.** ses. 25. c. 19. fol. 86. ses. 24. cap. 6. fol. 68.
- Infidelitate amittitur fides.** ses. 6. c. 15. fol. 16.
- Innocentius III.** ses. 7. c. 4. f. 23. ses. 24. c. 1. fol. 66. ses. ead. c. 5. f. 70. & c. 11 sequenti.
- Innocentius IIII.** ses. 22. c. 7. fol. 58.
- Inquisitio de moribus, & uita eius, qui Cathedrali ecclesiæ præficiendus est; eadem in Cardinali seruetur, quæ in Episcopo.** ses. 24. c. 1. fol. 68.
- Iudicium Dei ante oculos quisque habere debet.** ses. 6. c. 16. fol. 17.
- Iudices quattuor in singulis diœcesibus deligendi.** ses. 25. c. 10. fol. 84.
- Iudices breui causas finiant, ibid. ecclesiastici quando censuris ecclesiasticis uti possunt.** ses. eadem. c. 3. fol. 82.

*Ius patronatus ex fundatione*, ses. 25. ca. 9. & cetera, quæ de eo a Tridentina Synodo decreta sunt, eo capite leguntur. fol. 84.

*Iusti per Dei iustitiam, uere iusti sunt*, ses. 6. cap. 7. fol. 15.

*Iustificacionis causæ, ibidem. iustificacionis acceptæ incrementum*, cap. 10. sequenti. ad eam modus præparationis, cap. 5. præcedenti. ad eam naturæ & legis imbecilitas, cap. 1. præcedenti. necessitas præparationis in adultis, cap. 5. ut supra. *Iustificati per Christum*, cap. 3. fol. 14.

I.

*Lapsi post Baptismum quo modo amissâ gratiam recuperant*, ses. 6. can. 29. fo. 19. eorum reparatio, ibid. ca. 14. fo. 16.

*Lateranense Concilium magnum*, ses. 7. c. 1. fol. 23. & c. 3. ses. 24. c. 12. fol. 71. *Lateranense ultimum*, ses. 4. fol. 10.

*Latinam linguam sciant, qui minoribus Ordinibus initiâtur*, ses. 23. c. 11. fo. 62.

*Latriæ cultus, qui debetur Deo, etiâ exhibendus est Christo in Eucharistia*, ses. 13. cap. 5. fol. 30. & can. 6. fol. 32.

*Lectio sacræ scripturæ quibus locis instituenda, lectores quales, quo priuilegio gaudent, stipendium iis qua ratione de cernendum*, ses. 5. c. 1. fol. 12.

*Lectores*, ses. 23. cap. 2. fol. 59.

*Legis Mosis impotentia ad iustificacionem*. fol. 13.

*Liberum arbitrium, ibidē et can. 5. fo. 17.*

*Libri Canonici ueteris & noui Testamentis*, ses. 4. fol. 10.

*Librorū indici corrigēdo præfelli Patres*, ses. 18. fol. 48. *Librorū delectus* ibid.

*Librorum approbatio ab Ordinarijs, quo modo facienda*, ses. 4. de edit. sac. lib. fol. 10.

*Licentiati Cathedralibus præficiendi*, ses. 22. cap. 2. fol. 57.

*Litteræ conseruatoriæ*, ses. 14. cap. 5. fol. 41. *cōmendantiæ*, ses. 23. c. 16. fol. 63.

*dimissoriæ*, ses. 7. cap. 10. fol. 24.

*Litigantium artibus quo modo occurrendum*, ses. 25. cap. 10. fol. 84.

*Locationes bonorum ecclesiasticorum cōmendata*, cap. sequenti.

*Lugdunense Concilium*, ses. 7. cap. 3. 5. fol. 23. ses. 21. cap. 9. fol. 53.

*Lusus & luxus Clericis prohibetur*, ses. 24. cap. 3. fol. 69. ses. 22. c. 1. fo. 56.

M.

*Magistri in Theologia. uide Assumendus.*

*Maiores ordines, & minores quo modo & quibus conferendi*, ses. 23. c. 5. 8. f. 62.

*Mādāta de providēdo. uide Expectatiua.*

*Mandatorum Dei obseruantia, & eorum possibilitas*, ses. 6. cap. 11. fol. 15.

*Mare magnum, quod uocatur, non obstat decreto Concilij de Regularibus, neque quartæ funeralium.*

*Martyrum reliquiæ*, ses. 25. fol. 76.

*Matrimonium Sacramentum magnum; ueteribus connubijs gratia præstat*, ses. 24. fol. 65. a Christo institutum, & gratiam confert. can. 1. fol. eod. propter hæresim non soluitur, can. 5. fol. 66. ratum, non consumatum potest dirimi per sollempnem religionis ingressum, can. 6. eius carimonie non damnanda, can. 11. eius prohibitio certis anni temporibus, ibidem.

*Matrimonia rite & sollempniter contrahendi modus*, ses. 24. cap. 1. fol. 66.

*Matrimonia clandestina ecclesia semper detestata est*, ibidem.


*Matrimonij libertatē impediētiū pena, atque alia, quæ ad matrimonij rationē*





Trent Co. Conn.  
Rose





Cone

1834

Trade

III